

10 300

N. IX. n

Q

10/10/10

P.^{li} γ. $\frac{1}{2}$ sette e mezzo



大英欽定

NEWTON
OPTICE.

NOTWITH
STAND

OPTICE:

SIVE DE

REFLEXIONIBUS, REFRACTIONIBUS,
INFLEXIONIBUS ET COLORIBUS

LUCIS,

LIBRI TRES.

AUCTORE

ISAACO NEWTON,

EQUITE AURATO.

Latine reddidit

SAMUEL CLARKE, S. T. P.

EDITIO NOVISSIMA.



LAUSANNÆ & GENEVÆ,

Sumpt. MARCI-MICHAELIS BOUSQUET & Sociorum.

M D C C X L.







ISAACUS NEWTON

EQUES Anno. Ætat. 84. An. Chr. 1726.

APUD

MARCUM-MICHAELEM BOUSQUET

Et socios MDCCXL.

Daudet sculp. Lugd.



V I R O
LONGE CELEBERRIMO,
JOANNI BERNOULLIO,
MEDICINÆ DOCTORI,
MATHESEOS IN UNIVERSITATE BASILIENSI,
PROFESSORI CLARISSIMO,
SOCIETATUM REGIARUM

†

PARL.

• PARISIENSIS, LONDINENSIS, PETROPOLI-
TANÆ, BEROLINENSIS, BONONIENSIS,

S O C I O,

N U L L I S E C U N D O

VIR CELEBERRIME,



AMPRIDEM *circumspici-*
cienti mihi, cui hanc, quam
adornavi, novam Opticæ
NEWTONI Editionem po-
tissimum commendarem,
ipse Liber quo me conver-
terem ostendit; identidem
monens, si & famæ Authoris, & suæ digni-
tatis rationem habere vellem, unius tantum
Viri

Viri patrocini exornari debere ; neque aliud cum NEWTONI nomine quam JOHANNIS BERNOULLII nomen conjungi posse. His justissimis rationibus permotus , Tibi , Celebrissime Vir , hoc opus inscribendum putavi , a summo , ut nosti , Britannorum Viro profectum , a magnis Viris summis encomiis condecoratum , & , quod cumulus laudis videtur , Tibimet ipsi , ut ex Amico comperi , in tot aliis a NEWTONO egregie scriptis , inprimis vehementer probatum. Hinc Tuum Nomen merito præfigendum erat. Cum enim & scribentis , & probantis cujusque separatim tanta sit auctoritas ; quid tanta nomina in eadem pagina conjuncta valebunt ? Neque hic quidquam dico de quo dubitari possit , aut quod non æque apud omnes in confesso sit.

Præclarissima enim inventa , quibus jam ex quinquaginta fere annis Geometriam in immensum ampliasti , jam dudum in eo gradu Te constituerunt , ut hodie nemo hoc in genere Tecum se comparare ausit. Et Te , quotquot sunt bene cordati rerum Mathematicarum ju-
† 2 *dices,*

ces , omnis fere Geometriæ sublimioris uno ore patrem prædicant atque instauratorem ; & quidquid hodie pulchri in Geometria perficitur , Tuis principiis , ceu armis , peragi confitentur. Nam , ut multa alia taceam , ipsum hoc ævo tantopere celebratum Infinitorum calculum , cuius ope tot nova in lucem protrahuntur , Tua præcipue opera ex tenebris erutum , perpolitum , & maximis quæstionibus applicatum fuisse , candide agnoscunt. Quod profecto si non fecisses , tam acerba contentio de ejus vero inventore haud dubie nunquam audita fuisset. Cum itaque Gallia suum CARTESIUM , Batavia suum HUGENIUM commemoret ; Germania vero de LEIBNITIO triumphos agar , & Britannia suum NEWTONUM tanquam Semideum in cælos efferat ; habebitne Helvetia de quo gloriatur , quæ Virum dedit , qui non solum errores vidit & emendavit , sed , quod mihi multo majus videtur , hos ipsos Viros recte laudare , nempe intelligere & imitari docuit ?

In quibus cum merito Tuæ, Vir Celeberrime,
&

& amplissimæ Tuæ familiæ laudes celebrentur ; tum etiam non parum decoris & ornamenti Patriæ inde accessisse videtur. Nam cum antea bellicæ quidem laudis Helvetiæ multum esset , & non satis noti nostri homines , animo quidem boni , sed mente tardiores perhiberentur ; Tu , quod parvum non est , primus ostendisse videris , quid ingenio in abstrusissimis valeant , quamprimum digna statuisserent in quibus elaborarent ; & cum , non multo antebac , in hoc genere omnia exteris concederemus , nunc , tanquam mutata alea , Tua , & Tuorum Opera factum est , ut hoc tempore , nullis repugnantibus , facile in Geometria principatum obtineamus.

Tametsi autem Tu , Vir Celeberrime , Tuique Nostris , ad hæc studia & excolenda & sublevanda , summo incitamento fueritis , & jam pridem quoque & hoc tempore , multa egregia tam sacræ quam profanæ antiquitatis monimenta in Publicum prodierint , ut nusquam fere magis ; Nescio tamen quî fiat , ut in Mathematicis rebus , quæ hodie tantopere excoluntur ,

tur , nihil admodum a nostratium typis præclari sive ad gloriam , sive ad discentium utilitatem profectum sit ; si a Tua Manuaria Nautica , & JACOBI fratris Conjectandi Arte discesseris. Cum itaque decreverim Rem Librariam olim apud nos florentem , jam autem pene collapsam , quantum in me est , restaurare , & aliquid boni in publicos usus conferre ; id mihi agendum potissimum censui , Mathematicas disciplinas nostris typis illustrare , quo saltem partem eorum , quibus Optimæ Scientiæ continentur , in nostra penu reperire possimus. Hinc & WOLFII Compendium Elementorum Matheseos , & NEWTONI Tractatum de Coloribus simul excudo , quo & tironibus & exercitatis prospiceretur , & utrisque esset in quo se exercerent.

*Concede itaque , ut hic in Britannia natus Liber , tanquam novus hospes , his in terris sub Tuis auspiciis innotescat , familiaritates contrahat , & amicos paret. Non potes non hoc officii genus & ipsis Manibus defuncti NEWTONI tribuere , qui dum viveret Te maximi fecit ; quem amicum habuisti , & sæpius
maxi-*

DEDICATORIA. VII

*maximis laudibus condecorasti. Vale, Vir
Excellentissime, & fave his meis conatibus,
ac Tua benevolentia prosequere; quo nec bo-
rum me pœniteat, & majoribus studia Ma-
thematica juvanda alacrior reddar.*

VIR CELEBERRIME,

Illustrissimi Tui Nominis Cultor,
ad quælibet Officia paratus, promp-
tus, obsequentissimus,

Dabam
LAUSANNÆ
die 1. Aprilis Anni, Æræ
Dionys. 1740.

MARCUS - MICHAEL
BOUSQUET.



P R Æ F A T I O

I N T E R P R E T I S.



IN rerum naturæ investigatione, non fictis hypothefibus, non levibus conjecturis, fed vel calculo Mathematico, vel clavis certisque experimentis, omnino innitendum effe ei, qui maximis erroribus implicari & in fumma rerum naturalium ignoratione verfari nolit; convenit jam fere inter eruditos omnes, peritioresque Philofophos.

Atque

Atque hac demum naturam speculandi ratione, quam longe, non ultra opinionem modo, sed ultra hominum etiam doctissimorum spem, proferri possint scientiæ fines; edocuit illustrissimus Author noster, vir & fide & moribus antiquis, & summa modestia; atque in utroque philosophandi genere, tum calculis Mathematicis ponendis, tum experimentis capiendis, longe omnium quicumque fuerint & perspicacitate ingenii & judicii firmitate princeps.

Superioris generis immensum exemplum est liber ille nunquam satis laudandus, qui inscribitur *Philosophiæ naturalis principia mathematica*. In quo celeberrimus Author, cum ex phænomenis motuum investigasset vires naturæ, deinde ex istis viribus demonstravit phænomena reliqua: & cum ex phænomenis cœlestibus, per propositiones mathematicæ demonstratas derivasset vires gravitatis, quibus corpora ad Solem & planetas singulos tendunt; deinde ex istis viribus, per propositiones itidem mathematicas, deduxit motus planetarum, cometarum, & lu-

næ. Atque ita Astronomiam tandem tradidit, non jam amplius in conjecturis nixam, sed omnibus suis numeris perfectam plane & absolutam scientiam.


Posterioris generis exemplum est hic tractatus. In quo nova ac miranda luminis phænomena; refractionum inæquabilitas, radiorum in eandem superficiem iisdem angulis incidentium alternæ reflexionis ac transmissus vices, variæ radiorum prope corporum obsectorum extrema parvo intervallo transeuntium inflexiones, & sui singulorum colores connati & immutabiles; clarissimis experimentis, sine ulla omnino hypothese, comprobantur simul & explicantur luculentissime.

Quare nihil hic opus est ut lectorem moneam, luminis proprietates; ejusque motuum leges, sibi in hoc pulcherrimo opere explicatum iri, stupendas plane ac inauditas, perque omnia retrò secula reconditas atque abditas; easdem tamen jam dehinc ita apertas futuras, ita manifestas, ut nemo posthac, hujusmodi rerum intelligens, dubitare possit, quin intimam lucis colorumque naturam tam
per-

perspectam habeat, tam sibi hic ante oculos positam & penitus patefactam cernat, quam quod in rerum natura uspiam est exploratissimum.

Verum, quoniam illustrissimo Authori visum est, librum hunc sermone Anglico scriptum emittere, & in præfatione sua cavere, ne quis, se insciente, eum in alium sermonem converteret; id hic certior faciendus est lector, hanc versionem & authoris jussu inceptam, & eodem approbante absolutam; & quæcunque in orationis contextu, majoris perspicuitatis gratia, aliquantulum immutata sint, paucula quidem illa, sed quæcunque sint, ea omnia, vel jussu authoris vel ejusdem permissu, esse immutata.


S. Clarke.



A U T H O R I S

MONITIO PRIOR

AD LECTOREM.



A R S aliqua hujus tractatus de lumine, scripta fuit anno 1675, rogatu amicorum quorundam e Societate Regia; ad cujus Societatis Scribam tum missa fuit, & in conventu ipsorum perlecta: Pars autem ejus reliqua, post annos circiter duodecim addita est, ad theoriam perficiendam atque absolvendam; exceptis tertio libro,

libro , & observatione ultima in parte ultima libri secundi , quæ postea ex chartulis dispersis sunt collecta. Ne controversiis me de hoc argumento implicari paterer , distuli usque adhuc hunc tractatum in lucem emittere ; & distulissen usque , nisi me movisset tandem amicorum importunitas. Si quæ aliæ chartæ super hac materia , erepserunt injussu meo ; imperfectæ sunt eæ , & forsitan ante scriptæ , quam omnia experimenta hoc in libro memorata cepissem ; mibique ipsi , quæ essent refractionis leges , colorumque componendorum ratio , satis comprobassem. Edidi jam [Anglice] quæ mihi de hoc argumento visum est emittere ; & nolim ea , me insciente , in alium sermonem converti.

Coronas colorum , quæ circum solem & lunam nonnunquam videntur , conatus sum quadantenus explicare ; verum , inopia plurium observationum , materiam illam aliis penitus explorandam relinquo. Argumentum tertii quoque libri imperfectum dimisi ; quia nec omnia ceperim experimenta , quæ , cum hæc agerem , mecum statueram capere ; nec , quæ ceperam , omnia iteraverim , donec de singulis ipsorum circumstantiis possem

*mibi ipsi facere satis. In his chartis edendis ,
illud solummodo mibi institutum fuit ; ut quæ
ipse experiundo comperissem , communicarem ;
quæque adhuc restant , aliis penitus exploranda
commendarem.*

Aprilis 1mo
1704.

I. N.

A U T H O R I S
M O N I T I O A L T E R A
A D L E C T O R E M.

T*Ractatus Mathematicos in priori Opti-
ces nostræ editione sub finem annexos ,
in secunda hac editione , utpote ad ean-
dem materiam minus spectantes , subungere
omisi. In fine libri tertii , Quærendorum nu-
merum adauxi. Et nequis gravitatem inter
essen-*

essentiales corporum proprietates me habere existimet, quæstionem unam de ejus causa investiganda subjeci. Quæstionem, inquam: Quippe qui experimentis rem istam nondum habeam exploratam.

Julii 16to
1717.

I. N.

B I B L I O P O L A
L E C T O R I
S.

NON ignorantem quem inter tot eximia NEWTONI opera locum huic assignaverint peritiores judices, nec ullibi præterquam in Britannia typis expressum latine fuisse, cur, ut parabile jam ubique fieret, effecerim, rationes multis proferam, sane nihil est opus. Intelliget namque protinus gratissimum perutileque juxta futurum cultoribus genuinæ Physices consilium, quo sine diu porro forte plurimi caruissent hisce lucubrationibus, ex uno earum natali solo hætenus comparandis; utique post longas demum moras & ambages cupidis molestissimas, ac pretio denique minime vulgari: plane ut exteri, longe præsertim a mare diffiti, frustra plerumque eas expeterent, nostratibusque certe paucissimis tam esse felicibus, ut consequerentur, contigerit. Quo ne posthac desiderio amplius laborarent inani, prælo in his oris subjiceretur Liber necesse omnino erat. Hujus itaque a me susceptæ operæ rationem reddere superfedissem, si quod ad te perti-

pertineret ultra, *Lector Benevole*, nihil habuisssem dicendum. Nec
 quæ tui commodi causa, præter simplicis recusationis præstantissimi
 Operis curam, tentaverim atque præstiterim, commemorassem quo-
 que; ni tua interesset horum certior ut fieres, quibus hæc Editio
 cæteris omnibus anteferri a te mereatur. Sunt autem sequentia.
 Quam emendatissima ut prodiret prima mihi certe potissimaque in-
 spectio fuit; quod & obtinui Matheseos Professoris celeberrimi offi-
 ciosissima diligentia: cujus in me collati beneficii perennem me-
 moriam non contestari piaculum ducerem. Ne præterea vel in Sculp-
 toris arte atque manu ad Figurarum delineationem, vel in Chartæ
 nitore, aut Typorum elegantia, quicquam jure delicates desidera-
 rent, sumptibus non peperci. Et voti fane compotem me factum
 nemo cum ratione negaverit. Quibus jam nominibus pariter atque
 vera Magni NEWTONI Imagine, vix extra Britanniam visa, orna-
 mento haud dubie acceptissimo futura fronti hujus Operis, gratiam
 inivisse aliquam spero: majorem vero, imo maximam *Indicibus*,
 quos confici curavi, duobus. Priore nempe, quem ideo *Synop-
 sin Librorum* &c. appellavi, & ante Tractatum collocavi, Experi-
 mentorum, Observationum, & Quæstionum scopus & usus indica-
 tur: altero autem Materialium Index Generalis continetur. His cer-
 te accessionibus, tam necessariis atque levando studiosorum labori,
 consulentiumque, idoneis, queis tamen & omnes à Britannis emissæ
 Editiones Latinæ, & Gallica ipsa Parisina carent, quin præstitisse me
 quidquid in edendo opere perfectissimo abs Bibliopolæ diligentia
 præstari valeat, agnoscant cordatiores, nullus dubito: unde ad alia
 juvandis id genus studiis non minus apta mittenda, aut recuden-
 da, factus alacrior & animosior, plura, Deo favente, Officina nostra
 suppeditabit. Vale.



SYNOPSIS

LIBRORUM, DEFINITIONUM, AXIOMATUM
PROPOSITIONUM, EXPERIMENTORUM,
OBSERVATIONUM & QUÆSTIONUM.

LIBER I. PARS I.

AUCTORIS institutum pag. 1
DEFINITIO I. *Radiatorum lu-*
minis. 2
DEF. II. *Refrangibilitatis radio-*
rum, majoris minorisve, 2
DEF. III. *Reflexibilitatis radio-*
rum, majoris minorisve, 3
DEF. IV. *Anguli incidentiæ,* 3
DEF. V. *Angulorum reflexionis*
& refractionis, 3
DEF. VI. *Sinuum incidentiæ,*
reflexionis & refractionis, 3
DEF. VII. *Luminis simplicis*
homogenei, similis. Lumi-
nis compositi, heterogenei, dis-
similis, 4
DEF. VIII. *Colorum primario-*

rum, homogeneorum simplicium.
Colorum heterogeneorum, com-
positorum, 4
AXIOMA I. *Anguli incidentiæ,*
reflexionis & refractionis, in
uno eodemque plano siti sunt. 4
AX. II. *Angulus reflexionis æ-*
qualis est angulo incidentiæ. 4
AX. III. *Si radius refractus di-*
recto ad punctum incidentiæ
revertatur; in eam ipsam li-
neam, quam radius incidens
ante descripserat, refringe-
tur. 4
AX. IV. *Refractio e rariori me-*
dio in densius, fit versus per-
pendicularem; hoc est, ita ut
angulus refractionis sit angu-

lo incidentia minor. pag. 5
 A x. V. Sinus incidentiæ est ad
 sinum refractioni in data ra-
 tione, vel accurate, vel quam
 proxime. 5

A x. VI. Radii homogenei ex di-
 versis cujusvis objecti punctis
 fluentes, & in planam aut
 sphericam superficiem reflecten-
 tem aut refringentem, ad perpen-
 diculum aut fere ad perpendicu-
 lum incidentes; divergent dein-
 cept a totidem aliis punctis, aut
 paralleli evadent totidem aliis
 lineis, aut convergent versus
 totidem alia puncta; accurate,
 aut saltem absque errore sensi-
 bili. Hocque idem eveniet si
 radii a duabus, tribus, plu-
 ribusve planis sphericisve super-
 ficiebus successive reflectantur
 vel refringantur. 7

Foci definitio. 7

A x. VII. Quocunque in loco ra-
 dii ex omnibus cujusvis objec-
 ti punctis fluentes, in totidem
 alia puncta, postquam reflexio-
 ne aut refractione coacti fue-
 rint, iterum conveniunt; eo
 in loco imaginem istius objecti
 super quovis corpore albo in
 quod inciderint, depingent. 9

A x. VIII. Objectum, quod in-
 terveniente reflexione aut re-

fractione aspiciatur, eo sem-
 per in loco videtur, unde ra-
 dii post ultimam reflexionem
 aut refractionem divergunt,
 quo tempore in oculum specta-
 toris incidunt. 11

PROPOSITIO I. THEOREMA

I. Lumina, quæ colore diffe-
 runt, ea itidem refrangibili-
 tatis gradibus inter se diffe-
 runt. 13

EXPERIMENTUM I. Char-
 ta bicolor, trans Prisma videtur
 bisecta. 13

EXPER. II. Imago objecti
 rubri, radiis per lentem trans-
 missis depicta, magis a lente
 distat, quam objecti cærulei
 imago. 15

SCHOLIUM. Corporum na-
 turalium colores non sunt pror-
 sus homogenei. 17

PROP. II. THEOR. II. Lumen
 Solis constat ex radiis diverse
 refrangibilibus. 18

EXPER. III. Radius Solis,
 per foramen rotundum in te-
 nebricosum cubiculum intro-
 ductus, & per prisma trans-
 missus; oblongam, discolorem
 imaginem in opposito pariete
 depingit. 18

EXPER. IV. Foramen ro-
 tundum, trans Prisma inspectum
 oblon-

oblongum , discolor apparet.

pag. 22

EXPER. V. Radius Solis , idem qui in Exp. 3. per bina Prismata transversim sita transmissus , imaginem oblongam , obliquam depingit. 23

EXPER. VI. Radius , a primo Prismate magis refractus , a secundo magis refringitur. 30

EXPER. VII. Charta , binis coloribus prismaticis tincta , trans Prisma videtur bisecta. 32

EXPER. VIII. Imago objecti , radiis per lentem transmissis depicta , magis a lente distat , cum id lumine rubro collustratur , quam cum lumine cæruleo 35

EXPER. IX. Radii cærulei citius a superficie plana prismatis reflectuntur quam radii rubri. 37

EXPER. X. Binis prismatis similibus in formam parallelopipe di colligatis , possunt reflexione separari radii magis refrangibiles à minus refrangibilibus. 39

SCHOLIUM docens quomodo Exp. 9. & 10. in unum conjungi possint. 41

PROP. III. THEOR. III. *Lumen solis constat ex radiis , qui reflexibilitate , inter se diffe-*

runt : & qui radii magis refrangibiles sunt , iidem quoque sunt magis reflexibiles. 43

PROP. IV. PROBLEMA I. *Separare à se invicem heterogeneos luminis compositi radios.* 44

EXPER. XI. Radius solis , primo per lentem , deinde per Prisma refractus , in pariete depingit Imaginem oblongam , cujus Colores diversi parum admodum sunt permixti. 46

PROP. V. THEOR. IV. *Lumen homogeneum regulariter , sine ulla dilatatione , diffusione aut discussione radiorum , refringitur : Et confusior ille objectorum lumine heterogeneo per corpora refringentia visorum aspectus oritur ex diversa refrangibilitate radiorum diversorum generum.* 50

EXPER. XII. Lumen homogeneum prismate refractum , imaginem rotundam sui coloris , depingit. 50

EXPER. XIII. Circulus chartaceus , lumine homogeneo collustratus , trans prisma rotundus videtur. 51

EXPER. XIV. Minuta corpora , in lumine homogeneo , per prisma videntur distincte. 51

PROP. VI. THEOR. V. *Sinus incidentiæ cujusque radii seorsum ,*

*sum, est ad sinum refractionis
sua in data ratione.* 52

EXPER. XV. Colligitur id
ex inclinatione Imaginum ra-
diis per bina prismata transver-
sim posita transmissis depicta-
rum, ad Imaginem radiis
per unum prisma transmissis de-
pictam. 53

Idem mathematice demon-
stratur ex hoc Principio; cor-
pora lumen refringere, agen-
do in radios ejus in lineis ad
superficies suas perpendicula-
ribus. 55

PROP. VII. THEOR. VI. Con-
spicilla tubulata, quominus
numeris omnibus perfecta con-
strui queant, facit diversa ra-

diorum luminis refrangibilitas. 57

Radiatorum, ex aëre in vitrum
transeuntium, refraçtio. 57

EXPER. XVI. Lentis ejusdem
distantiæ focales variæ sunt, pro
variis radiatorum incidentium co-
loribus. 60

Errores vitrorum objectivo-
rum ex diversa radiatorum re-
frangibilitate nascentes, multò
majores sunt erroribus qui ex
vitrorum figura sphaerica ori-
untur. 67

Telescopi per reflexionem in-
ventum. 73

PROP. VIII. PROBL. II. Con-
spicilla tubulata in brevitatem
contrahere. 77

LIBER I. PARS II.

PROP. I. THEOR. I. Phæ-
*nomena colorum in refracto
aut reflexo lumine, non oriun-
tur ex novis modificationibus
luminis, quæ, pro variis lumi-
nis umbræque terminationibus,
varie sint impressæ.* 81

EXPER. I. Si radii solaris, in
cubiculum tenebriosum intro-
missi, & per prisma refracti,
pars alba transeat per foramen;

ea depinget in pariete solitos
prismatis colores, quorum qui-
libet umbræ confinis potest fie-
ri; intercipiendo scil. ad pris-
ma partem luminis incidentis
convenientem. 81

EXPER. II. Charta alba, expo-
sita in foco lentis, in quam in-
cidat imago prismatica, alba
quidem videtur, si radiis re-
fractis ad perpendiculum obji-
citur,

citur, colorata verò, si oblique iisdem exponitur. 83

EXPER. III. Radius solis, per prisma refractus, & simul ac primum exierit in albam chartam incidens, album colorem in ea depingit, si ea radio perpendicularis fuerit; colores autem alios, si obliqua.

83

EXPER. IV. Colores bullarum, quibus pueri ludunt, varii sunt, & varie immutantur nulla habita ratione confinii umbræ.

85

PROP. II. THEOR. II. *Omne lumen homogeneum, colorem habet proprium & suum, refrangibilitati suæ respondentem: isque color nullis reflexionibus aut refractionibus mutari potest.*

87

EXPER. V. Lumen homogeneum, per Prop. 4. Part. 1. separatum, novis refractionibus, neutiquam colorem mutat.

87

EXPER. VI. Lumini homogeneo exposita corpora cujuscunque coloris, omnia ejusdem coloris, ac lumen illud, videntur.

88

DEFIN. *Radiatorum rubrorum, aurorum, viridum, cæruleo-*

rum, violaceorum. pag. 89

PROP. III. PROBL. I. *Definire refrangibilitatem diversorum generum homogenei luminis, coloribus suis diversis respondentem.*

90

EXPER. VII. Id fit, metiendo intervalla quæ singuli colores occupant, in imagine prismatica distinctissima.

90

EXPER. VIII. Lumen ut libet refractum, si contrariis refractionibus ita correctum sit, ut radius emergens fiat parallelus incidenti, semper album remanet.

92

PROP. IV. THEOR. III. *Colores compositione procreari possunt, qui luminis homogenei coloribus plane similes sint futuri, in speciem quidem & ad oculorum sensum, non autem in coloris immutabilitatem & ad constitutionem ac naturam luminis. Iique colores, quanto magis compositi sunt, tanto minus largi intensique fiunt: donec nimia tandem compositione dilutiores languidioresque facti, penitus demum evanescant, in album vel subalbidum conversi. Fieri quoque potest, ut colores compositione producantur, qui nullis homogenei luminis*

††† 3

minis

*minis coloribus prorsus similes
sint futuri.* 95

PROP. V. THEOR. IV. *Albi-
tudo & colores omnes cinerei
inter album & nigrum, com-
poni possunt ex coloribus: &
Solis luminis albor compositus
est ex primariis omnibus colo-
ribus, apta portione inter se
commixtis.* 96

EXPER. IX. Charta alba,
objecta ante imaginem prisma-
ticam, eo colore infecta appa-
ret, cui propior est: quod si
æque distet ab omnibus, can-
dida videtur. 96

EXPER. X. Charta alba, po-
sita in foco lentis, in quam in-
cidebat imago prismatica, albo
lumine perfunditur: ultra vel
citra focum, coloribus prisma-
ticis pingitur. 97

EXPER. XI. Imago prismati-
ca, per aliud prisma priori pa-
rallelum, ex debito intervallo,
inspecta, alba & rotunda vi-
detur. 102

EXPER. XII. Radius Solis,
per prisma primum, deinde per
pectinem transmissus, in charta
alba parum distante, colores
depingit: sed cellerrimo pec-
tinis motu, ii delentur & char-
ta alba apparet. 103

EXPER. XIII. Confusi duo-
rum prismatum colores albitu-
dinem producant. 105

EXPER. XIV. Spuma aquæ
sapone incrassatæ, multicolor;
è longinquo candida videtur.
107

EXPER. XV. Pulveres co-
lorati apta portione permixti,
pulverem album, vel cinereum
producant. 107

PROP. VI. PROBL. II. *In mix-
tura colorum primariorum, da-
ta cujusque quantitate & qua-
litate, invenire quis sit futu-
rus compositi color.* 111

PROP. VII. THEOR. V. *Colo-
res omnes in rerum universita-
te, qui quidem ex lumine ori-
untur, & non a viribus ima-
ginationis pendeant, sunt vel
colores luminum homogeneorum,
vel ex illis compositi: idque
vel accurate, vel quam proxi-
me, secundum regulam in præ-
cedenti problemate expositam.*

114

PROP. VIII. PROBL. III. *Ex
proprietatibus luminis supra
expositis, explicare colorum
prismatibus exhibitorum ratio-
nem* 116

EXPER. XVI. Arcus cæru-
leus, radiis per faciem planam
pris-

matris reflexis, videtur. p. 119
 PROP. IX. PROBL. IV. *Ex proprietatibus luminis supra expositis, explicare Arcus celestis colorum rationem.* 121

PROP. X. PROBL. V. *Ex proprietatibus luminis supra expositis, explicare colorum in corporibus naturalibus permanentium rationem.* 124

EXPER. XVII. *Corpus cuiusvis coloris, in lumine ho-*

mogeneo sui coloris, clarissimum & luminosissimum videtur: in lumine alterius coloris obscurum & tenebricosum. 129

PROP. XI. PROBL. VI. *Permixtis inter se luminibus coloratis, componere radium luminis, qui sit eodem colore eademque natura, ac radius directi luminis Solis; in eoque experiri propositionum præmissarum veritatem.* 134

LIBER II. PARS I.

Observationes circa reflexiones, refractiones & colores corporum tenuium pellucidorum.

OBSERVATIO I. Apprimendo ad se invicem duò prismata, quorum facies erant aliquantulum convexæ, in contactu macula radiis transmissis pellucida; radiis reflexis nigra vel tenebrosa apparuit. 140

OBS. II. Circa maculam hanc videbantur arcus colorati, qui prismatum ad radios lucis obliquitatem semper augendo, in annulos integros flectebantur, primo coloratos, deinde albos & nigros, tandem coloratos, sed ordine colorum inverso. 141

OBS. III. Annuli albi & nigri valde fuerunt distincti, e longinquo visi. Oculo propius admoto non nihil confusi & colorati videbantur: horum numerus. 142

OBS. IV. Vitri objectivi, parum convexi, superficiei convexæ, vitrum planam super impostum, maculam, & annulos coloratos successive emergentes exhibet. 143

OBS. V. Annuli colorati, & obscuri, habent diametrorum suorum quadrata in Arithmetica pro-

- progressione. pag. 145
- OBS. VI. Aereæ lamellæ vitris interjectæ crassitudo. 146
- OBS. VII. Annuli obliquius inspecti majores videntur. 149
- OBS. VIII. Macula centralis obliuatione oculi augetur. 151
- OBS. IX. Radiis transmissis, contrarii videntur colores, quam qui reflexis apparent. 152
- OBS. X. Aqua inter bina vitra objectiva subrepente, annuli minores facti sunt. 152
- OBS. XI. Bullula medii cujusdam aere subtilioris in aqua videbatur inter bina vitra. 153
- OBS. XII. Vitra objectiva lumini colorato exposita sunt: Annuli distinctiores videbantur. 154
- OBS. XIII. Annuli per lumen rubrum producti; majores annulis per lumen cæruleum exhibitis. 154
- OBS. XIV. Coloribus variis successive in vitra incidentibus, contrahebantur aut dilatabantur annuli. Contractio & dilatatio in colore rubro celerrima, in violaceo lentissima. 155
- OBS. XV. Hi annuli unius erant coloris, ejus scil. qui erat à prisma projectus. Annulorum interordinia, propter lumen transmissum, nigra videbantur. 156
- OBS. XVI. Quadrata diametrorum annulorum erant quoque in arithmetica progressione. 157
- OBS. XVII. Bulla aquæ sapone incrassatæ annulos coloratos regulares exhibet. 158
- OBS. XVIII. Horum colores quo ordine, qua serie se mutuo exceperint describitur. 159
- OBS. XIX. Oblique inspecti hi annuli dilatabantur. 161
- OBS. XX. Radiis transmissis, contrarii videbantur colores, quam qui reflexis apparebant. 164
- OBS. XXI. Lapidis specularis lamella tenuis eisdem colores, sed languidiores exhibet madida, quam sicca. 164
- OBS. XXII. Lamella tenuis vitrea in aere colores floridiores exhibet, quam lamella aerea binis vitris interjecta. 165
- OBS. XXIII. Annuli intimi copiosius lumen reflectunt, quam exteriores. 165
- OBS. XXIV. Annuli colorati per prisma multo plures videntur quam oculo nudo. 166

LIBER II. PARS II.

Considerationes super præmissis observationibus. pag. 169

LIBER II. PARS III.

De permanentibus corporum naturalium coloribus, & analogia quæ est inter eos colores, & colores tenuium laminarum pellucidarum. pag. 186

PROP. I. *Eæ oorporum pellucidorum superficies plurimum luminis reflectunt, quæ vim refringentem maximam habent; hoc est, quæ inter talia interjectæ sunt media, quorum densitates refractivæ inter se maxime differunt. Et in confinibus mediorum æqualiter refringentium, nulla est reflexio.* 187

PROP. II. *Partes minimæ corporum naturalium fere omnium, sunt aliquo modo pellucidæ. Et opacitas istorum corporum oritur ex multitudine reflexionum, quæ in interioribus ipsorum partibus fiunt.* 189

PROP. III. *Inier corporum opacorum & coloratorum partes, multa interjacent spatia: vel*

vacua, vel mediis, quæ densitate ab istis partibus differant, repleta. 190

PROP. IV. *Quo corpora opaca esse queant, & colorata; partes ipsorum, itemque earum intervalla, debent non esse minora quam certæ cujusdam & definitæ magnitudinis.* 191

PROP. V. *Pellucidæ corporum partes, pro varia sua crassitudine, reflectunt radios uno colore, & transmittunt radios alio colore; eisdem de causis, ac tennes lamellæ, sive bullæ reflectunt vel transmittunt radios istos comparate. Atque huic quidem causæ, corporum omnium colores omnes attribuendos existimo.* 192

PROP. VI. *Corporum partes, ex*
++++
qui-

quibus colores ipsorum pendent, densiores sunt quam medium, quod intervalla earum permeat. 194

PROP. VII. Magnitudo partium ex quibus corpora naturalia constant, quæ sit, ex coloribus ipsorum conjici potest. 195

PROP. VIII. Reflexionis causa, non attribuenda est impetui luminis in partes corporum solidas sive impervias: quomodo usque antebac creditum fuit. 202

PROP. IX. Corpora reflectunt & refringunt lumen una eademque vi, diverse in diversis circumstantiis se exerente. 203

PROP. X. Si lumen celerius sit in corporibus quam in inani, ea proportionem, quæ est Sinuum qui corporum refractionem metiuntur; erunt utique vires corporum ad reflectendum & refringendum lumen, proportionales corporum ipsorum densitatibus quam proxime; excepto quod corpora unctuosæ & sulphureosæ, refringant plusquam alia corpora, quæ sint eadem densitate. 209

PROP. XI. Lumen propagatur spatio temporis, a corporibus lucidis; impenditque in tran-

situ suo de Sole in Terram, ad septem circiter vel octo minuta. 215

PROP. XII. Omnis radius luminis, in transmissu suo per quamlibet superficiem refringentem, nanciscitur constitutionem quandam seu dispositionem transitoriam, quæ in radii progressu æqualibus revertitur intervallis, efficitque ut is in singulis dispositionis istius accessibus, transmittatur facilius per superficiem refringentem proximam deinceps objectam: in singulis autem ejusdem intermissibus sive intervallis, reflectatur facilius ab ejusmodi superficie. 216

DEFINITIO Vicium facilioris flexionis, vicium facilioris transmissus, & intervallorum vicium. 219

PROP. XIII. Causa, quæ obrem superficies corporum omnium crassorum pellucens, luminis sibi incidentis partim reflectant partim refringant, hæc est; quod radiorum alii, quo tempore incidunt, sint in vicibus facilioris reflexionis; alii autem, in vicibus facilioris transmissus. 219

PROP. XIV. Quæ corporum pellu-

pellucetium superficies radium, qui sit in vice facilioris refractionis, refringunt fortissime, eæ eundem, si sit in vice facilioris reflexionis, reflectunt facillime. 220

PROP. XV. In radiis cujusvis unius & ejusdem generis, emergentibus in quovis angulo e quavis refringente superficie, in quodvis unum idemque medium; intervalla sequentium vicium facilioris reflexionis & facilioris transmissus, sunt, vel accurate, vel quam proxime, ut rectangulum secantis anguli refractionis, & secantis alius cujusdam anguli, cujus sinus videlicet sit prima ex 106. arithmeticiis mediis proportionalibus inter sinus incidentiæ & refractionis, incipiendo a sinu refractionis. 221

PROP. XVI. In radiis diversorum generum, emergentibus in æqualibus angulis e quavis refringente superficie, in unum idemque medium; intervalla sequentium vicium facilioris reflexionis & facilioris transmissus, sunt, vel accurate, vel quamproxime, ut radices cubicæ quadratorum longitudinum chordæ, quæ sonent no-

tas illas musicas in octava, sol, la, fa, sol, la, mi, fa, sol, una cum gradibus suis omnibus intermediis, ad colores radiorum illorum respondentibus, secundum eam similitudinem proportionum, quam in 7. Exper. 2. Partis . Libri exposuimus. 221

PROP. XVII. Si radii unius cujusvis generis transeant in diversa media ad perpendicularum: intervalla vicium suarum facilioris reflexionis & facilioris transmissus in quovis uno medio, erunt ad earundem intervalla in alio quovis medio, ut sinus incidentiæ ad sinum refractionis radiorum transeuntium e primo duorum istorum mediorum in secundum. 222

PROP. XVIII. Si radii qui exhibent colorem in confinio flavi atque aurei interjacentem, tr. n. seant ad perpendicularum e quovis medio in aerem, intervalla vicium, suarum facilioris reflexionis, sunt $\frac{1}{82000}$ pars unciæ. Et ejusdem quoque longitudinis sunt intervalla vicium suarum facilioris transmissus. 222

PROP. XIX. Si radii cujusvis
 †††† 2 gene-

generis, incidentes in superficiem politam medii cujusvis pellucidi, reflectantur; vices facilioris reflexionis, quas ii habent in puncto reflexionis, revertentur usque continuis vicibus; earumque reversiones distabunt a reflexionis puncto, spatiis quæ sint in arithmetica progressionem numerorum 2, 4, 6, 8, 10, 12, &c. Inque vicium istarum intervallis, erunt radii in vicibus facilio-

ris transmissus. 223

PROP. XX. *Intervalla vicium facilioris reflexionis & facilioris transmissus, propagatarum a punctis reflexionis in quodvis medium, æqualia sunt intervallis similium vicium, quas iidem radii ita utique habituri essent si refracti forent in idem medium per angulos refractionis æquales angulis suis istis reflexionis.* 224

LIBER II. PARS IV.

Observationes circa reflexiones, & colores laminarum crassarum, pellucientium & politarum.

OBS. I. Speculum vitreum concavo convexum radio Solis, in cubiculum tenebricosum per exiguum foramen immisso, directe oppositum, reflectit versus foramen quatuor vel quinque irides concentricas, vel annulos colorum, 226

OBS. II. Horum annulorum colores quo ordine, qua serie se mutuo excipiant. 227

OBS. III. Annuli isti diametros habent, quorum quadrata sunt in arithmetica progressionem. 228

OBS. IV. Per prisma multo plures videntur. 229

OBS. V. Radio unius coloris in speculum incidente, annuli quoque videntur ejusdem illius coloris, sed diversæ magnitudinis pro diversitate colorum. 229

OBS. VI. Oculo collocato eo in loco

- loco ubi annuli videbantur, in ipso speculo fasciæ coloratæ vi-
sæ sunt 232
- Obs. VII. Annuli hi similes annu-
lis in Parte I. hujus Libri de-
scriptis, eandem causam ag-
noscunt. 233
- Obs. VIII. Ex vitri speculi cra-
ssitudine colligitur vices facilio-
ris reflexionis & facilioris refle-
xionis, 34386. rediisse. 236
- Obs. IX. Idem annuli per re-
flexionem speculi vitrei alterius
crassitudinis producti, causam
eorum in Obs. 7. allatam con-
firmant, 240
- Obs. X. speculum radio solis o-
blique oppositum, annulos quo-
que producit. 242
- Obs. XI. Annulorum istorum
colores, ortus & magnitudo. 243
- Obs. XII. Annuli, in eodem
situ speculi, producti per re-
flexionem radii luminis homo-
genei. 245
- Obs. XIII. Annuli, quos pro-
ducit lumen per guttam aquæ
transmissum: indeque corona-
rum circa solem aut Lunam
minorum causa. 247

L I B E R I I I .

Observationes circa inflexiones luminis & colores inde generatos.

- Obs. I. Radio solis, in cubicu-
lum tenebricosum per exiguum
foraminulum admissio; um-
bra capilli justo latior est, &
tanto latior quanto magis a ca-
pillo distans. 252
- Obs. II. Hæc umbra ternis fasciis
coloratis erat fimbriata. 254
- Obs. III. Umbræ, fimbriarum,
& spatiorum intermediarum
latitudines, ad diversa a capillo
intervalla. 355
- Obs. IV. Fimbriarum, & inter-
vallorum latitudines quadrata
habent in harmonica progres-
sione. 257
- ++++ 3
- Obs.

OBS. V. Radius solis prope cultri
aciem transiens inflectitur. 258

OBS. VI. Radius solis inter binas
cultrorum acies transiens sic in-
flectitur, ut appareat magis in-
flecti lumen, quod propius a-
cies transit. 260

OBS. VII. In Obs. præcedente
fimbriæ apparent coloratæ. 261

OBS. VIII. Radii Solaris, inter
binas acies cultrorum, perexi-
guum angulum continentium,
transeuntis inflexio. 262

OBS. IX. Dimensiones distantiae
cultrorum in iis locis ubi radios
inflectunt. 263

OBS. X. Fimbriæ cultrorum um-
bras terminantes, hyperboli-
cæ. 265

OBS. XI. Fimbriatæ umbræ cor-
porum in lumine homoge-
neo. 267

QUESTIO I. Annon corpora a-
gunt in lucem ex intervallo ?
270

Qu. II. Annon radii, qui refran-
gibilitate differunt, differunt
etiam flexibilitate ? Et annon
inde fimbriæ supra memoratæ ?
270

Qu. III. Annon radiorum prope
corpora transeuntium inflexio
multiplex ? 270

Qu. IV. Annon radii lucis in cor-

pora incidentes, inflectuntur
priusquam ad ipsa perveniant ?

271

Qu. V. An non corpora & lucem
agunt in se mutuo ? 271

Qu. VI. Cur corpora nigra reli-
quis facilius incalescunt ? 271

Qu. VII. Cur corpora sulphuro-
sa facilius ignem concipiunt ?

271

Qu. VIII. Quid causæ est, cur
quædam corpora luceant ? 272

Qu. IX. Annon Ignis est corpus
eiusque calefactum, ut lucem
copiosius emittat ? 273

Qu. X. Annon Flamma est Fu-
mus candefactus ? 273

Qu. XI. Annon corpora magna
calorem diutius conservant ? Et
unde calor Solis & Fixarum ?

275

Qu. XII. Annon sensus videndi
efficitur per vibrationes in re-
tina excitatas a radiis incidenti-
bus, & ad cerebrum propa-
gatas ? 276

Qu. XIII. Annon sensus diver-
sorum colorum oritur ex di-
versa vibrationum magnitudi-
né ? 277

Qu. XIV. Unde harmonia &
discordia colorum ? 277

Qu. XV. Annon Nervorum op-
ticorum coitus in uno loco,
in

in causa est, cur binis oculis
objectum videatur simplex &
unum? 277

Qu. XVI. Annon colores, ex
oculi pressu visi, oriuntur ex
motibus in fundo oculi excita-
tis per pressum? 278

Qu. XVII. Annon radii in me-
dium incidentes, in eo vibra-
tiones excitant, quæ vicium
facilioris reflexionis facilioris-
que transmissus causæ sint? 279

Qu. XVIII. Annon calor per
vacuum delatus, ostendit spa-
tia quot vacua dicuntur repleti
medio quodam aere subtiliori?
280

Qu. XIX. Annon lucis refractio
oritur ex densitate hujus medii
in diversis locis diversa? 280

Qu. XX. Annon hoc medium
æthereum pro eo ut ex crassis
densisque corporibus in vacuum
eatur, densius evadit? 281

Qu. XXI. Annon eo pacto effi-
citur ut inter corpora & eorum
partes singulas vigeat perpetua
& reciproca gravitas? 281

Qu. XXII. Annon resistentia
quam hoc medium objicit cor-
porum motibus, tam exigua
est ut instar nihili reputetur?
283

Qu. XXIII. Annon Visus &
Auditus efficitur hujus medii
vibrationibus quæ in organo
excitentur & ad Cerebrum per
Nervorum capillamenta solida
propagentur? 284

Qu. XXIV. Annon motus ani-
malis medii ejusdem vibratio-
nibus efficitur, quæ in cerebro
potestate voluntatis excitentur,
indeque in musculos propagen-
tur? 284

Qu. XXV. Annon aliæ sunt lu-
minis proprietates, præter eas
quæ hætenus descriptæ sunt?
Et annon mira crysalli Islandicæ
refractio aliam nobis a-
perit proprietatem? 285

Qu. XXVI. Annon radiorum
luminis diversa sunt latera, di-
versis proprietatibus prædita?
Et annon inde refractio inusi-
tata crysalli Islandicæ potest
explicari? 288

Qu. XXVII. Annon errantes
sunt hypotheses, quas con-
finxerunt philosophi, ut phæ-
nomena luminis per novas ra-
diorum modificationes explica-
rent? 291

Qu. XXVIII. Annon erran-
tes sunt hypotheses, quibus
lumen in pressu quodam, seu
motu

motu per fluidum propagato
consistere fingitur ? 291

Qu. XXIX. Annon radii lu-
minis exigua sunt corpuscula,
e corporibus lucentibus emis-
sa. 298

Qu. XXX. Annon corpora cras-
sa & lumen in se mutuo con-

verti & transmutari possunt ? 302

Qu. XXXI. Annon exiguæ
corporum particulæ vires ha-
bent attrahentes & repellen-
tes, quibus agant mutuo in se
ipsæ, per interjectum aliquod
intervallum ? 303

F I N I S.



O P T I



OPTICES

LIBER PRIMUS.

P A R S P R I M A.



IN hoc libro conscribendo, non mihi id institutum fuit, ut positis certis hypothesebus, luminis proprietates exinde explicarem; sed ut istas proprietates simpliciter propositas, ratione duntaxat experimentisque comprobarem. Quem in finem, definitiones & axiomata subjecta præmittere statui.

A

DEFL

DEFINITIONES.

DEFINITIO I.

Per radios luminis, minimas ipsius partes intelligo, easque tam in eisdem lineis successivas, quam contemporaneas in diversis.

Liquet enim lumen ex partibus constare, tum successivis, tum contemporaneis: quippe in uno eodemque loco id luminis quod uno momento advenit, intercipere licet; & quod momento proxime sequenti advenit, permittere ut transeat: item uno eodemque tempore lumen in quolibet loco intercipere licet, & quovis alio in loco permittere ut transeat. Ea enim luminis pars, quæ intercipitur, non potest eadem esse atque ista quam transire permittas. Minimum lumen, aut minima luminis pars, quæ sola sine reliquo lumine vel intercipi possit, vel sola propagari; aut quæ agere vel pati quicquam possit, quod reliquum lumen eodem tempore non agat vel patiatur: hæc est, quam appello *radium* luminis.

DEFINITIO II.

Refrangibilitas radiorum luminis, est dispositio ea, qua ita comparati sunt, ut in transeundo ex uno corpore translucido, sive medio, in aliud, refringantur seu de via deflectantur. Et major minorve radiorum refrangibilitas, est dispositio ea qua apti sunt, ut in paribus incidentiis super unum idemque medium, magis minusve de via detorqueantur.

Mathematici plerumque secum ita fingunt; radios luminis esse lineas à corpore lucido ad corpus illuminatum pertingentes; horumque radiorum refractionem, esse linearum istarum flexionem aut fractionem in transeundo ex uno medio in aliud. Atque hoc quidem de radiis & refractionibus dici possit, si lumen uno momento propagetur. Verum cum ex temporum eclipsium

Jovis

D E F I N I T I O N E S.

3

Jovis satellitum æquationibus , id colligi videatur , lumen spatio temporis propagari ; adeo ut e Sole in terram septem circiter minutorum spatio deferatur ; radios ac refractiones ita laxè definire malui , ut quicquid de luminis propagatione statuatur , hæ tamen definitiones in utramque partem veræ ac certæ sint.

D E F I N I T I O I I I .

Reflexibilitas radiorum , est dispositio ea , qua ita comparati sunt , ut in quodcunque medium inciderint , ab ejusdem superficie in idem rursus unde profecti sunt medium reflectantur. Et radii magis minusve reflexibiles sunt , qui facilius aut difficilius reflectuntur.

Exempli gratia : cum lumen e vitro in aërem transeat , & pro eo ut ad communem vitri aërisque superficiem magis magisque inclinetur , ex toto tandem ab ista superficie reflecti incipiat : quæ radiorum genera vel paribus incidentiis majori copia reflectuntur , vel radios paulatim inclinando citius ex toto reflectuntur ; ea maxime reflexibilia sunt.

D E F I N I T I O I V .

Angulus incidentiæ , est angulus , qui linea ab incidente radio descripta , & linea ad reflectentem aut refringentem superficiem perpendiculari , in puncto incidentiæ continetur.

D E F I N I T I O V .

Angulus reflexionis aut refractionis , est angulus , qui linea a reflexo aut refracto radio descripta , & linea ad reflectentem aut refringentem superficiem perpendiculari , in puncto incidentiæ continetur.

D E F I N I T I O V I .

Sinus incidentiæ , reflexionis & refractionis , sunt sinus angulorum incidentiæ , reflexionis & refractionis.

DEFINITIO VII.

Lumen cujus omnes radii sunt aequae refrangibiles, id ego simplex, homogeneous, & simile appello: Cujus autem radiorum alii magis quam alii refrangibiles sunt, id ego compositum, heterogeneous, & dissimulare appello.

Prius lumen ideo homogeneous appello, non quod id plane & omnimode homogeneous esse, affirmare velim; sed quod radii qui pari sunt refrangibilitate, iidem in istis saltem omnibus, de quibus in hoc libro differendum erit, proprietatibus inter se conveniunt,

DEFINITIO VIII.

Colores homogenei luminis, appello primarios, homogeneos & simplices: luminum autem heterogeneousorum colores, heterogeneous & compositos.

Hi enim ex luminum homogeneous coloribus semper compositi sunt; ut ex iis quæ infra dicenda sunt, apparebit.

AXIOMATA.

AXIOMA I.

Anguli incidentiæ, reflexionis & refractionis, in uno eodemque plano siti sunt.

AXIOMA II.

Angulus reflexionis, aequalis est angulo incidentiæ.

AXIOMA III.

Si radius refractus directo ad punctum incidentiæ revertatur; in eam ipsam lineam, quam radius incidens ante descripserat, refringetur.

AXIO-

A X I O M A I V.

Refractio e rariori medio in densius , fit versus perpendicularem ; hoc est , ita ut angulus refractionis sit angulo incidentiæ minor.

A X I O M A V.

Sinus incidentiæ est ad sinum refractionis in data ratione , vel accurate vel quam proxime.

Quare si in una radii incidentis inclinatione , cognita sit ista proportio ; cognita erit etiam in omnibus. Unde refractionis in omnibus incidentiæ casibus super unum idemque corpus refringens , determinari potest. Exempli gratia ; si refractionis fiat ex aëre in aquam , sinus incidentiæ luminis rubri , ad sinum refractionis ejusdem luminis , est ut 4 ad 3. Si refractionis fiat ex aëre in vitrum , sinus erunt inter se ut 17 & 11. In lumine aliorum colorum , aliæ sunt sinuum proportionibus : sed ea differentia adco parva est , ut raro ejus ullam rationem haberi sit necesse.

Sit igitur R S [Fig. 1.] aquæ stagnantis superficies , & C punctum incidentiæ , ubi radius ab A in linea A C per aërem delapsus , reflectitur aut refringitur. Jam ut inveniam quo iste radius , postquam reflexus aut refractus fuerit , sit perrecturus ; erigo super aquæ superficiem e puncto incidentiæ perpendicularem C P , eamque deorsum produco ad Q. Tum ex Axiomate primo concludo , radium , postquam reflexus aut refractus fuerit , alicubi in plano anguli incidentiæ A C P producto reperiri debere. Super perpendicularem C P igitur demitto sinum incidentiæ A D : & si radius reflexus , quis sit , quærat ; produco A D ad B , ita ut D B sit æqualis isti A D ; & duco C B : quæ linea C B , erit radius reflexus : angulus enim reflexionis B C P ejusque sinus B D , æquales sunt angulo & sinui incidentiæ ; uti , ex secundo Axiomate , fieri debet. Sin autem radius refractus , quis sit , quærat ; produco A D ad H , ita ut D H ad A D eam proportionem habeat , quam habet sinus refractionis ad sinum incidentiæ , hoc est (si lumen sit rubrum ,) rationem 3 ad 4.

TAB. I.

A 3

Tum

Tum centro C , in plano ACP , & radio CA , descripto circulo ABE ; duco parallelam perpendiculari PCQ lineam HE , quæ secet circumferentiam in E : & ducta CE , ista linea CE erit radius refractus. Si enim demittatur EF perpendicularis ad lineam PQ ; ista linea EF , quoniam angulus refractionis est ECQ , erit sinus refractionis radii CE . Qui sinus EF , æqualis est ipsi DH ; & consequenter eam proportionem habet ad sinum incidentiæ AD , quam habent 3 ad 4.

Eodem modo si per prisma vitreum (hoc est, vitrum duobus æqualibus & parallelis triangulis ab extremitatibus suis terminatum, tribusque planis & bene politis compactum lateribus, quæ tribus parallelis lineis a ternis angulis unius extremi ad ternos angulos alterius extremi pertingentibus interjunguntur,) si, inquam, luminis per hujusmodi prisma transmissi refractionis quærat: sit ACB [Fig. 2.] planum, quo prisma ea sui parte, qua lumen transmittitur, secetur transversum per istas lineas parallelas quibus ternæ ipsius facies interjunguntur: sitque DE radius incidens in primam faciem prismatis AC , ubi lumen in vitrum ingreditur. Tum posito quod sinus incidentiæ ad sinum refractionis eam proportionem habeat, quam habent 17 ad 11; inveni EF primum radium refractum. Qui porro radius quum sit ipse radius incidens in secundam faciem vitri BC , ubi lumen egreditur; iterum refractus radius FG simili ratione invenietur, ponendo sinum incidentiæ ad sinum refractionis eam habere rationem, quæ est 11 ad 17. Si enim sinus incidentiæ ex aëre in vitrum, sit ad sinum refractionis, ut 17 ad 11; liquet sinum incidentiæ e vitro in aërem fore e contrario ad sinum refractionis, ut 11 ad 17; uti ex tertio Axiomate patet.

TAB. I. Simili fere ratione, si $ACBD$ [Fig. 3.] sit vitrum ex utraque parte sphærice convexum (quod vulgo *lens* appellatur, quale est vitrum ustorium, aut conspiciillum vulgare, aut vitrum objectivum conspiciilli tubulati,) & quærat quomodo lumen e puncto lucido Q in hoc vitrum incidens, refringi debeat: sit QM radius incidens in quodvis punctum M primæ superficiæ sphæricæ ACB ; & erigendo lineam vitro perpendicularem in puncto M ,
invenia-

inveniatur primus refractus radius MN , ex proportione sinuum 17 ad 11. Idem radius e vitro egressurus incidat in N ; tumque inveniatur secundus radius refractus Nq , ex proportione sinuum 11 ad 17. Qua eadem ratione inveniri quoque potest refractione, cum lens ex altera parte convexa, ex altera plana sit vel concava; aut cum ex utraque parte sit concava.

A X I O M A V I.

Radii homogenei ex diversis cujuscvis objecti punctis fluentes, & in planam aut sphericam superficiem reflectentem aut refringentem, ad perpendiculum aut fere ad perpendiculum incidentes; divergent deinceps a totidem aliis punctis, aut paralleli evadent totidem aliis lineis, aut convergent versus totidem alia puncta, accurate aut saltem sine errore sensibili. Hocque idem eveniet, si radii a duabus, tribus, pluribusve planis sphericisve superficiebus successive reflectantur vel refringantur.

Punctum, a quo radii divergunt, vel ad quod convergunt, appellari potest ipsorum *Focus*. Et, si focus incidentium radiorum datus sit, focus radiorum reflexorum aut refractorum inveniri poterit, computando binorum quorumvis radiorum refractionem, sicuti supra traditum est; vel etiam facilius hoc modo.

CAS. 1. Sit ACB . [Fig. 4.] planum reflectens aut refringens, TAB. I. & Q focus incidentium radiorum. & QqC linea plano isti perpendicularis. Jam si hæc linea perpendicularis producat ad q , ita ut qC fiat æqualis QC ; punctum q erit focus radiorum reflexorum.

Vel, si qC capiatur ab iisdem partibus plani, ac ipsa QC ; habeatque eandem proportionem ad QC , quam habet sinus incidentiæ ad sinum refractionis; punctum q erit focus radiorum refractorum.

CAS. 2. Sit ACB [Fig. 5.] superficies reflectens cujuscvis sphaeræ, cujus centrum sit E . Biseca quemvis ipsius radium (puta EC) in T . Et, si in isto radio, ab iisdem partibus puncti T , TAB. II.

cti T , sumantur puncta Q & q , ita ut TQ , TE , & Tq sint continue proportionales; & punctum Q sit focus radiorum incidentium; punctum q erit focus reflexorum.

TAB. I. CAS. 3. Sit ACB [Fig. 6.] superficies refringens cujusvis sphaeræ, cujus centrum sit E . In quovis ipsius radio EC in utramque partem producto, capiantur æquales ET & Ct ita, ut ad istum radium eam proportionem seorsum habeant, quam habet sinus incidentiæ & refractionis is qui minor fuerit, ad differentiam ipsorum sinuum. Tum si in eadem linea inveniantur duo quævis puncta Q & q , ita ut TQ sit ad ET , ut Et ad tq ; (sumendo tq in contrarias partes a puncto t , ac TQ a puncto T ;) & punctum Q sit focus radiorum incidentium; punctum q erit focus refractorum.

Porro, eodem modo focus radiorum bis vel sæpius reflexorum aut refractorum, inveniri poterit.

TAB. I. CAS. 4. Sit $ACBD$ [Fig. 7.] lens refringens, sphaerice convexa aut concava, aut plana utraque superficie; sitque CD axis ipsius, (hoc est, linea quæ utramque ejus superficiem ad perpendiculum secet, & per centra sphaerarum transeat; inque hoc axi producto, sint F & f radiorum refractorum foci ratione supra exposita inventi, cum radii incidentes ex utraque parte lentis sint axi eidem paralleli; & diametro Ff bisecto in E describatur circulus. Finge jam quodvis punctum Q focum esse radiorum incidentium. Duc QE , quæ secet circulum prædictum in punctis T & t ; in eamque sume tq , quæ eam proportionem habeat ad tE , quam habet ipsa tE sive TE ad TQ . Sit tq a contrariis partibus puncti t , ac TQ a puncto T ; & q erit radiorum refractorum focus, sine errore sensibili; modo punctum Q non tanto intervallo ab axe distet, nec lens ipsa adeo lata sit, ut radiorum nonnulli in superficies refringentes nimio plus obliqui incident.

Simili opere, cum dati sint duo foci, inveniri possunt superficies reflectentes aut refringentes; eoque pacto forma lentis exprimi, quæ efficiat ut radii ad quemvis locum, vel à quovis loco dato, fluant.

Itaque

Itaque hujus Axiomatis summa hæc est. Si radii in aliquam planam aut sphaericam superficiem sive lentem incidant, & , antequam in istam superficiem incidant, fluant a dato puncto vel ad datum punctum Q ; hi radii, postquam reflexi vel refracti fuerint, fluent a puncto q , vel ad punctum q , quod ratione supra exposita definitum fuerit. Et, si radii incidentes fluant a diversis punctis, vel ad diversa puncta, Q ; radii reflexi vel refracti fluent a totidem punctis, vel ad totidem puncta, q , quæ eadem ratione inveniri poterint. Utrum a puncto q , an contra ad istud punctum, radii hi reflexi & refracti fluant; ex ipso puncti istius situ, facile dignoscitur. Si enim istud punctum situm sit ab iisdem partibus superficiei sive lentis reflectentis aut refringentis, ac punctum ipsum Q ; & radii incidentes fluant a puncto Q : radii reflexi, ad q ; & refracti, a q , fluent. Sin autem radii incidentes fluant ad punctum Q : radii reflexi a q ; & refracti, ad q , fluent. Quod si istud punctum q situm sit a contrariis partibus ejusdem superficiei; omnia tunc contra, ac dicta sunt, evenient.

A X I O M A VII.

Quocunque in loco radii ex omnibus cujusvis objecti punctis fluentes, in totidem alia puncta, postquam reflexione aut refractione coacti fuerint, iterum conveniunt; eo in loco imaginem istius objecti, super quovis corpore albo in quod inciderint, depingent.

Exempli gratia: si $P R$ [Fig. 3.] sit corpus foris objectum; & $A B$ TAB. I. lens, ad cubiculi tenebricosi fenestram, operculi foramini infixæ; qua radii a quovis objecti istius puncto Q fluentes ita cogantur, ut in puncto q iterum conveniant; & chartæ albæ plagula in q , ad excipiendum lumen immissum, collocetur: objecti $P R$ imago, juxta specie ac forma, colorumque ipsorum conveniente responso, in chartam depicta conspicietur. Ut enim lumen quod fluit a puncto Q , pergit ad punctum q : ita lumen quod fluit ab aliis objecti punctis P & R , ad totidem alia puncta p & r , eis in imagine respondentia, perget; uti, ex sexto Axiomate, liquet. Atque hoc pacto unumquodque objecti punctum, suum in ima-

B
gine

gine punctum illuminabit; adeoque imago depingetur, qua debet forma atque colore; & plane omni ratione, nisi quod inversa appareat, objecti ipsius simillima. Atque hæc porro est causa experimenti istius etiam in vulgus noti, quo rerum foris objectarum imagines in cubiculo tenebricoso super parietem aut chartæ albæ plagulam depictas excipere solent.

TAB. II. Eodem modo, cum quodvis objectum P Q R [Fig. 8.] oculis intuemur; lumen, quod ex diversis objecti punctis fluit, ita refringitur a pellucidis oculi tunicis atque humoribus, (hoc est, ab exteriori tunica E F G, quæ *Cornea* appellatur; & a crystallino humore A B, qui est ultra pupillam *m k*;) ut id coactum in fundo oculi in totidem aliis punctis iterum conveniat, ibique objecti imaginem in pellicula illa, quæ *Tunica Retina* appellatur, quaque oculi fundum obtectum est, depingat. Anatomici enim, cum exteriorem illam & crassiorem pelliculam, quæ *dura mater* appellatur, oculi fundo detraxerint; transpicientes per tunicas tenuiores, rerum objectarum imagines in eis pulchre depictas videre possunt. Quæ quidem imagines per nervorum opticorum fibras in cerebrum motu propagatæ, visus causa sunt. Pro eo enim, ut hæc imagines magis minusve distinctæ sunt, ipsum objectum magis minusve distincte visu percipitur. Si oculus aliquo forte colore ita imbutus sit, (quomodo evenit cum quis ictero laborat) ut imagines in fundo oculi isto colore tinctæ sint; omnia corpora objecta tum isto colore itidem videntur infecta. Si oculi humores progrediente ætate deficientes ita imminuantur, ut tunica cornea & humoris crystallini integumentum se in planiorem superficiem contrahant; lumen minus æquo refringetur, eaque de causa non conveniet in fundo oculi, sed in loco aliquo ulteriori; & proinde imago in fundo oculi paulo confusius depingetur; quæ imago pro eo ut magis minusve confusa fuerit, ipsum itidem objectum videbitur confusum. Hæc causa est, quamobrem senibus plerunque visus deficiat: Atque hinc etiam apparet, quomodo conspicienda ipsis multum adjumento sint ad distincte videndum. Ista enim vitra convexa, oculi jam in compressiorem

figu-

figuram se contrahentis defectum rotunditatis explent; & refractionem augendo, efficiunt ut radii citius solito convergentes, distincte in fundo oculi conveniant; modo vitrum, pro ratione compressioris oculi figuræ, apta factum sit proportionem convexum. Jam vero myopes, quorum oculi nimium globosi sunt, ideoque non nisi propius admota cernunt, omnia contra quam diximus experiuntur. In horum enim oculis, cum refractione nimia sit, radii ita convergunt, ut intra oculum prius conveniant, quam fundum ejus attigerint: ac proinde imago in fundo oculi depicta, & consequenter visio ipsa, non erit distincta; nisi vel objectum adeo prope ad oculum admoveatur, ut locus, quo radii coituri convergunt, jam remotior factus, in fundum oculi incidat; vel nimie oculi rotunditati subventum sit, refractionesque minuantur, adhibendo vitrum apta proportionem concavum; vel ipsa tandem ætate oculus compressior factus, aptam figuram sortiatur. Myopes enim provectiori ætate corpora remotius objecta distinctius cernere incipiunt, ideoque visum habere durabiliorem creduntur.

A X I O M A V I I I.

Objectum, quod interveniente reflexione aut refractione aspiciatur, eo semper in loco situm videtur, unde radii post ultimam reflexionem aut refractionem divergunt, quo tempore in oculum spectatoris incidunt.

Si objectum A [Fig. 9.] interveniente speculi *m n* reflexione TAB. II. inspiciatur; videbitur id, non proprio in loco A, sed post speculum eo in loco *a*, unde radii quilibet, A B, A C, A D, qui ex uno eodemque objecti puncto fluxerant, divergunt jam, (postquam reflexi fuerunt in punctis B, C, D,) in transitu suo a vitro ad puncta E, F, G, ubi in oculos spectatoris incidunt. Hi enim radii talem omnino imaginem in oculorum fundo depingunt, qualem iidem ab objecto in loco *a* revera collocato fluentes, sine interposito speculi, depinxissent: Omnisque in universum visio, istius imaginis situi atque figuræ congruenter, semper efficitur.

TAB. I. Similiter, objectum D [Fig. 2.] per prisma inspectum, non suo in loco D videtur: sed alio transfertur in locum aliquem d , qui in ultimo refracto radio FG , retro ab F ad d ducto, situs sit.

TAB. II. Simili quoque ratione objectum Q , [Fig. 10.] per lentem AB inspectum, eo in loco q collocatum videtur, unde radii, in transitu sue a lente ad oculum, divergunt. Observandum est autem; objecti imaginem q , tanto majorem aut minorem quam ipsum objectum Q , videri, quanto distantia imaginis q a lente AB , major minorve est quam distantia objecti ipsius Q ab eadem lente. Quod si objectum per bina plurave hujusmodi vitra convexa aut concava inspectum fuerit; unumquodque vitrum novam imaginem effinget; objectumque eo in loco eaque magnitudine videbitur, quæ erant ultimæ imaginis locus atque magnitudo. Ex hac observatione pendet tota microscopiorum telescopiorumque theoriæ explicatio. Etenim in hoc fere posita est ea universa theoria, ut exponatur talium vitrorum conficiendorum ratio, quæ ultimam objecti imaginem tam distinctam tamque magnam tamque luminosam repræsentent, quam possit commodè exhiberi.

In his Axiomatibus eorumque explicatu, quicquid antehac de rebus ad Opticen pertinentibus traditum fuerit, breviter atque summatim videor mihi exposuisse. De quibus enim inter omnes fere convenit, ea, in his quæ infra dicenda sunt explicandis, tanquam principia adhibere mihi licere existimabo. Atque hæc quidem sufficiant, quæ loco introductionis dicta sint in eorum lectorum gratiam, qui cum sint acri quidem & perspicaci ingenio, nondum tamen in studio Optices versati fuerint. Melius tamen atque facilius hæc, quæ sequuntur, intelligent, & cogitatione assequantur ii, qui antea in his rebus aliquid operæ atque studii posuerint, & vitra tractare assueti fuerint.

PROPO-



PROPOSITIONES.

PROPOSITIO I. THEOREMA I.

Lumina, quæ colore differunt, ea itidem refrangibilitatis gradibus inter se differunt.

Probatio ab Experimentis desumpta.

EXPERIMENTUM I.



HARTAM accepi nigram, oblongam, rigidam, lateribus inter se parallelis definitam; eamque linea transversa, ad perpendicularum ab uno latere ad alterum ducta, mediam in duas æquales partes dispertivi. Harum partium alteram colore rubro infeci; alteram cæruleo, sive indico ad violaceum accedente. Charta ipsa nigerrima erat, coloresque largi ac saturi, atque insuper crasse illiti; ut phænomenon evidentius ac notabilius exhiberetur. Chartam istam duobus coloribus hoc modo discretam,

per prisma inspexi ex vitro solido conflatum; cujus eæ binæ facies, per quas lumen ad oculum transmitteretur, planæ erant ac perpolitæ, angulumque circiter sexaginta graduum inter se continebant: quem quidem angulum, refringentem prismatis angulum appello. Dum chartam hoc modo intuerer, eam & prisma ita ante fenestram collocavi, ut chartæ latera essent prismati parallela; eaque latera, atque ipsum insuper prisma, horizonti parallela; & linea transversa, fenestræ plano perpendicularis; lumen etiam a fenestra in chartam incidens, & charta ipsa, angulum inter se continerent ei æqualem, quem eadem charta, & lumen jam inde ad oculum reflexum, inter se itidem continebant. Ultra prisma, paries cubiculi subter fenestram panno nigro obtectus erat, atque ipse insuper pannus tenebris undique circumseptus; nequid luminis inde reflecteretur, quod prope chartæ extremitates ad oculum transiens, sese lumini a charta reflexo immisceret, eoque pacto experimentum interturbaret. His ita dispositis; quæ observabam, hujusmodi erant. Si angulus refringens prismatis sursum convertatur, ita ut charta refractione altius attolli videatur; dimidia ejus pars illa, quæ erit colore cæruleo infecta, altius videbitur refringendo attolli, quam illa quæ erit rubra. E contrario autem, si prismatis angulus refringens deorsum convertatur, ita ut charta refringendo deorsum ferri videatur; tum cærulea ejus pars aliquanto inferius demitti videbitur, quam rubra. Quamobrem in utroque horum casuum, id luminis, quod a cærulea chartæ parte per prisma ad oculum fluit, majorem in eisdem circumstantiis refractionem patitur, quam id quod fluit a parte rubra; & consequenter, magis refrangibile est.

TAB. II. *ILLUSTRATIO.* In schemate undecimo, MN [Fig. II.] exhibet fenestram; & DE chartam, lateribus DI & HE inter se parallelis definitam, & linea transversa FG dispertitam in binas partes æquales, quarum altera DG colore cæruleo saturo, altera FE colore rubro saturo infecta sit. BAC *cab* repræsentat prisma, cujus facies refringentes AB *ba* & AC *ca* interjunguntur in commissura refringentis anguli A *a*. Hæc angulata

gulata acies A α sursum spectans, parallela est & horizonti & simul extremitatibus chartæ inter se parallelis DI & HE ; & linea transversa FG plano fenestræ perpendicularis est. Porro *de* est chartæ imago refractione ea, quæ fit sursum versus, ita repræsentata, ut pars cærulea DG altius sublata sit ad dg , quam pars rubra FE ad fe ; ac proinde majorem passa sit refractionem. Quod si acies refringentis anguli deorsum conversa sit; jam chartæ imago deorsum refringetur, puta ad $d\epsilon$; & pars cærulea refringendo inferius demittetur ad $d\gamma$, quam pars rubra ad $\phi\epsilon$.

EXPERIMENTUM II.

Chartæ ante memoratæ, cujus dimidiæ partes colore rubro & cæruleo seorsum infectæ erant, quæque papyri conglutinatæ spissitudine erat ad rigiditatem, tenue serici nigerrimi filum sæpius circumvolvebam; ita ut singula fila in charta colorata, tanquam totidem lineæ nigrae superinductæ, aut longæ tenuesque umbræ in eadem projectæ conspicerentur. Licuerat lineas nigras calamo ducere; sed fila serica tenuiora erant, & distinctiori termino definita. Chartam, hoc modo coloribus inductam & lineis nigris distinctam, ad parietem admovi, situque ad horizontem perpendiculari ita collocavi, ut colorum alter ad dextram esset positus, alter ad sinistram. Ante chartam, in colorum confiniis, ab inferiori parte, & parvo admodum interjecto intervallo, candelam apposui; quæ lumen quam clarissimum chartæ affunderet: noctu enim capiebatur experimentum. Flamma candelæ ad inferiorem chartæ marginem altitudine pertingebat, vel paullo supra eam ferebatur. His ita dispositis; ex adverso chartæ, sex pedum & unius duarumve unciarum intervallo, erexi super tabulato lentem vitream uncias $4\frac{1}{4}$ latam, quæ radios e diversis chartæ partibus fluentes ita colligeret, ut ii ad totidem alia puncta ex altera parte, eodem sex pedum & unius duarumve unciarum intervallo, ultra lentem convergerent; eoque pacto chartæ coloratæ imaginem in charta alba ibi collocata depingerent; eodem modo quo lens in fenestræ foramine infixæ, corporum foris

ris objectorum imagines in cubiculo tenebricoso chartæ albæ plagula exceptas depingit. Chartam istam albam, situ & ad horizontem & ad radios sibi a lente incidentes perpendiculari erectam, ultro citroque, modo lentem versus, modo a lente, movebam; ut quibus in locis cærulearum rubrarumque chartæ coloratæ partium imagines maxime distinctas se exhiberent, invenirem. Loca ista facile dignoscebam, ex imaginibus linearum nigrarum, quæ erant ipsa fila serica in chartam, ut dixi, convoluta. Etenim imagines subtilium istarum tenuissimarumque linearum, (quæ summo suo nigrore ad umbrarum in coloribus projectarum similitudinem accedebant,) confusæ erant & vix discerni potuerunt; nisi quo tempore colores, ex utraque parte cujusque lineæ, terminis maxime distinctis definiebantur. Contemplatus igitur, qua potui summa accuratione, quibus in locis rubrarum cærulearumque chartæ coloratæ partium imagines quam maxime distinctæ apparerent; observavi id ita se habere, ut quo in loco rubra chartæ pars videbatur distincta, eo in loco pars cærulea semper confusa videretur, adeo ut lineæ nigræ ei inductæ vix discerni potuerint: E contrario autem, quo in loco cærulea chartæ pars maxime distincta videbatur, eo in loco pars rubra semper videretur confusa, adeo ut lineæ nigræ ipsi inductæ jam vix discerni potuerint: Quodque interea duo loca, in quibus hæ duæ imagines seorsum distinctæ videbantur, spatii interjaceret; id sesqui-uncie intervallum esset. Etenim quo tempore rubra chartæ coloratæ pars maxime distinctam sui imaginem exhibebat; charta alba, qua hæ imagines excipiebantur, & lens, sesqui-uncie intervallo longius inter se distabant, quam quo tempore partis cæruleæ imago maxime distincta videbatur. Cum itaque utriusque incidentia in lentem plane eadem esset; color cæruleus a lente plus refringebatur, quam ruber: adeo ut sesqui-uncie intervallo propius a lente, quam color ruber, convergeret; & consequenter magis sit refrangibilis.

TAB. II. *ILLUSTRATIO.* In schemate duodecimo, DE [Fig. 12.] exhibet chartam coloratam; DG partem ejus cæruleam; FE partem rubram; MN lentem; HI chartam albam eo in loco positam,

fitam, ubi partis rubræ imago, una cum suis lineis nigris, distincta videbatur; & *h i* eandem chartam eo in loco positam, ubi partis cæruleæ imago videbatur distincta. Locus *h i* sesqui-unciae intervallo propius, quam locus *H I*, a lente *M N* distabat.

SCHOLIUM. Idem erit hujusce experimenti eventus, utcumque quædam circumstantiæ varientur. Exempli gratia: In primo experimento, si prisma & charta ad horizontem quovis angulo inclinentur; & in utroque experimento, si lineæ coloratæ in charta nigerrima ductæ sint; exitus experimenti nihil immutabitur. Verum enimvero, in hisce experimentis describendis, eas volui adhibere circumstantias, quibus vel ipsum phænomenon clarius atque evidentius exhiberi posset, vel quibus tiro rem facilius experiretur, vel tandem quibus solis ut ipse usus fuerim acciderit. Atque hoc idem sæpius in sequentibus experimentis describendis feci: De quibus omnibus hoc in loco lectorem semel monuisse, satis sit. Observandum est autem, ex hisce experimentis non id continuo effici, ut illud omne lumen, quod e charta cærulea fluit, magis refrangibile putandum sit, quam id omne quod fluat e rubra: utrumque enim istorum luminum ex radiis diverse refrangibilibus compositum est; adeo ut in isto rubro lumine nonnulli sint radii nihilo minus refrangibiles quam radii in cæruleo, & in isto cæruleo lumine nonnulli sint radii nihilo magis refrangibiles quam radii in rubro. Sed istiusmodi radii, ad totius luminis rationem, perpauci sunt; & id efficiunt, ut experimenti successus minuat, nequaquam autem ut penitus impediatur. Quum enim colores ruber & cæruleus dilutiores & languidiores essent; imagines ante dictæ, minus quam sesqui-unciae intervallo, inter se distabant: quum autem hi colores largiores & saturatiores essent; eæ imagines, uti inferius exponetur, majori intervallo inter se distabant. Atque hæc quidem sufficiant, quæ, ad hanc propositionem comprobendam, in corporum naturalium coloribus capta sint experimenta. In illis enim coloribus, qui prismatum refractione sese exhibent, veritas hujusce propositionis, ex iis quæ in sequenti propositione enarranda sunt experimentis, uberius apparebit.

PROPOSITIO II. THEOREMA II.

Lumen Solis constat ex radiis diverse refrangibilibus.

Probatio ab experimentis desumpta.

EXPERIMENTUM III.

IN cubiculo valde tenebricofo, ad rotundum fenestræ operculi foramen, quod erat circiter tertia uncix parte latum, prisma vitreum admovi; quo Solis luminis radius, per id foramen in cubiculum transmissus, sursum versus ad oppositum parietem refringeretur, ibique coloratam Solis imaginem exhiberet. Prismatis axis (hoc est, linea per medium prisma ab uno extremo ad alterum, situ ad anguli refringentis aciem parallelo transiens,) erat in his & sequentibus experimentis ad radios incidentes perpendicularis. Circa hunc axem lente converfo prismate; lumen refractum, sive coloratam Solis imaginem in pariete depictam, primo descendere, deinde ascendere observabam. Inter descensum & ascensum istum, cum imago consistere & morari videretur, prisma cohibui, eoque in positu fixum retinui, ne moveretur amplius. Etenim in ea prismatis positione, luminis refractiones quæ fierent in duobus anguli refringentis lateribus, hoc est, ad ingressum & egressum luminis, æquales erant inter se. Similiter, in aliis experimentis, quotiescunque id agerem, ut refractiones in utraque prismatis facie inter se essent æquales; notavi locum ubi Solis imago lumine refracto depicta, inter duos contrarios motus suos, in communi progressus & regressus sui consinio, consistere atque morari videretur: & cum in istum locum incideret imago, prisma cohibui fixumque retinui. Atque in hac quidem positione, quippe omnium convenientissima, intelligendum est prismata omnia in sequentibus experimentis esse collocata: nisi ubi alia aliqua positio nominatim describetur. Prismate igitur hac in positione collocato; lumen refractum chartæ
albæ

albæ plagula, ad perpendicularum radiis objecta, in opposito cubi-
culi pariete excepi; solarisque imaginis in chartam eo lumine depictæ
figura atque mensuræ, quæ essent, adnotavi. Imago oblonga erat,
non tamen ovalis, sed duabus rectis interque se parallelis lineis a
lateribus, & duobus semicirculis ab extremitatibus, terminata. A
lateribus definiebatur terminis satis quidem distinctis: ab extre-
mitatibus autem, finibus valde confusis & minime distinctis; lu-
mine istis in locis deficiente paulatim, & evanescente. Latitudo
imaginis ea erat, quæ Solis diametro responderet; utpote uncias
 $2\frac{1}{8}$ complectens, inclusa penumbra. Quippe imago, intervallo
octodecim pedum cum dimidio, a prismate distabat: quo
quidem intervallo interjecto, prædicta imaginis latitudo,
(subducta foraminis in operculo fenestræ diametro, hoc est, $\frac{1}{4}$
unciæ,) subtendebat angulum ad prismam circiter dimidii gradus,
qui est Solis apparens diameter. At longitudo imaginis erat uncia-
rum circiter $10\frac{1}{4}$; laterumque rectilineorum longitudo, circiter
octo unciarum; & angulus refringens prismatis, quo imago tanta
longitudine exhibita est, erat 64 graduum. Quum iste angulus
minor esset, longitudo imaginis itidem minor erat, latitudo au-
tem eadem quæ prius. Si prismam circa axem suum eam in par-
tem convertebatur, quæ efficeret ut radii e secunda refringente
prismatis facie obliquius, quam ante, emergerent; imago conti-
nuo unam duasve uncias, aut plus eo, se in longitudinem am-
plius extendebat. Sin prismam in contrarias partes convertebatur,
ita ut radii jam in primam refringentem faciem obliquius incide-
rent; imago statim uncia una atque altera in brevitatem se con-
trahebat. Quocirca in hoc experimento capiendo, qua potui
summa accuratione id mihi agendum existimavi, ut ratione su-
pra exposita prismam eo in situ diligenter mihi collocatum foret,
quo radiorum e prismate emergentium refractiones pares essent
refractionibus radiorum in prismam incidentium. In prismate, quo
usus sum, erant quidem venulæ aliquæ se ab una extremitate ad
alteram per vitrum diffundentes; quibus radiorum nonnulli quo-
quo versus quidem irregulariter dispergebantur: verum in imagine
colorata in longitudinem extendenda, nihil quicquam effecerunt

hæ venæ. Etenim idem experimentum in aliis prismatibus cepi; eundemque semper exitum habebat. Et specialiter, quum prismatico uterer huiusmodi venis perquam immuni, & cuius angulus refringens esset graduum $62\frac{1}{2}$; inveni longitudinem imaginis, intervallo pedum $18\frac{1}{2}$ a prismate, esse unciarum $9\frac{3}{4}$ aut 10; foraminis autem in fenestræ operculo latitudo erat, ut prius, $\frac{1}{4}$ uncia. Porro, quoniam in prismate apte recteque collocando proclive est errare; experimentum ter, quater, sæpius repetebam; imaginisque longitudinem semper eam, quam dixi, inveniēbam. Quum alio prismate, ex vitro adhuc pellucidiori politiorique, uterer; quod venis itidem immune videretur, cuiusque angulus refringens, esset graduum $63\frac{1}{2}$; imaginis longitudo, eodem intervallo pedum $18\frac{1}{2}$ a prismate, erat iterum unciarum circiter 10 aut $10\frac{1}{8}$. Ultra hos fines, spatio circiter $\frac{1}{4}$ aut $\frac{1}{3}$ uncia, ab utraque imaginis extremitate, lumen e nubibus proveniens colore rubro & violaceo nonnihil tinctum videbatur; verum id coloris adeo languidum erat ac dilutum, ut a radiis quibusdam ipsius imaginis, quos forte inæqualitates quædam vel in ipso vitro, vel in faciebus ejus, irregulariter disperferint quoquoque, ortum id vel omnino, vel saltem maxima ex parte, suspicatus sim: ideoque hosce colores, in mensurarum supra expositarum rationem, non sum complexus. Ad hæc, varia foraminis, in operculo fenestræ; magnitudo; varia prismatis, qua parte lumen transmitteretur, crassitudo; variae insuper prismatis ad horizontem inclinationes; longitudinem imaginis nihil quicquam ad sensum immutabant. Neque vero diversa ipsa, ex qua prismata constarent, materia, quicquam immutabatur ista longitudo. Nam quum vase ex politis vitri lamellis in formam prismatis, conclusa intus aqua, conglutinatis uterer; similis plane erat experimenti exitus, secundum proportionem refractionis. Observandum est præterea, radios a prismate ad usque imaginem, semper rectis in lineis progressos; ac proinde, simul ut primum e prismate exierant, eam omnem inter se inclinationem habuisse, unde imaginis longitudo oriebatur; hoc est, inclinationem quæ esset graduum amplius duo-

rum

rum cum dimidio. Et tamen, secundum Optices leges vulgo receptas, omnino nullo modo fieri potuit, ut hi radii tantum inter se inclinationis haberent. Sit enim *E G*, [*Fig. 13.*] TAB. III. fenestræ operculum; *F*, foramen per quod Solis luminis radius in cubiculum tenebricosum immittebatur; & *A B C* planities triangula animo concepta, qua prisma ea sui parte, per quam luminis pars media permeat, transversum secetur; vel, si ita potius videtur, sit *A B C* ipsum prisma, extremitate sua propiori directo ad spectatoris oculum obversa; *XY*, Sol; *M N* charta, qua Solis imago colorata excipitur; & *P T* imago ipsa, lateribus ad *u* & *w* rectilineis interque se parallelis, extremitatibus autem *P* & *T* in semicirculos desinentibus. Sint denique *YK HP* & *XLIT* duo radii: quorum prior, ab inferiori parte Solis ad superiorem partem imaginis proficiscens, interjecto prismate refringitur in punctis *K* & *H*; posterior autem a superiori parte Solis ad inferiorem partem imaginis proficiscens, refringitur in punctis *L* & *I*. Jam quoniam posuimus, refractiones ex utraque parte prismatis inter se esse æquales: hoc est, refractionem quæ est ad *K*, ei esse æqualem quæ est ad *I*; & refractionem ad *L*, ei æqualem quæ est ad *H*: ita ut refractiones radiorum ad *K* & *L* incidentium simul sumptæ, refractionibus radiorum ad *H* & *I* emergentium simul sumptis æquales sint: sequitur, æqualia æqualibus adiungendo, fore ut refractiones itidem ad *K* & *H* simul sumptæ, æquales sint refractionibus ad *I* & *L* simul sumptis; ac proinde, ut isti duo radii, cum sint æque refracti, eandem inter se post, ac ante, quam refracti fuerint, inclinationem habere debeant; hoc est, inclinationem, quæ, pro Solis diametri longitudine, sit dimidii gradus: etenim ea erat radiorum, ante refringendum, ad se invicem inclinatio. Itaque, his ita positis, longitudo imaginis *P T*, ex legibus Optices vulgo receptis, subtendere deberet angulum ad prisma, qui esset dimidii gradus: quæ quidem longitudo æqualis foret ipsi latitudini *u w*; & consequenter imago plane rotunda esset. Atque hæc quidem prorsus ita se haberent, si bini isti radii *XLIT* & *YKHP*, reliquique omnes ex quibus Imago *Pw T_u* constat, æque essent refrangibiles. Cum igitur e con-

trario experientia evincatur, imaginem istam non rotundam esse, sed latitudinem ipsius circiter quinque partibus longitudine superari: omnino radii, qui majori refractione ad superiorem imaginis extremitatem P mittuntur, magis, quam ii qui ad inferius ejusdem extremum T progrediuntur, refrangibiles sint necesse est; nisi ea forte sit refractionis hujusce inæqualitas, quæ casu possit accidere.

Imago ista P T sic erat colorata, ut extremitas ipsius ea, quæ minime refringeretur, T, rubra esset; extremitas autem altera P, quæ maxime refringeretur, violacea; partesque mediæ ex ordine, flavæ, virides, & cæruleæ. Quo quidem amplius firmatur id, quod erat prima propositione comprobandum; nempe, quæ lumina colore differant, ea itidem refrangibilitate inter se differre. Longitudinem imaginis in experimentis ante dictis, ab usque extremo & languidissimo colore rubro ex una parte, ad extremum & languidissimum colorem cæruleum ex altera parte, dimensus sum; dempta penumbra quadam, cujus latitudo quadrantem unciae vix superabat, ut supra dictum est.

EXPERIMENTUM IV.

TAB. I.
FIG. 2.

In radio Solis per fenestræ operculi foramen in cubiculum transmissio, interjecto aliquot pedum a foramine intervallo, prisma in manu ea positione tenui, qua axis ipsius ad perpendicularum isti radio objectus esset. Per prisma ita collocatum, inspexi foramen: conversoque hac illac circa axem suum prismate, ut foraminis imago vicibus ascendere & descendere videretur; cum inter duos hosce contrarios motus consistere atque morari imaginem observarem, prisma fixum retinebam, ut refractiones ex utraque parte anguli refringentis, (quomodo in prioribus experimentis factum est,) inter se essent æquales. Per prisma hoc in situ fixum, foramen attentius inspiciens, observabam longitudinem refractæ ipsius imaginis, multis partibus superare latitudinem suam; partemque illius eam, quæ maxime refracta esset, violaceam videri; quæ

quæ minime, rubram; partesque medias ex ordine, cæruleas, virides, & flavas. Idem plane eveniebat, quum per prisma e lumine Solis remotum, foramen splendore nubium solummodo illuminatum inspicerem. Et tamen, si refractionis secundum unam certam (uti vulgo existimatur) sinuum incidentiæ & refractionis proportionem, regulariter efficeretur; refractam istam foraminis imaginem, omnino rotundam apparere oportuisset.

Ex his itaque duobus experimentis apparet, in similibus plane incidentiis notabilem esse refractionum inæqualitatem. Verum unde tandem hæc oriatur inæqualitas; utrum ex eo, quod radiorum incidentium alii magis refringantur, alii minus, idque certa aliqua ac constanti ratione; an vero casu hæc omnia eveniant; an ex eo denique, quod unus idemque radius refractione conturbetur, discutiatur, dilatetur, & diffusus quodammodo in multos divergentes radios diffundatur; in qua sententia erat *Grimaldus*: Hoc quidem ex experimentis ante dictis nondum constat; ex istis autem quæ sequuntur, satis apparebit.

EXPERIMENTUM V.

Cum igitur ita mecum cogitarem; si Solis imago, qualem in tertio supra experimento descripsi, in speciem istam oblongam producta esset, vel dilatatione cujusque radii, vel alia quavis refractionum inæqualitate, tali, quæ posset casu accidere; fore necessario, ut eadem oblonga imago iterum refracta in latus, jam secunda ista dilatatione radiorum, aut quæcunque fuisset fortuita illa refractionum jam in latus factarum inæqualitas, in latitudinem æque, atque ante in longitudinem, extenderetur: Cum hæc, inquam, mecum cogitarem; succurrit ut experirer, quis esset futurus secundæ hujusmodi refractionis effectus. Hunc itaque in finem, omnibus eodem modo atque in tertio experimento dispositis, prisma alterum proxime post primum situ transverso apposui, quod Solis luminis radium, sibi e primo prismate incidentem, denuo refringeret. A primo prismate hic radius refringebatur sursum versus; a secundo,

secundo, in latus. Eventus autem experimenti is erat, ut secundi prismaticae refractione latitudo imaginis nihil plane augetur; superior autem ipsius pars, quæ in primo prismatico maximam passæ esset refractionem, coloremque violaceum & cæruleum exhibuisset, eadem in secundo prismatico majorem iterum refractionem pateretur, quam inferior ejus pars quæ rubra atque flava visa fuerat: hocque sine ulla dilatatione imaginis in latitudinem.

TAB. III.

ILLUSTRATIO. Sit *S*, Sol; [Fig. 14.] *F*, foramen in fenestra; *A B C*, prisma primum; *D H*, prisma secundum; *Y*, rotunda imago Solis, directo luminis radio, cum nullum interpositum sit prisma, in parietem projecta; *P T*, oblonga Solis imago, quam radius per primum solum prisma transmissus, antequam prisma secundum apponatur, exhibeat; *p t* autem, imago ea, quæ transversis amborum prismaticorum refractionibus effecta sit. Jam si radii, qui ad diversa rotundæ imaginis *Y* puncta tendunt, dilatati refractione primi prismatis ita diffunderentur, ut deinceps non in singulis lineis ad singula puncta proficiscerentur, sed singuli radii diffusi atque discussi, jam e radiis linearibus in totidem superficies radiorum a puncto refractionis divergentium, & in eadem cum incidentiæ & refractionis angulis planitie jacentium, commutati essent; adeo ut in istis planitiebus, ad totidem lineas fere ab uno extremo imaginis *P T* ad alterum protensas, singuli ferrentur; eaque causa esset, quamobrem imago oblonga fiat: si hæc, inquam, ita se haberent; utique iidem radii, eorumque singulæ partes, ad diversa imaginis *P T* puncta tendentes, iterum jam transversa prismatis secundi refractione dilatari deberent, atque in latus diffundi; adeo ut imaginem quadratam, qualis ad π^7 depicta est, exhibituri essent. Quod ut melius atque facilius intelligatur; distingue imaginem *P T* in quinque æquales partes, *P Q K*, *K Q R L*, *L R S M*, *M S U N*, *N U T*. Et qua irregularitate lumen rotundum *Y*, refractione primi prismatis dilatum, producat in imaginem oblongam *P T*: eadem ratione lumen *P Q K*, quod spatio tum longitudine tum latitudine simili plane, atque ipsum *Y*, continetur; refractione secundi prismatis dilatari debebit,

& in imaginem oblongam $\pi q k p$ produci: Lumen K Q R L. itidem, in imaginem oblongam $k q r l$; & lumina L R S M, M S U N, N U T, in totidem alias imagines oblongas, $l r s m$, $m s u n$, $n u t$, producantur oportebit: quæ quidem omnes imagines oblongæ, imaginem quadratam πT conficerent. Atque hæc quidem ita se haberent necessario; si singuli radii refractione dilatati in totidem triangulas radiorum a puncto refractionis divergentium superficies diffunderentur. Etenim secunda refractione radii in unam partem æque diffunderentur necesse est, ac prima refractione erant diffusi in alteram; eoque pacto imago refractione secunda in latitudinem æque dilataretur, ac priori dilatata erat in longitudinem. Hocque idem omnino accidere deberet, si quocumque casu fortuito radiorum alii magis, alii minus, refringerentur. Verum enimvero res ipsa longe aliter se habet. Nam prismatis secundi refractione imago P T, non latior facta est, sed obliqua solummodo; quomodo ad $p t$ depicta est; superiori ipsius extremo P refractione longius translato, quam inferiori extremo T. Itaque id luminis, quod ad imaginis superius extremum P ferebatur, in secundo prisma (positis æqualibus incidentiis) magis refringebatur, quam id quod ferebatur ad inferius extremum T: hoc est, radii qui erant colore cæruleo & violaceo, plus refringebantur, quam qui rubro erant & flavo; ac proinde magis refrangibiles erant. Istud idem lumen, refractione prioris prismatis, longius, quam reliquum lumen, a loco Y, quo ante refringendum tendebat, translatum fuerat. Quare id tam in primo prisma, quam in secundo, majorem subierat refractionem; & consequenter plus, quam reliquum lumen, refrangibile erat, etiam ante quam in primum prisma incideret.

Aliquando post secundum prisma, tertium apposui, vel etiam quartum; quibus imago sæpius refringeretur in latus. Verum horum omnium experimentorum is unus erat exitus, ut qui radii in primo prisma plus quam reliqui refringebantur, iidem in reliquis prismatibus plus itidem refringerentur: idque sine ulla imaginis dilatatione in latus. Quamobrem isti radii, eo quod certa ac constanti ratione plus quam reliqui refringantur, me-

rito appellari possunt *magis refrangibiles*.

Sed ut hoc experimentum quo spectet, clarius appareat; concipiendum est radios, qui sint æque refrangibiles, eos omnes in circulum unum incidere, qui Solis globo respondeat. Id enim jam ante in tertio experimento probavimus. Circulum autem cum dico, non id hic ita intelligendum velim, ac si circulum perfectum & geometricum dicerem: sed figuram quamlibet orbicam intelligo, cujus longitudo ac latitudo sint inter se æquales, quæque ad sensum possit circulus videri. Sit igitur

TAB. III. A G [Fig. 15.] circulus, quem radii maxime refrangibiles, quotquot e toto Solis globo fluunt, unum universi, si soli essent, illuminarent & in opposito pariete depingerent: similiter E L, circulus quem universi radii minime refrangibiles, si & ipsi itidem soli essent, eodem modo illuminarent: denique B H, C I, D K, circuli quos totidem media radiorum genera super parietem ordine depingerent, si suo singula ordine, interceptis reliquis omnibus, e Sole propagarentur. Finge porro alios innumeros circulos interjectos, quos alia innumera media radiorum genera suo singula ordine in pariete depingerent, si seorsum e Sole singula ordine emitterentur. Et quoniam revera hæc omnia radiorum genera e Sole simul emittuntur, liquebit necessum fore, ut ea omnia uno eodemque tempore emissa, innumeros circulos inter se æquales illuminent atque depingant; ex quibus universis, in ordinem continuum pro sua cujusque refrangibilitate collocatis, imago ista oblonga P T, quam ante in tertio experimento descripsimus, composita sit. Quod si jam

TAB. III. ita comparata esset rotunda illa Solis imago Y, [Fig. 14. & 15.] quæ a radio luminis nondum refracto depingitur; ut vel dilatione aliqua radiorum singulorum, vel alia quavis fortuita in priori prismate refractionis inæqualitate, produceretur in oblongam istam imaginem P T: utique eadem ratione, singuli istius imaginis circuli A G, B H, C I, &c. transversa secundi prismatis refractione radios iterum dilatante aut quovis alio modo (ut prius) dispergente, deberent similiter protendi & in figuram oblongam immutari: quo pacto imago P T jam in latitudinem

tudinem æque extenderetur, ac imago Y refractione primi prismatis producta erat ante in longitudinem: & consequenter refractionibus amborum prismatum, omnino effingi deberet imago quadrata, qualem ante descripsi, $p\pi t$. Cum igitur e contrario, latitudo imaginis P T non augeatur refractione ea quæ fit in latus; liquet radios ea refractione non diffindi, nec dilatari, nec ulla alia ratione, quæ possit casu accidere, dispergi; sed unumquemque circulum regulari & uniformi refractione, integrum alio transferri; exempli gratia, circulum A G refractione maxima transferri ad ag ; circulum B H, refractione minori, ad bh ; circulum C I, refractione adhuc minori, ad ci ; & reliquos simili proportionem; atque hoc pacto novam imaginem $p t$, ad priorem P T aliquantum inclinatum, ex circulis similiter in recta linea ordine dispositis componi. Quos quidem circulos, eadem esse magnitudine, atque primos, necesse est; quia latitudines omnium imaginum, Y, P T & $p t$, quando æqualibus intervallis a prismatibus distant, sunt inter se æquales.

Observabam præterea, ex latitudine foraminis F, per quod lumen in cubiculum tenebricosum transmittitur, penumbram oriri in circuitu imaginis Y; eamque penumbram, in rectilineis imaginum P T & $p t$ lateribus, usque manere. Collocavi igitur in isto foramine lentem, sive vitrum objectivum telescopii; quod Solis imaginem distincte sine ulla penumbra in Y projiceret. Ex quo effectum est, ut ea etiam penumbra, quæ rectilineis imaginum oblongarum P T & $p t$ lateribus adhæserat, penitus sublata fuerit; eaque latera tam distinctis terminis definita apparent, quam ipse primæ imaginis Y circuitus. Atque hæc quidem ita se habebunt; si vitrum, ex quo prismata constant, venulis sit immune, prismatumque facies accurate planæ sint, & perpolitæ, sine rasuris istis undatim curvis, quæ innumeræ ex parvis foraminibus ab arena restantibus, & stanniusti politura detritis aliquantulum ac complanatis, oriri solent. Quinimo, si vitrum politum solummodo, & venulis immune; facies autem prismatum non accurate planæ sint, sed, ut fit, convexæ aliquantulum aut concavæ; nihilo tamen minus fieri potest, ut tres

istæ imagines Y , PT , & pt , penumbris careant : at non in æqualibus a prismatibus distantis. Jam vero ex eo, quod nullæ penumbrae apparerent, hoc certo certius colligebam; circulorum ante dictorum unumquemque, admodum regulari aliqua, uniformi, & certa ac constanti ratione refractum fuisse. Nam si fortuita ulla refractionis fuisset inæqualitas; nullo modo fieri potuisset, ut lineæ rectæ AE & GL , quas singuli imaginis PT circuli tangunt, transferrentur ea refractione in lineas ae & gl , quæ ipsæ usque distinctæ & rectæ æque forent, ac fuerant priores AE & GL : sed omnino in istis lineis e loco in locum translatis, penumbra quædam aut curvatura undulata, aut alia aliqua manifesta perturbatio, necessario oriretur; contra quam experientia compertum est. Quamcunque penumbram aut perturbationem transversa prismatis secundi refractione, forte in circulis, ex quibus imago composita est, effecerit; ea omnis penumbra aut perturbatio, in lineis rectis ae & gl , quas isti circuli tangunt, conspiceretur necesse est. Quamobrem, cum in istis lineis rectis nulla sit hujusmodi penumbra aut perturbatio; utique nec in ipsis circulis ulla est. Cum intervallum, quo istæ tangentes inter se distant, hoc est, latitudo imaginis, refractionibus non augeatur; consequens est, neque circulorum diametros auctas esse. Cum istæ tangentes, adhuc lineæ rectæ sint; utique singuli circuli qui a priori prisma magis minusve refracti fuerint, iidem accurate eadem proportionem magis minusve refracti sunt a secundo. Denique cum hæc omnia adhuc eodem modo eveniant, si usque tertio vel etiam quarto adjecto prisma, radii iterum atque iterum refringantur in latus; liquet radios unius ejusdemque circuli, universos inter se homogeneos esse; eorumque refrangibilitatem semper unius modi esse, sui-que plane consimilem; radios autem diversorum circulorum, refrangibilitate inter se differre; idque certa aliqua ac constanti proportionem. Quod erat mihi comprobandum.

Restat adhuc unum alterumve hujus experimenti adjunctum, quo id adhuc clarius certiusque effici possit. Collocetur secundum
 TAB. III. dum prisma DH , [*Fig. 16.*] non proxime post primum, sed
 inter-

interjecto aliquo intervallo; puta in medio spatii, quod primum prisma & parietem, quo oblonga imago $P T$ excipitur, interjacet: adeo ut lumen e primo prismate incidat in secundum jam oblonga facta imago $\pi \tau$, huic secundo prismati parallela; indeque refringatur in latus, ut imaginem oblongam $p t$ in pariete depingat. His enim ita dispositis, invenies, ut prius, imaginem $p t$ inclinatam aliquantum ad eam imaginem $P T$, quam primum solum prisma, sublato secundo, exhibet: Etenim cæruleæ ipsorum extremitates P & p longius inter se distabunt, quam extremitates rubræ T & t : consequenter, qui radii maximam in primo prismate refractionem passi, ad cæruleum extremum π imaginis $\pi \tau$ proficiscuntur, eisdem iterum in secundo prismate, plus quam reliquos, refractos, observabis.

Rem eandem iterum hoc modo expertus sum. Per duo parva rotunda foramina F [*Fig. 17.*] & ϕ in fenestræ operculo per- TAB. IV.
tusa, lumen Solis in cubiculum tenebricosum immisi; appositisque ad bina ista foramina prismatibus singulis $A B C$ & $\alpha \beta \gamma$ inter se parallelis, binos luminis radios in oppositum cubiculi parietem ita refringendo projeci, ut binæ coloratæ imagines $P T$ & $M N$ in parietem depictæ, interjunctis in directum extremitatibus, in una eademque linea recta jacerent; extremo rubro T unius imaginis, & extremo cæruleo M alterius, se inter se contingentibus. Cum enim bini isti refracti radii, adposito in transversum tertio prismate $D H$, iterum refringerentur in latus; imaginesque eo pacto in aliam partem parietis transferrentur; puta imago $P T$ ad $p t$, & imago $M N$ ad $m n$: hæc imagines jam alio translatae $p t$ & $m n$, non amplius interjunctis in directum extremitatibus in una eademque, ut prius, linea recta jacebant; sed disjunctæ erant, & inter se factæ parallelæ. Quippe cæruleum extremum m imaginis $m n$, majori refractione longius transferebatur e loco suo $M T$; quam rubrum extremum t alterius imaginis $p t$, ab eodem loco $M T$. Ex quo efficitur, ut hæc propositio nullam amplius dubitationem habeat, aut disputandi locum. Porro idem erit experimenti exitus, siue tertium prisma $D H$ proxime

post bina priora, five majori interjecto intervallo, collocetur; ut lux in binis prioribus prismatibus refracta, in tertium incidat vel alba & circularis, vel colorata & oblonga.

EXPERIMENTUM VI.

Cum in duabus tabulis ligneis tenuioribus, foramina rotunda $\frac{2}{3}$ unciae lata incidissem, inque fenestrae operculo foramen fecissem multo amplius, per quod largior Solis luminis radius in cubiculum tenebricosum transmitteretur: in isto radio, post fenestrae operculum, prisma collocavi, quo lumen in parietem oppositum refringeretur: & proxime post istud prisma, tabularum alteram ita erectam statui, ut luminis refracti pars media per foramen ipsius transmitteretur; reliquum autem lumen ex utraque parte foraminis interciperetur. Tum, interjecto circiter duodecim pedum intervallo, tabulam alteram ita erexi, ut pars media ejus refracti luminis, quod per tabulae prioris foramen transmissum, in parietem oppositum incideret, jam per foramen hujus secundae tabulae itidem transmitteretur; reliquum autem lumen ex utraque parte foraminis interceptum, in hac secunda tabula coloratam Solis imaginem depictam exhiberet. Et proxime post hanc secundam tabulam prisma alterum collocavi, quo lumen per hujus foramen transmissum iterum refringeretur. Deinde ad fenestram reversus, prismate priori circa axem suum lente hac illac converso efficiebam, ut imago in tabula secunda depicta sursum deorsum super ligno moveretur, quo singulae ipsius partes per tabulae istius foramen ex ordine transmissae, in prisma posterius inciderent. Quod dum fieret, notavi loca ea in opposito pariete, ad quae id lumen, postquam in secundo prismate refractum esset, ferretur. Et ex locorum istorum differentia, rem ita se habere comperi, ut qui radii a primo prismate maxime refracti ad caeruleam imaginis extremitatem ferebantur, iidem iterum a secundo prismate plus, quam id luminis quod ad rubram ejusdem imaginis extremitatem ferretur, refringerentur. Qua quidem observatione

tam

tam prima propositio, quam secunda, comprobatur. Hocque idem contigit, siue axes duorum prismatum inter se essent paralleli, siue tum ad se invicem tum ad horizontem quovis dato angulo inclinarentur.

ILLUSTRATIO. Sit F [Fig. 18.] foramen majusculum TAB. IV. in fenestræ operculo, per quod Solis lumen transmittatur ad primum prisina A B C: incidatque refractum lumen, in mediam partem tabulæ D E; istiusque luminis pars media, in foramen G. Lumen per id foramen transmissum, incidat deinceps in mediam partem secundæ tabulæ *d e*, ibique oblongam coloratam Solis imaginem talem, qualem in tertio supra experimento descripsimus, depingat. Ista imago, converso lente hac illac circa axem suum prismate A B C, movebitur sursum deorsum in tabula *d e*; eoque pacto fieri poterit, ut singulæ ipsius partes per tabulæ illius secundæ foramen *g* ordine transmittantur. Interea aliud prisma *a b c* post istud foramen *g* collocandum est; quo lumen per id foramen transmissum, denuo refringatur. His ita dispositis, notavi in opposito pariete loca M & N, in quæ lumen refractum incideret: eaque observatione rem ita se habere comperi, ut dum binæ tabulæ & prisma secundum fixa immotaque manerent, ista loca, converso circa axem suum primo prismate, assiduo mutarentur. Etenim cum pars inferior ejus luminis, quod in secundam tabulam *d e* incidebat, transmitteretur per foramen *g*; pergebat ea ad inferiorem in pariete locum M: cum autem superior pars ejusdem luminis, per foramen *g* transmitteretur; pergebat ea ad superiorem in pariete locum N: cumque media aliqua pars ejusdem luminis per idem foramen transmitteretur; pergebat ea ad locum aliquem in pariete medium inter M & N. Quoniam foraminum in tabulis positio nihil mutabatur; utique radiorum in secundum prisma incidentia, in hisce omnibus casibus, una atque eadem fuit. Attamen una eademque cum esset omnium incidentia; alii radiorum magis refringebantur, alii minus. Quique in priori prismate majori refractione longius e via detorti fuerant; iidem in hoc secundo prismate iterum magis refracti sunt: Ac proinde, quum certa ac constanti
ratione

ratione plus, quam reliqui, refringantur; merito appellari possunt *magis refrangibiles*.

EXPERIMENTUM VII.

Ad bina foramina in fenestræ operculo, parvo intervallo inter se distantia, prismata singula apposui; quibus duæ oblongæ & coloratæ Solis imagines in opposito pariete (quomodo in tertio supra experimento factum est) depingerentur. Tum ante parietem, parvo spatio interjecto, chartam longam & exilem, lateribus rectis interque se parallelis, collocavi: & tum prismata tum chartam ita disposui, ut color ruber unius imaginis directo in unam partem dimidiam chartæ incideret, & color violaceus alterius imaginis directo in alteram partem dimidiam ejusdem chartæ: adeo ut charta ista bicolor videretur, rubra & violacea; simili fere ratione, ac charta illa in experimentis primo & secundo, quam colore rubro atque indico infeceram. Deinde parietem, qui post chartam erat, panno nigerrimo obtexi; nequid luminis inde reflecteretur, quo experimentum posset inturbari. Quibus ita dispositis; chartam per tertium prisma ipsi parallelum inspiciens, observabam dimidiam ipsius partem eam, quæ erat lumine violaceo illustrata, abruptam majori refractione, & quasi reliqua charta abscissam videri; præsertim cum eam e longinquo inspicirem. Cum enim nimis e propinquo inspieiebam; chartæ dimidia non jam penitus inter se disjuncta videbantur, sed angulo uno cohærentia; ut faciebat charta bicolor in primo experimento. Quod idem tum quoque accidebat, cum forte charta uterer nimium lata.

Interdum, chartæ loco, filo albo usus sum: idque, cum per prisma inspiceretur, in duo fila inter se parallela divisum videbatur: quomodo in schemate 19^{no} depictum est; ubi DG [Fig. 19.] repræsentat filum illuminatum lumine violaceo a D ad E, & lumine rubro ab F ad G; *de* autem, & *fg*, sunt fili dimidia per prisma refractione inspecta. Si alterum fili dimidium colore rubro perpetuo illuminetur, alterum autem coloribus omnibus ex ordine:

TAB. IV.

ordine: (quod facile fieri potest, efficiendo ut, prismaticum altero manente immoto, alterum circa axem suum convertatur:) jam filum per prisma ita se inspiciendum exhibebit, ut dimidium ipsius id, quod erat omnibus ex ordine coloribus illuminandum, quum colore rubro illuminatum sit, in eadem linea recta cum altero ejusdem dimidio, eique in directum appositum videatur; quum autem colore aureo illuminatum sit, tum separari aliquantillum; quum colore flavo illuminatum sit, separari paulo longius; quum colore viridi, adhuc longius; quum cæruleo, adhuc longius; quum indico, etiam adhuc longius; quum violaceo saturo, longissime omnium. Ex quo clarissime apparet, lumina variorum colorum varia esset refrangibilitate: idque eo ordine, ut color ruber omnium minime refrangibilis sit, reliqui autem colores, aureus, flavus, viridis, cæruleus, indicus, violaceus, gradatim & ex ordine magis magisque refrangibiles. Quo quidem tam prima propositio, quam secunda, comprobatur.

Porro, coloratas imagines PT & MN, [*Fig. 17.*] refractionibus binorum prismaticum in cubiculo tenebricoso depictas, ita disposui, ut interjunctis extremitatibus, quomodo in quinto supra experimento expositum est, in directum in eadem linea recta jacerent: tumque eas per tertium prisma longitudini ipsarum parallelum inspiciens, observabam eas non jam amplius in linea recta inter se continentes, sed plane disruptas videri; quomodo ad *pt* & *mn* depictæ sunt: Quippe violaceum extremum *m* imaginis *mn*, majori refractione longius e loco suo priori MT translatum est, quam rubrum extremum *t* alterius imaginis *pt*. TAB. IV.

Alio tempore, duas istas imagines PT [*Fig. 20.*] & MN TAB. IV. ita disposui, ut, rubro utriusque extremo in alterius extremum cæruleum incidente, contrario colorum suorum ordine in unum ambæ conjungerentur; quomodo in oblonga figura PTMN depictæ sunt. Tumque eas per prisma DH longitudini ipsarum parallelum inspiciens, observabam eas non jam amplius in unum conjunctas, ut cum nudis oculis aspicerentur, videri; sed tanquam

quam duas inter se diversas imagines pt & mn , in formam crucis decussatæ transversas jacere. Ex quo apparet colorem rubrum unius imaginis & violaceum alterius, qui ad $P N$ & $M T$ in unum conjuncti fuerant, distractos jam majori refractione coloris violacei ad p & m quam rubri ad n & t , differre inter se refrangibilitate.

Illuminabam etiam parvum circulum chartaceum album, luminibus amborum prismatum intermixtis. Cumque is colore rubro unius imaginis, & violaceo alterius, ita esset illuminatus, ut ex colorum istorum admixtione totus purpureus videretur; inspiebam eum per tertium prisma, primum parvo, dein majori intervallo interjecto. Et pro eo, ut a charta longius discedebam, imago ipsius per prisma inspecta, inæquali duorum colorum intermixtorum refractione paulatim distrahebatur; tandemque in duas distinctas imagines plane divisa est, alteram rubram, violaceam alteram, quarum ea, quæ erat violacea, longius, quam rubra, ab ipsa charta distabat; & consequenter majorem passâ fuerat refractionem. Cum porro prismatum in fenestra positorum illud, quo lumen violaceum in chartam projectum fuerat, sublatum esset; imago violacea e conspectu se continuo subripuit: e contrario, cum alterum prisma sublatum esset, imago rubra evanuit. Ex quo apparet duas hasce imagines nihil aliud fuisse, quam lumina binorum prismatum super chartam purpuream primo intermixta, deinde autem inæqualibus suis refractionibus in tertio prismate, per quod charta inspiceretur, iterum separata. Illud etiam notatu erat dignissimum: si prismatum, quæ erant ad fenestram, alterutrum, puta id quo lumen violaceum in chartam projectum erat, ita circa axem suum converteretur, ut colores singuli, violaceus, indicus, cæruleus, viridis, flavus, aureus & ruber, ab isto prismate in chartam ex ordine projicerentur; imago violacea colorem suum congruenter immutabat, seque in colorem indicum, cæruleum, viridem, flavum & rubrum, ordine convertibat; & pro eo ut colorem suum mutabat, appropinquabat paulatim ad imaginem rubram ab altero prismate projectam; donec, quum ipsa tandem
rubra.

rubra itidem evaderet, ambæ in unum plane conjungebantur.

Adhæc, duos circulos chartaceos, parvo admodum intervallo inter se distantes, ita collocavi, ut in unum eorum, lumen ex uno prisma rubrum; & in alterum, lumen ex altero prisma cæruleum, incideret. Circuli isti, diametro uncias singulas continebant: & post eos, paries nigro panno obtectus erat; ne quid luminis inde reflecteretur, quo experimentum posset interturbari. Circulos hoc modo illuminatos per prismata inspexi ita collocatum, ut refractione fieret versus eam partem, ubi circulus ruber esset positus. Et pedetentim retrocedens, circulos istos pro eo, ac ipse gradum referrem, ad se invicem paulatim appropinquare, tandemque in unum plane coire videbam: cumque deinceps adhuc longius recederem, illi in partes contrarias, ac prius, distrahebantur; quippe circulus violaceus majori refractione rubrum prætervectus, etiam ulterius ferebatur.

EXPERIMENTUM VIII.

Tempore æstivo, cum lumen Solis fortissimum esse solet, prismata ad fenestræ operculi foramen, sicuti in tertio ante experimento feceram, collocavi; ita tamen, ut axis prismatis parallelus esset axi terræ: & ad oppositum parietem, in refracto Solis lumine, librum apertum statui. Tum intervallo sex pedum duarumque unciarum a libro, lentem supra memoratam erexi; qua lumen a libro reflexum, simili iterum sex pedum duarumque unciarum intervallo ultra lentem in unum colligeretur; ibique libri imaginem in chartæ albæ plagula sic, quomodo fere in secundo supra experimento factum est, depingeret. Quibus ita dispositis; lenteque ac libro, ne loco moverentur, fixis; notavi accurate quo in loco chartæ albæ plagula tum esset posita, cum literæ in libro impressæ, rubro intensissimo solaris imaginis in librum incidentis lumine illustratæ, sui imagines in charta ista quam distinctissime depictas exhiberent. Deinde expectans, donec motu Solis, & conse-

quenter motu imaginis libro exceptæ, colores omnes a rubro illo ad usque medium cæruleum super literas easdem transirent: cum literas istas colore cæruleo viderem illuminatas, notavi iterum quo in loco charta alba jam posita esset, quum literæ cæruleo lumine illustratæ, sui imagines in eadem quam distinctissimas depingerent: invenique chartam jam unciarum circiter $2\frac{1}{2}$ aut $2\frac{3}{4}$ intervallo, propius, quam ante, a lente abesse. Quare eo intervallo, quod est unciarum $2\frac{1}{2}$ aut $2\frac{3}{4}$, lumen id, quod erat violaceum imaginis extremum, citius propter majorem refractionem, quam id quod erat rubrum ejusdem extremum, coactum & in unum collectum est. Verum in hoc experimento capiendo, id præcipue mihi agendum duxi, ut cubiculum, quam posset maxime, tenebricosum esset factum. Si enim adventitii ullius luminis admixtione, colores isti languidiores dilutioresque fiant; jam minori intervallo inter se distabunt foci ante dicti. In secundo experimento, ubi colores ii adhibebantur, qui erant corporum naturalium; horum focorum intervallum, propter colorum istorum imperfectionem, sesquiunciam non excedebat. In hocce autem experimento, ubi colores prismatis adhibebam, qui manifesto largiores, clariores, & saturatiores sunt, quam colores corporum naturalium; id intervallum erat unciarum $2\frac{3}{4}$. Quod si adhuc largiores vividioresque colores adhiberi possent; nihil dubito, quin id intervallum multo adhuc majus esset futurum. Etenim coloratum prismatis lumen, cum propter circulorum supra in secundo experimenti quinti schemate descriptorum permixtionem, tum propter luminis nubium prope Solem clariorum se plerunque intrudentis accessionem, radiosque insuper fortuitis facierum prismatis inæqualitatibus undique dispersos & coloribus sese intermiscientes; propter has, inquam, causas, coloratum prismatis lumen adeo erat compositum, ut colorum istorum fulcorum nubilorumque, indici & violacei, imagines in charta depictæ, debiliores minusque distinctæ fuerint, quam ut satis accurate observari possent.

EXPERIMENTUM IX.

Prisma, cujus bini anguli ad basim æquales inter se semirectique essent, tertius autem rectus; collocavi in Solis luminis radio per fenestræ operculi foramen, sicuti in tertio supra experimento dictum est; in cubiculum tenebricosum transmissio. Conversoque lente circa axem suum prismate, donec id omne lumen, quod initio per alterum angulorum ejus transmissum in eoque refractum fuerat, mox a basi, qua usque adhuc e vitro exierat, reflecti cœperit; observabam radios, qui maxime refracti fuissent, eosdem citius quam reliquos reflecti. Quocirca mecum ita reputabam; radiorum reflexi luminis, qui maxime essent refrangibiles, eos omnium primos totali reflexione copiosiores in isto lumine quam reliquos adesse; reliquos autem deinceps, totali itidem reflexione, æque, ac hos, copiosos reflecti. Ut hoc, utrum ita se haberet, necne, experirer; lumen reflexum per aliud deinceps prisma ita trajeci, ut in eo refractum, incideret deinde in chartæ albæ plagulam post id prisma interjecto aliquo intervallo collocatam; ibique, ut solet, colores refractione depingeret. Tum converso circa axem suum, uti supra dictum est, priori prismate; rem ita se habere comperi, ut cum radii illi, qui in isto priori prismate maxime refracti fuissent, cæruleique & violacei visi essent, ex toto reflecti cœperint; lumen super charta cæruleum & violaceum, quod itidem in secundo prismate maxime refractum fuerat, manifesto plus augeri videretur, quam rubrum & flavum quod minus refractum fuerat: & deinde, cum reliquum lumen, quod erat viride, flavum, & rubrum, cœperit in primo prismate in totum redelecti; lumen itidem eorundem colorum super charta, accessionem sibi faceret non minorem, quam ante sibi fecissent cæruleum & violaceum. Ex quo apparet, radium istum luminis, basi prismatis reflexum; quum primoradiorum maxime refrangibilium, & deinde eorum qui fuerint minus refrangibiles, accessione auctus sit; utique compositum.

esse ex radiis diverse refrangibilibus. Tale autem omne reflexum lumen, quin ejusdem plane naturæ sit ac id quod directo e Sole fluxerat antequam in basin prismatis incideret, nemo est qui dubitet: quippe in hoc fere omnes conveniunt, lumen istiusmodi reflexionibus nullam omnino modificationum suarum proprietatumve subire mutationem. Refractionum, quæ in faciebus prioris prismatis fieri potuissent, nullam hic mentionem habeo; quia radii in priorem faciem ad perpendicularum ingressi, & ad perpendicularum itidem egressi e secunda, non fuerunt refracti. Cum igitur Solis lumen incidens, ejusdem plane generis ejusdemque naturæ sit, ac lumen e prismate post reflexionem emergens; lumenque emergens, e radiis diverse refrangibilibus manifesto compositum sit; utique efficitur, ut lumen incidens similiter compositum fuerit.

TAB. IV. *ILLUSTRATIO.* In schemate 21^{mo}, A B C est primum prisma; B C, ejus basis; B & C, anguli ad basin inter se æquales, graduum quadragenum quinum; A, rectangulus ejusdem vertex; F M radius solis, per foramen F tertia unciae parte latum, in cubiculum tenebricosum transmissus; M, punctum incidentiæ ipsius in basin prismatis; M G, radius minus refractus; M H, radius magis refractus; M N, radius luminis a basi reflexus; V X Y, alterum prisma, quo lumen inter transeundum refringitur; N t, luminis hujusce pars minus refracta; & N p, ejusdem pars magis refracta. Quum primum prisma A B C convertitur circa axem suum eam in partem, quam denotat ordo literarum A B C; radii M H magis magisque oblique ex isto prismate emergunt, donec, postquam qua potuerint summa obliquitate emerferunt, reflectuntur tandem ad N; indeque ad p pergentes, adjungunt se ad radios N p. Deinde, continuando prismatis primi motum, radii M G itidem reflectuntur ad N; & accessionem adferunt ad radios N t. Quare lumen M N recipit in sui compositionem, primo radios maxime refrangibiles, deinde eos etiam qui sint minus refrangibiles. Nihilo tamen minus, postquam ita compositum sit, adhuc ejusdem plane naturæ est ac directa Solis lux F M; quippe in qua reflexio basis specularis B C, nullam effecerit mutationem.

EXPE-

E X P E R I M E N T U M X.

Bina prismata, forma atque magnitudine consimilia, ita colligavi, ut, axibus lateribusque inter se ex opposito parallelis, parallelopipedon conficerent. Id parallelopipedon, in radio Solis per parvum fenestræ operculi foramen in cubiculum tenebricosum transmissio, interjecto aliquo intervallo, ea positione collocavi, qua prismatum axes radiis incidentibus objecti essent ad perpendicularum; radiique incidentes in primam faciem unius prismatis, & transmissi per binas contiguas facies amborum prismatum, emergerent tandem ex ultima facie posterioris prismatis. Hæc ultima facies, cum parallela esset primæ faciei prioris prismatis, effecit ut lumen emergens atque incidens inter se essent parallela. Tum, post bina ista prismata, tertium collocavi; quo lumen e prioribus emergens refringeretur; eaque demum refractione colores, uti fieri solet, in opposito pariete, vel in chartæ albæ plagula modico ultra id prisma intervallo ad excipiendum lumen refractum collocata, depingerentur. His ita dispositis, Parallelopipedon lente circa axem suum convertebam. Cumque contiguæ binorum prismatum facies, radios sibi incidentes jam adeo oblique exciperent, ut radii isti in totum reflecti cœperint: radii, qui in tertio prismate maxime refracti fuerant, chartamque colore violaceo & cæruleo infecerant, iidem jam omnium primi reflexione totali e lumine transmissio tollebantur: dum reliqui adhuc transmitterentur, coloresque, ut antea, viridem, flavum, aureum & rubrum, in charta depictos exhiberent: Postea autem, continuato binorum prismatum inter se colligatorum motu, reliqui iidem radii reflexione totali, pro sua cujusque refrangibilitate, ordine tollebantur. Itaque lumen, quod e binis prismatibus emerfit, compositum erat ex radiis diverse refrangibilibus: quippe e quo radii magis refrangibiles, manentibus adhuc iis qui minus refrangibiles sint, tolli potuerint. Jam vero id lumen, cum per parallelas solummodo binorum prismatum facies trajetum fuerit; siquam ex unius superficiei refractione mutationem id subiisse fingas; at illam omnem quæcunque

cunque est impressionem, jam ex contraria alterius superficiei refractione deposuerit oportet; eoque pacto in pristinum suum statum restitutum esse necesse est; ejusdemque omnino naturæ, ac antequam in ista prismata incideret, jam esse factum. Sequitur igitur, id lumen, etiam antea, æque ac post, quam in prismata incideret, ex radiis diverse refrangibilibus compositum fuisse.

TAB. IV. *ILLUSTRATIO.* In schemate 22^{do} ABC & BCD sunt bina prismata, in parallelopipedi formam colligata; lateribus BC & CB contiguis; lateribus autem AB & CD inter se parallelis. Et HIK est tertium prisma, quo Solis lumen, in cubiculum tenebricosum per foramen F immissum, & deinceps per binorum prismatum facies AB, BC, CB & CD trajectum, refringitur demum in O ad chartam albam PT, super qua partim ad P majori refractione, partim ad T minori refractione, & partim ad R aliaque media loca refractionibus intermediis fertur. Jam convertendo parallelopipedon ACBD circa axem suum eam in partem, quam denotat ordo literarum A, C, D, B: efficietur ut quum facies contiguæ BC & CB, radios FM, sibi in M incidentes satis jam oblique excipiant; evanescant continuo e lumine refracto OPT, primo radii maxime refracti OP, (reliquis OR & OT adhuc, ut prius, manentibus;) deinde radii OR reliquique mediocriter refracti, & postremo radii minime omnium refracti OT. Etenim cum facies BC radios sibi incidentes satis jam oblique excipiat; radii isti inde ex toto reflecti incipient ad N; idque ea lege, ut radii maxime refrangibiles omnium primi in totum reflectantur, (quomodo in superiori ante experimento expositum est,) & consequenter primi ad P evanescant necesse sit; reliqui autem, quo ordine in totum reflectuntur ad N, eodem ordine ad R & T evanescant. Itaque radii qui in prismate O maxime refringuntur, tolli possunt e lumine MO, dum reliqui adhuc supersunt: ac proinde id lumen MO, compositum est ex radiis diverse refrangibilibus. Et quoniam facies AB & CD inter se parallelæ sunt; & consequenter æqualibus & contrarias in partes factis refractionibus suos ipsarum
invicem

invicem effectus, quicumque ii fuerint, destruant retexantque necesse est: utique lumen incidens FM , necessario ejusdem generis ejusdemque naturæ erit, ac lumen emergens MO ; & proinde ipsum itidem ex radiis compositum erit diverse refrangibilibus. Duo ista lumina FM & MO , antequam radii maxime refrangibiles e lumine emergente MO separentur, tum colore tum reliquis omnibus, quantum ego quidem observare potuerim, proprietatibus inter se plane conveniunt. Merito igitur ejusdem esse generis ejusdemque naturæ existimentur: & proinde ambo consimili ratione sunt composita. Verum simul ac primum radii maxime refrangibiles ex toto reflecti cœperint, eoque pacto a lumine emergente MO separari; id lumen continuo colorem suum immutat; albumque cum esset, jam dilutius fit primo & subflavum, deinde aureum, postea rubrum saturatius, & postremo penitus evanescit. Nam postquam radii maxime refrangibiles, qui chartam ad P colore purpureo inferant, e lumine MO totali reflexione sublatis sunt; reliqui colores super charta ad R & T , permixti in lumine MO , conficiunt jam in isto radio colorem subflavum. Cum porro radii cærulei & ex parte etiam virides, qui super charta inter P & R visi fuerant, sublatis sunt; reliqui inter R & T (hoc est, flavi, aurei, rubri, & viridium nonnulli,) permixti in lumine MO , conficiunt jam in isto radio colorem aureum. Cum denique, reliquis omnibus reflexione e lumine MO sublatis, radii minime refrangibiles, qui ad T colore rubro saturatiori apparuerant, soli supersunt; horum radiorum jam idem plane color est in lumine MO , qui fuerat eorundem super charta in T : quippe refractionis prismatis HIK id solummodo effecerit, ut radii diverse refrangibiles a se invicem separarentur, nequaquam autem ut colores ipsorum ullo modo mutarentur; id quod infra uberius comprobabitur. Quibus omnibus observationibus tam prima propositio, quam secunda, confirmatur.

SCHOLIUM. Si hoc & superius experimentum in unum conjungantur, adhibendo quartum prisma VXY , [*Fig. 22.*] TAB. IV,
F
quo

quo radius reflexus MN refringatur ad p : clarius adhuc sequetur id, quod erat inferendum. Etenim hoc pacto id luminis Np , quod in quarto prisma plus quam reliquum lumen refringitur, clarius & illustrius tum efficietur, cum lumen OP , quod in tertio prisma HIK itidem maxime refractum est, evanescet ad P . Postea autem, cum lumen minus refractum OT evanescet ad T , lumen minus refractum Nt similiter augebitur; dum lumini magis refracto, quod est ad p , nulla amplius adferatur accessio. Et sicut radius trajectus MO , inter evanescendum semper eum colorem habet, qui ex colorum in chartam PT incidentium permixtione oriri debeat: ita radius reflexus MN , semper eum colorem habebit, qui oriri debeat ex illorum colorum permixtione, qui incidant in chartam p . Quando enim radii maxime refrangibiles e lumine trajecto MO totali reflexione sublatis sunt, indeque illud lumen coloris aurei evadit: nimia radiorum istorum exinde in lumine reflexo admixta proportio efficit, non modo ut colores violaceus, indicus, & caruleus, qui sunt ad p , densiores clarioresque fiant; verum etiam ut radius MN , amisso colore illo subflavo, qui est Solis luminis color, alborem jam induat ad caruleum accedentem: Qui tamen idem radius subflavum suum colorem iterum recuperet, simul ut reliquum luminis transmissi MOt itidem reflectatur.

Quoniam igitur in hac tanta experimentorum varietate: sive lumen adhibeatur reflexum; idque vel a corporibus naturalibus, ut in experimentis primo & secundo; vel specularibus, ut in nono: sive lumen adhibeatur refractum; idque vel antequam radii inæqualiter refracti divergendo a se invicem separentur, amissaque ea qua erant universi albitudine, suum jam singuli colorem exhibeant, ut in quinto experimento; vel postquam a se invicem separati sunt coloratique videntur, ut in sexto, septimo, & octavo: sive lumen adhibeatur trajectum per superficies inter se parallelas, quæ suos ipsarum effectus, quicunque ii sint, invicem retexant, ut in experimento decimo: Quoniam, inquam, in hisce omnibus experimentis, semper inveniuntur

inveniuntur radii, qui in iisdem incidentiis super unum idemque medium inæqualiter refringantur; idque sine ulla diffusione aut dilatatione radiorum singulorum, ullave refractionum inæqualitate tali, quæ possit casu accidere, ut in experimentis quinto & sexto probavimus: Et quoniam radii, qui inter se refrangibilitate differunt, secerni invicem & segregari possunt; idque vel refractione, ut in tertio experimento; vel reflexione, ut in decimo; tumque varia seorsum radiorum genera, iisdem positis incidentiis, inæqualiter refringuntur; quique ante separandum plus cæteris refringebantur radii, iidem plus etiam postea refringuntur, ut in sexto & sequentibus experimentis; &, si Solis lumen per tria plurave prismata sibi invicem in transversum posita ex ordine refringatur, qui radii in primo prismate plus quam reliqui refracti fuerint, iidem in cæteris quoque omnibus prismatibus consimili proportionem plus quam reliqui iterum refringuntur; ut ex quinto experimento liquet: Ex his, inquam, omnibus abunde apparet, Solis lumen heterogeneam esse radiorum mixturam, quorum alii magis, alii minus refrangibiles sint; idque certa aliqua ac constanti ratione. Quod erat mihi comprobandum.

PROPOSITIO III. THEOREMA III.

Lumen Solis constat ex radiis, qui reflexibilitate inter se differunt: & qui radii magis refrangibiles sunt, iidem quoque sunt magis reflexibiles.

Liquet hoc ex nono decimoque experimentis. In nono enim experimento, cum prisma circa axem suum usque eo conversum esset, donec radii intra prisma, qui in transeundo e prismate in aërem adhuc a basi ejus refracti fuissent, jam in istam basim adeo oblique inciderent, ut in totum inde reflecti cœperint; ii radii omnium primi in totum reflectebantur, qui ante, iisdem positis omnium incidentiis, ma-

xime fuerant refracti. Hocque idem accidit in reflexione radiorum a communi binorum prismatum basi, in decimo supra experimento memorata.

PROPOSITIO IV. PROBLEMA I.

Separare a se invicem heterogeneous luminis compositi radios.

RAdii heterogenei a se invicem quadantenus separati sunt refractione prismatis in tertio experimento : & in quinto experimento, auferendo penumbram a rectilineis coloratae imaginis lateribus, ea separatio, in istis ipsis rectilineis lateribus five marginibus imaginis, perfecta fit. Verum in omni parte imaginis inter ista rectilinea latera, innumeri illi circuli in quinto supra experimento descripti, quorum singuli singulis radiorum generibus illuminati sunt, se inter se omni ex parte commiscendo efficiunt, ut lumen satis admodum compositum sit. Quod si jam circulorum illorum diametri, centrorum situ atque intervallis nihil mutatis, diminui possent; utique permixtio ipsorum inter se, & consequenter radiorum heterogeneorum mixtura, consimili proportionem diminueretur. Sint enim, in schemate 23°, AG, BH, CI, DK, EL, & FM, circuli, quos totidem radiorum genera ex uno eodemque Solis globo fluentia, uti in tertio supra experimento dictum est, singula singulos illuminant: ex quibus omnibus, aliisque innumeris intermediis ordine continuo inter duo rectilinea & parallela oblongae Solis imaginis PT latera dispositis circulis, imago ista, quomodo in quinto supra experimento exposuimus, composita est. Sintque *ag*, *bh*, *ci*, *dk*, *el*, & *fm*, totidem minores circuli, ordine consimili inter duas parallelas lineas rectas *af* & *gm* dispositi; similibus centrorum suorum intervallis; similibusque, ac majores circuli, radiorum generibus illuminati: hoc est, sit circulus *ag* eodem genere radiorum, ac circulus AG sibi ordine respondens, illuminatus; item circulus *bh* eodem genere radiorum, ac circulus BH; & similiter

TAB. V.

liter singuli circuli *ci*, *dk*, *el* & *fm* comparate, iisdem generibus radiorum, ac circuli *CI*, *DK*, *EL*, & *FM*. Jam in schemate *P T* ex circulis maioribus constante, terni istorum circulorum, *AG*, *BH*, *CI*, adeo in se invicem diffusi permiscuntur, ut tria radiorum genera quibus circuli isti illuminati sunt, una cum aliis innumeris radiorum intermediarum generibus, inter se ad *QR* in medio circuli *BH* penitus commixta sint: & consimilis fere per totam schematis *P T* longitudinem invenitur permixtio radiorum. Atqui in schemate *p t* ex circulis minoribus constante, terni minores circuli *ag*, *bh*, *ci*, ternis illis maioribus ordine respondentes, non in se invicem diffunduntur; neque ulla sui parte in se commixta habent ne bina quidem ex tribus illis radiorum generibus, quibus hi circuli illuminantur, quæque in altero schemate *P T* inter se omnia penitus intermixta sunt ad *BH*.

Qui igitur rem hoc modo consideraverit, is facile intelliget, radiorum permixtionem eadem proportionem diminui, ac diametros circulorum. Si, eisdem manentibus centrorum intervallis, diametri circulorum tribus tantis minores fiant, quam fuerant antea; permixtio radiorum, itidem tribus tantis minor fiet: Si circulorum diametri, decies tanto minores fiant; radiorum permixtio itidem decies tanta minor evadet: & similiter, in alia omni proportionem. Hoc est, mixtura radiorum in majori schemate *P T*, ad mixturam eorum in minori *p t*, eam proportionem habebit, quam habet latitudo majoris schematis ad latitudinem minoris. Etenim latitudines horum schematum, æquales sunt diametris circulorum. Ex quo facile consequens est, permixtionem radiorum in refracta imagine *p t*, ad permixtionem radiorum in directo & integro Solis lumine, eam proportionem habere, quam habet latitudo istius imaginis ad differentiam longitudinis & latitudinis suæ.

Quare, ut radiorum permixtionem diminueri possimus, diminuendæ sunt diametri circulorum. Hoc autem ita facere poterimus, si Solis diameter, cui isti circuli respondent, minor reddi queat; vel (quod eodem recidit) si foris inter prisma &

Solem, magno interjecto intervallo, aliquod opacum corpus ita sit collocatum, ut, intercepto reliquo omni Solis lumine, id duntaxat luminis, quod e medio Solis globo fluit, per parvum rotundum foramen in isto opaco corpore transmittatur ad prisma. Etenim hoc pacto, circuli A G, B H, cæterique eis adjuncti, non jam amplius toti Solis globo respondebunt; sed ei solummodo ipsius parti, quæ e prismate per id foramen cerni possit; hoc est, apparenti magnitudini foraminis istius e prismate spectati. Verum, quo hi circuli magis distincte isti foramini respondeant, lentem insuper prope prisma collocatam oportet, qua foraminis imago (hoc est, unusquisque circulo-
rum A G, B H, &c.) distincte in charta P T depingatur; eodem modo ac lente in fenestra collocata, rerum foris ob-
jectarum imagines distincte in charta intra cubiculum depictæ ex-
hiberi solent; & quomodo in quinto supra experimento rectili-
nea oblongæ Solis imaginis latera distincta erant reddita, ac sine
penumbra. Atque hoc si fiat; jam nihil necesse erit ut id fora-
men longe remotum sit, ne quidem ultra fenestram. Quam-
obrem, loco illius foraminis, foramine in ipso fenestræ opercu-
lo, quomodo jam infra exponetur, usus sum.

EXPERIMENTUM XI.

In Solis radio per parvum rotundumque fenestræ operculi foramen in cubiculum tenebricosum immisso, lentem, intervallo circiter decem duodecimve pedum a fenestra, erexi; qua foraminis imago in chartæ albæ plagula, intervallo sex, octo, decem, duodecimve pedum ultra lentem collocata, distincte depingeretur. Nam pro varia lentium forma, chartam variis interjectis intervallis, quæ singulatim memorare operæ pretium non erit, objiciebam. Deinde, proxime post lentem, prisma interposui; quo lumen trajectum refringeretur vel sursum versus, vel in latus; eoque pacto imago rotunda, quam lens sola in chartam projecerat, jam in oblongam imaginem lateribus inter se parallelis definitam, qualem in tertio supra experimento descri-

descripsimus, produceretur. Oblongam istam imaginem alia charta, eodem fere, ac prius, interjecto a prisma intervallo, excepi. Movebam autem chartam ultro citroque usque eo, donec charta & prisma iusto inter se spatio distarent, quo rectilinea imaginis latera quam maxime distincta apparerent. Cum enim hoc accideret; rotundæ foraminis imagunculæ, ex quibus tota ista imago eodem modo composita erat ac imago *pt* [*Fig. 23.*] TAB. V. ex circulis *ag*, *bh*, *ci*, &c; terminis maxime distinctis finiebantur sine ulla penumbra: ideoque in se invicem quam possent minime commiscebantur; & consequenter radiorum heterogeneorum permixtio jam omnium minima erat. Hoc pacto, ex rotundis foraminis imaginibus, quales sunt *ag*, *bh*, *ci*, &c. oblongam imaginem, qualis est *pt*, [*Fig. 23 & 24.*] formare solebam: & ampliando aut minuendo foramen in fenestræ operculo, efficiebam ut rotundæ imagines *ag*, *bh*, *ci*, &c. ex quibus oblonga ea imago composita erat, dilatarentur aut contraherentur, ut mihi libitum esset; indeque ut radiorum mixtura in imagine *pt* tam magna tamve parva esset, quam ipse cuperem.

ILLUSTRATIO. In schemate 24^{to}, F representat TAB. V. rotundum foramen in fenestræ operculo: M N lentem, qua imago istius foraminis distincte in charta I depicta exhibetur; A B C prisma, quo radii, simul ut e lente emerferint, refringuntur ab I ad aliam chartam *pt*; ibique rotunda imago I convertitur in oblongam imaginem *pt*. Ea imago *pt*, constat ex circulis in una eademque linea recta ordine continuo dispositis; quomodo in quinto supra experimento satis explicatum est. Qui quidem circuli, æquales sunt circulo I; & consequenter foramini F magnitudine respondent. Quamobrem minuendo id foramen, hi circuli, iisdem adhuc manentibus centrorum intervallis, in quam libuerit parvitatem contrahi poterunt. Atque hoc quidem pacto effeci, ut latitudo imaginis istius *pt*, quadraginta vel etiam sexaginta interdum aut septuaginta partibus superaretur longitudine sua. Exempli gratia: si latitudo foraminis F, sit $\frac{1}{10}$ uncia; & M E, intervallum quo foramen & lens;

lens inter se distant, sit 12 pedum; & $p B$ aut $p M$, distantia imaginis $p t$ a prismatic aut lente, sit 10 pedum; & angulus refringens prismatis, 62 graduum: utique latitudo imaginis $p t$ erit $\frac{1}{12}$ unciae, longitudo autem ejus circiter sex ipsas uncias complectetur. Quare longitudo ejus ad latitudinem, erit ut 72 ad 1: & consequenter lumen hujus imaginis semel & septuagies tanto, quam directum Solis lumen, minus erit compositum. Hujusmodi autem lumen, satis quidem simplex & homogeneous æstimari possit, ad omnia experimenta quæ in hoc libello circa lumen simplex versari videantur. Etenim adeo pusillum est quod in hoc lumine admixtum sit radiorum heterogeneous, ut sensu percipi vix possit: nisi forte in coloribus indico & violaceo; quibus, ut sunt colorum fusciores, perpaululum id quoque versus dispersi luminis, quod prismatis inæqualitatibus irregulariter refringi solet, facile aliquam immutationem adferre queat.

Attamen, loco rotundi foraminis F , melius adhiberi poterit foramen oblongum, forma oblongi parallelogrammi, cujus longitudo parallela sit prismati $A B C$. Si enim hujusmodi foramen, longum sit uncia una aut duabus; latum autem $\frac{1}{10}$ solummodo aut $\frac{1}{20}$ unciae, aut etiam minus eo: lumen imaginis $p t$ æque, vel etiam magis, quam in priori casu, simplex erit; simulque imago latior multo, & proinde ad experimenta aptior.

Porro, foraminis hujusce parallelogrammi loco, adhiberi poterit foramen triangulum, binis lateribus inter se æqualibus; cujus basis, exempli gratia, sit circiter $\frac{1}{10}$ unciae; altitudo autem, uncia una aut plus eo. Etenim hoc pacto, si prismatis axis sit parallelus ad trianguli perpendicularem, imago $p t$ [Fig. 25.] jam composita erit ex triangulis æquicruris ag , bh , ci , dk , el , fm , &c. aliisque inumeris intermediis triangulis, foramini triangulari forma & magnitudine respondentibus, & inter duas lineas parallelas af & gm ordine continuo dispositis. Quæ quidem triangula a basibus suis nonnihil inter se commixta erunt; a verticibus autem, nequaquam. Quare lumen a clariori imaginis latere af , ubi triangulorum bases sitæ sunt, erit quidem aliquantum compositum; a latere obscuriori autem gm , plane simpli-

simplicissimum; & in omni parte imaginis inter ista latera, pro eo ut a latere obscuriori gm distet, magis minusve compositum. Atque talem quidem imaginem pt , ubi semel comparaveris; varia experimenta capere licebit, vel in clariori ac minus simplici ipsius lumine a latere af , vel in obscuriori ac simpliciori lumine a latere gm , ut libitum fuerit.

Verum in hujusmodi experimentis capiundis, id omnino agendum est, ut cubiculum quam possit maxime tenebricosum fiat; nequid luminis sese imaginis pt lumini extrinsecus admiscens, compositum id reddat: & praesertim, si experimenta capiunda sunt in simpliciori isto lumine, quod est a latere gm ; quod, cum debilius languidiusque sit, utique minorem proportionem habebit ad lumen extrinsecus adveniens, & proinde admixtione istius luminis magis interturbabitur compositumque reddetur. Oportet etiam ut lens sit bona, qualis in conspiciillis tubulatis adhiberi solet: insuper ut prisma sit angulo largiori, puta 65 aut 70 graduum; beneque factum, ex vitro bullis venulisque immuni, & faciebus non, ut fit, convexis aliquantum aut concavis, sed accurate planis: item ut summa cum cura perpoliturum sit, quomodo vitra ad conspiciilla tubulata poliuuntur; non autem, uti vulgo fit, stanno uto solummodo leviter defricum; quo cum foraminum ab arena restantium margines detriti sint, vitri facies adhuc innumeris perparvis laevibusque prominentiis aliquantillum convexis undatim crispa manet. Praeterea, prismatis acies angulatae, lentisque extremitates, quatenus irregularem aliquam refractionem efficere possent, charta nigra adglutinata obtegi debent. Radique solaris in cubiculum transmissi lumen id omne, quod ad experimentum erit inutile, charta nigra aliove aliquo nigro objecto corpore omnino interceptum est. Alioqui enim lumen id inutile, quaquaversus in cubiculo reflexum, immiscebit sese imagini oblongae, eamque nonnihil interturbabit. Caeterum ad haec experimenta non equidem prorsus necessariam esse dixerim tantam, quantam in praesenti imperasse videar, diligentiam: Quanquam ad id sane, ut feliciter procedant experimenta, permultum conferet; ideo-

que si quis accuratius & curiosius naturam speculari velit, is certe tantam diligentiam non sine fructu uberiori adhibebit. Verum enimvero prismata ex vitro solida, quæ hujusmodi experimentis capiendis satis idonea sunt, comparare perdifficile est: Quamobrem ipse vasis ex speculorum confractorum partibus in formam prismatum, conclusa intus aqua pluvia, compactis, nonnunquam usus sum; & ad augendam refractionem, aquam interdum Saccharo Saturni copiose imbuebam.

P R O P O S I T I O V. T H E O R E M A IV.

Lumen homogeneous regulariter, sine ulla dilatatione, diffissione, aut discussione radiorum, refringitur: Et confusior ille objectorum lumine heterogeneo per corpora refringentia visorum aspectus, oritur ex diversa refrangibilitate radiorum diversorum generum.

Prima pars hujus propositionis jam ante in quinto experimento satis comprobata fuit; & ex his, quæ sequuntur, experimentis amplius manifesta fiet.

E X P E R I M E N T U M XII.

Chartam nigram, in qua foramen rotundum erat diametro circiter quintam aut sextam unciam partem longa, ita collocavi, ut ea imaginem ex lumine homogeneo talem, qualem in præcedente propositione descripsimus, sic exciperet, ut luminis pars aliqua per foramen ipsius transmitteretur. Dein luminis partem eam, quæ per chartæ foramen transmissa esset, prisma post istam chartam collocato ita refregi, ut deinceps in chartam albam, interjecto duorum triumve pedum intervallo, ad perpendicularum incideret. Quibus ita dispositis, observavi imaginem super charta alba refractione luminis illius homogenei depictam, non jam oblongam esse, ut cum (in tertio experimento) luminis solaris compositi refractione depingeretur; sed, (quan-

tum

tum oculis quidem judicare potuerim,) longitudine & latitudine inter se æqualibus, plane rotundam. Ex quo apparet, hoc lumen regulariter refractum esse, sine ulla dilatatione radiorum.

EXPERIMENTUM XIII.

In lumine homogeneo circulum chartaceum, diametro $\frac{1}{4}$ unciae longa, collocavi; & in albo heterogeneo Solis lumine nondum refracto, alium circulum chartaceum, eadem magnitudine, similiter posui. Tum, interjecto aliquot pedum intervallo, utrumque horum circulorum per prisma oculis admotum inspexi. Circulus is, qui heterogeneo Solis lumine illuminabatur, oblongus valde, sicuti in quarto experimento, videbatur; adeo ut latitudo ejus multis partibus superaretur longitudine sua: Circulus autem is, qui lumine homogeneo illuminabatur, plane rotundus videbatur; & distinctis terminis definitus; ut quum nudis oculis inspiceretur. Quo experimento utraque pars hujus propositionis comprobatur.

EXPERIMENTUM XIV.

Cum muscas aliaque id genus minuta corpora, in homogeneo lumine collocata, per prisma inspicerem; partes ipsorum videbam tam distincte definitas, ac si nudis ea oculis aspexissem. Cum autem eadem corpora, in albo heterogeneo Solis lumine nondum refracto collocata, per prisma similiter inspicerem; valde confusis terminis definita videbantur; adeo ut minutiores ipsorum partes discernere & internoscere haud potuerim. Similiter cum litterulas minutiores libro impressas, primo in lumine homogeneo, deinde in heterogeneo collocatas, per prisma inspicerem; in posteriori lumine tam confusæ tamque indistinctæ videbantur, ut legi non possent; in priori autem adeo distinctæ, ut & facillime legi possent, & plane nihilo minus distincte cerni, quam si nudis oculis aspicerentur. In

utroque casu easdem res objectas, eodem situ positas, per idem prisma, & eodem intervallo interjecto, conspiciuntur. Nihil quicquam prorsus inter se differebant, nisi quod lumine diverso illuminabantur; quod quidem lumen uno in casu simplex erat, in altero compositum. Quare corpora ista objecta, quamobrem in priori casu tam distincte, in posteriori tam confuse cernerentur, nihil aliud plane in causa esse potuit, præter luminum solummodo differentiam. Quo itidem tota propositio comprobatur.

Porro in tribus hisce experimentis, id etiam notatu erat dignissimum; homogenei luminis colorem, refractione nihil fuisse immutatum.

PROPOSITIO VI. THEOREMA V.

Sinus incidentiæ cujusque radii seorsum, est ad sinum refractionis sue in data ratione.

U Numquemque radium seorsum, certa ac constanti aliqua ratione refrangibilem esse, ex iis quæ dicta sunt, satis est manifestum. Qui radii in prima refractione, iisdem positis omnium incidentiis, maxime refringuntur; ii in sequentibus itidem refractionibus, iisdem positis incidentiis, iterum maxime refringuntur: similique ratione radii minime refrangibiles, & quicunque sunt medio aliquo refrangibilitatis gradu; uti ex 5^{to}, 6^{to}, 7^{mo}, 8^{vo}, & 9^{no} experimentis liquet. Porro qui radii in prima refractione, iisdem positis omnium incidentiis, æqualiter refringuntur; ii iterum, iisdem positis incidentiis, æqualiter & uniformiter refringuntur: idque sive refringantur antequam a se invicem separati fuerint, ut in quinto experimento; sive postquam separati fuerint, ut in experimentis 12^{mo}, 13^o, & 14^{to}. Itaque refractione cujusque radii seorsum, fit ad certam aliquam constantemque regulam: ea autem regula quæ sit, restat ut jam deinceps ostendamus.

Nuperi de rebus Opticis scriptores docent; sinus incidentiæ ad

ad sinus refractionis esse in data proportione ; uti in quinto axioma expositum est : & nonnulli instrumentis ad refractiones mensurandas , aut alia aliqua ratione hanc proportionem experimentis computantes , asseruerunt se eam invenisse accuratam. Verum dum illi , nondum intellecta diversa radiorum diversorum refrangibilitate , crediderunt radios una eademque proportione refringi universos ; existimandum est , eos mensuras ad partem mediam solummodo luminis refracti accommodasse : adeo ut ex illorum mensuris hoc solum concludi possit ; radios , qui sunt medio refrangibilitatis gradu ; hoc est , qui , cum a reliquis separati sint , virides videntur ; eos in data sinuum proportione refringi : Reliquos autem omnes , itidem secundum datas sinuum proportionem refringi ; id nobis jam restat comprobandum. Equidem , rem ita se habere debere , admodum est credibile & rationi consentaneum ; quandoquidem natura semper est sui similis. Verum probatio ab experimentis desumenda requiritur. Atque talem quidem probationem ita adferemus , si ostendere poterimus , sinus refractionis radiorum diverse refrangibilium esse ad se invicem in data proportione , quando sinus incidentiæ sunt inter se æquales. Etenim si sinus refractionis omnium radiorum , sint in datis proportionibus ad sinus refractionis alicujus radii , qui sit medio refrangibilitatis gradu ; isque sinus sit in data proportione ad incidentiæ sinus inter se æquales ; utique reliqui isti refractionis sinus , erunt itidem in datis proportionibus ad sinus incidentiæ inter se æquales. Jam autem sinus refractionis esse ad se invicem in data proportione , quando sinus incidentiæ sunt inter se æquales ; ex sequenti experimento apparebit.

EXPERIMENTUM XV.

Per parvum rotundum foramen in fenestræ operculo , transmittatur in cubiculum tenebricosum radius Solis. Sit S [Fig. TAB. VI. 26.] alba & rotunda Solis imago , directio suo lumine in oppositum parietem depicta. Sit P T oblonga & colorata imago ,

quæ fiat refringendo id lumen per prisma in fenestra positum. Sit denique $p t$, vel $2 p 2 t$, vel $3 p 3 t$, oblonga & colorata imago ea, quæ fiat refringendo iterum idem lumen in latus per alterum prisma proxime post primum situ transverso collocatum; quomodo in quinto supra experimento explicatum est. Hoc est, sit ea imago, cum refractione secundi prismatis minor sit, $p t$, cum refractione ejusdem major sit, $2 p 2 t$; cum maxima, $3 p 3 t$. Etenim ea erit refractionum diversitas, si angulus refringens secundi prismatis sit varia magnitudine; puta quindecim aut viginti graduum, quum imago sit $p t$; triginta aut quadraginta, quum $2 p 2 t$; & sexaginta, quum $3 p 3 t$. Verum enimvero defectu prismatum ex vitro solidorum, quorum anguli ea sint qua oporteat magnitudine; comparari poterunt vasa ex politis vitri lamellis in formam prismatum, conclusa intus aqua, conglutinatis. His ita dispositis, observabam omnes Solis imagines coloratas, $P T$, $p t$, $2 p 2 t$, $3 p 3 t$, convergere quam proxime ad eum ipsum locum S , quo directum Solis lumen, quando, sublatis prismatibus, albam rotundamque in pariete Solis imaginem depingeret incidebat. Axis imaginis $P T$, productus; hoc est, linea ita per mediam imaginem $P T$ ducta, ut rectilineis ipsius lateribus parallela esset; transibat deinceps per medium ipsum istius albæ ac rotundæ imaginis S . Cumque refractione secundi prismatis, æqualis esset refractioni prioris; quippe quorum anguli refringentes, essent circiter sexagenum graduum; axis imaginis $3 p 3 t$ ista refractione effictæ, ipse itidem productus transibat per medium ejusdem albæ rotundæque imaginis S . Cum autem refractione secundi prismatis, minor esset refractione prioris; axes producti imaginum $t p$ aut $2 t 2 p$ ista refractione effictarum, intersecabant jam in punctis m & n , paulo ultra centrum albæ rotundæque imaginis S , axem productum imaginis $P T$. Unde proportio lineæ $3 t T$ ad lineam $3 p P$, paulo major erat quam lineæ $2 t T$ ad lineam $2 p P$; hæcque itidem paulo major, quam lineæ $t T$ ad lineam $p P$. Jam quum lumen imaginis $P T$ incidat in parietem ad perpendicularum; lineæ istæ $3 t T$, $3 p P$; & $2 t T$, $2 p P$; & $t T$, $p P$, sunt

sunt *Tangentes* refractionum. Quare ex hoc experimento, proportionales tangentium refractionum inveniuntur; Unde & sinuum proportionales collectæ, æquales reperiuntur; quantum quidem, imagines intuendo, & mathematicam quandam ratiocinationem adhibendo, judicare potuerim: Non enim accurate calculum ponebam. Itaque propositio nostra, quantum ab experimentis colligitur, in unoquoque seorsum radio vera esse apparet. Veram autem eam esse accuratissime, etiam demonstrari potest ex hac suppositione; *corpora lumen refringere, agendo in radios ejus in lineis ad superficies suas perpendicularibus.* Verum, quo hæc demonstratio recte procedat, distinguendus est motus cujusque radii in duos motus, quorum alter superficiem refringentem perpendicularis sit; alter eidem parallelus, & de motu quidem eo qui est perpendicularis, subjicienda est propositio sequens.

Si quis motus, aut corpus motum quodcunque, incidat quavis velocitate in quodvis latum & tenue spatium, duobus planis parallelis utrinque terminatum; inque transitu suo per istud spatium, urgeatur perpendiculariter versus ulterius planum quavis vi, quæ, datis distantis ab isto plano, sit datarum quantitatum: Perpendicularis velocitas istius motus, aut corporis, tum cum emerget ex eo spatio, semper æqualis erit radici summæ ejusdem, quæ composita sit ex quadrato perpendicularis velocitatis quam habebat iste motus, aut corpus, tum cum incideret in istud spatium; & ex quadrato perpendicularis velocitatis quam idem motus, aut corpus, haberet tum, cum emergeret, si perpendicularis ejus velocitas tum, cum incideret, infinite parva fuisset.

Eadem autem propositio similiter vera erit de quovis motu, aut corpore, perpendiculariter retardato in transitu suo per istud spatium; si loco summæ binorum quadratorum, differentiam ipsorum sumas. Demonstrationem facile invenient mathematici; ideoque, ne lectorem distineam, eam hic non apponam.

Finge jam radium aliquem obliquissime in linea *M C* [*Fig. TAB. I.*] incidentem, refringi ad *C* a Plano *R S* in lineam *C N*: & si linea *C E*, in quam alius quilibet radius *A C* refringi debeat, quæ

quæ sit quærat; sint MC , AD , sinus incidentiæ duorum istorum radiorum; & NG , EF , eorundem sinus refractionis; & exponantur æquales radiorum incidentium motus, per lineas inter se æquales MC & AC . Tum, motu MC ad planum refringens parallelo existente, distinguatur motus alter AC in duos motus AD & DC , quorum alter AD parallelus, alter autem DC perpendicularis sit ad superficiem refringentem. Similiter, distinguantur motus emergentium radiorum, in binos motus; quorum ii, qui sunt perpendiculares, sint $\frac{MC}{NG} CG$, &

$\frac{AD}{EF} CF$. Quod si vis plani refringentis incipiat agere in radios vel jam in ipso plano, vel certo interjecto intervallo, ex una parte; desinatque certo interjecto intervallo ex altera parte; & in omnibus locis intra istos limites sitis, agat in radios in lineis superficiei isti refringenti perpendicularibus; actionesque ejus in radios, in distantis æqualibus a plano refringente, æquales sint; in distantis autem inæqualibus, vel æquales sint, vel certa qualibet proportione inæquales: utique motus radii is, qui sit plano refringenti parallelus, nullam omnino ab ista vi mutationem patietur; motus autem is, qui sit plano eidem perpendicularis, mutabitur secundum propositionis jam expositæ rationem. Itaque si perpendicularis velocitas radii emergentis CN , exponatur per $\frac{MC}{NG} CG$, ut supra; perpendicularis velo-

citas alterius cujusvis radii emergentis CE , quæ erat $\frac{AD}{EF} CF$,

erit æqualis radici Summæ quadratorum $CDq + \frac{MC}{NG} \frac{q}{q} CGq$.

Quæ quidem æqualia si quadraveris jam, eisque addas æqualia ADq & $MCq - CDq$, dividasque summas per æqualia $CFq + EFq$ & $CGq + NGq$, habebis $\frac{AD}{EF} \frac{q}{q}$ æquale

$\frac{MC}{NG} \frac{q}{q}$. Unde AD , sinus incidentiæ, sit ad EF , sinum refractionis, ut MC ad NG : hoc est, in data ratione. Et quoniam

niam hæc demonstratio universalis est; in qua nec quid sit lumen, nec quali vi refringatur, nec aliud omnino quicquam posuerim, præter id solum; *corpus refringens agere in radios in lineis superficiei suæ perpendicularibus*: utique veritatem hujusce propositionis certissimam videtur evincere.

Quare, si ratio sinuum incidentiæ & refractionis cujusvis generis radiorum in uno aliquo casu inventa fuerit; inventa erit in omnibus. Ea autem quæ sit, methodo in sequenti propositione tradenda, facile colligi poterit.

P R O P O S I T I O VII. T H E O R E M A VI.

Conspicilla tubulata quominus omnibus numeris perfecta construi queant, facit diversa radiorum luminis refrangibilitas.

Conspicilla tubulata quominus omnibus numeris perfecta construi potuerint, sphaericæ vitrorum figuræ vulgo in causa fuisse creduntur: ideoque id sibi proposuerunt mathematici, ut vitra in conicarum sectionum figuras tornarent. Verum ut eos in errore hac in parte versari ostenderem, propositionem hancce adjeci. Quæ quam vera sit, ex mensuris refractionum diversorum generum radiorum apparebit. Eæ autem quæ sint, hac ratione definio.

In tertio experimento hujus *Partis*, ubi angulus refringens prismatis erat graduum $62\frac{1}{2}$, dimidium istius anguli, hoc est, 31 gradus & 15 minuta, est angulus incidentiæ radiorum in ærem e vitro egredientium; & sinus istius anguli, est 5188 earum partium, quarum radius complectitur 10000. Cum axis hujus prismatis, horizonti parallelus esset; refractioneque radiorum in prisma incidentium, refractioni eorundem e prisma exeuntium, æqualis esset: observabam, ope quadrantis, angulum quem radii mediocriter refrangibiles (hoc est, ii qui ad medium coloratæ Solis imaginis irent,) cum horizonte continerent:

H

Ex

Ex hoc autem angulo, & altitudine Solis eodem tempore observata, comperiebam angulum, quem radii emergentes & incidentes inter se continerent, esse 44 graduum ac 40 minutorum; cujus quidem anguli dimidium, additum angulo incidentiæ, qui erat 31 graduum & 15 minutorum, conficit angulum refractionis; qui proinde fit 53 graduum ac 35 minutorum, ejusque sinus 8047. Hi sunt sinus incidentiæ & refractionis radiorum mediocriter refrangibilium; eorumque proportio inter se, in numeris integris, est ut 20 ad 31. Vitrum, e quo hoc prisma constabat, colore erat ad viridem descendente. Ultimum autem prismatum in tertio experimento memoratorum, e vitro erat admodum pelucido candidoque. Ejus angulus refringens, erat graduum $63\frac{1}{2}$. Angulus quem radii emergentes & incidentes inter se continebant, 45 grad. 50. min. Sinus dimidii primi anguli, 5262. Sinus dimidiæ summæ angulorum, 8157. Proportio autem ipsorum inter se, erat, ut prius, in numeris integris, ut 20 ad 31.

Si de longitudine imaginis, quæ erat unciarum circiter $9\frac{3}{4}$ aut 10, subducatur ejusdem latitudo, quæ erat unciarum $2\frac{1}{8}$; residuum, quod est uncia $7\frac{3}{4}$, erit longitudo, quam eadem imago ita esset habitura, si Solis globus unum solummodo punctum foret. Itaque hæc uncia $7\frac{3}{4}$ subtendunt angulum, quem radiorum maxime minimeque refrangibiles, qui in unis eisdemque lineis in prisma inciderant, inter se jam, postquam emerferint, continent. Quare iste angulus, est 2 grad. 0', 7". Etenim intervallum, quo imago & prisma, ubi iste angulus constituitur, inter se distabant, erat pedum $18\frac{1}{2}$; quo interjecto intervallo, chorda uncias $7\frac{3}{4}$ longa subtendit angulum 2 graduum, 0', 7". Dimidium autem istius anguli, est angulus quem hi maxime minimeve refrangibiles radii emergentes continent cum radiis mediocriter refrangibilibus emergentibus: & quarta ejusdem pars, hoc est, 30', 2", haberi potest angulus, quem iidem radii cum radiis illis mediocriter refrangibilibus emergentibus contenturi essent, si intra vitrum cum eis conjuncti:

juncti fuissent, nec ante emergendum ullam passi fuissent refractionem. Si enim duæ æquales refractiones; quarum altera sit radiorum in prisina incidentium, altera emergentium; constituunt dimidium anguli 2 grad. 0', 7": utique una istarum refractionum efficiet circiter quartam partem ejusdem anguli. Atque hæc quidem quarta pars, si adjiciatur jam ad angulum refractionis radiorum mediocriter refrangibilium, qui erat 53 grad. 35; & de eodem subducatur; conficiet angulos refractionis radiorum & maxime & minime refrangibilium, 54 grad. 5', 2"; & 53 grad. 4', 58": quorum angulorum sinus sunt 8099 & 7995: cum communis angulus incidentiæ, esset 31 grad. 15; ejusque sinus, 5188. Et hi quidem sinus, in minimis numeris integris, sunt inter se ut 78 & 77 ad 50.

Jam si de sinibus refractionis 77 & 78, communem incidentiæ sinum 50 subducas; residua 27 & 28 ostendunt, in parvis refractionibus refractionem radiorum minime refrangibilium esse ad refractionem maxime refrangibilium, ut 27 ad 28 quam proxime; refractionumque differentiam in radiis minime maximeque refrangibilibus, esse circiter $27\frac{1}{2}^{\text{am}}$ partem totius refractionis radiorum mediocriter refrangibilium.

Unde Optices periti facile intelligent, latitudinem minimi rotundi spatii, in quod vitra objectiva conspicillorum tubulorum colligere possint omnia genera radiorum inter se parallelorum, esse circiter $27\frac{1}{2}^{\text{am}}$ partem dimidiæ aperturæ vitri, aut 55^{am} partem totius aperturæ; focumque radiorum maxime refrangibilium, proprius a vitro objectivo abesse, quam focum minime refrangibilium, parte circiter $27\frac{1}{2}$ ejus totius intervalli, quo vitrum objectivum & focus radiorum mediocriter refrangibilium inter se distant.

Quod si radii omnium generum, fluentes ex uno quovis puncto lucido in axe lentis cujusvis convexæ sito, cogantur refractione istius lentis in puncta non nimium remota a lente; focus radiorum maxime refrangibilium jam propius a lente aberit, quam focus minime refrangibilium, eo intervallo, quod

fit ad $27\frac{1}{2}^{\text{am}}$ partem distantiae foci radiorum mediocriter refrangibilium a lente, ut distantia inter focum istum & punctum lucidum a quo radii fluunt, ad distantiam inter id punctum lucidum & lentem ipsam quam proxime.

Jam autem ut examinarem, utrum differentia refractionum, quas radii maxime minimeque refrangibiles ex uno eodemque puncto fluentes, in vitris objectivis conspiciendorum tubulorum aliisque id genus vitris patiuntur, tanta sit revera, quantam modo descripserim, necne; subjectum excogitavi experimentum.

EXPERIMENTUM XVI.

Lens, qua in secundo & octavo experimentis usus fueram, intervallo sex pedum uniusque unciae a quovis objecto collocata, colligebat imaginem istius objecti, per radios mediocriter refrangibiles, eodem interjecto sex pedum uniusque unciae intervallo ex altera parte. Quamobrem, ex regula antedicta, colligere debet eandem imaginem per radios minime refrangibiles, intervallo pedum sex, unciarumque $3\frac{2}{3}$; per radios autem maxime refrangibiles, intervallo pedum quinque unciarumque $10\frac{1}{2}$: adeo ut inter duo loca, in quibus radii minime maximeque refrangibiles istam imaginem exhibeant, intervallum sit unciarum circiter $5\frac{1}{3}$. Etenim, secundum illam regulam; quam proportionem habent sex pedes & uncia una, (intervallum quo lens & corpus lucidum objectum inter se distant,) ad duodecim pedes duasque uncias, (quo intervallo corpus lucidum objectum & focus radiorum mediocriter refrangibilium inter se distant;) hoc est, quam proportionem habet unum ad duo; eandem habet pars $27\frac{1}{2}$ sex pedum uniusque unciae, (intervalli quo lens & iste focus inter se distant;) ad intervallum quo radiorum maxime minimeque refrangibilium foci inter se distant: quod proinde intervallum, sit unciarum $5\frac{17}{25}$; hoc est, unciarum $5\frac{1}{3}$ quam proxime. Jam ut invenirem utrum haec mensura esset vera, necne; experimenta secundum & octavum in lumine colorato.

lorato, quod multo, quam id quo tum usus eram, minus ef-
 fet compositum, iterabam: jam enim radios heterogeneos a
 se invicem ea ratione, quæ in undecimo experimento descripta
 est, separaveram; adeo ut imago colorata, duodecim circiter
 aut quindecim partibus longior facta esset quam latior. Imagi-
 nem istam libro literis impresso excipiebam. Cumque lentem
 supra memoratam, interjecto sex pedum uniusque unciae inter-
 vallo, collocassem; quo literarum illuminatarum imago, eo-
 dem iterum intervallo ex altera parte colligeretur; observabam
 imaginem literarum colore cæruleo illuminatarum, propius a
 lente abesse, quam literarum rubro saturo illuminatarum, in-
 tervallo circiter unciarum trium aut $3\frac{1}{4}$: verum literarum co-
 lore indico & violaceo illuminatarum imago adeo confusa mi-
 nimeque distincta videbatur, ut eæ legi non possent. Quare
 prisma inspiciens, comperiebam id venulis ab una vitri extremi-
 tate ad alteram pertinentibus undique crispum esse; adeo ut
 refractio nequaquam regularis esse potuerit. Aliud itaque pris-
 ma, venulis immune, accepi; &, literarum loco, duas tresve
 lineas nigras inter se parallelas & literarum ductibus paulo
 grandiores adhibebam: quibus cum colores ita superinjecis-
 sem, ut ab una imaginis extremitate ad alteram hæ lineæ
 per colores ductæ viderentur; observabam focum, ubi color in-
 dicus, sive confinium indici & violacei, linearum nigrarum
 imagines maxime distinctas exhiberet, intervallo circiter un-
 ciarum 4 aut $4\frac{1}{4}$ propius a lente abesse, quam focum ubi co-
 lor ruber extremus & saturatissimus imagines earundem linea-
 rum nigrarum maxime distinctas exhibebat. Color violaceus
 adeo debilis fuit & obscurus, ut in eo linearum imagines di-
 stincte discernere haud potuerim. Quare, cum prisma, quo
 utebar, e vitro esset subviridi & minus pellucido; aliud ad-
 huc prisma accepi, quod esset e vitro admodum pellucido can-
 didoque. Verum, hoc prismate adhibito, longæ jam albæ-
 que luminis debilioris radiationes se ex utraque imaginis co-
 loratæ extremitate emittebant: unde concludebam, necdum
 omnia recte esse comparata. Prisma igitur attentius inspiciens,

duas tresve bullulas in vitro observabam, quibus lumen irregulariter refringebatur. Quocirca eam partem vitri, in qua hæ bullulæ inessent, charta nigra obtegebam; lumineque per aliam vitri partem bullulis immunem transmissio, imago colorata immunis jam ab irregularibus illis radiationibus apparebat; eaque fere erat, quam optarem. Veruntamen adhuc color violaceus adeo obscurus debilisque fuit, ut in eo linearum imagines vix, & in obscuriori ipsius parte, prope imaginis extremitatem, omnino haud discernere potuerim. Suspicabar igitur obscurum hunc debilemque colorem, admixtum sibi habere posse aliquid luminis illius quaquaversum dispersi, quod partim bullulis quibusdam perparvis intra vitrum latentibus, partim vitri facierum haud satis accurate perpolitatum inæqualitatibus, irregulariter refringeretur & reflecteretur: quod quidem lumen, quamvis parvum, tamen subalbidum cum esset, sensum satis fortiter, ad interturbanda debilis illius & obscuri coloris violacei Phenomena, afficere posset. Quamobrem explorabam, quomodo in 12° , 13° , & 14° experimentis expositum est, annon hoc lumen violaceum constaret ex sensibili mixtura radiorum heterogeneorum. Verum apparebat, non ita se id habere. Neque enim refractiones ex hoc violaceo lumine alium ullum colorem, qui quidem sensu percipi posset, præter unum violaceum, eliciebant; uti ex albo lumine omnino eliciissent; & consequenter ex hoc violaceo lumine similiter eliciissent, si id ex albo lumine, ita ut res sub sensum caderet, compositum fuisset. Concludebam itaque, obscuritatem solummodo hujusce coloris, & luminis sui tenuitatem, nimiamque ab axe lentis distantiam, in causa fuisse, quamobrem linearum imagines in eo distincte discernere haud potuerim. Quocirca nigras istas lineas parallelas, in partes inter se æquales dividebam; quo facilius, quibus intervallis colores in imagine inter se distarent, cognoscerem: cumque notassem quantis itidem intervallis foci colorum eorum, in quibus linearum imagines distincte cernebantur, a lente distarent; in id deinceps inquirebam, utrum differentia horum intervallorum eandem habeat

habeat proportionem ad uncias $5\frac{1}{2}$, hoc est, ad maximam differentiam intervallorum quibus foci colorum extremorum rubri & violacei a lente distare debent, ac habet colorum in imagine observatorum distantia inter se, ad maximum itidem intervallum (in rectilineis imaginis lateribus dimensum) quo colores extremi ruber & violaceus in imagine inter se distant, hoc est, ad longitudinem rectilineorum imaginis laterum, sive spatium quo longitudo imaginis exuperat latitudinem suam. Quæ autem observaverim, hujusmodi fuerunt.

Cum observarem interque se compararem colorem rubrum saturatissimum extimumque, qui sensu percipi posset; & colorem eum, qui in confinibus viridis & cærulei positus, distabat a rubro, in rectilineis imaginis lateribus, dimidia parte longitudinis istorum laterum: focus ubi confinium coloris viridis & cærulei, imagines linearum distincte super charta exhibebat, propius a lente distabat, quam focus ubi color ruber imagines eandem linearum distincte exhibebat; intervallo, circiter unciarum $2\frac{1}{2}$ aut $2\frac{3}{4}$. Mensuræ enim interdum paulo majores erant, interdum paulo minores; raro autem inter se differebant amplius $\frac{1}{3}$ uncia: Etenim difficillimum erat focos, quo in loco siti essent, accuratissime sine omni errore definire. Jam vero si colores dimidia longitudine imaginis inter se distantes, (in rectilineis nimirum imaginis lateribus dimensi,) faciunt ut differentia intervallorum, quibus foci sui a lente distant, sit unciarum $2\frac{1}{2}$ aut $2\frac{3}{4}$; utique colores tota imaginis longitudine inter se distantes, facere debebunt ut differentia intervallorum, quibus foci sui a lente distent, sit unciarum 5 aut $5\frac{1}{2}$.

Verum id hic observandum est, me non potuisse videre colorem rubrum ad usque ipsam imaginis extremitatem, sed duntaxat ad centrum semicirculi quo ista extremitas terminaretur, aut paulo ultra id. Quare colorem istum rubrum comparabam, non cum colore eo qui esset accurate in media imagine, sive in ipsis confinibus viridis & cærulei; sed cum eo colore, qui ad cæruleum paulo magis, quam ad viridem accederet. Et quemadmodum computabam totam colorum longitudinem non eam

eam esse, quæ esset tota imaginis longitudo; sed eam duntaxat, quæ esset longitudo rectilineorum ipsius laterum: ita, semicircularibus extremis jam in integros circulos absolutis; quum alteruter e duobus observatis coloribus intra istos circulos caderet, dimetiebar distantiam ejusce coloris a semicirculari imaginis extremitate, & subducto dimidio istius distantiae de mensurata duorum colorum distantia inter se, residuum pro correctâ ipsorum distantia inter se accepi; inque his observationibus correctam istam distantiam, pro differentia intervallorum quibus foci sui a lente distarent, annotavi. Quemadmodum enim longitudo rectilineorum imaginis laterum, futura esset ipsa colorum omnium tota longitudo, si circuli, ex quibus (uti supra ostensum est) ea imago composita est, in puncta physica contracti forent: sic, in eo casu, correctâ illa distantia binorum quorumvis observatorum colorum, vera esset futura distantia ipsorum inter se.

Cum igitur porro observarem, interque se compararem, colorem rubrum extremum qui sensu percipi posset, & cæruleum illum, quorum correctâ distantia inter se esset $\frac{7}{12}$ partes longitudinis rectilineorum imaginis laterum: differentia intervallorum quibus foci sui a lente distarent, erat circiter unciarum $3\frac{1}{4}$. Jam autem ut 7 ad 12, ita $3\frac{1}{4}$ ad $5\frac{4}{7}$.

Cum observarem colorem rubrum extremum qui sensu percipi posset, & indicum illum, quorum correctâ distantia inter se esset $\frac{8}{12}$ sive $\frac{2}{3}$ longitudinis rectilineorum imaginis laterum: differentia intervallorum quibus foci sui a lente distarent, erat circiter unciarum $3\frac{2}{3}$. Ut autem 2 ad 3, ita $3\frac{2}{3}$ ad $5\frac{1}{2}$.

Cum observarem colorem rubrum extremum qui sensu percipi posset, & indicum illum saturatiorem, quorum correctâ distantia inter se esset $\frac{9}{12}$ sive $\frac{3}{4}$ longitudinis rectilineorum imaginis laterum: differentia intervallorum quibus foci sui a lente distarent, erat circiter 4 unciarum. Ut autem 3 ad 4, ita 4 ad $5\frac{1}{3}$.

Cum observarem colorem rubrum extremum qui sensu percipi posset, & violacei partem indico proximam, quorum correctâ

recta distantia inter se esset $\frac{10}{12}$ sive $\frac{5}{6}$ longitudinis rectilineorum imaginis laterum: differentia intervallorum quibus foci sui a lente distarent, erat circiter unciarum $4\frac{1}{2}$. Ut autem 5 ad 6, ita $4\frac{1}{2}$ ad $5\frac{2}{5}$. Interdum enim, cum lens commodiori situ ita esset collocata, ut axis ejus ad colorem cæruleum spectaret; cæteraque omnia commode essent comparata; Sol etiam disjectis nubibus clarior colluceret; ipseque oculis propius admotis chartam, quæ linearum imagines lente projectas exciperet, attentius intuerer: discernere poteram satis distincte linearum istarum imagines, in coloris etiam violacei parte ea, quæ indico proxima esset; nonnunquam etiam ultra medium ipsum coloris violacei. Etenim in his experimentis capiendis id observaveram, imagines eorum duntaxat colorum distinctas apparere, qui vel in axe lentis, vel saltem non longe extra eum, essent positi: adeo ut, cum color cæruleus vel indicus in eo axe situs esset, ipsorum imagines distincte discernere potuerim; eodem autem tempore color ruber multo, quam ante, minus distinctus videretur. Quocirca id deinceps egi, ut, colorum imagine in brevitatem contracta, ambo ejus extrema propius jam ab axe lentis distarent. Jamque ejus longitudo erat unciarum circiter $2\frac{1}{2}$, latitudo autem circiter $\frac{1}{5}$ aut $\frac{1}{6}$ unius unciae. Porro, loco linearum nigrarum in quas colores adhuc inciderant, unam jam lineam nigram prioribus latiore duxi; quo facilius imaginem ipsius discernere: eamque lineam brevibus transversis lineis in partes inter se æquales divisi, quibus colores observati quo intervallo inter se distarent dimetirer. Quibus ita dispositis, poteram jam nonnunquam discernere lineæ hujusce imaginem una cum divisionibus suis, ad usque centrum fere semicircularis violaceæ extremitatis imaginis. Quæque jam deinde observaverim, hujusmodi erant.

Cum observarem colorem rubrum extremum qui sensu percipi posset, partemque violacei eam, quorum correctâ distantia inter se esset circiter $\frac{8}{9}$ partes longitudinis rectilineorum imaginis laterum: differentia intervallorum quibus horum colorum foci a lente distarent, erat uno tempore unciarum $4\frac{2}{3}$, alio tem-

pore $4\frac{3}{4}$, alio $4\frac{7}{8}$. Ut autem 8 ad 9; ita $4\frac{2}{3}$, $4\frac{3}{4}$, $4\frac{7}{8}$, ad $5\frac{1}{4}$, $5\frac{11}{12}$, $5\frac{31}{32}$, respective.

Cum observarem colorem rubrum extremum, & violaceum itidem extremum, qui sensu percipi possent: (quorum quidem colorum correctâ distantia inter se, cum omnia quam potuerint commodissime essent comparata, Solque clarissimus luceret, erat circiter $\frac{11}{12}$ aut $\frac{15}{16}$ partes longitudinis rectilinearum imagini coloratæ laterum:) comperiebam differentiam intervallorum quibus foci sui a lente distarent, esse unciarum modo $4\frac{3}{4}$, modo $5\frac{1}{4}$, & plerunque plus minus 5 unciarum. Ut autem 11 ad 12, aut 15 ad 16; ita 5 uncia ad $5\frac{1}{2}$ aut $5\frac{1}{3}$.

Atque hac quidem experimentorum progressionem adductus sum ut certo credam, si lumen in ipsis extremitatibus imaginis satis forte fuisset, quo linearum nigrarum imagines clare super charta apparere potuerint; futurum utique fuisse, ut focus coloris violacei extremi propius a lente distare compertus esset, quam focus rubri extremi, intervallo unciarum minimum $5\frac{1}{3}$. Quo & illud etiam amplius confirmatur; sinus incidentiæ & refractionis omnium generum radiorum, eandem proportionem inter se in minimis refractionibus, atque in maximis, habere.

Totam hujusce rei experiundæ rationem, quoniam negotium est multæ diligentiae atque accurationis, singulatim enarrare volui; ut, qui rem eandem posthac experiundo examinaturi sint, intelligant quam accurate omnia animo circumspicere & secum ante considerare debeant, quo experimentum hocce sibi feliciter succedat. Qui nihilominus, si negotium sibi minus forsan ex sententia succedat, quam mihi ante successit; colligere tamen poterunt ex proportionem quam habet distantia colorum a se invicem in imagine, ad differentiam distantiarum focorum suorum a lente, quis esset futurus exitus accuratioris experimenti in coloribus longius inter se distantibus. Veruntatem si lentem latiore, quam qua ego usus sum, adhibeant; eamque longo rectoque bacillo alligent, quo facile rectaque dirigatur ad eum semper colorem, cujus focus, ubi sit, requiritur; nullus dubito quin illis etiam melius hæc res sub manus succedat, quam mihi.

mihi ipsi successit experienti. Ego enim axem lentis ad mediam duntaxat partem colorum, quam potui proxime, direxi; quo pacto languidæ colorum extremitates, quia paulo remotiores essent ab axe, imagines sui minus distincte in chartam projiciebant, quam si axis lentis ad singulos colores ordine directus fuisset.

Jam ex his quæ dicta sunt manifestum est, radios, qui refrangibilitate inter se differunt, non convenire in unum focum; sed ita esse comparatos, ut, si a lucido puncto fluant, quod eodem intervallo a lente distet ex una parte, ac foci sui ex altera; tum focus radiorum maxime refrangibilium propius a lente abfuturus sit, quam focus minime refrangibilium, amplius decima-quarta totius distantiae: sin a lucido puncto fluant, quod a lente tanto sit intervallo remotum, ut ante incidendum jam pro parallelis inter se haberi possint; tum focus radiorum maxime refrangibilium propius a lente abfuturus sit, quam focus minime refrangibilium, circiter 27^{ma} aut 28^{va} parte totius suæ distantiae a lente. Porro diameter circuli in medio duorum istorum focorum intervallo siti, quem hi radii tum illuminant, cum ibi in aliquod planum axi perpendiculare incidant; (qui quidem circulus minimus est, in quem ii omnes convenire possint;) erit circiter 55^{ta} pars diametri aperturæ vitri. Adeo ut mirum sit conspici illa res objectas tam distincte exhibere posse, quam eas revera exhibent. At si omnes radii luminis ex æquo refrangibiles essent, error qui solummodo ex sphaericis vitrorum figuris oriretur, sexcenties minor esset. Si enim vitrum objectivum telescopii sit plano-convexum, & plana ipsius facies ad rem objectam obvertatur; diameter autem sphaeræ, cujus id vitrum segmentum sit, appelletur D; item semidiameter aperturæ vitri, vocetur S; & sinus incidentiæ e vitro in aërem, sit ad sinum refractionis, ut I ad R: radii qui incidunt paralleli ad axem vitri, diffusi erunt, eo in loco ubi objecti imago distinctissima exhibetur, in parvum circulum, cujus diameter erit $\frac{Rq}{Iq} \times \frac{S_{cub.}}{D_{quad.}}$ quamproxime; ut quidem collegi, computando errores radiorum per

methodum ferierum infinitarum, & rejiciendo terminos quorum quantitates nullius essent momenti. Exempli gratia: si sinus incidentiæ I, sit ad sinum refractionis R, ut 20 ad 31; & D, diameter sphaeræ ad quam convexa vitri facies tornata est, sit 100 pedum sive 1200 unciarum; S autem, semidiameter aperturae, sit duarum unciarum: utique diameter parvi circuli antedicti, (hoc est, $\frac{R^2 \times S^3}{I^2 \times D^3}$) erit $\frac{31 \times 31 \times 8}{20 \times 20 \times 1200 \times 1200}$ (sive $\frac{961}{72000000}$) partes unius unciae. Atqui diameter alterius parvi circuli, per quem nimirum radii inæquali sua refrangibilitate diffusi sunt, erit circiter 55^{ta} pars aperturae vitri objectivi; quam quidem aperturae jam posuimus esse quatuor unciarum. Ergo error qui oritur a sphaerica figura vitri, ad errorem qui oritur a diversa radiorum refrangibilitate, est ut $\frac{961}{72000000}$ ad $\frac{4}{55}$; hoc est, ut 1 ad 5449. Quare cum error ille adeo parvus sit in comparationem, utique non est consideratione dignus.

Verum hic quæri potest; si errores, qui ex diversa radiorum refrangibilitate oriuntur, adeo sint ingentes; qui ergo fiat, ut res objectæ per conspicienda tubulata inspectæ, tam distinctæ appareant, quam eas revera apparere experimur. Respondeo, hoc ideo ita se habere, quia radii errantes non uniformiter per totum id rotundum spatium diffusi sunt; sed in centrum infinito, quam in aliam ullam circuli partem, densius collecti sunt; a centro autem ad usque circumferentiam rarescunt continuo, donec in ipsa tandem circumferentia infinite rari evadunt; & propter raritatem istam minus fortes sunt, quam ut sensu percipi possint, nisi in ipso centro aut propius ab eo. Sit enim A D E [Fig. 27.] istiusmodi circulus, centro C & semidiametro A C descriptus; sitque B F G minor circulus, eodem cum isto A D E centro descriptus, ejusque diametrum A C circuitu suo intersecans in B: biseca autem A C in N. Jam, ut ego quidem calculum posui, densitas luminis in quovis loco B, erit ad densitatem ejusdem in N, ut A B ad B C; totumque lumen intra circulum minorem B F G, ad totum lu-

TAB. V.

men

men intra majorem A E D, erit ut excessus quadrati A C super quadratum A B, ad quadratum ipsius A C. Exempli gratia: si B C sit quinta pars istius A C; lumen in B quadruplo densius erit, quam in N; & totum lumen intra minorem circulum, ad totum lumen intra majorem, erit ut 9 ad 25. Ex quo manifestum est, lumen intra minorem circulum sensum multo fortius afficere debere, quam lumen illud debilius & in raritatem dilatatum, quod inter circumferentiam majoris minorisque circuli est circumcirca dispersum.

Verum & illud hic insuper observandum est, colorum prismae exhibitorum clarissimos & fulgentissimos esse flavum & aureum. Hi sensum fortius, quam reliqui simul universi, afficiunt: hisque proximi sunt claritate, colores ruber & viridis. Cæruleus, cum hisce comparatus, debilis est & tenebricosus color; indicus autem & violaceus, multo etiam istis languidior. Adeo ut ii, in colorum clariorum comparisonem, parvi momenti sint habendi. Rerum igitur objectarum imagines collocandæ sunt, non in foco radiorum mediocriter refrangibilium, qui sunt in confinibus viridis & cærulei; sed in foco eorum radiorum, qui inter aureum colorem & flavum interjacent; eo in loco ubi color omnium lucidissimus est & fulgentissimus, hoc est, in colore flavo clarissimo, sive eo qui ad aureum propius quam viridem accedit. Atque horum quidem radiorum refractione, (quorum sinus incidentiæ & refractionis in vitro sunt ut 17 & 11,) dimetienda est refractionis vitri & crysalli ad usus Opticos. Ponamus itaque corporis objecti imaginem in foco horum radiorum: jamque omnes radii flavi & aurei collecti erunt intra circulum, cujus diameter sit circiter 250^{ma} pars diametri aperturæ vitri. Quod si his addideris clariorem partem dimidiam rubri, (eam scilicet quæ aureo proxima est,) & clariorem partem dimidiam viridis, (eam scilicet quæ flavo proxima est:) jam circiter $\frac{2}{5}$ partes luminis horum duorum colorum intra circulum ante dictum cadent, & $\frac{2}{5}$ partes extra eum cadent circumcirca; quæque luminis hujusce pars extra circulum cadet, ea per spatium fere altero tanto majus, quam quæ intra cadet,

diffundetur; ac proinde in toto, tribus fere tantis rarior erit facta. Ex reliqua autem parte dimidia colorum rubri & viridis, (hoc est, ex rubro tenebricoso saturatissimo & viridi saligneo,) circiter $\frac{1}{4}$ pars intra circulum prædictum cadet, & $\frac{3}{4}$ extra; quæque hujus luminis pars extra circulum cadet, ea per spatium circiter quatuor aut quinque partibus majus, quam quæ intra cadet, diffundetur: Ac proinde hoc lumen in toto rarius erit, idque circiter viginti quinque partibus, quam totum lumen intra circulum inclusum; quinimo, ut verius dicam, lumen hoc extra circulum, amplius triginta aut quadraginta partibus quam id quod est circulo inclusum, rarius erit; quippe color ruber extremus in fine coloratæ imaginis prismate effictæ, jam ante tenuis admodum & rarus fuerat; itemque viridis saligneus rarior aliquanto quam aureus ac flavus. Quare horum colorum lumen, cum sit tanto rarius quam id quod intra circulum cadat; utique sensum vix movere poterit. Præsertim cum color ruber saturatior, & viridis saligneus, hujusce luminis; colores sint multo, quam reliqui, fusciore. Eandem autem ob causam colores caruleus & violaceus, cum sint etiam adhuc multo, quam illi, obscuriores; multoque etiam magis rarefacti; omnino negligi poterunt. Etenim densum illud clarumque lumen in circulo inclusum offundet obscurabitque rarum & languidum fusciorum horum colorum circumjectorum lumen; efficietque ut hi sensu percipi vix queant. Itaque puncti lucidi imago, quæ sensu percipi possit, vix excedet magnitudine circulum, cujus diameter sit 250^{ma} pars diametri aperturæ vitri objectivi telescopii melioris: saltem non multo latior eo erit; si excipias languidum, obscurum, nubilumque admodum circumfusum lumen, cujus haud fere ullam habebit spectator rationem. Proinde in conspicio tubulato, cujus apertura sit quatuor unciarum, & longitudo pedum centum; hæc imago non excedet 2" 45", aut 3". Et in conspicio tubulato, cujus apertura sit binarum unciarum, & longitudo 20 aut 30 pedum; poterit esse 5" aut 6", vix autem major eo. Quod quidem experientiæ optime congruit. Etenim Astronomi quidam, per

conspicilla tubulata supra videnos pedes, & infra sexagenos, longa; observarunt diametros stellarum fixarum, esse circiter 5" aut 6", aut summum 8" aut 10". Verum si vitrum ocularium, facis lychnive fumo leniter infuscatum sit, quo lumen stellæ obscoretur; jam languidum illud lumen, quod erat in circuitu stellæ, evanescet; stellaque ipsa (si vitrum satis sit fumo infuscatum) ad puncti Mathematici similitudinem propius accedet. Quam porro eandem ob causam, enorme illud lumen, quod est in circumferentia cujusque puncti lucidi, minus sentiri debet in brevioribus telescopiis, quam in longioribus; quia breviores minus luminis ad oculum transmittunt.

Cæterum Stellas fixas, ob immensam distantiam, instar punctorum esse, nisi quatenus earum lumen refractione dilatatur, inde constat; quod, ubi Lunam subeunt, eclipsin passuræ, lumen earum non gradatim (ut fit in planetis,) sed totum simul evanescit, &, finita eclipsi, totum simul in conspectum redit; aut certe intra spatium dimidii unius minuti secundi; refractione scilicet in atmosphæra Lunæ, tempus luminis & evanescentis & in conspectum denuo redeuntis, aliquantulum protrahente.

Quod si jam igitur ponamus puncti lucidi imaginem, quæ sensu percipi possit, latitudinem habere omnino 250 partibus minorem latitudine aperturæ vitri objectivi; at etiam hæc valde grandis est imago, si cum ea comparetur, quæ ex sphaerica solummodo vitri figura fuisset oritura: etenim, absque diversa radiorum refrangibilitate esset, latitudo ejusdem imaginis in telescopio pedes centum longo, cujus apertura sit quatuor unciarum, omnino haud amplius $\frac{961}{72000000}$ partes uncia foret complexura; uti ex præcedenti computatione liquet. Quare, in hoc casu, errores maximi qui e sphaerica vitri figura oriantur, ad errores sensibiles maximos qui e diversa radiorum refrangibilitate oriuntur, erunt summum ut $\frac{961}{72000000}$ ad $\frac{4}{250}$; hoc est, ut 1 duntaxat ad 1200. Ex quo abunde quidem.

quidem apparet, conspicienda tubulata quominus omnibus numeris perfecta atque absoluta construi queant, non utique sphaericas vitrorum figuras, sed diversam radiorum ipsorum refrangibilitatem, in causa esse.

Adhuc aliud argumentum est quo itidem inferri possit, diversam radiorum refrangibilitatem revera in causa esse, quamobrem conspicienda tubulata omnibus numeris perfecta construi nequeant. Etenim radiorum errores, qui quidem e sphaericis vitrorum objectivorum figuris oriuntur, sunt ut cubi aperturarum vitrorum objectivorum: & exinde, quo telescopia varia longitudine res objectas ita varie amplificent, ut tamen illae in singulis aequae distinctae appareant; aperturæ vitrorum objectivorum, potentiaeque amplificandi, deberent esse ut cubi radicum quadratarum longitudinum tuborum: quod experientiae non respondet. At radiorum errores ii, qui e diversa refrangibilitate oriuntur, sunt ut ipsae aperturæ vitrorum objectivorum: & exinde, quo telescopia varia longitudine res objectas jam ita varie amplificent, ut tamen illae in singulis aequae distinctae appareant; aperturæ, & potentiae amplificandi, debent esse ut ipsae radices quadratae longitudinum. Idque, ut bene notum est, experientiae respondet. Exempli gratia: telescopium 64 pedum in longitudinem, & cujus apertura sit unciarum $2\frac{2}{3}$, rem objectam circiter centies & vicies amplificatam, tamen aequae distinctam exhibet; ac telescopium unius pedis in longitudinem, & cujus apertura sit $\frac{1}{3}$ unius unciae, eam quindecies exhibet amplificatam.

Quod si jam radii non essent diverse refrangibiles, conspicienda tubulata multo, quam adhuc descripsimus, perfectiora construi possent; componendo vitra objectiva ex binis vitris, inclusa intus aqua, conglutinatis. Sit ADFC [Fig. 28.] vitrum objectivum, compositum ex duobus vitris ABED & BEFC, ab exteriori sui parte AGD & CHF consimiliter convexis, & ab interiore sui parte BME & BNE consimiliter concavis; sitque aqua in cavitatem BMEN conclusa. Porro sit sinus incidentiae ad sinum refractionis e vitro in aërem, ut

I ad R

I ad R; ex aqua autem in aërem, ut K ad R; & consequenter e vitro in aquam, ut I ad K. Diameter sphaeræ, ad quam facies convexæ A G D & C H F tornatæ sint, esto D: diameterque sphaeræ, ad quam facies concavæ B M E & B N E tornatæ sint, esto ad D, ut radix cubica illius K K — K I ad radicem cubicam illius R K — R I: jamque refractiones in concavis vitrorum faciebus, multum corrigent errores refractionum in convexis faciebus; quatenus quidem ii e sphaerica vitri figura oriuntur. Atque hac quidem ratione conspiciilla tubulata satis admodum perfecta atque absoluta construi possent; si utique diversa radiorum genera non forent diverse refrangibilia. Verum enimvero, propter diversam hancce refrangibilitatem, non equidem video qui fieri queat, ut conspiciilla tubulata solis refractionibus excoli atque perfici possint; nisi forte ea ratione, quæ in eisdem amplius in longitudinem extendendis versatur, effici hoc quadantenus possit: quem quidem ad finem, nuperum *Hugenii* inventum optime videtur accommodatum. Etenim tubi prælongi valde molesti & incommodi sunt, & tractatu difficillimi; & præterea, propter nimiam longitudinem, facile incurvescunt & quatiuntur; eoque pacto efficiunt, ut res objectæ perpetuo tremere videantur, & non sine multo negotio distincte cerni queant: cum jam e contrario, adhibito *Hugenii* invento, & tractatu faciliora sint vitra; & specialiter vitrum objectivum, perticæ fortiori erectæque infixum, stabile ac firmum maneat.

Quandoquidem igitur refractionibus perficere conspiciilla tubulata, quæ sint datarum longitudinum, in negotiis desperatis est; excogitavi quondam telescopium, quod res objectas reflexione inspiciendas exhiberet: utebar autem, loco vitri objectivi, metallo concavo. Diameter sphaeræ, ad quam metallum concavum tornatum fuit, complectebatur circiter 25 uncias Anglicas; & consequenter longitudo instrumenti erat circiter unciarum $6\frac{1}{4}$. Vitrum ocularium plano-convexum erat; & diameter sphaeræ, ad quam convexa ipsius facies tornata fuit, erat circiter $\frac{1}{5}$ unciae, aut paulo infra id; ac proinde hoc vitrum rem

objectam triginta aut quadraginta tantis vero ampliorem representabat. Alia computandi ratione, inveni illud circiter triginta quinque tantis specie ampliore rem objectam exhibere. Metallum concavum id erat, quod aperturam unciae unius & $\frac{1}{3}$ ferre posset. Verum apertura definita erat, non circulo opaco marginem metalli circum obtegente, sed circulo opaco inter vitrum ocularium & oculum collocata, in cuius medio parvum rotundum foramen erat, per quod radii ad oculum transmitterentur. Etenim circulus iste ibi collocatus, interciperet plurimum errantis luminis, quo aspectus alioquin interturbatus fuisset. Quum hoc instrumentum cum conspicio tubulato satis bono, quod in longitudinem haberet quatuor pedes, & cuius vitrum ocularium concavum esset, compararem; e loco longinquiore, mei instrumenti ope, quam istius conspicii, literas legere poteram. Attamen in meo instrumento corpora objecta multo, quam in isto conspicio vitreo, tenebrosiora videbantur; partim quia plus luminis inter reflectendum a metallo, quam inter refringendum a vitro, intercidebat & amittebatur; & partim, quia instrumentum meum nimium ad amplificandum esset comparatum. Etenim si meum instrumentum corpora objecta non amplius triginta aut viginti quinque tantis vero ampliora exhibuisset; utique illa clariora jam & lucidiora in eo apparuissent. Duo huiusmodi instrumenta, ante hos annos circiter sexdecim, construxi: quorum alterum adhuc apud me est; ipsumque quam vera sint, quae scribam, cuilibet demonstrare poterit. Veruntamen id diuturnitate temporis paulo deterius est factum. Etenim metalli concavi nitor saepius infuscatus fuit; qui tamen nitor, corii mollioris affricu, iterum est restitutus. Cum haec instrumenta confecissem; artifex Londinensis id sibi sumpsit, ut ea imitaretur. Verum cum ille metallum alia ratione poliret, quam ego fecissem; ejus instrumentum multum infra mei bonitatem cecidit; uti ex opifice inferiori, qui illi hac in re operam dederat, postea audiui. Caeterum ego quidem metallum hac ratione perpolivi. Duas laminas cupreas, alteram convexam, concavam alteram; uncias

senas;

fenas diametro complectentes, & inter se optime aptatas, accipiebam. Harum super ea quæ convexa erat, metallum objectivum concavum, quod erat mihi poliendum, atterebam usque eo, donec in figuram laminæ convexæ respondentem tornatum esset, & ad polituram esset paratum. Tum laminam convexam pice liquefacta desuper instillata valde tenuiter induebam, calefaciebamque interea, ut pix tamdiu mollis permaneret, dum eam lamina cuprea concava contererem nonnihil madefacta, quo lamina convexa pice ex æquo usquequaque diffusa indueretur. Atque hoc quidem pacto, attritis diutule inter se lamellis, picem in summam tenuitatem diducebam. Cumque lamina convexa refrigerata esset, picem iterum, admota concava lamina, conterebam; ut figuram sortiretur quam posset maxime aptam atque accuratam. Tum stanni usti aliquantum, quod a particulis suis crassioribus multa lotura separassem, & in summam subtilitatem coegissem, pici isti superinjectum, admota iterum lamina cuprea concava, conterebam usque eo, donec stridere desiit: & deinde super pice metallum objectivum, brachio celeriori, & plusculo virium adhibito, ad duo circiter triave minuta, atterebam. Tum stannum ustum denuo pici eidem superinjectum, admota iterum lamina cuprea concava conterebam, donec rursus stridere desiit: & deinde super pice metallum objectivum, ut prius, atterebam. Hocque idem sæpius iterabam, donec metallum esset perpolitum. Ad extremum autem enixius jam, abhibitis totis viribus, atque etiam diutius illud atterebam; picemque, nullo amplius superinjecto stanno usto, sufflabam identidem, ut ea humida permaneret. Metallum hoc objectivum, latum erat uncias duas, & circiter tertia unciae parte crassum, ne forte inflecti posset. Duo hujusmodi metalla habui: & cum utrumque polivissem, explorabam utrum eorum melius esset: alterumque iterum atterebam, si forte ut id adhuc melius esset illo, quod apud me servaveram, efficere possem. Atque hoc pacto, sæpe experiundo, metalli expoliendi rationem edidici; donec tandem bina illa conspiciilla superius memorata, quæ res objectas reflexione inspiciendas præberent, fabricaverim. Ete-

nim hæc metalli perpoliendi ars assiduo usu melius, quam præceptis omnibus, edisci poterit. Antequam metallum objectivum super pice attererem; semper stannum ustum, admota lamina cuprea concava, prius super eadem atterebam, usque eo, donec stridere desit: quoniam stanniusti particulæ, nisi pici hoc modo ita sint infixæ, uti nulla ex parte possint se torquendo excitare; sese hac illac provolvendo interrudent metallum objectivum, parvisque innumeris foraminibus asperum id & inæquale facient.

Verum quandoquidem metallum multo, quam vitrum, difficilius est politum; & postquam politum est, facillime, infuscato nitore suo, ineptum fit ad usus opticos; atque etiam omnino luminis minus reflectit, quam vitrum argento vivo indutum: suaderem equidem, ut, loco metalli, vitrum adhibeatur, ab anteriore sui parte concavum, a posteriori autem parte ex æquo convexum, & ab ista convexa quidem parte argento vivo indutum. Vitrum usquequaque una eademque prorsus crassitudine sit oportet. Alioqui res objectas coloribus variatas exhibebit, & minus distinctas. Hujusmodi vitro adhibito, conatus sum ante hos quinque aut sex annos telescopium reflectens construere, quod cum in longitudinem esset quatuor pedum, corpora objecta circiter centies & quinquagies vero ampliora repræsentaret: planeque adductus eram ut crederem, quod hoc inventum omnibus numeris perfectum atque absolutum reddi possit, nihil præter artificem peritum deesse. Etenim vitrum quo utebar, ab artifice quodam Londinensi politum, eodem modo ac vitra ad conspicienda tubulata poliri solent; quamvis non minus bene expolitum, quam esse solent vitra objectiva, videretur; tamen, cum deinde argento vivo indutum esset, apparebat jam ex reflexione innumeris id undique inæqualitatibus crispum esse. Quæ quidem inæqualitates, quominus objecta in instrumento jam dicto cerni distincte potuerint, effecerunt. Nam errores radiorum reflexorum ex quavis vitri inæqualitate orti, circiter sextuplo grandiores sunt, quam errores radiorum refractorum ex eisdem vitri inæqualitatibus orituri. Attamen ex hoc experimento illud intellexi:

refle-

reflexionem a concava vitri facie, quæ ne omnia perturbaret metueram, nihil hic incommodi, quod quidem sensu percipi poterit, attulisse; & consequenter, quominus hujusmodi telescopia omnibus numeris perfecta construi queant, nihil plane deesse præter peritos opifices, qui vitra perpolire & in sphaeræ figuram accurate tornare calleant. Vitrum objectivum ad telescopium quatuordecim pedum, ab artifice quodam Londinensi expolitum, ipse quondam multo melius feci, atterendo id super picem stanno ustis conspersam; levi autem ac molli brachio hoc faciebam, ne stannum ustum id interreret. Annon vitra ad reflectendum comparata, eadem ratione satis bene perpoliri possint; equidem nondum expertus sum. Verum quicumque hac vel alia quavis, quæ ei visa fuerit, vitrorum poliendorum ratione uti volet; certe debet is vitra ad polituram præparanda, leviori prius manu atterere; & minus virium, quam solent opifices Londinenses in vitris suis tornandis, adhibere. Etenim vitra nimis violenter appressa, ne flectantur nonnihil inter atterendum, periculum erit. Si autem inflectantur, omnino figura eorum vitriabitur. Quo igitur horum vitrorum reflectentium speculationem istiusmodi artificibus, qui vitrorum figurandorum curiosiores sint, amplius commendem; conspicillum antedictum in sequenti propositione singulatim describam.

PROPOSITIO VIII. PROBLEMA II.

Conspicilla tubulata in brevitate contrahere.

SIT *a b d c* [Fig. 29.] vitrum, ab anteriore sui parte *b a* TAB. V. sphaerice concavum; a posteriori autem parte *c d*, ex æquo convexum: adeo ut usquequaque una eademque sit crassitudine. Cave inæquali crassitudine sit; ne res objectas coloribus variatas exhibeat, & minus distinctas. Sit porro accurate expolitum, & a posteriore sui parte argento vivo indutum; inque tubo *v x y z*, qui intus valde niger sit oportet, apte in-

fixum. Sit efg prisma vitreum aut crystallinum, prope ab altera tubi extremitate, in medio collocatum; hoc est, ansæ æneæ aut ferreæ fgk , ab extremo se in latitudinem laxanti atque complanatæ, agglutinatum. Sit prismatis istius angulus e rectus; reliqui autem duo anguli f & g inter se accurate æquales, & consequenter semirecti: sintque planæ facies fe & ge quadratæ; & consequenter tertia facies fg parallelogrammum rectangulum, cujus longitudo ad latitudinem suam erit in subduplicata proportionem duorum ad unum. Sit prisma istud in tubo ita collocatum, ut axis speculi per mediam faciem quadratam ef ad perpendicularum transeat, & consequenter per mediam faciem fg in angulo 45° graduum. Obvertatur facies ef ad speculum: distentque prisma & speculum inter se tali intervallo, ut radii luminis pq , rs , &c. qui in speculum incidunt in lineis axi ipsius parallelis, ingrediantur in prisma per faciem ef , & reflectantur a facie fg , indeque per faciem ge exeant ad punctum t , quod communem esse focum oportet speculi $abcd$, & vitri ocularii plano-convexi h , per quod radii isti ad oculum egrediantur. Denique radii jam e vitro illo egredientes, transmittantur per tenue rotundum foramen, sive aperturam, in parva lamella ex plumbo, ære, argentove, qua vitrum obtegi oportet: idque foramen ea sit magnitudine, quæ omnino ad tantum luminis transmittendum, quantum ad videndum satis sit, necessaria fuerit. Etenim eo pacto res objecta distincte videbitur; quippe lamina, in qua id foramen sit, lucem illam omnem errantem, quæ forte a marginibus speculi b a advenerit, intercipiet. Hujusmodi instrumentum bene apteque constructum, si in longitudinem habeat sex pedes, (computando longitudinem istam a speculo ad prisma, & inde ad focum t ,) feret aperturam in speculo ad sex ipsas uncias; & rem objectam ducentis aut trecentis partibus specie ampliorem repræsentabit. Verum apertura hic commodius foramine h definitur, quam si in ipso speculo definita esset. Si instrumentum longius breviusve faciendum sit; apertura debet proportione esse, ut cubus radicis quadra-

quadrato-quadratae longitudinis; & amplificandi potentia, ut apertura. Cæterum conveniens erit, ut speculum sit uncia una minimum aut duabus latius, quam apertura: itemque ut vitrum, ex quo speculum constat, crassum sit; ne inter poliendum forte inflectatur. Prisma *e f g* tam parvum esse debet, quam possit commode fieri; & posteriorem ipsius faciem *f g* argento vivo indui non oportebit. Quippe sine argento vivo ea lumen omne, quod sibi e speculo inciderit, reflectet.

In hoc instrumento res objecta videbitur inversa: verum erigi poterit, efficiendo ut facies quadratae *e f* & *e g* prismatis *e f g*, non jam planæ, sed sphaerice convexæ sint; ut radii tam antequam in prisma incidant, quam postea inter id & vitrum ocularium, se decussatim fecent. Porro, si postuletur ut hoc instrumentum ampliorem aperturam ferat; id etiam ita fieri poterit, si speculum componatur ex duobus vitris, inclusa intus aqua, conglutinatis.

Veruntamen si id omne demum, quod quis expectare aut sibi proponere queat, arte posset effici; nihilominus certi essent limites, ultra quos telescopia nullo modo perfici possent. Etenim aer, quem transpicimus, perpetuo tremit; uti videre est ex metu tremulo umbrarum de turribus altis projectarum, & ex Stellarum fixarum scintillatione. At Stellæ istæ non scintillant, cum aspiciuntur per telescopia, quæ latas habent aperturas. Etenim luminis radii, qui per diversas partes aperturæ transeunt, tremunt singuli seorsum; variisque & contrariis tremoribus incidunt uno eodemque tempore in diversa puncta in fundo oculi; celerioribus utique motibus, & confusioribus, quam ut separatim sensu percipi possint. Quæ quidem omnia puncta, constituunt unum latum punctum lucidum, compositum ex multis illis punctis trementibus, motu celerrimo & vibrationibus brevissimis inter se confuse & insensibiliter permixtis; efficiuntque ut Stella justo latior videatur, itemque sine ullo totius tremore, qui quidem sensu percipi possit. Telescopia longa efficere poterunt ut objecta videantur lucidiora & ampliora;

pliora: at nullo modo ita comparari, ut confusio*n*i isti, quæ ex aëris tremoribus oritur, remedium afferre queant. Remedium unicum est aer serenissimus, qualis fortean in summis montium altissimorum verticibus supra nubes crassiores reperiatur.



Fig. 1.




Fig. 2.




Fig. 3.




Fig. 4.




Fig. 5.




Fig. 6.




Fig. 7.




Fig:8.




Fig. 9.




Fig:11.



Fig. 10.





Fig:12.






Fig. 13.






Fig. 14.






Fig. 15.





Fig. 16.




Fig: 17.




Fig: 18.




Fig: 19.




Fig: 20.




Fig: 22.




Fig: 21.






Fig: 23.





Fig: 24.




Fig: 28.



Fig. 25.




Fig: 27.






Fig: 29.





100

100





OPTICES

LIBER PRIMUS.

PARS SECUNDA.

PROPOSITIO I. THEOREMA I.

Phænomena colorum in refracto aut reflexo lumine, non oriuntur ex novis modificationibus luminis, quæ, pro variis luminis umbræque terminationibus, varie sint impressa.

Probatio ab Experimentis desumpta.

EXPERIMENTUM I.



TENIM si Solis radius in cubiculum valde tenebricosum immittatur per foramen oblongum F, [Fig. 1.] TAB. I. cujus latitudo sit $\frac{1}{6}$ aut $\frac{1}{8}$ uncie, vel paulo minor eo; isque radius FH trahatur deinde, primo per prisma amplissimum A B C, quod intervallo circiter viginti pedum a foramine distet, eique parallelum sit; postea autem transeat (alba nimirum istius radii
L pars)

pars) per corporis nigri & opaci G I foramen oblongum H circiter $\frac{1}{40}$ aut $\frac{1}{60}$ unciae parte latum, quod intervallo duorum triumve pedum a prismatico, situque tum ad ipsum prisma tum ad prius foramen parallelo, sit collocatum; sique hoc lumen album, ita per foramen H transmissum, incidat deinceps in chartam albam $p\ t$, ultra id foramen H, interjecto trium quatuorve pedum intervallo, collocatam; ibique depingat solitos prismatis colores; puta rubrum ad t , flavum ad f , viridem ad r , cæruleum ad q , & violaceum ad p : si hæc, inquam, ita disposita sint; poteris, interponendo virgulam ferream, aut aliud quodlibet tenue opacum corpus, cujus latitudo sit circiter $\frac{1}{10}$ unciae; eoque pacto intercipiendo radios ad k , l , m , n , vel o ; efficere, ut colorum unus quilibet ad t , f , r , q , aut p , evanescat; dum reliqui, ut prius, in charta adhuc apparebunt, nihil immutati: vel, interposita virgula paulo latiori, efficere poteris ut colores bini quilibet, ternive, aut quaterni, nihil mutatis reliquis, evanescant: adeo ut colorum alius quilibet, æque ac violaceus, possit exterior fieri in confinibus umbræ ad p ; & alius quilibet, æque ac ruber, possit exterior fieri in confinibus umbræ ad t ; item quilibet eorum possit confinis esse ei umbræ, quæ, interpositur virgulæ R intermediam aliquam luminis partem intercipientis, in medio imaginis intra ipsos colores fiat; & denique quilibet eorum, si interceptis reliquis, solus relinquatur, possit umbræ ex utraque sui parte simul confinis esse. Scilicet singuli colores, qualibet umbrarum confinia sine ullo discrimine ferunt: & consequenter horum colorum diversitas inter se, non oritur (quomodo philosophi adhuc docuerunt) ex diversis umbrarum confiniis, quibus lumen varie modificetur. Cæterum id in hisce experimentis capiendis observandum est: quanto foramina F & H tenuiora fiant, eorumque ac prismatis intervalla sint majora, cubiculumque tenebrosius sit factum; tanto melius sub manus succedere experimentum; modo lumen non usque eo diminuatur, quin colores ad $p\ t$, satis adhuc clare discerni queant. Prisma ex vitro quidem solidum comparare, quod ad hoc experimentum satis magnum sit, difficile

cile fuerit. Quare vas ex laminis vitreis perpolitis, in formam prismatis, inclusa intus aqua falsa vel oleo claro, conglutinatis adhiberi poterit.

EXPERIMENTUM II.

Solis luminis radius in cubiculum tenebricosum per foramen F [Fig. 2.] rotundum & semuncia latum immissus, transibat TAB. I. primo per prisma A B C foramini isti admotum, & deinde per lentem P T paulo amplius quatuor uncias latam, & circiter octo pedibus a prismate distantem; indeque convergebat ad O, focus lentis, circiter tribus pedibus ab ipsa lente distantem; quo in loco incidebat denique in chartam albam D E. Quando charta ista luminis incidenti obiecta erat ad perpendicularum, quomodo in positu D E depicta est; colores universi, ei in O incidentes, albi apparebant. At quando charta circa axem suum prismati parallelum ita convertebatur, ut ad lumen valde facta esset inclinata; quomodo in positionibus *e d* & *e δ* depicta est: jam illud idem lumen in uno casu flavum atque rubrum apparebat, in altero cæruleum. Hic una eademque luminis pars, in uno eodemque loco, pro variis chartæ inclinationibus, uno in casu alba apparebat, in alio flava aut rubra, in alio cærulea; interea dum luminis umbræque confinium, prismatisque refractiones, in hisce omnibus casibus plane eadem manebant, nihilque immutata.

EXPERIMENTUM III.

Aliud consimile experimentum facilius etiam hoc modo capi poterit. Amplior Solis luminis radius per fenestræ operculi foramen in cubiculum tenebricosum transmissus, refringatur majori prismate A B C, [Fig. 3.] cujus angulus refringens C TAB. I. sit amplius sexaginta graduum: & simul ut primum iste radius e prismate exierit, incidat deinceps in chartam albam D E, a tergo inspissatam ad rigiditatem. His ita dispositis: quum

charta lumen illud excipiat ad perpendicularum objecta, quomodo ad D E depicta est; id super charta videbitur album plane: quum autem charta ad lumen valde sit inclinata, ita tamen ut axi prismatis semper parallela sit; utique ejus totius luminis albor, qui super charta visus fuerat, jam pro eo ac charta in hanc vel illam partem inclinata sit, immutabit se vel in colorem flavum & rubrum, ut in positu *e d*; vel in cæruleum & violaceum, ut in positu *e δ*. Quod si id lumen, antequam in chartam incidat, duobus prismatibus inter se parallelis bis fuerit refractum ad easdem partes; jam colores antedicti, multo evidentiores clarioresque videbuntur. In hoc experimento, mediæ omnes partes latioris illius albi luminis radii, qui in chartam incidebat, utique sine ullo umbræ confinio, qua modificari possent, factæ sunt coloratæ; idque ea ratione, ut unum eundemque colorem usquequaque induerint; quippe cum in medio chartæ idem semper, atque in extremis, color esset; isque color se pro varia chartæ reflectentis obliquitate immutaret, sine ulla vel refractionum vel umbræ vel luminis ipsius in chartam incidentis mutatione. Quare horum colorum causa, non novis luminis modificationibus, quæ ex refractionibus scilicet atque umbris ortum habeant, sed omnino alii alicui rei tribuenda est.

Quod si jam ea causa, quæ sit, quærat: Respondeo; chartam in positu *e d*, quum radiis magis refrangibilibus obliquius quam minus refrangibilibus objecta sit, utique a posterioribus fortius quam a prioribus illuminari; ac proinde radios minus refrangibiles tum in lumine reflexo prævalere & dominari: qui quidem radii, ubicunque prævalent, lumen semper colore rubro aut flavo inficiunt; uti ex prima propositione primæ Partis hujus Libri quodam modo apparere potest, & uberius infra comprobabitur. Quum autem charta in positu *e δ* collocata sit; omnia tum contra, ac dicta sunt, eveniunt: radiis nimirum magis refrangibilibus, qui lumen colore cæruleo & violaceo semper inficiunt, tum prævalentibus.

EXPERIMENTUM IV.

Colores bullarum, quibus pueri ludere solent, varii sunt; situmque suum, nulla habita umbræ confinii ratione, varie mutant. Si hujusmodi bulla vitro concavo tecta sit, quominus vento aliove ullo aeris motu agitetur; colores situm suum lente & regulariter mutabunt, etiam dum oculus & bulla & corpora omnia, quæ vel lumen emittant, vel umbram projiciant, immota manent. Itaque colores hujusmodi bullarum oriuntur ex causa aliqua regulari, quæ ex umbræ confinio nullo modo pendet. Ea autem causa, quæ sit, in secundo Libro ostendetur.

Ad hæc experimenta addi potest decimum experimentum primæ Partis hujus Libri; ubi Solis lumen in cubiculo tenebricoso per parallelas binorum prismatum in formam parallelopipedi colligatorum superficies trajectum, cum jam e prismatibus emergeret, ex toto flavum aut rubrum apparebat uniformiter. Ad quorum quidem colorum generationem, nihil omnino conferre poterat confinium umbræ. Etenim id lumen se ex albo in flavum, aureum, & rubrum, ex ordine mutat; sine ulla umbræ confinii mutatione. Et in ambobus extremis luminis emergentis lateribus, ubi contraria umbræ confinia contrarios effectus obtinere deberent, color unus idemque est, sive sit albus, flavus, aureus, sive ruber. Atque etiam in medio luminis emergentis, ubi nullum est omnino umbræ confinium, color idem est plane qui in extremis: nempe totum lumen, cum primum emergit, unius est plane ac uniformis coloris, sive is sit albus, flavus, aureus, sive ruber; indeque progreditur sine ulla amplius coloris mutatione, qualem umbræ confinium in lumine refracto post emergendum efficere vulgo creditur. Neque vero fieri potest, ut colores isti ex novis aliquibus modificationibus a refractione lumini impressis oriantur: quippe illi quidem se ex albo in flavum, aureum, & rubrum, ordine immutant; dum refractiones plane eadem manent: atque etiam refractiones istæ a superficiebus inter se parallelis, quæ suos ipsarum invicem effec-

tus retexunt, in contrarias partes factæ sunt. Colores isti igitur non oriuntur ex ullis modificationibus, quas refractiones vel umbræ lumini imprimere potuerint; sed ex alia aliqua causa oriuntur necesse est. Ea autem causa quæ sit, supra in decimo illo experimento ostendimus; & quæ ibi dicta sunt, nihil opus est ut hic repetamus.

TAB. IV.
PART. I.

Aliud adhuc hujus experimenti adjunctum est, non parvi momenti. Cum enim id lumen emergens refringatur iterum tertio prismatico H I K [*Fig. 22. Par. 1.*] in chartam P T, ibique depingat solitos prismatis colores, rubrum, flavum, viridem, cæruleum & violaceum: si jam colores isti ex eo orirentur, quod id prisma lumen aliquo modo refractionibus suis modificaret; utique illi non inessent in eo lumine, jam antequam id in prisma istud incideret. Attamen in experimento ante dicto res ita se habuit, ut cum, convertendo bina priora prismata circa axem suum communem, colores omnes, excepto rubro evanescerent; id lumen, quod colorem rubrum exhibuit, jam solum relictum, apparuerit eodem plane colore rubro, etiam antequam in tertium prisma incideret. Et in universum quidem ex aliis experimentis rem ita se habere comperimus, ut cum radii, qui refrangibilitate inter se differant, a se invicem separati sint; eorumque unum quodvis genus seorsum consideretur; color, quem illi tum constituunt, non possit ulla refractione aut reflexione, quæcunque ea sit, mutari: quomodo omnino sane mutari deberet, si colores nihil aliud essent, quam modificationes lumini a refractionibus, reflexionibus, umbrisque impressæ. Hanc porro coloris immutabilitatem, superest ut in sequenti propositione describam.

PROPOSITIO II. THEOREMA II.

Omne lumen homogeneous, colorem habet proprium & suum, refrangibilitati suæ respondentem; isque color nullis reflexionibus aut refractionibus mutari potest.

IN experimentis quartæ propositionis primæ Partis hujus Libri; cum radios heterogeneos a se invicem separassem; imago *p t* ex radiis a se invicem separatis composita, videbatur ab usque una extremitate *p*, quo radii maxime refrangibiles incidebant, ad alteram extremitatem *t*, quo radii minime refrangibiles incidebant, induta coloribus ex ordine, violaceo, indico, cæruleo, viridi, flavo, aureo, rubro, innumerisque intermediis coloribus, per differentias quam minimas ab uno extremo ad alterum extremum pergentibus, & serie continuata in se invicem perpetuo desinentibus. Adeo ut totidem esse viderentur colores, quot essent radiorum inter se refrangibilitate differentium genera: qui tamen omnes sub speciebus & nominibus colorum septem principalium prædictorum comprehendendi possint, tanquam eorum gradus innumeri.

EXPERIMENTUM V.

Jam colores hosce non potuisse refractione mutari, inde intellexi, quod quum luminis istius modo unam exiguam partem, modo aliam exiguam partem, prismate refringerem; quomodo in duodecimo experimento primæ Partis hujus Libri expositum est; color luminis nunquam ea refractione esset quicquam omnino immutatus. Cum enim rubri luminis pars ulla refringeretur; ea omnis semper eodem plane colore rubro permanfit, ac fuerat initio. Nihil coloris aurei, nihil flavi, nihil viridis, nihil cærulei, nihil ullius novi coloris, ea unquam refractione eliciebatur. Neque vero sæpius repetitis refractionibus color iste quicquam omnino immutabatur; sed semper idem
prorsus

prorsus color ruber permanfit, qui fuerat initio. Eandem quoque constantiam & immutabilitatem in cæruleo, viridi, cæterisque coloribus inveniebam. Similiter, quum per prisma oculo admotum, corpus aliquod parte ulla luminis hujusce homogenei illuminatum inspicerem; quomodo in decimoquarto experimento primæ Partis hujus Libri expositum est; nullum unquam colorem novum ea ratione generatum observare potui. Omnia corpora lumine heterogeneo quidem illuminata; confusa admodum (uti supra dictum est) per prisma inspicienti, variisque novis induta coloribus videntur. At corpora lumine homogeneo illuminata, nihilo minus distincta per prisma inspicienti, neque aliis coloribus induta videbantur, quam cum nudis oculis aspiicerentur. Omnino colores ipsorum, refractione interpositi prismatis nihil quicquam immutabantur. Cæterum cum coloris mutationem nullam hic esse factam dico, id ita dictum velim, ut de mutatione quæ sensu percipi possit, intelligatur. Etenim lumen quod ego hic appello homogeneum, cum non sit plane perfecteque homogeneum; utique ex perpaululo, quod ei adhuc admixtum sit, heterogenei luminis, perexigua aliqua coloris mutatio oriatur necesse est. Verum si id heterogenei luminis tam pusillum sit factum, quam experimentis ante dictis quartæ propositionis fieri possit; sane illa coloris mutatio minor erit, quam quæ sensu percipi queat; ac proinde in experimentis, quæ sint sensus judicio existimanda, pro nulla haberi debet.

EXPERIMENTUM VI.

Porro, ut colores isti nulla refractione, sic neque ulla reflectione, immutari potuerunt. Etenim corpora omnia, quæ essent natura colore albo, cinereo, rubro, flavo, viridi, cæruleo, aut violaceo; ut charta, cineres, minium, auripigmentum, indicum, cæruleum montanum, aurum, argentum, cuprum, herba, cyanus, viola, bullulæ aquæ variis coloribus indutæ, plumæ pavoniæ, ligni nephritici infusio, & similia; ea in lumine rubro homogeneo posita, plane rubra videbantur; in lumine cæruleo

ruleo, plane cærulea; in lumine viridi, plane viridia: & in universo, quicunque color esset homogenei luminis, in quo hujusmodi corpora collocata essent; istum illa omnia semper exhibebant colorem; eo solum discrimine, quod illorum alia lumen istud fortius reflecterent, alia languidius. Nullum autem unquam corpus inveni, quod luminis homogenei colorem reflectendo immutare potuerit, ita quidem ut res sensu perciperetur.

Ex quibus omnibus manifestum est, si Solis lumen ex uno solo radiorum genere constaret, futurum utique ut unus omnino omnium esset rerum color; neque ullo modo fieri posset, ut reflexionibus aut refractionibus ullus unquam novus color generaretur. Unde consequens est, colorum eam quam videmus varietatem, omnino ex compositione luminis oriri atque pendere.

D E F I N I T I O.

ID homogeneous lumen, sive radios eos, qui colorem rubrum exhibent, vel potius qui efficiunt ut corpora objecta colorem rubrum exhibeant; eos ego *rubrificos* sive *rubros* appello: quique efficiunt ut corpora objecta colore flavo, viridi, cæruleo, aut violaceo videantur; eos radios *flavos*, *virides*, *cæruleos*, aut *violaceos* appello. Et quandocunque lumen sive radios, coloratos vel coloribus imbutos dicere videar; id semper ita dictum velim, ut non philosophice & proprie, sed ad vulgus id dictum intelligatur; sive congruenter ideis istis, quas vulgus, cum hujusmodi experimenta videant, sibi animo fingere solent. Etenim radii, si proprie loqui velimus, non sunt colorati. In eis nihil aliud inest, nisi potentia quædam sive dispositio, qua ita comparati sunt, ut sensum hujus vel illius coloris in nobis excitent. Quemadmodum enim sonus in campana aut chorda musica aut quovis corpore sonante, nihil aliud est nisi motus quidam tremulus; & in aere, nihil aliud nisi motus iste a corpore sonante propagatus; in sensorio autem, sensus motus istius sub forma soni: sic colores, in rebus quidem

M

objectis,

objectis, nihil aliud sunt nisi dispositio, qua illæ hoc vel illud genus radiorum copiosius quam cæteros reflectunt; & in radiis, nihil aliud nisi dispositio, qua illi hunc vel illum motum ad sensorium transmittunt; in sensorio autem, sensus motuum istorum sub forma colorum.

PROPOSITIO III. PROBLEMA I.

Definire refrangibilitatem diversorum generum homogenei luminis, coloribus suis diversis respondentem.

AD hoc problema expediendum, subiectum experimentum excogitavi.

EXPERIMENTUM VII.

TAB. I.

Quum imaginis coloratæ prismaticæ effictæ latera rectilinea AF , GM , [*Fig. 4.*] ut distinctis terminis finirentur effecissem, ea ratione quæ in quinto experimento primæ Partis hujus Libri exposita est; reperiiebantur in ea omnes colores homogenei, eodem ordine eodemque situ inter se dispositi, ac in imagine ex lumine simplicissimo composita, quam in quarta propositione ejus primæ Partis descripsimus. Etenim circuli, qui imaginem ex lumine composito PT constituunt, quique in mediis partibus imaginis valde inter se permixti sunt; iidem in extremis partibus, ubi rectilinea ipsius latera AF & GM tangunt, non sunt commixti: quam quidem ob causam in illis rectilineis lateribus, cum utique illa distincte definita sint, nullus novus color refractione generatur. Observabam etiam, quum quolibet in loco inter duos extremos circulos TMF & PGA , linea aliqua recta, ut $\gamma\delta$, imagini transversa, ita ducta esset, ut utroque sui extremo in rectilinea imaginis latera ad perpendicularum incidere; apparuisse semper unum eundemque colorem, atque etiam eundem coloris istius gradum, in tota illa linea ab una usque extremitate ad alteram. Delineabam itaque in charta pe-

rime-

rimetrum imaginis F A P G M T; cumque tertium experimentum primæ Partis hujus Libri caperem, chartam istam ita collocabam, ut imago colorata in diagramma super charta delineatum incideret, & in id apte accurateque conveniret. Quod cum fieret, jussi ut amicus qui interfuit, & cujus oculi coloribus discernendis acriores quam mei essent, notaret lineis rectis $\alpha\beta$, $\gamma\delta$, $\epsilon\zeta$, &c. imagini in transversum ductis, confinia colorum; nimirum coloris rubri, M $\alpha\beta$ F; aurei, $\alpha\gamma\delta\beta$; flavi, $\gamma\epsilon\zeta\delta$; viridis, $\epsilon\eta\theta\zeta$; cærulei, $\eta\iota\kappa\theta$; indici, $\iota\lambda\mu\kappa$; & violacei, $\lambda G A \mu$. Atque hac quidem operatione, cum eam sæpius & in eadem & in diversis chartis iterassem, observationesque bene inter se congruere comperissem, inveniebam rectilinea imaginis latera M G & F A a lineis illis transversis in proportionem chordæ musicæ esse divisa. Producaturs igitur G M ad X, ita ut M X æqualis sit ipsi G M; & concipiantur G X, \wedge X, ι X, η X, ϵ X, γ X, α X, & M X, eam inter se proportionem habere, quam habent numeri 1, $\frac{8}{9}$, $\frac{5}{6}$, $\frac{3}{4}$, $\frac{2}{3}$, $\frac{3}{5}$, $\frac{2}{16}$, $\frac{1}{2}$; atque adeo representare chordas clavis, & toni, tertiæ minoris, quartæ, quintæ, sextæ majoris, septimæ, & octavæ supra istam clavim: jamque intervalla M α , $\alpha\gamma$, $\gamma\epsilon$, $\epsilon\eta$, $\eta\iota$, $\iota\lambda$, & λG , erunt ipsa spatia, quæ colores singuli, ruber, aureus, flavus, viridis, cæruleus, indicus & violaceus, occupent.

Quoniam autem hæc intervalla, sive spatia, subtendunt differentias refractionum radiorum illorum, qui proficiscuntur ad colorum ante dictorum limites, hoc est, ad puncta M, α , γ , ϵ , η , ι , λ , G; utique hæc intervalla, sine errore sensibili, poterunt existimari proportionalia differentiis sinuum refractionis eorundem radiorum, unum communem sinum incidentiæ habentium. Quare, cum communis radiorum maxime minimeque refrangibilium sinus incidentiæ e vitro in aerem, sit proportionem (quomodo ratione supra exposita comperimus) ad eorundem refractionis sinus, ut 50 ad 77 & 78; divide jam differentiam istorum sinuum refractionis 77 & 78, simili proportionem ac linea G M dictis intervallis divisa est; & habebis 77, $77\frac{1}{8}$, $77\frac{1}{5}$, $77\frac{1}{3}$, $77\frac{1}{2}$, $77\frac{2}{3}$, $77\frac{2}{5}$, 78, sinus refractionis diver-

forum radiorum ante dictorum e vitro in aerem transeuntium, cum communis omnium sinus incidentiæ sit 50. Itaque sinus incidentiarum radiorum omnium rubrorum e vitro in aerem, fuerunt ad sinus refractionum suarum, proportionem non majorem quam 50 ad 77, nec minorem quam 50 ad $77\frac{1}{8}$; sed proportionem omnes intermedias habuerunt. Similiter sinus incidentiarum radiorum viridum, ad sinus refractionum suarum, proportionem omnes habuerunt, inter eam quæ est 50 ad $77\frac{1}{3}$, & eam quæ est 50 ad $77\frac{1}{2}$. Atque itidem limitibus ante dictis, radiorum omnium ad reliquos quoque colores pertinentium refractiones definebantur; sinibus radiorum rubrorum progredientibus scilicet, a 77 ad $77\frac{1}{8}$; aureorum, a $77\frac{1}{8}$ ad $77\frac{1}{5}$; flavorum, a $77\frac{1}{5}$ ad $77\frac{1}{3}$; viridum, a $77\frac{1}{3}$ ad $77\frac{1}{2}$; cæruleorum, a $77\frac{1}{2}$ ad $77\frac{2}{3}$; indicorum a $77\frac{2}{3}$ ad $77\frac{7}{9}$; & violaceorum, a $77\frac{7}{9}$ ad 78.

Hæ sunt leges refractionum radiorum e vitro in aerem transeuntium: unde, ex tertio axioma primæ Partis hujus Libri, leges refractionum radiorum ex aere contra in vitrum transeuntium, facile deduci poterunt.

EXPERIMENTUM VIII.

Observavi præterea, cum lumen ex aere per diversa refringentia media inter se contigua, ut aquam & vitrum, transmittatur, indeque iterum in aerem transeat; id lumen, siue superficies quibus id refringatur parallelæ sint inter se, siue inclinatæ, tamen quotiescunque contrariis refractionibus ita correctum sit, ut emergat tandem in lineis parallelis ad eas in quibus inciderit, deinceps semper album permanere: sin radii tandem emergentes, sint incidentibus inclinati; tum luminis emergentis albitudinem, pro eo ut id a loco emersionis ulterius progrediatur, paulatim se ab extremis sui partibus in colores induere. Hoc expertus sum satis accuratè, refringendo lumen per prismata vitrea in vase prismatice aquæ pleno collocata. Jam quidem colores isti id indicant; radios heterogeneos inæqualibus.

qualibus suis refractionibus divergere & a se invicem separatos esse; quomodo ex iis, quæ sequuntur, plenius apparebit: e contrario autem, permanens alterius luminis albitudo illud ostendit; radios similiter incidentes neque post emergendum a se invicem separatos esse, neque ullam consequenter totarum fuisse refractionum inæqualitatem. Unde duo sequentia theoremata colligere mihi videor.

1°. Excessus sinuum refractionis variorum generum radiorum, super communem sinum incidentiæ, cum refractiones fiant e pluribus diversis mediis densioribus immediate in unum idemque medium rarius, puta aerem tenuissimum; esse inter se in data proportionem.

2°. Proportionem sinus incidentiæ ad sinum refractionis radiorum unius ejusdemque generis ex uno quovis medio in aliud transeuntium, compositam esse ex proportionem sinus incidentiæ ad sinum refractionis e primo medio in quodvis tertium, & ex proportionem sinus incidentiæ ad sinum refractionis e tertio illo medio in secundum.

Ex primo theoremate, data refractione radiorum unius cujusvis generis, inveniuntur refractiones radiorum omnium generum e quovis medio in aerem transeuntium. Exempli gratia: si refractiones cujusque generis radiorum ex aqua pluvia in aerem transeuntium, quæ sint, quærantur; subducatur communis sinus incidentiæ e vitro in aerem, de sinibus refractionis; eorumque excessus erunt 27 , $27\frac{1}{8}$, $27\frac{1}{5}$, $27\frac{1}{3}$, $27\frac{1}{2}$, $27\frac{2}{3}$, $27\frac{7}{9}$, 28 . Pone jam sinum incidentiæ radiorum minime refrangibilem ex aqua pluvia in aerem transeuntium, esse ad sinum refractionis eorundem, ut 3 ad 4 ; & supputa hoc modo: Ut 1 , quæ est differentia istorum sinuum, ad 3 , qui est sinus incidentiæ; sic 27 , qui est minimus excessuum supra memoratorum, ad quartum numerum 81 ; eritque jam iste numerus 81 , communis sinus incidentiæ ex aqua pluvia in aerem; ad quem quidem sinum si addas singulos supra memoratos excessus, habebis tandem sinus refractionum quæsitos, 108 , $108\frac{1}{8}$, $108\frac{1}{5}$, $108\frac{1}{3}$, $108\frac{1}{2}$, $108\frac{2}{3}$, $108\frac{7}{9}$, 109 .

Ex posteriori theoremate invenitur refractione e medio uno in alterum, quando datae sunt refractiones ex utroque eorum in quodvis tertium. Exempli gratia: si sinus incidentiae cujuscunque radii e vitro in aerem, sit ad sinum refractionis suae, ut 20 ad 31; sinus autem incidentiae ejusdem radii ex aere in aquam, sit ad sinum refractionis suae, ut 4 ad 3; utique sinus incidentiae istius radii e vitro in aquam, erit ad sinum refractionis suae, ut 20 ad 31 & 4 ad 3 conjunctim, hoc est, ut factum ex 20 & 4 ad factum ex 31 & 3, sive ut 80 ad 93.

Atque si haec quidem theoremata in Opticen recipiantur, amplissima jam scientiam istam nova ratione fuisse copioseque tractandi patebit materies; quippe cum non modo doceri jam possint ea, quae ad visum amplius perficiendum pertineant; verum etiam mathematice definiri omne genus colorum phaenomena, quae ex refractionibus oriri queant. Etenim quo hoc fiat, nihil aliud requiritur, nisi ut inveniantur radiorum heterogeneorum separationes, eorumque variae mixturae inter se, & qua proportionem eae singulae mixturae fiant. Hoc ipso ratiocinandi genere, ego omnia fere phaenomena quae quidem in his libris exposita sint, atque etiam alia quaedam in praesenti materie minus necessaria memoratu, inveni. Ex successu autem, quem ipse in his rebus experiundis nactus sum, spondere ausim, qui recte prius argumentatus fuerit, & deinde omnia bonis cum vitris justaque cum circumspeditione experiundo tentaverit, eum spem suam non frustraturam. Verum id ante intelligat oportet; ex quibusvis coloribus quavis proportionem commixtis, qui demum de novo orituri sint colores.

PROPOSITIO IV. THEOREMA III.

Colores compositione procreari possunt, qui luminis homogenei coloribus plane similes sint futuri, in speciem quidem & ad oculorum sensum, non autem in coloris immutabilitatem & ad constitutionem ac naturam luminis. Iique colores, quanto magis compositi sunt, tanto minus largi intensique sunt; donec nimia tandem compositione dilutiores languidioresque facti, penitus demum evanescant, in album vel subalbidum conversi. Fieri quoque potest ut colores compositione producantur, qui nullis homogenei luminis coloribus prorsus similes sint futuri.

ETenim ex mixtura rubri atque flavi homogeneorum, oritur color aureus in speciem ei plane similis, qui in colorum simplicium prismate exhibitorum serie inter rubrum istum atque flavum interjacet. Verum lumem unius horum colorum aureorum, homogeneum est ad refrangibilitatem; alterius autem, heterogeneum: item unius horum colorum species, cum per prisma inspiciatur, eadem manet nec quicquam immutata; alterius autem, mutatur & resolvitur in colores suos simplices, rubrum atque flavum. Similiter, ex aliis homogeneis coloribus inter se propinquis, componi poterunt novi colores, qui sint coloribus homogeneis interjacentibus similes. Exempli gratia: ex flavo & viridi inter se commixtis, oritur color inter eos medius: & si huic deinceps superaddideris cæruleum; fiet ex omnibus color viridis, qui est trium illorum inter se permixtorum medius. Etenim flavus & cæruleus, si sint æqua portione admixti, viridem intermedium in ista permixtione ad se utrinque ex æquo pertrahent, & quasi paribus virium momentis libratum servabunt, ut is neque ad flavum ex una parte, neque ad cæruleum ex altera descendat, sed commixtis utriusque actionibus color inter utrumque medius permaneat. Ad hunc viridem permixtum, adhuc superadjici poterit nonnihil rubri ac violacei; & tamen color viridis non continuo evanescat, sed lan-

languidior solummodo & subpallidus fiat; donec, amplius ad-
 auctis coloribus rubro & violaceo, viridis iste magis magisque
 dilutus factus superetur tandem nimietate colorum adjectorum,
 & in albitudinem aut alium aliquem colorem immutetur. Simi-
 liter, si ad lumen homogeneous cuiusvis coloris, adjiciatur al-
 bum Solis lumen, quod est ex omnibus radiorum generibus
 compositum; color iste non continuo evanescet aut genus suum
 immutabit, sed duntaxat dilutior fiet; & pro eo ut luminis al-
 bi amplior adferatur accessio, magis adhuc magisque dilutus
 erit factus perpetuo. Denique, si ruber & violaceus inter se
 permisceantur; orientur inde varii colores purpurei, pro eo,
 qua proportionem illi invicem commixti fuerint, diversi inter se;
 neque ullius coloris homogenei speciem aut similitudinem ha-
 bentes: Atque ex his quidem purpureis, admixto flavo &
 caeruleo, alii itidem novi colores produci poterunt.

PROPOSITIO V. THEOREMA IV.

*Albitudo & colores omnes cinerei inter album & nigrum, com-
 poni possunt ex coloribus: & Solis luminis albor compositus est
 ex primariis omnibus coloribus, apta portione inter se com-
 mixtis.*

Probatio ab experimentis desumpta.

EXPERIMENTUM IX.

TAB. I.

CUM Solis luminis radius in cubiculum tenebricosum per
 parvum rotundum fenestræ operculi foramen transmissus, &
 deinde per prisma refractus, depingeret in pariete coloratam
 Solis imaginem PT; [Fig. 5.] objekti ante istam imaginem char-
 tam albam V, ita ut ea lumine colorato ab imaginē reflexo
 illuminaretur, nec tamen ullam partem luminis a prismate ad ima-
 ginem transeuntis interciperet. Observavi autem, quum charta
 propius ad unum aliquem imaginis colorem, quam ad ceteros
 admota

admota esset; tum eam illo colore, ad quem propius admota esset, infectam apparere: quum autem æquali aut fere æquali intervallo ab omnibus coloribus distaret, adeo ut ex æquo omnium lumine reflexo illuminaretur; tum albam apparere. In hac ultima autem chartæ positione, si colorum aliqui interciperentur, charta albitudinem suam continuo amisit, & eum deinceps colorem induebat, qui esset reliqui luminis non intercepti color. Itaque charta ea illuminata erat radiis variorum colorum, nempe rubris, flavis, viridibus, cæruleis & violaceis; & unaquæque luminis istius pars suum colorem retinebat, donec in chartam incideret, indeque ad oculum reflecteretur: adeo ut si quod lumen unius certi coloris vel solum fuisset, (intercepto nimirum reliquo lumine,) vel si nimia portione reliquis coloribus admixtum fuisset, & poinde in lumine a charta reflexo prævaluisset ac dominatum esset; utique id suo colore chartam infecturum fuisset. Nihilominus singulæ luminis partes, suum quæque colorem ita retinentes, admixtæ tamen reliquis omnibus coloribus apta proportionem, effecerunt ut charta alba videretur; & consequenter apta sui compositione atque permixtione inter se, colorem album constituebant. Singulas colorati luminis ab imagine reflexi partes, dum inde per aerem propagantur, suum quamque, ut dixi, proprium colorem retinere, sane manifestum est; quia ubicunque in oculos spectatoris incidunt, partes imaginis suo quamque colore distinctas exhibent. Retinent igitur suos singulæ colores, etiam cum in chartam V incidunt; & consequenter perfecta permixtione suorum omnium colorum, albitudinem constituunt luminis a charta reflexi.

EXPERIMENTUM X.

Incidat jam colorata illa Solis imago P T [Fig. 6.] in lentem M N, amplius quatuor uncias latam, & circiter sex pedum intervallo a prismate A B C distantem; quæque ea sit figura, qua efficiat ut lumen coloratum a prismate divergens, convergat deinceps, & in focum G, interjecto circiter sex octo

TAB. II.

N

tove

rove pedum intervallo, colligatur; ibique in chartam albam DE ad perpendicularum incidat. His ita dispositis, observare licebit, si charta illa alba ultro citroque moveatur, totam Solis imaginem, quum in charta illa *e d* jam ad lentem propius admota excipiat, coloribus clarissimis (quomodo supra expositum est) in loco *p t* distinctam apparituram; pro eo autem, ut charta a lente recedat, colores istos ad se invicem perpetuo appropinquaturos, & magis magisque se inter se commiscendo dilutiores continuo factum iri; tandemque, quum charta in ipso foco G collocata sit, inter se jam penitus commixtos, plane evanituros esse omnes, & in albitudinem abituros; toto scilicet lumine in parvum album circulum super chartam coacto: veruntamen hoc ita fieri, ut, si charta adhuc longius a lente recedat, radii qui ante convergerant, jam deinceps se in foco G decussatim secantes, indeque postea divergentes, effecturi sint ut colores iterum appareant; verum contrario, ac prius, ordine; puta, ad $\delta \epsilon$; ubi color ruber *r*, qui ante inferior fuerat, jam superior factus sit; & cæruleus *p*, qui ante superior fuerat, jam factus sit inferior.

Finge jam chartam positam in ipso foco G; ubi lumen, in circulum coactum, album plane apparet: ejusque albitudinem, qualis sit, consideremus. Dico autem, albitudinem istam compositam esse ex coloribus universis in unum coactis. Etenim si quis unus pluresve colorum istorum ad lentem intercipiatur; albitudo illa continuo evanescet, & in eum convertetur colorem, qui ex reliquorum colorum non interceptorum permixtione oriri debeat. Quod si coloribus, qui intercepti fuerint, iterum deinde ut transeant permittatur, inque colorem illum compositum incidant; jam rursus, cum illo commixti, albitudinem priorem restituent. Exempli gratia, si colores violaceus, cæruleus, & viridis intercipientur; utique ex flavo, aureo & rubro, qui supererunt, compositus erit in charta color aureus: quod si colores isti intercepti, iterum deinde ut transeant permittas, inque aureum istum compositum incidant; jam rursus, cum illo commixti, albitudinem conficient. Similiter, si ruber & viola-

violaceus intercipientur; utique ex flavo, viridi, & cæruleo, qui supererunt, compositus erit in charta color viridis: qui quidem ruber ac violaceus, si iterum deinde transmittantur, inque viridem istum incidant; jam rursus, cum eo commixti, albitudinem efficient. Radios autem diversos in isto albo composito, non quidem agendo ulla ratione in se invicem, mutationem ullam qualitatum suarum colorificarum subire, sed commisceri solummodo inter se, atque ea quidem colorum suorum permixtione albitudinem conficere; ex sequentibus argumentis amplius apparere poterit.

Si charta ultra focum G collocata sit, puta ad δ ; colorque ruber ad lentem intercipiatur alternis, atque transmittatur: color violaceus, qui erit in charta, nihil inde immutabitur; quomodo omnino mutari deberet, si radii diversorum generum, qui decussantur in foco G, ibi in se invicem agerent. Neque color ruber, qui est in charta, quicquam immutabitur; utcumque violaceus, qui eum in transversum secat, intercipiatur alternis & transmittatur.

Porro, si charta collocata sit in foco G; & alba rotundaque imago ad G inspiciatur per prisma H I K, eaque refractione transferatur ad locum r v, ibique variis induta videatur coloribus, nempe violaceo ad v, rubro ad r, reliquisque in media sui parte coloribus intermediis; color ruber autem deinceps ad lentem intercipiatur identidem & transmittatur alternis: utique color ruber ad r itidem evanescet, denuoque comparebit similibus vicibus; violaceus autem ad v nihil quicquam inde immutabitur. Similiter, si cæruleus ad lentem intercipiatur identidem & transmittatur alternis: jam cæruleus ad v itidem evanescet, denuoque comparebit; ruber autem ad r, nihil quicquam immutabitur. Igitur color ruber pendet ex uno genere radiorum, cæruleus autem ex alio genere; iique radii diversorum generum in foco G, ubi commixti sunt, non agunt in se invicem. Quod autem de his duobus coloribus dictum est, id de reliquis quoque coloribus dictum intelligendum est.

Considerabam præterea, quomodo radii maxime refrangibiles

P p, minimeque refrangibiles *T t*, convergendo ad se invicem inclinati sunt; si jam charta radiis illis in foco *G* valde obliqua objiceretur; fieri utique posse, ut ea unum genus radiorum copiosius quam ceteros reflecteret; eoque pacto lumen in foco isto reflexum, eo colore infectum videretur, qui esset radiorum numero prævalentium: atque hoc quidem ita fore, si radii isti suum quisque colorem sive qualitatem colorificam in albo illo composito, quod esset in foco, retinerent: verum si suum quisque colorem in ista albitudine non retinerent, sed e contrario singuli eo in loco ita comparati essent facti, ut in nobis sensum albitudinis jam singuli excitarent; tum futurum, ut illi albitudinem suam istiusmodi reflexionibus nequaquam possent amittere. Inclinabam itaque chartam ad radios valde oblique, sicuti in secundo experimento hujus Partis feceram, ut radii maxime refrangibiles copiosius quam reliqui reflecterentur; jamque albitudo se convertebat in colorem cæruleum, indicum, & violaceum ex ordine. Deinde chartam in contrarias partes inclinabam, ut radii minime refrangibiles copiosius quam cæteri reflecterentur, jamque albitudo convertebat se contrario ordine in flavum, aureum, & rubrum.

Denique, instrumentum *X Y* pectinatim dentatum comparabam, cujus sexdecim dentes latitudine circiter sesqui-unciales essent, intervalla autem dentium circiter binas uncias complecterentur. Atque hujus quidem instrumenti dentes prope a lente per vices interponens, intercipiebam dentis interpositi interjectu partem aliquam colorum, dum reliqui per intervalla dentium transmissi ad chartam *D E*, rotundam & coloratam in ea Solis imaginem depingerent. Verum chartam ante ita collocaveram ut quotiescunque submotus esset pecten, imago alba appareret: tumque interposito, ut dixi, pectine; albitudo illa, propter partem colorum ad lentem interceptam, semper convertebat se in colorem eum, qui esset ex coloribus non interceptis compositus; isque color, motu pectinis, ita variabatur perpetuo, ut interea dum unus quisque dens præter lentem ferretur, colores hi omnes, ruber, flavus, viridis, cæruleus & violaceus, sem-

per-

per invicem succederent. Effeci igitur ut dentes singuli præter lentem ordine ferrentur: cumque motus eorum lentior esset, colores antedicti ordine perpetuo in charta invicem succedere distincte videbantur: verum cum motus pectinis adeo celer esset factus, ut propter nimiam colorum prætereuntium velocitatem, ii distincte discerni & internosci haud potuerint; colores illi singuli in speciem penitus evanuerunt. Utique nihil amplius coloris rubri, nihil flavi, nihil viridis, nihil cærulei, nihil purpurei apparebat; sed ex permixtione omnium, unus usquequaque sui consimilis oriebatur color albus. Jam quidem luminis hujusce, quod ex colorum omnium permixtione album hoc modo videbatur, nulla revera pars alba erat. Una pars rubra erat, alia flava, alia viridis, alia cærulea, alia purpurea; atque hæ quidem partes suum quæque colorem usque eo retinent, donec in sensorium incidant. Siquando hæ partes coloratæ, sui impressiones in sensorio adeo lente faciant, ut singulæ distincte percipi queant; utique colorum singulorum sibi invicem ordine perpetuo succedentium distinctus excitatur sensus: sin autem hæ impressiones tanta celeritate se invicem consequantur, ut singulæ distincte percipi non possint; jam ab universis unus communis omnium excitatur sensus, qui neque est unius duntaxat coloris, neque alterius cujusvis, sed ex æquo omnium; isque est sensus, qui vocatur, albitudinis. Ex nimia ipsarum invicem succedendi celeritate, impressiones singulorum colorum in sensorio confusæ sunt inter se; & ex ista confusione, oritur permixtus unus omnium sensus. Si carbo candens sæpius in circum versetur summa celeritate, circulus videbitur totus igneus: cujus quidem rei causa hæc est; quod sensus, quem carbo, dum est in diversis partibus istius circuli, excitat, manet usque in sensorio impressus, donec carbo sit eodem loci iterum reversus. Consimili plane ratione, quum colores se invicem summa celeritate consequantur, utique sensus unius cujusque coloris in sensorio usque eo impressus manet, donec colores omnes ordine transferint, isque primus color iterum revertatur. Itaque colorum omnium invicem succedentium impressiones, simul in sen-

torio sunt; & conjunctim unum communem omnium sensum excitant. Adeoque ex hoc experimento liquet; commixtas colorum omnium impressiones, excitare in nobis sensum albitudinis; hoc est, albitudinem compositam esse ex coloribus universis inter se commixtis.

Quod si jam submoveatur pecten, ut colores omnes uno eodemque tempore a lente ad chartam transmittantur, ibique inter se commisceantur, indeque ad spectatoris oculum omnes simul reflectantur; utique impressiones ipsorum in sensorio factæ, quoniam jam multo subtilius penitiusque permixtæ erunt inter se, sensum albitudinis excitare debebunt multo magis.

TAB. II. Loco lentis, adhibere licebit bina prismata [*Fig. 7.*] *H I K* & *L M N*, quæ refringendo coloratum lumen in contrarias partes, ac a primo prismate id fuerat refractum, efficere possint ut radii jam divergentes convergant deinceps & in *G* iterum conveniant; quomodo rem in septimo schemate depictam videre est. Etenim quo in loco radii in unum conveniunt, & permixti sunt inter se; eo in loco lumen album conficiet, sicuti quum lens abhiberetur.

EXPERIMENTUM XI.

TAB. II.

Incidat colorata Solis imago *P T* [*Fig. 8.*] in cubiculi tenebricosi parietem, quomodo supra in tertio experimento primæ Partis hujus Libri expositum est; inspiciaturque ea imago per prismata *a b c*, quod parallelum sit priori prismati *A B C*, cujus refractione imago ista effecta fuerit: ita ut jam, admoto ad oculum secundo prismate, ea imago inferior, quam ante, videatur; puta in loco *S*, ex adverso coloris rubri *T*. His ita dispositis; si jam ad imaginem istam *P T* propius accedas, ea oblonga videbitur & colorata in loco *S*, similiter ac in loco *P T*: verum si ab ea longius recedas, colores in loco *S* contrahentur magis magisque in brevitatem, tandemque plane evanescent, imagine ad *S* in figuram rotundam plane atque albam coacta: quod si adhuc longius recedas, colores iterum quidem se explicabunt;

cabunt; sed contrario, ac prius, ordine. Jam quidem imago illa, quæ est ad S, hoc in casu alba tum videtur, quum radii diversorum generum, qui a diversis partibus imaginis P T ad prisma *abc* convergunt, in hoc posteriori prismatico ita refringuntur inæqualiter, ut in transitu suo ab isto prismatico ad oculum, divergant deinceps ab uno eodemque puncto imaginis S, adeoque postea in unum idemque punctum in fundo oculi incidant, ibique inter se commisceantur.

Ad hæc, si pecten insuper adhibeatur, cujus dentibus colores in imagine P T per vices intercipientur; imago quæ videtur in S, colores varios ordine, dum pecten lente movetur, perpetuo induet. At cum, accelerato pectinis motu, colores ocyus adeo sibi invicem succedant, ut distincte cerni singuli haud queant; tum imago S, confuso & in unum commixto colorum omnium sensu, alba apparebit.

EXPERIMENTUM XII.

Cum Solis lumen per prisma satis amplum ABC [*Fig. 9.*] TAB. III. transmissum, incideret deinceps in pectinem XY proxime post prisma istud collocatum; luminis id, quod per dentium transfret intervalla, ut exciperetur demum charta alba DE effeci. Dentium latitudines pares similesque erant, ac ipsorum intervalla; dentesque septeni, una cum suis intervallis, uncias singulas spatio complectebantur. His ita dispositis; si jam charta intervallo circiter duarum triumve unciarum a pectine distaret; fiebat continuo, ut lumen per intervalla dentium transmissum, totidem fascias colorum *kl, mn, op, qr, &c.* parallelas inter se atque contiguas, nec quicquam alboris sibi admixtum habentes, in charta depictas exhiberet. Atque hæc quidem colorum fasciæ, siquando pecten ultro citroque in transversum identidem moveretur, ascendere vicissim atque descendere in charta videbantur: si autem pectinis motus porro adeo celer esset factus, ut colores singuli distincte cerni amplius atque internosci haud potuerint; jam confuso inter
se

se atque in unum permixto colorum omnium sensu, charta tota alba apparebat.

Finge deinceps pectinis motum sisti, chartamque a prismate longius remotam esse: jamque futurum erit, ut fasciæ colorum ante dictæ, sese extendant continuo atque dilatent, & sibi invicem magis magisque intermisceantur; eaque colorum permixtione inter se, dilutiores perpetuo fiant; tandemque, cum charta & pecten circiter pedis unius intervallo, aut paulo plus eo, inter se distent, (puta in loco 2D 2E,) colores universi inter se penitus commixti in albitudinem plane abeant.

Quod cum factum sit; admoto deinde quovis obstaculo, intercipiatur id omne lumen, quod per unum aliquod dentium intervallum transmittebatur; adeo ut colorum fascia ea, quæ inde orta erat, jam sublata sit: jamque videbis lumen reliquarum fasciarum se in fasciæ sublatae locum extendere, ibique coloribus se induere. Quod si fascia ea intercepta ut iterum deinde in chartam, sicuti prius, incidat permittas; utique colores ipsius, jam in reliquarum fasciarum colores incidentes, eisque se denuo admiscentes, efficient ut albitudo iterum exhibeatur.

Denique, charta 2D 2E jam ad radios sibi incidentes valde inclinata sit; adeo ut radiorum maxime refrangibiles copiosius quam cæteri reflectantur: jamque chartæ albor, propter radios hosce nimia portione lumini reflexo admixtos, immutabit se in colorem cæruleum & violaceum. Sin autem charta e contrario eam in partem inclinetur, qua fiat ut radiorum minus refrangibiles copiosius quam cæteri reflectantur; jam chartæ albor, propter istos radios nimia portione lumini reflexo admixtos, convertetur in colorem flavum & rubrum. Ex quo apparet, radios diversos in eo albo lumine inter se commixtos, suam tamen quemque retinere *colorificam qualitatem*; qua radii unius cujusvis generis, ubicunque reliquis copiosiores adsint, utique prævalendo inter cæteros atque dominando, suus ut color ibi exhibeatur efficiunt.

Qua quidem eadem argumentandi ratione, ad tertium experimentum

perimentum hujus Partis applicata, concludi poterit, colorem illum album, qui est luminis omnis refracti jam primum emergentis color, æque ac fuerat incidentis; itidem ex variis coloribus compositum esse.

EXPERIMENTUM XIII.

In experimento jam dicto, pectinis dentium intervalla, totidem prismatum partes explent; quippe singula intervalla prismatibus singulis respondentia, phænomenon simile exhibent, ac totidem prismata fecissent. Quare pectinis dentium loco, prismata plura adhibens, conatus sum ex coloribus ipsorum permixtis albitudinem conflare: idque effeci, tribus duntaxat prismatibus, vel etiam duobus solummodo adhibitis; ea, quæ sequitur, ratione. Duo prismata ABC [Fig. 10.] & *abc*, TAB. III. quorum anguli refringentes B & *b* sint æquales, parallela inter se ita collocentur, ut angulus refringens B unius prismatis, contingat angulum *c* qui est ad basin alterius; faciesque ipsorum CB & *cb*, per quas radii emergunt, in directum jaceant. Tum lumen per prismata ista trajectum excipiat charta MN, quæ intervallo circiter octo duodecimve unciarum a prismatibus distet. Jamque colores ab interioribus binorum prismatum extremis B & *c* generati, commiscebuntur in loco PT, ibique albitudinem efficient. Etenim si alterutrum horum prismatum submoveatur; colores ab altero generati, apparebunt in loco illo PT: Cum autem prius prisma iterum in locum suum admoveatur, ut colores ipsius denuo in colores alterius incidant; jam ex coloribus istis inter se permixtis, iterum orietur albitudo.

Succedet etiam hoc experimentum, uti ipse experiundo intellexi, quum prismatis inferioris angulus *b* paulo major sit, quam superioris angulus B; interque angulos interiores B & *c*, spatii aliquid B*c*, quomodo in schemate exhibetur, interjectum sit; faciesque refringentes BC & *bc* neque in directum
positæ

positæ sint, neque inter se parallelæ. Etenim quo hoc experimentum ex sententia succedat, nihil amplius requiritur, quam ut radii omnium generum uniformiter commixti sint super charta in loco P T. Si radii maxime refrangibiles a superiori prismatico provenientes, occupent id omne spatium, quod est ab M ad P; debebunt radii ejusdem generis, ab inferiori prismatico provenientes, occupare reliquum omne spatium quod interjacet inter P & N. Si radii minime refrangibiles a superiori prismatico provenientes, occupent spatium M T; debebunt radii ejusdem generis, ab altero prismatico provenientes, occupare reliquum omne spatium quod est a T ad N. Si radii unius generis eorum, qui sint mediis refrangibilitatis gradibus, a superiori prismatico provenientes, diffusi sint per spatium M Q; eorumque aliud genus, per spatium M R; aliudque adhuc genus, per spatium M S: utique radii eorundem generum, ab inferiori prismatico provenientes, debebunt occupare spatia reliqua Q N, R N, S N, singuli singula: quodque de his dictum est, id de reliquis omnibus radiorum generibus dictum intelligi oportet. Etenim hoc pacto radii cujusque generis, dispersi erunt per totum spatium M N æqualiter atque uniformiter; adeoque usquequaque æqua portione commixti, unum eundemque omni in parte colorem exhibere debebunt. Quare cum in exterioribus partibus M P & T N, ex hac radiorum omnium mixtura color compositus sit albus; efficitur utique, ut in interiori quoque spatio P T, colorem album similiter generari oporteat. Hæc est ratio compositionis ejusce, qua albitudo in hoc experimento producta est: & quacunque mihi alia unquam ratione similis erat facta compositio, semper inde nata est albitudo.

Denique, si dentibus pectinis, qui sint apta magnitudine, lumina colorata binorum prismatum in spatium P T incidentia intercipientur alternis; spatium illud P T, cum scilicet lente moveatur pecten, coloribus semper videbitur infectum: verum si pectinis motus adeo celer sit factus, ut colores oculis sibi

sibi invicem succedentes, cerni distincte singuli haud queant; spatium id album videbitur.

EXPERIMENTUM XIV.

Haecenus albitudinem ex colorum prismatibus generatorum mixtura atque compositione conflativimus: restat ut de corporum naturalium coloribus inter se permixtis dicamus. Si igitur aqua sapone nonnihil incrassata, ad spumas agendas agitata sit; brevi interjecto temporis spatio, attentius eam inspicienti videbuntur bullularum singularum superficies variis undique coloribus interstinctæ: at qui eam e longinquo adeo aspiciet, ut colores singulos distincte internoscere haud queat; is totam spumam summo albore undique ex æquo videbit candicantem.

EXPERIMENTUM XV.

Denique, cum id agerem, ut ex coloribus, five pulveribus coloratis, quibus pictores utuntur, inter se permixtis, colorem album componerem; considerabam pulveres omnes coloratos, magnam partem luminis, quo illustrantur, restinguere intra se atque delere. Etenim ii illa ipsa de causa colorati evadunt, quod lucem eam, quæ est suo ipsorum colore, copiosius reflectant; eam autem, quæ est aliis omnibus coloribus, parcius reflectant; neque tamen eam ipsam lucem, quæ est suo ipsorum singulorum colore, tam copiose reflectunt, quam faciunt corpora alba. Si minium, exempli gratia, & charta alba simul collocata sint in lumine rubro imaginis illius coloratæ, quæ in cubiculo tenebricoso prismatis refractione exhibetur, quomodo in tertio experimento primæ Partis hujus Libri descripsimus; utique charta luminosior videbitur, quam minium; e qua scilicet radii ipsi rubri copiosius, quam ex ipso minio, reflectuntur. Quod si hæc eadem corpora in lumine, quod sit alio quovis colore, collocata sint; charta luminosior minio, multo etiam jam magis quam antea, apparebit. Hoc-

que idem in omnibus colorum quorumcunque pulveribus similiter accidit. Quocirca ex hujusmodi pulverum permixtione non expectandum est ut oriatur albor clarus atque candens, qualis est chartæ candor; sed albitudo obscura quædam ac nubila, qualem ex luce ac tenebris, vel candido & nigro permixtis orituram expectes; color nimirum leucophæus quidam aut fuscus, qualis est color unguium, color murinus, cineraceus, lapideus, color mortarii, cœni vel luti, & similia. Atque talem quidem colorem subalbidum obscuriorem, ex pulveribus coloratis inter se permixtis sæpe confeci. Exempli gratia; cum minii portione una, viride æris quintupla portione commixtum, exhibuit colorem quendam murinum. Etenim horum duorum colorum uterque ita ex aliis ante erat compositus, ut in ambobus jam colorum inesset mixtura univerforum: minium autem, propter colorem suum luminosiorum & pleniorum, minori portione quam viride æris adhibebam. Similiter, minium simplici, & cæruleum montanum quadruplici portione permixta, conficiebant colorem quendam fuscum subpurpurascentem; qui quidem color, admixto deinde composito quodam ex auripigmento & viridi æris certa portione commixtis, desiit purpurascere, & fuscus plane est factus. Verum hoc experimentum melius successit sine minio, hoc modo. Ad auripigmentum adjeci paulatim purpuram quandam claram atque luminosam, qua utuntur pictores; usque eo donec auripigmentum flavum esse desineret, & colore factum esset rubro pallescente: tum istum colorem subrubrum adhuc dilutiorem feci, admiscendo viride æris parva portione, & cæruleum montanum paulo majori portione, donec is evaderet leucophæus subalbidus color talis, qui ad nullum ex dictis coloribus unum magis quam ad alium accederet. Etenim hoc pacto factus est color albus talis, qui cineres, aut lignum recens cæsum, aut cutem humanam albitudine æquaret. Auripigmentum plus luminis, quam alius ullus ex pulveribus reflexit; ac proinde plus, quam illi, ad coloris compositi alborem contulit. Qua proportionem hujusmodi

hujusmodi pulveres commisceri debeant, accurate definire, difficillimum quidem fuerit; propter inæqualem ejusdem generis pulverum bonitatem. At in universum unumquemque pulverem, pro eo ut color ipsius magis minusve plenus, clarus, luminosusque fuerit, ita ipsum minori majorive portione adhiberi oportebit.

Porro, quandoquidem colores hi fusci atque leucophæi generari quoque possunt ex albis nigrisque varie inter se permixtis; & consequenter differunt a vere candidis, non genere colorum, sed duntaxat claritatis gradu: manifestum est, quo hi colores plane candidi evadant, nihil amplius requiri, quam ut lumen ipsorum satis augeatur. Similiter, e contrario, si hi colores, adaucto duntaxat ipsorum lumine, in candorem perfectum absolvi poterunt; consequens erit, eos eodem esse plane coloris genere, ac candidorum optimos; ab illisque nulla alia in re differre, nisi in luminis solummodo quantitate. Hocque experiundo probavi, ea, quæ sequitur, ratione. Mixturarum leucophæarum supra memoratarum postremam, (eam nempe, quæ ex auripigmento, purpura, cæruleo montano & viridi æris esset composita,) cubiculi tabulato, qua parte Sol ei per fenestram apertam colluceret, crasse illevi; & prope hanc mixturam, chartulam albam ejusdem magnitudinis, in umbra collocavi. Tum ad intervallum duodecim octodecimve pedum retro cedens, ut neque pulveris superficiei inæqualitatem, neque grumulorum ipsius umbellas discernere potuerim; pulverem videbam valde albescentem, etiam supra chartæ ipsius candorem; maxime si charta, intercepto nubium lumine, paulo magis inumbrata esset; quo quidem in casu charta, in comparisonem pulveris, colore jam leucophæo videbatur tali, quali antea visus fuerat pulvis. Verum ita collocando chartam, ut Sol ei trans vitrum in fenestra colluceat; vel adducendo fenestram, ut Sol pulveri jam trans vitrum colluceat; vel alia simili ratione augendo aut minuendo lumina, quibus charta & pulvis sint seorsum illustrata; fieri poterit, ut lumen quo

pulvis illuminetur, adeo apta proportionē fortius evadat lumine illo, quo illuminetur charta; ut ambo tandem albore videantur plane paria. Etenim cum hoc ipsum experirer, amicum tum forte me invisentem pro foribus detinui; & nec quinam essent colores isti, nec quid agerem, exposui; sed continuo, ex duobus istis coloribus albis uter ei melior videretur, & qua in re inter se differrent, rogavi: qui eos ex intervallo isto attentius aliquantisper contemplatus, respondit, utrumque sibi colorem album satis bonum videri; & nec uter eorum melior esset, nec qua in re inter se differrent, dicere se posse. Quocirca, quando hic quidem albor pulveris in Sole expositi, manifesto compositus erat ex coloribus istis, quos pulveres illi simplices (auripigmentum, purpura, cæruleum montanum, & viride æris) utique ante componendum in eodem lumine expositi habuerunt; omnino fatearis necesse est, tam ex hoc experimento, quam ex priori effici id demum, ut albor perfectus ex coloribus inter se permixtis componi possit.

Ex iis, quæ dicta sunt, liquet etiam Solis luminis alborem compositum esse ex coloribus universis, quibus diversa radiorum lumen illud constituentium genera, quum singulis suis refrangibilitatis gradibus a se invicem separata sint, inficiant chartam aut quodvis album corpus in quod incidant. Etenim colores isti, (per prop. 2,) sunt immutabiles. Et quandoque radii illi universi, una cum suis istis coloribus, iterum commixti sunt; id idem lumen album iterum producant.

PROPOSITIO VI. PROBLEMA II.

In mixtura colorum primariorum, data cujusque quantitate & qualitate, invenire quis sit futurus compositi color.

Centro O, [Fig. II.] semidiametro OD, describatur circulus ADF; distinguaturque circumferentia ipsius in septem partes, DE, EF, FG, GA, AB, BC, CD, quæ sint proportionales tonis septem musicis sive intervallis octo illorum in octava, *sol, la, fa, sol, la, mi, fa, sol*; hoc est, quæ sint proportionales numeris $\frac{1}{9}, \frac{1}{16}, \frac{1}{10}, \frac{1}{9}, \frac{1}{10}, \frac{1}{16}, \frac{1}{9}$. Repræsentet prima pars DE colorem rubrum, secunda EF aureum, tertia FG flavum, quarta GA viridem, quinta AB cæruleum, sexta BC indicum, & septima CD violaceum. Finge hos esse colores omnes luminis simplicis gradatim in se invicem definientes, quomodo faciunt colores prismate exhibiti: hoc est, repræsentet circumferentia DEFGABCD totam seriem colorum, ab usque uno extremo coloratæ Solis imaginis ad alterum, ordine dispositorum; adeo ut a D ad E, sint omnes gradus coloris rubri; in E, color inter rubrum atque aureum medius, ab E ad F, gradus omnes coloris aurei; in F, color inter aureum atque flavum medius; ab F ad G, gradus omnes coloris flavi; & sic deinceps. Porro, sit *p* centrum gravitatis arcus DE; & *q, r, s, t, v, x*, centra gravitatis arcum EF, FG, GA, AB, BC, & CD compare: & circa hæc centra gravitatis describantur circuli, qui sint compare proportionales radiis singulorum colorum in data mixtura; hoc est, circulus *p* proportionalis numero radiorum rubrorum in data mixtura; circulus *q*, proportionalis numero radiorum aureorum in eadem mixtura; & similiter cæteri. Inveni deinde centrum gravitatis commune omnium circulorum istorum, *p, q, r, s, t, v, x*: quod quidem centrum sit Z. Et per istud Z, a centro circuli ADF, ducta ad circumferentiam linea recta OY; locus puncti istius Y in illa circumferentia, ostendet quis nasciturus sit color.

color ex compositione colorum omnium in data mixtura; & linea O Z erit proportionalis largitati sive saturitati istius coloris, hoc est, ostendet quantum is distet ab albitudine. Exempli gratia: Si Y incidat in locum medium inter F & G; color ex data compositione nasciturus, erit flavus optimus: si Y declinet de medio ad F vel G versus; color compositus, erit proinde flavus aurescens vel viridescens. Si Z incidat in ipsam circumferentiam; color erit factus quam possit summe largus floridusque: si incidat in locum medium inter circumferentiam & centrum; color erit dimidio minus satur; hoc est, color erit talis factus, qualis ex flavo largissimo floridissimoque, admixto æqua portione albo, esset oriturus: si denique Z incidat in ipsum centrum O; color jam, amissa penitus saturitate sua omni, plane albus erit factus. Verum id hic observandum est; si punctum Z incidat in lineam O D, vel propius ab ea; cum jam colorum simplicium præcipui sint ruber & violaceus, colorem compositum non utique futurum ullius ex coloribus prismate exhibitis similem, sed purpureum rubescentem aut ad violaceum accedentem, pro eo ut punctum Z ex hac vel illa parte lineæ D O ad E vel C versus ceciderit: & in universum, colorem violaceum compositum, quam simplicem, semper magis clarum esse atque igneum. Item, si ex coloribus primariis duo solummodo, qui scilicet in isto circulo sibi e diametro invicem sint oppositi, commisceantur æqua portione inter se; punctum Z tum casurum quidem esse in ipsum centrum O; nec tamen fore, ut color ex duobus istis compositus sit perfecte albus, sed languidus quidam & evanidus color sine nomine. Neque enim unquam efficere potui, ut ex duobus duntaxat coloribus primariis inter se permixtis, color compositus plane albus esset futurus. Utrum ex tribus coloribus, æqualibus interjectis intervallis, in ista circumferentia desumptis, componi possit color plane albus, necne; equidem haud scio: verum ex quatuor aut quinque inter se permixtis, quin id fieri possit, nihil dubito. Sed hæc sunt curiositates, quæ parum aut nihil conferant ad intelligenda naturæ phænomena. Etenim in omnibus coloribus albis a

naturæ

natura productis, solet inesse permixtio radiorum omnium generum, & consequenter colorum compositio universorum.

Ut regulæ hujusce exemplum apponam; finge colorem componendum ex his, qui sequuntur, coloribus homogeneis; videlicet, ex coloris violacei portione 1, indici portione 1, cærulei portionibus 2, viridis portionibus 3, flavi portionibus 5, aurei portionibus 6, & rubri portionibus 10. Portionibus hisce comparate proportionales describo circulos, x , v , t , f , r , q , p ; hoc est, ita ut si circulus x sit 1, circulus v sit utique 1; circulus t , 2; circulus f , 3; & circuli r , q , ac p , sint 5, 6, ac 10. Tum invenio Z centrum gravitatis commune horum omnium circulorum, & per istud Z ducta linea OY , punctum Y incidit in circumferentiam inter E & F , paulo propius ab E quam ab F : unde concludo colorem ex simplicibus istis compositum, futurum esse aureum, ad rubrum paulo propius accedentem quam ad flavum. Præterea invenio lineam OZ paulo esse minorem dimidio illius OY : unde concludo colorem huncce aureum compositum, minus aliquanto quam dimidium habere largitatis sive saturitatis illius, quæ est coloris aurei simplicis; hoc est, colorem huncce aureum talem esse, qualis oriri debeat ex aureo homogeneo & colore albo bono commixtis inter se in proportionem lineæ OZ ad lineam ZY ; quæ nimirum proportio, non est quantitatum pulverum aurei & candidi commiscendorum, sed quantitatum luminis ipsius quod ab utroque reflectatur.

Atque hanc quidem regulam satis accuratam esse existimo ad experimenta agenda, quamvis non sit mathematicè accurata. Porro autem quam vera sit ad sensus judicium, abunde probari potest, intercipiendo ad lentem unum quemvis vel plures colorum in decimo experimento hujus Partis. Etenim reliqui colorum non intercepti, sed ad focus lentis progredientes, conficiunt ibi vel accurate vel quam proxime colorem talem, qualis secundum hanc regulam ex permixtione ipsorum oriri debeat.

PROPOSITIO VII. THEOREMA V.

Colores omnes in rerum universitate, qui quidem ex lumine oriantur, & non a viribus imaginationis pendeant, sunt vel colores luminum homogeneorum, vel ex illis compositi; idque vel accurate, vel quam proxime, secundum regulam in precedenti problemate expositam.

ETenim probavimus (prop. 1. hujus Partis,) colorum varietatem refractionibus exhibitam, non oriri ex novis radiorum modificationibus, inter refringendum scilicet lumini impressis, & a varia luminis umbræque pendentibus terminatione: in qua quidem sententia philosophi omnes antehac fuere. Probavimus etiam (prop. 1. primæ Partis, & prop. 2. hujus Partis,) diversos radiorum homogeneorum colores, singulos singulorum refrangibilitatis gradibus semper respondere; istosque refrangibilitatis gradus (prop. 2. primæ Partis,) non posse ullis refractionibus aut reflexionibus mutari; & consequenter neque colores ipsos posse mutari. Insuper autem probavimus directo, refringendo & reflectendo lumina homogenea separatim, (prop. 2. hujus Partis,) colores ipsorum non posse mutari. Porro, probavimus radios diversorum generum inter se permixtos, & per unum idemque spatium inter decussandum transeuntes, (exper. 10. hujus Partis,) non ibi in se mutuo ita agere, ut suas invicem qualitates colorificas immutent; sed intermiscendo actiones suas in sensorio, sensum illic excitare alium commixtos, ac excitassent separati; hoc est, sensum talis coloris, qui sit inter proprios singulorum colores medius: & particulatim, quum concursu & mixtura radiorum omnium generum, color albus generetur; album istum (prop. 5. hujus Partis,) esse utique permutationem colorum illorum omnium, quos radii singuli habuissent separatim: radios nimirum in ista mixtura non amittere aut immutare suas singulorum qualitates colorificas, sed variis suis actionibus in sensorio permixtis universis, excitare sensum coloris.

coloris cujusdam inter colores ipsorum singulos medii; qui color scilicet est albitudo. Est enim albitudo color inter omnes medius; quippe qui ad omnes indifferenter se habeat, & æqua facilitate singulis infici queat. Utique pulvis ruber cum cæruleo parva portione commixtus, aut cæruleus cum rubro, non continuo colorem suum amittit; at pulvis albus cum quovis colore commixtus, inficitur continuo ab isto colore; & eadem facilitate ab alio quocunque colore infici potest. Ad hæc probavimus, ut Solis lumen ex omne genus radiis compositum est, ita alborem ipsius compositum esse ex coloribus radiorum omnium generum; quippe isti radii, cum ab initio suas singuli colorificas qualitates æque ac refrangibilitates habuerint, tum eas retineant scilicet perpetuo immutabiles, non obstantibus refractionibus aut reflexionibus quibuscunque: quandoque autem ullum genus Solis radiorum, ullo pacto (ut reflexione in experimentis nono & decimo primæ Partis, aut refractione ut in omnibus refractionibus fit,) a reliquis separatum sit; tum eos coloribus videri propriis & suis. Hæc, inquam, omnia ante probavimus: Hæcque omnia simul sumpta id efficiunt, ut propositio, quam jam ponimus, satis sit comprobata. Si enim Solis lumen compositum est ex radiis diversorum generum, qui suos singuli congenitos refrangibilitatis gradus qualitatesque colorificas habent, & non obstantibus refractionibus aut reflexionibus, separationibus aut permixtionibus quibuscunque, suas istas tamen singuli congenitas proprietates perpetuo sine ulla immutatione retinent: utique efficitur necessario, ut colores omnes, qui sunt in rerum universitate, tales sint, quales semper oriri debeant ex congenitis qualitatibus colorificis radiorum illorum, ex quibus lumina, per quæ colores isti sub aspectum veniant, composita sunt. Quare, cum ratio & causa cujuscunque coloris, quæ sit, requiratur; id duntaxat nobis agendum restat, ut consideremus quo pacto radii, qui sunt in Solis lumine, fuerint vel reflexionibus vel refractionibus vel aliis quibuscunque causis a se invicem separati, vel inter se commixti; vel ut alio quovis modo inveniamus quæ genera radiorum, & qua

proportione, insint in eo lumine, per quod color iste exhibetur; & denique, ut ex problemate novissime proposito intelligamus, quis color oriri debeat ex radiis istis (sive coloribus ipsorum) ea proportionem inter se commixtis. Cæterum in hoc omni argumento, cum colores dico, eos semper intelligi colores velim, qui ex lumine revera oriantur. Sunt enim qui aliis ex causis ortum suum habeant: ut quum imaginationis viribus colores in somniis nobis objectos videmus; aut infans ea, quæ non sunt, videtur sibi videre; aut percussio oculo, ignem quis sibi elisum videt; aut comprimendo oculorum angulum alterum, dum acies alio convertatur, colores videmus plumæ pavoniæ lunulam referentes. Ubi hæ aut harum similes causæ non interveniunt, color omnis semper respondet generi aut generibus radiorum, ex quibus lumen compositum sit; quomodo ego quidem experiundo semper comperi, in omnibus illis colorum phænomenis, in quæ adhuc inquirere potuerim. In sequentibus propositionibus exempla rei hujusce dabo, ad phænomena notatu dignissima explicanda.

PROPOSITIO VIII. PROBLEMA III.

Ex proprietatibus luminis supra expositis, explicare colorum prismatibus exhibitorum rationem.

TAB. III. SIT ABC [Fig. 12.] prisma, quo refringatur lumen Solis transmissum in cubiculum tenebricosum per foramen F ϕ ; quod foramen pari fere sit latitudine, ac ipsum prisma sitque MN charta alba, qua lumen refractum ita excipiat, ut radii maxime refrangibiles, sive violacei extremi, incidant puta in spatium P π ; radii minime refrangibiles, sive rubri extremi, in spatium TT; radii inter indicos & cæruleos medii, in spatium Q χ ; radii viridum medii, in spatium R ϵ ; radii inter flavos atque aureos medii, in spatium S σ ; & reliqua radiorum intermediarum genera, in spatia com-

compare intermedia. Etenim hoc modo spatia, in quæ diversa radiorum genera adæquate incidant, erunt, propter diversam generum istorum refrangibilitatem, ordine continuo gradatim deorsum versus disposita. Jam si charta ista MN adeo prope a prismatico distet, ut spatia PT & $\pi\tau$ in se mutuo non incurrant; intervallum ipsorum T π illuminatum erit omnibus radiorum generibus ea ad se invicem proportionem, qua e prismatico primum egrediuntur; & consequenter id spatium, album erit. At spatia PT & $\pi\tau$, ab utraque parte istius T π , non erunt universis radiorum generibus illuminata; ideoque illa videbuntur colorata. Speciatim, in loco P, quo radii violacei extremi incidunt foli, color debet esse violaceus saturatissimus: in loco Q, ubi radii violacei atque indici sunt commixti, color debet esse violaceus multum accedens ad indicum: in loco R, ubi radii violacei, indici, cærulei, & pars viridium dimidia, sunt commixti; color (ex constructione problematis secundi) compositus debet esse inter indicum & cæruleum medius: in loco S, ubi radii universi, exceptis rubris atque aureis, commixti sunt; color (secundum eandem regulam) compositus debet esse cyaneus sive thalassinus, ad viridem magis quam ad indicum accedens: denique in spatio quod est ab S ad T, color iste cyaneus, magis magisque dilutus evanidusque factus; ad T demum, ubi colores universi commisceri incipiunt, desinet in ipsam albitudinem.

Similiter, ex altera parte spatii illius albi T π : in loco τ , quo radii minime refrangibiles, sive rubri extremi, incidunt foli; color debet esse ruber saturatissimus: in loco σ , ex rubro atque aureo commixtis; color compositus esse debet ruber aurescens: in loco ρ ; ex rubro, aureo, flavo, & parte dimidia viridis, inter se permixtis; color compositus esse debet inter aureum & flavum medius: in loco χ , ex mixtura omnium colorum, exceptis violaceo & indico; compositus esse debet color subflavus, ad viridem magis quam ad aureum descendens: denique in eo spatio quod est a χ ad π , color iste subflavus, magis magisque languidus evanidus-

que factus; ad π demum, ubi radii omnium generum admisceri incipiunt, in ipsam albitudinem desinet.

Atque hi quidem colores ita apparere deberent, si Solis lumen plane album esset. Verum quia id lumen ad colorem subflavum accedit; utique radiorum flavorum nimii, qui id colore subflavo inficiunt, commixti porro cum cyaneo evanido qui est inter S & T, efficient ut is colorem subviridem trahat. Jam igitur colores ordine a P ad γ dispositi, debent esse violaceus, indicus, cæruleus, subviridis languidus, albus, subflavus, aureus, ruber. Ita quidem ex computatione res se habet: & cuicunque colores prismae exhibitos libuerit oculis intueri, is reapse hunc esse verum colorum ordinem experiundo comperiet.

Hi sunt colores ex utraque parte albi, quum charta inter prisma & punctum X, ubi colores coeunt & albus interpositus evanescit, collocata sit. Nam si charta longius adhuc a prisma distet; jam radiorum maxime minimeque refrangibiles in medio lumine deerunt; & radii reliqui eodem loci inter se permixti colorem viridem saturiorem quam antea conficient: similiter flavus & cæruleus minus jam compositi, quam antea, erunt facti; & consequenter magis saturi. Atque hæc quoque conveniunt cum experientia.

Quod si quis album aliquod corpus nigrore vel tenebris circumdatum per prisma inspiciat; utique colorum, quibus id corpus fimbriatum videbitur, ratio eadem erit fere, ac jam diximus; quomodo rem paulo attentius consideranti facile apparebit. E contrario, si aliquod nigrum corpus circumdatum sit albo; jam colores, qui id per prisma inspicienti se exhibebunt, attribuendi erunt lumini corporis albi, se in nigri partes diffundenti; quamobrem & contrario ordine dispositi apparent, ac cum album corpus circumdatum sit nigro. Hocque idem de iis corporibus per prisma inspectis intelligendum est, quibus partium suarum aliæ aliis minus sint luminosæ. Etenim in confinibus partium magis minusque luminosarum, colores eisdem de causis semper oriri debebunt

ex

ex majori lumine partium luminosiorum; & eodem esse genere & ordine, ac si partes obscuriores essent nigrae; sed tamen magis languidi esse, & diluti.

Porro, quod de coloribus, quos prismata exhibeant, dictum est; idem facile de coloribus, quos telescopiorum microscopiorumve vitra, vel etiam oculi ipsius humores exhibeant, intelligi poterit. Etenim si vitrum objectivum telescopii, crassius sit ab una parte quam ab altera; vel si dimidia pars vitri, vel dimidia pars pupillae oculi, corpore aliquo opaco obtegatur: utique id vitrum objectivum, vel ea ipsius pars, oculive pupillae pars, quae non sit obtecta, considerari poterit ut cuneus lateribus curvis. Omnis autem cuneus e vitro, vel ex alia ulla materia pellucida, eundem, ac prisma, in refringendo lumine inter transmittendum, effectum obtinet.

Denique colores in experimentis nono & decimo primae Partis hujus Libri, quemadmodum e diversa luminis reflexibilitate oriantur; ex iis, quae ibi dicta sunt, satis quidem est manifestum. Verum notatu dignum est in nono experimento, tandiu dum directum Solis lumen est subflavum, nimiam radiorum caeruleorum in reflexo luminis radio M N [*Fig. 21.*] admixtam portionem, ad id duntaxat valere, ut color iste subflavus in albidum subcaeruleum convertatur, non autem ut is colorem plane caeruleum induat. Quo igitur is colorem caeruleum meliorem traheret; usus sum, loco subflavi luminis solaris, lumine albo nubium; variato nonnihil, quomodo infra sequitur, illo experimento.

TAB. IV.
PART. I.

EXPERIMENTUM XVI.

Sit H F G [*Fig. 13.*] prisma in aperto aere collocatum; & S oculus spectatoris, insipientis nubes per lumen ipsarum, quod ingrediatur in prisma per faciem planam F I G K, in eoque reflectatur a basi H E I G, indeque per faciem planam H E F K egrediatur ad oculum. Quum prisma & oculus convenienter locati sint, ut anguli incidentiae & reflectionis,

TAB. IV.

xionis ab basin sint circiter quadragenum graduum, spectator videbit arcum cæruleum MN , ab uno usque basis extremo ad alterum pertingentem: cujus quidem arcus pars concava ipsi obversa videbitur; & basis pars $IMNG$, quæ erit ultra istum arcum, luminosior videbitur, quam ejusdem pars citerior $EMNH$. Profecto arcus iste cæruleus, quum manifesto nulla alia ex causa oriatur, quam e reflexione superficiæ specularis; adeo mirum videtur ac singulare phænomenon, & cujus adeo nulla ratio ex vulgaribus philosophorum hypothesebus afferri possit; ut non potuerim, quin id notatu & explicatu dignissimum existimarem. Jam igitur ut hujus rei causam ac rationem intelligamus; finge prismatis latera plana & basin, planitie ABC ad perpendicularum intersectas. Ab oculo ad lineam BC , qua planities ista basin prismatis intersectat, ducantur lineæ Sp & St , ita ut fiant angulus SpC graduum $50\frac{1}{2}$, & angulus StC graduum $49\frac{1}{8}$: eritque jam punctum p terminus ultra quem nulli radiorum maxime refrangibilium transmitti per basin prismatis & refringi possint; eorum scilicet quorum incidentia talis sit, ut ad oculum reflecti queant. Similiter, punctum t erit terminus ultra quem nulli radiorum minime refrangibilium transmitti queant per basin; quorum utique incidentia talis sit, ut ad oculum reflecti possint: & punctum r , in medio inter p & t , erit similiter terminus transmissionis radiorum mediocriter refrangibilium. Quamobrem omnes radii minime refrangibiles, incidentes in basin ultra t , hoc est, inter t & B , qui quidem inde ad oculum reflecti queant; reflectentur utique ad oculum: at citra istud t , hoc est, inter t & C , multi istorum radiorum transmittentur per basin. Similiter omnes radii maxime refrangibiles, incidentes in basin ultra p , hoc est, inter p & B , qui quidem inde ad oculum reflecti queant; reflectentur utique ad oculum: at citra istud p , hoc est, inter p & C , multi istorum radiorum transmittentur per basin & refringentur. Idemque similiter intelligendum est de radiis mediocriter refrangibilibus, ex utraque parte puncti r . Ex quo efficitur, basis prismatis partem

eam,

eam, quæ inter t & B interjaceat; totali radiorum omnium generum reflexione ad oculum, albam atque claram videri debere: e contrario autem, quæ ejus pars inter p & C interjaceat; eam, ex transmissu multorum omne genus radiorum, magis pallidam, obscuram, tenebrosamque videri oportere: at in r , omnique in parte inter p & t ; ubi omnes radii maxime refrangibiles reflectuntur ad oculum, multi autem minime refrangibilium transmittuntur; nimiam radiorum maxime refrangibilium admixtam lumini reflexo portionem, inficere debere id lumen suo colore, hoc est, violaceo & cæruleo. Hocque idem evenit, quacunque in parte basis, inter extrema HG & EI, capiatur linea C $p r t$ B.

PROPOSITIO IX. PROBLEMA IV.

Ex proprietatibus luminis supra expositis, explicare arcus cælestis colorum rationem.

HIC arcus nunquam videtur, nisi cadente pluvia, & simul fulgente Sole. Repræsentari autem potest etiam arte, jaciendo aquam in sublime, quæ in guttulas dispersa, in modum pluviae, decidat. Etenim Solis radii in hujusmodi guttulas incidentes, semper arcum exhibent spectatori apta positione inter Solem & pluviam collocato. Unde hodie convenit inter omnes, arcum istum refractione luminis solaris in guttulis pluviae cadentis effici. Intellexerunt hoc etiam antiquorum nonnulli: inter recentiores autem plenius id invenit uberiusque explicavit celeberrimus *Antonius de Dominis* Archiepiscopus *Spalatenfis*, in libro suo *de radiis visus & lucis*, quem ante annos amplius viginti scriptum, in lucem tandem edidit amicus suus *Bartolus, Venetiis* anno 1611. In eo enim libro ostendit vir celeberrimus, quemadmodum arcus interior, binis refractionibus radiorum Solis, singulisque reflexionibus inter binas istas refractiones intervenientibus, in rotundis pluviae guttis effingatur;

tur; exterior autem arcus, binis refractionibus, binisque itidem reflexionibus interjectis, in similibus aquæ guttis efficiatur. Suamque is explicandi rationem experimentis comprobavit, in phiala aquæ plena, & globis vitreis aquæ plenis, in Sole collocatis; quo duorum arcuum istorum colores, in illis se exhiberent contemplandos. Porro, eandem explicandi rationem persecutus est *Cartesius* in meteoris suis; eamque quæ est de arcu exteriori, insuper emendavit. Verum cum hi scriptores veram colorum originem non intelligerent; necesse erit hanc materiam paulo adhuc ulterius prosequi. Ut clarius igitur intelligamus, quemadmodum arcus cœlestis efficiatur; esto globus *BNFG*,

TAB. IV. [Fig. 14.] centro *C* & semidiametro *CN* descriptus, pluviae gutta, vel aliud quodvis corpus perlucidum globosum. Sit porro *AN* unus ex radiis Solis, incidens in globum istum ad *N*, indeque refractus ad *F*; ubi vel exeat e globo refractus ad *V*, vel reflectatur ad *G*; ibique iterum vel exeat refractus ad *R*; vel reflectatur ad *H*: ubi tandem exeat refractus ad *S*, radiumque incidentem secet in transversum in *Y*. Producat jam *AN* & *RG*, donec coeant in *X*; & super *AX* & *NF*, demitte perpendiculares *CD* & *CE*; & producat *CD*, donec incidat in circumferentiam ad *L*. Denique, parallelam radio incidenti *AN* duc diametrum *BQ*; sitque sinus incidentiæ ex aere in aquam, ad sinum refractionis, ut *I* ad *R*. Jam si fingas punctum incidentiæ *N* moveri & ferri gradatim a puncto *B* ad usque punctum *L*; arcus *QF* augebitur primo, & deinde minuetur; & similiter angulus *AXR*, quem continent radii *AN* & *GR*: isteque arcus *QF* & angulus *AXR* maximi tum erunt facti, cum *ND* sit ad *CN*, ut $\sqrt{11-RR}$ ad $\sqrt{3}RR$; quo in casu *NE* erit ad *ND*, ut $2R$ ad *I*. Præterea angulus *AYS*, qui continetur radiis *AN* & *HS*, minuetur primo, & deinde augebitur: minimus autem tum erit factus, cum *ND* sit ad *CN*, ut $\sqrt{11-RR}$ ad $\sqrt{8}RR$; quo in casu *NE* erit ad *ND*, ut $3R$ ad *I*. Similiter an-

angulus quem radius proximus emergens, (hoc est, radius post tres reflexiones emergens,) continet cum radio incidente A N, veniet tum ad terminum suum, cum N D fit ad C N, ut $\sqrt{11-RR}$ ad $\sqrt{15} R R$; quo in casu N E erit ad N D, ut 4 R ad I. Porro, angulus quem radius adhuc proximus emergens (hoc est, radius post quatuor reflexiones emergens,) continet cum radio incidente A N, veniet tum ad terminum suum, cum N D fit ad C N, ut $\sqrt{11-RR}$ ad $\sqrt{24} R R$; quo in casu N E erit ad N D, ut 5 R ad I. Et similiter in infinitum: numeris nimirum 3, 8, 15, 24, &c. collectis continua additione terminorum arithmeticae progressionis, 3, 5, 7, 9, &c. Quorum quidem omnium veritatem facile expendent intelligentque mathematici.

Jam observandum est; sicuti quum Sol ad tropicorum alterutrum accedat, dierum longitudo per aliquod temporis spatium parvis admodum portionibus augetur vel minuitur; ita hosce angulos, quum (augendo distantiam C D) ad terminos suos perveniunt, quantitatem suam aliquandiu variare parva admodum portione; ideoque radiorum in omnia puncta N quadrantis B L incidentium, multo majorem numerum emergere debere prope terminos horum angulorum, quam in aliis ullis inclinationibus. Observandum est praeterea, futurum ut radii, qui refrangibilitate inter se differunt, diversos habeant terminos angulorum suorum emerfionis; & consequenter, pro diversis refrangibilitatis gradibus, emerfio ipsorum copiosissima in diversis angulis fiat; adeoque ipsi a se invicem separati, suum singuli colorem proprium exhibeant. Isti autem anguli qui sint, ex praecedenti theoremate facili computatione colligi poterit.

Etenim in radiis minime refrangibilibus, sinus I & R (quomodo supra comperimus) sunt 108 & 81: unde, posito calculo, angulus maximus A X R invenietur graduum 42, 2'; & angulus minimus A Y S, graduum 50, 57'. In radiis autem maxime refrangibilibus, sinus I & R sunt 109 & 81: unde, posito calculo, angulus maximus A X R invenietur gra-

duum $40, 17'$; & angulus minimus $A Y S$, graduum $54, 7'$.

TAB. IV. Finge jam O esse oculum spectatoris, & OP . [Fig. 15.] lineam parallelam radiis Solis; sintque POE , POF , POG , POH , anguli graduum $40, 17'$; $42, 2'$; $50, 57'$; & $54, 7'$, respective: Jamque hi anguli circum latus suum commune OP circumacti, describent reliquis suis lateribus OE , OF ; OG , OH ; margines duorum arcuum $A F B E$ & $C H D G$. Etenim si E , F , G , H , sint guttæ collocatæ ubivis in superficiebus conicis descriptis a lineis OE , OF , OG , OH ; & illuminatæ radiis Solis SE , SF , SG , SH : utique angulus SEO , cum sit æqualis angulo POE , sive graduum $40, 17'$; erit maximus angulus, in quo radii maxime refrangibiles possint post unam reflexionem refringi ad oculum; & proinde guttæ omnes in linea OE emittent ad oculum radios maxime refrangibiles copiosissime; eoque pacto sensui colorem violaceum saturatissimum illo in loco exhibebunt. Simili ratione, angulus SFO , cum sit æqualis angulo POF , sive graduum $42, 2'$; erit utique maximus, in quo radii minime refrangibiles possint post unam reflexionem emergere e guttis; & proinde guttæ in linea OF emittent ad oculum radios istos copiosissime, eoque pacto sensui colorem rubrum saturatissimum illo in loco exhibebunt. Porro, eadem argumentandi ratione, radii qui sint intermediis refrangibilitatis gradibus, emittentur copiosissime e guttis inter E & F ; & sensui exhibebunt colores intermedios eo ordine, qui refrangibilitatis ipsorum gradibus respondeat; hoc est, in progressu ab E ad F , sive ab interiori parte arcus ad exteriorem, colores hosce ordine exhibebunt, violaceum, indicum, cæruleum, viridem, flavum, aureum, rubrum. Verum enimvero color violaceus, propter admixtum lumen album nubium, evanidus videbitur & ad purpureum accedens.

Rursum, angulus SGO , cum sit æqualis angulo POG , sive graduum $50, 57'$; erit utique minimus angulus, in quo radii minime refrangibiles possint post binas reflexiones emergere e guttis; quare guttæ in linea OG emittent ad oculum radios minime refrangibiles

frangibiles copiosissime; eoque pacto sensui colorem rubrum saturatissimum illo in loco exhibebunt. Similiter angulus SOH , cum sit æqualis angulo POH , sive graduum $54, 7'$; erit utique minimus angulus, in quo radii maxime refrangibiles possint post binas reflexiones emergere e guttis; quare guttæ in linea OH emittent ad oculum radios istos copiosissime; eoque pacto sensui colorem violaceum saturatissimum illo in loco exhibebunt. Eademque argumentandi ratione, guttæ in mediis partibus inter G & H , sensui exhibebunt colores intermedios eo ordine, qui refrangibilitatis suæ gradibus respondeat; hoc est, in progressu a G ad H , sive ab interiori parte arcus ad exteriorem, colores hosce ordine exhibebunt, rubrum, aureum, flavum, viridem, cæruleum, indicum, violaceum. Denique, cum hæ quatuor lineæ OE , OF , OG , OH , qualibet in parte superficierum conicarum supra memoratarum sitæ esse possint; utique quod de guttis & coloribus in istis lineis dictum est, id de guttis & coloribus in omni parte istarum superficierum similiter dictum intelligi oportet.

Atque hoc pacto effecti erunt duo arcus colorati; interior ac clarior, una reflexione intra guttas facta; & exterior ac dilutior, binis reflexionibus: etenim lumen unaquaque reflexione fit languidius perpetuo. Porro arcuum istorum colores contrario erunt ordine dispositi inter se: color enim ruber utriusque arcus, continens erit utrinque spatio GF inter duos arcus interjacenti. Arcus interioris latitudo EOF , in transversum coloribus dimensa, erit gradus $1, 45'$; exterioris latitudo GOH , $3, 10'$; arcuumque inter se distantia GOF , $8, 55'$; maxima nimirum semidiametro interioris, hoc est, angulo POF , existente $42, 2'$; & minima semidiametro exterioris POG , $50, 57'$. Hæ sunt mensuræ arcuum, ita utique futuræ, si Sol esset unum duntaxat punctum. At enim Solis globi latitudine latitudo arcuum augebitur, eorumque distantia inter se minuetur, dimidio gradu. Jamque latitudo arcus interioris erit $2, 15'$; latitudo exterioris, $3, 40'$; distantia ipsorum inter se, $8, 25'$; maxima semidiameter arcus interioris, $42, 17'$; & minima

exterioris, 50, 42'. Atque hæc quidem revera arcuum in cœlo reperiuntur mensuræ quam proxime, quando colores ipsorum clari atque perfecti videntur. Quondam enim, quantum accideret ut potuerim ratione, dimensus sum maximam semidiametrum arcus interioris, eamque comperi graduum circiter 42; eodemque tempore latitudinem colorum rubri, flavi, & viridis, in eodem arcu, comperi esse minutorum 63 vel 64; præter extremum colorem rubrum evanidum, claritate nubium circumjacentium obscuratum, in quem tria vel quatuor minuta amplius annumerari poterunt. Latitudo coloris cærulei erat circiter 40 minutorum amplius; præter violaceum, qui claritate nubium circumjectarum ita erat obscuratus, ut ejus latitudinem dimetiri non potuerim. Verum posito quod latitudo cærulei simul & violacei, æqualis sit latitudini rubri, flavi, & viridis simul itidem sumptorum; erit jam tota hujus arcus latitudo, graduum $2\frac{1}{4}$, ut supra. Minimum intervallum, quo arcus interior exteriorque inter se distarent, erat circiter graduum 8, 30'. Exterior arcus latior erat, quam interior; verum adeo evanidus, præsertim a cærulea sui parte, ut latitudinem ejus distincte dimetiri haud potuerim. Alio tempore, cum ambo arcus distinctiores apparerent, dimensus sum latitudinem arcus interioris, graduum 2, 10': eratque latitudo colorum rubri, flavi, & viridis, in exteriori arcu, ad latitudinem eorundem colorum in interiori; ut 3 ad 2.

Hæc arcus cœlestis phænomena explicandi ratio confirmatur adhuc amplius experimento illo notissimo, quod *Antonius de Dominis* & *Cartesius* excogitarunt. Suspensus nempe in Sole globus vitreus aquæ plenus, inspiciendus est tali in positu, ut radii a globo ad oculum pervenientes, contineant cum Solis radiis angulum vel 42 vel 50 graduum. Etenim quum iste angulus erit factus graduum 42 vel 43, spectator (puta ad O) videbit colorem rubrum clarum in ea parte globi, quæ erit a Sole averfa; quomodo repræsentatur ad F: sique iste angulus paulo minor factus fuerit (puta deprimendo globum ad E,) videbuntur continuo alii colores, fla-

vus, viridis, & cæruleus ex ordine, in eadem parte globi. Verum quum iste angulus erit factus graduum ciciter 50, (puta attollendo globum ad G,) videbitur tum color ruber in ea parte globi, quæ erit Soli obversa; sique angulus iste adhuc major factus fuerit (puta attollendo globum ad H,) color ille ruber convertet se in alios colores, flavum, viridem, & cæruleum ex ordine. Porro rem eandem expertus sum, intuendo globum immotum, attollendo autem interea vel deprimendo oculum, vel aliter eum movendo, prout opus erat facto; donec angulus ante dictus, iusta magnitudine esset constitutus.

Audivi narratum, lumen candelæ refractum prisma ad oculum, ita se habere, ut cum color cæruleus incidat in oculum, spectator videat tum in prisma rubrum; cumque ruber incidat in oculum, tum is cæruleum videat. Quod quidem si verum esset; utique colores in globo antedicto, & in arcu cœlesti, ordine contrario, quam experimur, apparere deberent. Verum errorem hunc inde ortum puto, quod, cum colores luminis candelæ valde sint languidi, difficile sit discernere quinam colores in oculum incidant. Etenim ipse observavi sæpe e contrario, in Solis lumine a prisma refracto, spectatorem semper eum colorem in prisma videre, qui incidat in oculum. Idemque etiam in lumine candelæ, verum esse comperi. Cum enim prisma lente moveatur e linea, quæ directo a candela ad oculum ducta sit; color ruber primum videtur in prisma, deinde cæruleus; ac proinde uterque tum videtur, cum incidat in oculum: nam color ruber primo super oculum transit, deinde cæruleus.

Lumen quod binis refractionibus sine ulla reflexione per guttas pluviae transmittitur, fortissimum videri debet intervallo circiter 26 graduum a Sole, & languescere gradatim utroque, prout intervallum istud vel augeatur vel minuatur. Idemque dictum intelligi debet, de lumine per grandinem globosam transmissio. Quod si grando, quomodo sæpe evenit, compressa sit aliquantum atque planior facta; utique lumen transmissum adeo forte evadere poterit intervallo paulo minus 26 graduum,

graduum, ut circum Solem aut Lunam Halo five coronam effingat: Quæ porro Halos, quoties grando apta sit figura, colorata esse poterit: tumque intra rubra erit facta, radiis minime refrangibilibus; & cærulea extra, radiis maxime refrangibilibus; præsertim si grandinis particulæ habeant forte in centrīs suis opacos nivis globulos, qui lumen intra Halo intercipientes, (quomodo *Hugenius* observavit,) efficere possint ut interior ipsius pars distinctius, quam alioqui futurum esset, definita sit. Etenim hujusmodi grandinis particulæ, quamvis globosæ, tamen terminando lumem inclusa sua nive, exhibere poterunt Halo rubram intra, & coloris expertem extra; atque etiam obscuriorem intra rubram sui partem, quam extra; uti plerunque fieri solet. Etenim ex radiis qui proxime nivem præterferuntur, rubri refringentur minime; adeoque ad oculum in lineis directissimis pervenient.

Lumen, quod e pluviae gutta post duas refractiones & tres pluresve reflexiones egreditur, vix satis forte est ad arcum efficiendum, qui sub sensum cadat. At in glaciei particulis illis cylindraccis, quarum ope *Hugenius* rationem Parheliorum explicat, poterit fortasse sensu percipi.

PROPOSITIO X. PROBLEMA V.

Ex proprietatibus luminis. supra expositis, explicare colorum in corporibus naturalibus permanentium rationem.

ISTI colores hinc oriuntur, quod a certis corporibus naturalibus certa radiorum genera reflectuntur reliquis omnibus copiosius, & ab aliis alia. Minium reflectit radios minime refrangibiles, five rubros, copiosissime; atque inde rubrum videtur. Violæ reflectunt radios maxime refrangibiles copiosius; indeque suum habent colorem: & similiter cætera corpora omnia. Omne corpus reflectit radios, qui sunt suo ipsius colore, copiosius quam reliquos; & colorem suum inde trahit, quod radii isti in reflexo lumine prævaleant ac dominantur.

E X P E.

EXPERIMENTUM XVII.

Etenim si in luminibus homogeneis, qualia per problema in quarta propositione primæ Partis hujus Libri expositum obtineri poterunt, collocentur corpora diversorum colorum; invenes, sicuti ipse expertus sum, omne corpus in eo semper lumine, quod sit suo ipsius colore, clarissimum & luminosissimum videri. Cinnabaris in lumine rubro homogeneo, maxime resplendet; in lumine viridi, manifesto fit minus splendens; in cæruleo, etiam adhuc minus. Indicum in lumine violaceo-cæruleo, fulgentissimum est; fulgor autem iste, prout id inde pedetentim per lumen viride & flavum transvehatur ad rubrum, minuit se gradatim. Porrum lucem viridem prasinam præcipue, deinde autem cæruleam quoque & flavam, ex quibus viridis componitur, fortius reflectit quam colores reliquos rubrum & violaceum. Et similiter cætera corpora omnia. Verum quo hujusmodi experimenta evidentiora fiant, talia corpora oportebit adhiberi, quæ sint coloribus clarissimis & plenissimis. Atque etiam bina hujusmodi corpora inter se comparari oportebit. Exempli gratia; si cinnabaris & cæruleum cyprium sive ultramarinum, vel alius quivis color cæruleus floridus & largus, in lumine rubro homogeneo simul conferantur; utique utrumque videbitur rubrum; at cinnabaris quidem colore rubro videbitur claro, largo & splendidissimo; cæruleum cyprium autem, rubro quidem saturo, sed obscuro tamen & tenebricoso. Sin hæc eadem corpora deinceps in lumine cæruleo homogeneo simul conferantur; utique utrumque videbitur jam cæruleum; at cæruleum cyprium quidem colore cæruleo videbitur claro, largo & splendidissimo; cinnabaris autem, cæruleo quidem saturo, sed obscuro tamen & tenebris offuso. Quo quidem experimento clarissime, sine omni dubitatione, evincitur; lumen rubrum multo copiosius a cinnabari reflecti, quam a cæruleo cyprio; & lumen cæruleum multo copiosius a cæruleo cyprio, quam

a cinnabari. Idem autem experimentum non sine optato eventu capi poterit etiam in minio & indico, vel binis aliis quibusvis corporibus coloratis; si modo illud, quam non ex æquo forte vel languidum sit utriusque naturale lumen atque color, rationis habeatur.

Porro autem, ut corporum naturalium colorum ratio ex hisce experimentis evidens est atque manifesta; ita uberius insuper confirmatur, (adeo ut res nullam amplius dubitationem habeat,) ex duobus primis experimentis primæ Partis hujus Libri; quibus quidem experimentis probavimus in istiusmodi corporibus, lumina reflexa quæ coloribus inter se differunt, ea itidem refrangibilitatis gradibus differre inter se. Etenim inde manifestum est, alia corpora radios magis refrangibiles, alia minus refrangibiles, reflectere copiosius.

Atque hanc quidem esse non veram solummodo, sed & solam quoque horum colorum rationem, adhuc amplius inde apparere poterit, quod color luminis homogenei non possit corporum naturalium reflexione ullo modo immutari.

Etenim si corpora naturalia nequeunt reflexione suâ colorem ullius generis radiorum ne quidem quicquam omnino immutare; utique ea corpora non possunt ulla alia de causa apparere colorata, quam quia radios illos reflectant, qui vel natura eo sint colore quem ipsa exhibent, vel qui aliqua sui permixtione eum conficere debeant.

Verum in hujusmodi experimentis capiendis, cavendum est diligenter, ne lumen non sit satis perfecte homogeneum. Si enim corpora illuminaveris coloribus vulgaribus prismate exhibitis; videbuntur ea jam neque suo ipsorum colore, qualem interdum & in aprico exhibent; neque colore qui est luminis jam sibi immixti; sed colorem aliquem referent inter utrumque medium; uti ipse experiundo comperi. Exempli gratia; minium lumine viridi ordinario prismatibus exhibito illuminatum, neque rubrum videbitur neque viride; sed aureum aut flavum, vel coloris alicujus inter flavum & viridem medii, pro eo ut viride lumen, quo id illuminatum sit,

fit, magis fuerit minusve compositum. Etenim ex una parte; quoniam minium, quum illuminatum fit lumine albo, in quo omnia radiorum genera ex æquo commixta sunt, rubrum videtur; in viridi autem lumine omnia radiorum genera non sunt ex æquo commixta; utique radii flavi, virides, & cærulei, qui in isto viridi lumine jam in minium incidente insunt nimia portione, efficere debebunt ut iidem radii in reflexo etiam lumine adeo prævaleant, ut id, cum rubrum esse deberet, jam colorem ipsorum subviridem trahat. Ex altera autem parte; quoniam minium radios rubros reliquis omnibus copiosius, pro ratione numeri ipsorum in lumine incidente, reflectit; & deinceps aureos atque flavos; utique isti radii in lumine reflexo majorem jam proportionem ad totum illud lumen habebunt, quam habuerant ad lumen viride incidens; ac proinde efficient ut lumen illud reflexum, cum viride esse deberet, jam colorem ipsorum subrubrum trahat. Atque hoc quidem pacto minium neque rubrum videbitur, neque viride; sed colore aliquo inter utrumque medio.

In liquoribus ita coloratis, ut tamen sint pellucidi, observandum est colorem una cum crassitudine ipsorum variari solere. Exempli gratia; liquor ruber in vitro conico inter lucem & oculum collocatus, prope a fundo, ubi tenuior est, colore flavo videtur pallido ac diluto; paulo superius autem, ubi crassior est, colorem aureum induit; qua parte adhuc crassior est, rubrum; qua denique crassissimus est, colorem rubrum saturum atque pressum. Etenim existimandum est, istiusmodi liquorem intercipere radios indicos & violaceos facillime; cæruleos, difficiliter; virides, adhuc difficiliter; rubros, omnium difficillime: Quod si igitur crassitudo liquoris ea sit duntaxat, qua radiorum violaceorum indicorumque satis multi intercipientur, nec tamen de reliquorum numero multum diminuatur: tum utique ex reliquis istis (per prop. 6. hujus Partis) colorem componi debere pallidum flavescentem: Verum si liquoris crassitudo tanta sit facta, ut cæruleorum quoque radiorum plurimos intercipiat, etiam & viridum non-

nullos; tum utique ex reliquis colorem componi debere aureum: Cumque porro liquor iste eo crassitudinis excreverit, ut etiam maximam partem radiorum viridum intercipiat, flavorum quoque aliquam multos; tum utique ex reliquis oriri oportere colorem rubescentem: Qui denique color ruber, pro eo ut radii flavi atque aurei (augendo adhuc liquorem in crassitudinem) magis magisque intercipientur, largior perpetuo saturatiorque fieri debeat; donec pauci admodum radiorum, præter rubros solos, demum transmitti possint.

Atque hujus quidem generis est experimentum, quod mihi nuper retulit D. *Halleius*; qui cum, die quodam insolato, in mare se ad ingentem usque aquarum altitudinem in vase ad urinandum comparato submersisset, observavit superiorem partem manus suæ, cui Sol per aquas superiores ad altitudinem multarum orgyiarum incumbentes, perque parvam fenestram vitream in vase infixam, directo tum colucebat, colore roseo sibi visam esse; aquam autem infra se, & inferiorem manus suæ partem, illustratam lumine ab aqua inferiori reflexo, virides esse visas. Etenim hinc colligi potest, aquam marinam reflectere radios violaceos & cæruleos facillime, rubros autem liberrime & copiosissime ad ingentem usque altitudinem transmittere. Nam hoc quidem pacto directum Solis lumen, in ingenti aquarum altitudine, propter radios rubros numero prævalentes, rubrum videri oportebit; & quo major fuerit aquarum altitudo, eo largior ac saturior color iste ruber esse debebit. Reflexi autem inferne radii cærulei, virides, & flavi, copiosius multo quam rubri; etiam in ea aquarum altitudine, quo radii violacei vix penetrant omnino; colorem viridem exhibeant necesse est.

Jam si duo liquores, coloribus largis saturatisque, puta rubro & cæruleo, ea quantitate in crassitudinem, qua colores ipsorum justam saturitatem habeant, inspiciantur; quamvis uterque eorum satis translucidus sit seorsum, tamen ambo non erunt conjunctim translucidi. Si enim per unum
horum

horum liquorum radii rubri soli transmittantur, & cærulei soli per alterum; utique per utrumque transmitti poterunt plane nulli. Hoc casu & fortuito expertus est D. *Hookius* in cuneis vitreis, liquoribus rubro & cæruleo plenis; magnamque ei admirationem movit improvisus & inopinatus rei eventus; cuius quippe causa tum prorsus incognita esset: quo equidem magis experimento ejus fidem habeo, quamvis ipse id non iteraverim. Verum quicumque hujus rei experimentum iterum capere velit; ei diligentissime illud in primis erit agendum, ut liquores sint coloribus bonis admodum & saturatis.

Existimandum est autem, dum corpora fiunt colorata, reflectendo aut transmittendo hoc vel illud genus radiorum copiosius quam cæteros; utique intercipere ea & restinguere intra se radios illos quos neque reflectunt neque transmittunt. Etenim si aurum in bracteas tenuissimas ductum, collocetur inter oculum & lucem; lux per id cærulea videbitur, vel viridis. Quare aureum solidum intromittit in se radios cæruleos; eosque ultro citroque reflexos aliquandiu intra se, intercipit tandem atque restinguit penitus; dum radios flavos reflectit extra, ipsumque adeo videtur flavum. Quo autem modo bractæ aureæ, flavæ videntur lumine reflexo, & cæruleæ transmissio; aurum autem solidum, omni ex parte, omnique in positu oculi, ex æquo flavum: eodem fere modo certi sunt liquores, ut ligni nephritici infusio; & certa etiam vitri genera; quæ unum genus luminis transmittunt copiosius, aliud autem genus reflectunt; eoque pacto coloribus variis, pro vario oculi atque luminis positu, videntur. Quod si liquores vel vitra ista, adeo crassa ac solida essent facta, ut nullum omnino lumen per ea transmitti posset; equidem nihil dubito, (quamvis nondum quidem expertus hoc affirmare queam,) quin ea similiter ac alia omnia corpora opaca, uno eodemque colore in omni oculi positu essent apparitura. Etenim opaca ipsa corpora omnia colorata, cum (quantum ego quidem observare potuerim)

lucem transmittere possint, si modo satis tenuia facta sint; utique perlucida sunt quodam modo, & gradu duntaxat pelluciditatis differunt a liquoribus pellucidis coloratis; quippe & hi liquores, æque ac corpora illa, nimia crassitudine evadunt opaci. Porro, corpus pellucidum, quod cujusvis coloris videatur lumine transmissio; poterit etiam ejusdem coloris videri, lumine reflexo; ita videlicet, si lumen istius coloris reflectatur a posteriori corporis superficie, vel ab aere qui est ultra eam. Tumque color iste reflexus diminui poterit, & fortasse evanescere; augendo corpus ipsum in crassitudinem, & induendo id a tergo pice, ad cohibendam superficiem ejus posterioris reflexionem; ut lumen adeo ab ipsis corporis particulis reflexum prævaleat, &, quo colore se inde tinxerit, ostendere possit. Utique tali in casu, crediderim colorem luminis reflexi alium facile futurum, ac transmissi. Verum unde tandem fiat, ut corpora & liquores colorata, reflectant alia genera radiorum, alia autem intromittant vel transmittant; id in sequenti Libro dicitur. In hac propositione satis habeo, illud me ita comprobasse, ut res nullam amplius dubitationem habere possit; ejusmodi proprietates revera in corporibus inesse, eaque inde apparere colorata.

PROPOSITIO XI. PROBLEMA VI.

Permixtis inter se luminibus coloratis, componere radium luminis, qui sit eodem colore eademque natura, ac radius directi luminis Solis; in eoque experiri propositionum præmissarum veritatem.

TAB. IV. SIT $ABC\ abc$ [Fig. 16.] prisma, quo Solis radius in cubiculum tenebricosum per foramen F immissus, refringatur ad lentem MN ; superque ea in locis $p, q, r, s, \& t$, depingat colores solitos, violaceum, cæruleum, viridem, flavum & rubrum. Radios jam ita divergentes, cogat refractione hujus lentis; faciatque ut iterum convergant ad X ; ubi permixtio-

mixtione colorum illorum omnium inter se albitudinem, quomodo supra expositum est, conficiant. Tum in X collocetur aliud prisma D E G *d e g* priori parallelum; quo lumen id album refringatur sursum versus ad Y. Sint refringentes prismatum anguli, ipsorumque distantiae a lente, æquales compare inter se; ut radii, qui convergebant a lente ad X, quique ibi, absque nova refractione esset, futurum erat ut decussarentur divergerentque iterum; refractione jam secundi prismatis fiant denuo paralleli inter se, nec divergant amplius. Etenim hoc pacto ex radiis istis, compositus erit iterum radius albus X Y. Si angulus refringens utriusvis prismatis major fuerit; id prisma tanto propius a lente distet oportebit. At enim quando demum prismata & lens apte sint inter se disposita, ita intelliges; si observabis utrum radius X Y, qui e secundo prismate egreditur, sit ad usque extrema sui latera perfecte planeque albus; &, interjectis quibuscunque a prismate intervallis, perfecte & ex omni parte albus, haud secus ac directus Solis radius, permaneat necne. Etenim usque eo, donec is ita se habeat, mutanda erit perpetuo & corrigenda prismatum lentisque dispositio inter se. Quum autem hæc omnia apte disposita compereris; si tum deinceps ope trabis longioris, qualis in schemate depicta est, vel tubi, vel alius cujusvis instrumenti in id comparati, prismata & lens eo in situ fixa retineantur; poteris exinde in hoc composito luminis radio X Y earundem omnium rerum experimenta capere, quarum hætenus fecimus in directo Solis lumine. Nam hic compositus radius eandem habet speciem, easdemque omnes omnino proprietates, quantum ego quidem observare potuerim; ac directus Solis luminis radius. Porro autem, inter experimenta in hoc radio agenda, poteris, intercipiendo quoties libuerit quemvis colorum *p, q, r, s, t*, ad lentem, videre manifesto quemadmodum colores in hujusmodi experimentis generati, non sint alii, sed iidem plane, qui erant radiorum ad lentem, jam antequam ii ad hunc radium constituendum convenirent; & consequen-

quenter colores istos non oriri ex novis luminis modificationibus, refractione scilicet & reflexione ei impressis; sed ex variis duntaxat separationibus ac mixturis radiorum, congenitas utique qualitates suas colorificas habentium.






Exempli gratia: Quum lente uncias $4\frac{1}{4}$ lata, duobusque prismatibus a lente utrinque pedes $6\frac{1}{4}$ distantibus, compositum istiusmodi radium luminis confecissem: ut experire deinceps quæ esset causa atque ratio colorum prismatibus exhibitum, refregi compositum istum radium luminis $X Y$ alio prisma $H I K k b$, eoque pacto solitos prismatis colores $P Q R S T$ in chartam $L V$ ultra collocatam projeci; tumque intercipiendo quemvis colorum p, q, r, s, t , ad lentem, observabam eundem colorem charta $L V$ continuo evanescere. Ita, si color purpureus p intercipiebatur ad lentem; utique purpureus P in charta continuo evanescibat: reliqui autem colores permanebant nihil immutati; nisi forte cæruleum excipias, qui eatenus fortasse immutaretur, quatenus aliquid purpurei in eo ad lentem latitans, refractionibus sequentibus postea separari potuerit. Similiter, intercepto ad lentem colore viridi r ; utique viridis R in charta continuo evanescibat; idemque de cæteris coloribus similiter intelligendum est. Ex quo manifesto apparet; ut radius albus $X Y$ compositus erat ex diversis luminibus ad lentem varie coloratis; ita colores ex eo postea ope novarum refractionum emergentes, non alios esse, quam eos ipsos, ex quibus albitudo illa composita fuerat. Utique refractionis prismatis $H I K k b$ generat colores $P Q R S T$ in charta $L V$, non immutando colorificas radiorum qualitates, sed separando radios a se invicem, qui easdem videlicet qualitates colorificas habebant, jam antequam ad refractum luminis albi radium $X Y$ componendum coirent. Etenim alioqui fieri posset ut radii, qui fuerant uno quovis colore ad lentem, alio forte colore essent deinde in charta; contra, quam experientia comperimus.



Similiter, ut experirer quæ esset corporum naturalium colorum causa atque ratio; collocabam istiusmodi corpora in radio

dio illo albo composito X Y; & comperiebam ea omnia suos ipsorum colores proprios exhibere tales, quales interdum in aprico exhibere solent; eosque porro colores pendere omnino ex radiis, qui essent iisdem coloribus ad lentem, jam antequam ad radium illum componendum coirent. Exempli gratia: Cinnabaris in radio illo albo collocata, eodem plane videtur colore rubro, ac in cœlo aperto posita. Quod si porro intercipientur ad lentem radii virides & cærulei; utique rubor ipsius jam multo clarior atque largior erit factus. Verum si radios rubros ad lentem intercipient; cinnabaris non jam amplius rubra videbitur, sed viridis vel flava, vel alio quovis colore, pro eo ut hæc vel illa radiorum genera in eam incidere permittas. Similiter, aurum in lumine illo albo X Y, eodem colore flavo videtur, ac in aprico lumine diuturno: verum intercepto ad lentem certo & apto radiorum flavorum numero, æquiparabit id argentum albitudine; quomodo ipse experiundo comperi: ex quo apparet colorem flavum, quo aurum tum videtur cum nulli intercepti sint radii, oriri ex radiis illis flavis redundantibus, qui, cum per lentem iterum transire permittuntur, albitudinem jam dictam suo colore inficiunt. Sic quoque ligni nephritici infusio, cum in hoc composito radio albo X Y collocata sit, (uti ipse itidem expertus sum,) cærulea videtur reflexo lumine, & flava vel rubra transmissio; eodem modo ac quum clara diurna luce & in sole inspicatur: verum si intercipient lumen cæruleum ad lentem; utique infusio illa amittet cæruleum suum colorem reflexum; dum transmissus color ruber permanebit nihilo minus perfectus; immo, propter sublato radios aliquos cæruleos quibus antea dilutus fuerat, etiam saturior is ac largior erit factus. E contrario autem, si radii rubri atque aurei intercipientur ad lentem; jam amittet infusio colorem suum rubrum transmissum; dum color cæruleus reflexus permanebit usque, atque etiam largior & perfectior erit factus. Ex quo apparet infusionem illam, non utique ipsam inficere radios coloribus cæruleo & flavo; sed

tantum transmittere copiosius eos, qui erant ante rubri; & reflectere copiosius eos, qui erant ante cærulei. Atque eodem quidem modo examinari atque probari poterunt aliorum quorumvis phænomenorum rationes; si capiantur experimenta in hoc arte composito luminis radio X Y.










Fig: 9.





Fig: 10.










Fig: 11.



Fig: 12.








OPTICES

LIBER SECUNDUS.

P A R S I.

*Observationes circa reflexiones, refractiones & colores
corporum tenuium pellucidorum.*



Observatum fuit antehac ab aliis, corpora pellucida, ut vitrum, aquam, aerem & similia, quum inflando tensa sint in pertenuas bullulas, vel alio quovis modo in lamellas summae tenuitatis ducta; varios utique colores, pro varia sua tenuitate, exhibere; quamvis eadem, quum sint crassiora, plane pellucida videantur & coloris expertia. In prior libro sermonem de hujusmodi coloribus consulto abstinui; quoniam & ipsi difficilioris videbantur explicatus; neque in-

tellectu necessaria erat ipsorum ratio, ad proprietatum luminis eo in libro expositarum explicationem comprobendam. Verum cum hi ad nova porro inventa, quibus lucis theoria perfici atque absolvi possit, multum queant conferre; maxime quoad constitutionem ac dispositionem partium, ex quibus corporum naturalium colores vel pelluciditas pendeant; visum est mihi hoc in loco, quæ de hujusmodi coloribus observaverim, paucis exponere. Ut autem brevius atque distinctius absolvam; primo observationum ipsarum præcipuas describam; deinde, quid ex eis colligi videatur, & quis in eis usus esse possit, exponam. Observationes autem meæ, hujusmodi fuerunt.

OBSERVATIO I.

Cum bina prismata paulo arctius ad se comprimerem invicem, ut latera ipsorum (quæ erant forte aliquantulum convexa) se aliqua sui parte inter se contingerent; observabam locum, ubi illa contingerent inter se, plane & perfecte pellucidum illico esse factum; perinde ac si vitrum ibi fuisset unum & continuum. Etenim quum lumen in aerem istum, qui in reliquis omnibus facierum commissarum partibus inter bina prismata interjaceret, adeo oblique incidere, ut id omne reflecteretur; in illa parte, ubi facies eæ se continebant inter se, videbatur id omne transmitti: adeo ut locus ille contactus, cum inspiceretur, videretur tanquam macula nigra vel tenebrosa; propterea quod ex illo non, uti ex aliis locis, plurimum luminis, sed parum aut nihil, quod quidem sensu percipi posset, reflecteretur: cum autem is transpiceretur, tum videretur tanquam foramen in aere illo, qui vitrorum compressu in tenuem quandam inter binas prismatum facies conformatus esset lamellam: per quod quidem foramen distincte perspicere poterant corpora ultra collocata; quæ per alias vitrorum partes, ubi aerea lamella interjecta esset, cerni omnino non poterant. Porro, quam

quamvis prismatum facies essent aliquantum convexæ, tamen macula illa pellucens satis erat lata; quæ utique latitudo oriri præcipue videbatur ex eo, quod vitrorum partes mutuo compressu cederent nonnihil introrsum. Etenim comprimendo prismata arctius inter se; macula illa multo, quam ante latior erat facta.

OBSERVATIO II.

Quum lamina illa aerea, convertendo prismata circa axem suum communem, adeo parum tandem ad incidentes radios inclinata esset facta, ut nonnulli eorum transmitti coeperint; oriebantur in ea multi tenues arcus colorati, qui initio formam conchoidis fere exprimebant, quomodo eos in primo schemate depictos videre est. Continuando autem TAB. I. prismatum motum, arcus isti augebantur perpetuo & incurvabant sese magis magisque circa antedictam maculam pelluentem, donec tandem in circulos integros sive annulos maculæ isti circumjectos flexi, contraherent sese deinceps gradatim in parvitatem.

Arcus isti, cum apparerent primum, colore erant violaceo & cæruleo; interque eos interjecti erant arcus circulorum albi, qui, continuando prismatum motum, statim tingebantur nonnihil ab interioribus suis marginibus colore rubro & flavo, exterioribus autem marginibus confinem habebant cæruleum. Adeo ut colores ab usque macula in centro tenebrosa, hoc ordine tum essent dispositi: albus, cæruleus, violaceus; niger; ruber, aureus, flavus, albus, cæruleus, violaceus; &c. Verum flavus & ruber multo erant languidiores, quam cæruleus & violaceus.

Continuato adhuc prismatum motu circa axem suum communem, colores isti coarctabant se magis magisque, & contrahebant sese utroque in albitudinem circumjectam, donec tandem in eam penitus evanescerent. Tumque circuli in istis locis albi nigrique videbantur, sine ullis aliis coloribus inter-

mixtis. Verum continuando adhuc amplius prismatum motum, colores iterum se ex albitudine explicabant; violaceus videlicet ac cæruleus ab interiori ipsius margine, ab exteriori autem ruber ac flavus. Adeo ut colores ab usque macula centrali, hoc ordine jam essent dispositi: albus, flavus, ruber; niger; violaceus, cæruleus, albus, flavus, ruber; &c. Contra quam prius erant visi.

OBSERVATIO III.

Cum annuli, vel aliquæ ipsorum partes, albi solummodo & nigri apparerent; videbantur valde distincti, & distinctis terminis definiti; eorumque nigror non minus intensus videbatur, quam ipsius maculæ centralis. Item in marginibus annulorum, ubi colores ex albitudine emergere coeperunt, satis erant distincti, eoque ad ingentem usque multitudinem sub aspectum veniebant. Numeravi nonnunquam amplius triginta series five ordines, (computando in singulas series anulum album & nigrum;) atque etiam plures vidi, quos, quæ erat ipsorum parvitas, numerare non potuerim. Verum in aliis prismatum positionibus, ubi videlicet annuli variis coloribus tincti viderentur; haud amplius octo aut novem discernere potui; atque etiam illorum ipsorum exteriores, valde confusi videbantur atque diluti.

In hisce duabus observationibus, quo annuli distincti viderentur, colorumque omnium, præterquam albi & nigri, expertes; eos interjecto aliquo intervallo inspicere oportere adverti. Etenim si oculum propius admovebam; tametsi inclinationem ejus ad planitiem annulorum nihil omnino immutaveram; emergebat tamen continuo ex albitudine color subcæruleus, qui sese in annulorum nigros magis magisque explicans, effecit ut & circuli ipsi minus distincti evaderent, & albitudo etiam coloribus rubro & flavo nonnihil tincta esset. Præterea comperiebam, inspiciendo per rimulam five fissuram oblongam, quæ & oculi pupilla angustior esset,

&

& proxime oculum prismatibus parallela teneretur; posse me circulos eo pacto cernere multo distinctiores, multoque etiam majori, quam alioqui, numero, sub aspectum venientes.

OBSERVATIO IV.

Ut adhuc accuratius observarem, quo ordine hi colores ex albis circulis orirentur, pro eo ut radii minus minusque ad lamellam aeream inclinati essent facti; cepi duo vitra objectiva; alterum plano-convexum, ad telescopium quatuordecim pedum; alterum autem vitrum amplum & utrinque convexum, ad telescopium circiter pedum quinquaginta. Cumque huic vitro utrinque convexo, planam faciem alterius superposuisssem; appressi ea invicem lenta manu, ut colores in circulorum centro ex ordine emergerent; & deinde vitrum superius lente de inferiori sustuli, ut colores eodem in loco itidem ordine evanescerent. Color, qui, comprimendo vitra, novissimus in medio colorum emergeret, videbatur semper, cum primum appareret, tanquam orbis uno fere & consimili colore ab usque circumferentia sua ad centrum; compressis autem arctius vitris, diffundebat is sese & extendebat perpetuo in latitudinem quoquoque, donec novus aliquis color in centro ejus emergeret, adeoque is in annulum abiret novo isti colori circumjectum. Porro, arctius adhuc compressis inter se vitris, annuli istius diameter augebatur, orbitæ autem sive circuitus sui latitudo minuebatur, donec novus iterum color in centro antecedentis emergeret: & sic deinceps; donec tertius, quartus, quintus, pluresque novi colores ibi ex ordine similiter emergerent, & in annulos abirent colori intimo circumjectos; quorum utique ultimus esset macula ipsa nigra. E contrario, vitrum superius lente de inferiori sublevando, diametri annulorum contrahebantur, orbitarum autem suarum latitudo augebatur, donec singulorum colores ad usque centrum sua quisque vice pertingerent; quo quidem tempore, quoniam coloris ad centrum

trum exeuntis semper satis magna erat latitudo, facilius, quam antea, colorum singulorum speciem discernere & distincte internoscere potui. Atque hoc pacto, eorum invicem succedendi ordinem atque quantitatem, illam, quæ jam infra exponetur, esse observavi.

Maculæ in centro pellucidæ, ex vitrorum contactu ortæ. successit proxime color cæruleus, deinceps albus, flavus, & ruber. Coloris cærulei adeo pusillum erat quod aspectu perciperetur, ut eum in circulis, quos prismata exhibuerunt, discernere omnino non potuerim; neque vero in eo violacei quicquam distincte cernere potui: at flavus & ruber satis erant copiosi; & tantundem spatii occupare videbantur, quantum albus; quadruplo autem vel quintuplo tantum, quam quantum cæruleus. Proxima colorum series prioribus illis circumjecta, erant violaceus, cæruleus, viridis, flavus & ruber: atque hi quidem omnes, largi erant & clari; si viridem excipias, qui & perexiguus erat, & multo etiam languidior dilutiorque quam cæteri videbatur: colorum quatuor reliquorum, violaceus spatium minimum occupabat; cæruleus autem minus, quam flavus vel ruber. Tertia colorum series, erant purpureus, cæruleus, viridis, flavus & ruber: in qua purpureus rubicundior videbatur, quam violaceus in priori serie: viridis autem multo magis, quam in priori, conspicuus erat; utpote reliquos omnes colores, excepto uno flavo, claritate atque copia æquiparans: at ruber evanuerat nonnihil, & paulo elutior erat factus; ad purpureum utique permultum descendens. Quarta colorum series, erant viridis & ruber: viridis copiosus erat admodum atque floridus, accedens ad cæruleum ex altera parte, ex altera ad flavum: verum in hac quarta serie nullus erat violaceus, cæruleus, neque flavus; atque etiam ruber valde imperfectus erat, ac nubilus. Qui porro hisce succedebant colores, adhuc magis magisque evanidi dilutique videbantur; donec post tres vel quatuor deinceps series, tandem in ipsam plane albitudinem abirent. Qua forma ac specie hæ

hæ series tum apparerent, cum vitra arctissime invicem appressa essent; quo macula nigra se in centro videntem exhiberet; delineatum est in secundo schemate: ubi TAB. I.
a, b, c, d, e: f, g, h, i, k: l, m, n, o, p: q, r: s, t: v, x: y, z; repræsentant colores ex ordine a centro numeratos; nigrum, cæruleum, album, flavum, rubrum: violaceum, cæruleum, viridem, flavum, rubrum: purpureum, cæruleum, viridem, flavum, rubrum: viridem, rubrum: cæruleum subviridem, rubrum: cæruleum subviridem, rubrum pallescentem: cæruleum subviridem, album rubescentem.

OBSERVATIO V.

Ut intervallum vitrorum, sive crassitudo interjectæ lamellæ aeræ, qua quisque color produceretur, quamnam esset definirem; dimensus sum diametros sex priorum annulorum, qua parte orbitæ ipsorum lucidissimæ essent: istarumque diametrorum quadrata inveni in arithmetica esse progressionem numerorum imparium, 1, 3, 5, 7, 9, 11. Quare, cum vitrorum illorum alterum planum esset, alterum sphaericum; utique intervalla ipsorum, qua parte annuli isti apparebant, in eadem fuerint progressionem necesse est. Dimensus sum quoque diametros annulorum nigrorum sive obscurorum, coloribus illis lucidioribus interjectorum; earumque quadrata inveni in arithmetica esse progressionem numerorum parium 2, 4, 6, 8, 10, 12. Quoniam autem res admodum difficilis est, multæque diligentiae, hujusmodi mensuras accurate & sine errore colligere; cepi easdem iterum & sæpius, & in diversis partibus vitrorum; ut ex singularum responso inter se, certum scirem omnium veritatem. Atque eadem methodo in aliis quibusdam ex sequentibus observationibus definiendis usus sum.

OBSERVATIO VI.

Diameter sexti annuli, qua parte orbita ejus lucidissima fuit, erat $\frac{58}{100}$ partes unciae; diameter autem sphaerae, ad quam vitrum objectivum utrinque convexum tornatum fuerat, erat circiter 102 pedum: atque hinc quidem aeris sive aereae lamellae vitris in eo annulo interjectae crassitudinem collegi. Verum postea aliquanto; suspicatus, ne forte sphaerae diametri mensuram haud satis accurate in hac observatione collegerim; nec satis certo sciens, utrum vitrum plano-convexum vere planum esset, an e contrario concavum nonnihil aut convexum ea sui facie quam ego planam existimaveram; atque etiam metuens ne forte vitra compresserim, uti alias saepe quidem feceram, quo ea se inter se contingerent; (etenim istiusmodi vitrorum partes mutuo compressu facile pandantur atque introrsum cedunt; eoque pacto annuli manifesto evadunt latiores, quam si vitrorum figura non fuisset immutata:) Hæc inquam veritus, experimentum denuo iteravi; invenique diametrum sexti annuli lucidi, esse circiter $\frac{55}{100}$ partes unciae. Porro autem idem adhuc experimentum, in alio quoque vitro objectivo telescopii, quod tum forte apud me haberem, iteravi. Erat id vitrum utrinque itidem convexum, ad unam eandemque sphaeram utraque sui facie tornatum; ejusque focus erat intervallo unciarum $8\frac{2}{5}$: unde, positis sinibus incidentiae & refractionis luminis flavi clarissimi, ea inter se proportionem, quæ est 11 ad 17; diameter sphaerae, ad quam vitrum tornatum erat, invenietur, posito calculo, unciarum 182. Id vitrum plano ita superposui, ut macula nigra in medio annulorum coloratorum appareret, tametsi vitra nulla alia pressura, quam suo ipsius vitri superimpositi pondere, compressa essent. Jamque diametrum quinti obscuri annuli

annuli qua potui summa cum accuratatione dimensus, inveni eam esse $\frac{1}{7}$ unciae accuratissime. Annulum istum dimensus sum circino, in superiori facie vitri superioris; distabatque a vitro illo superiori oculus meus, intervallo circiter octo aut novem unciarum, ad perpendiculum fere interjecto; eratque id vitrum $\frac{1}{6}$ unciae crassum: unde facile colligitur, veram annuli inter vitra interjacentis diametrum, majorem fuisse quam diametrum ejusdem in superiori facie vitri superioris dimensam, ea, aut fere ea, proportionem quae est 80 ad 79; & consequenter veram illam diametrum fuisse $\frac{16}{79}$ unciae, veramque semidiametrum $\frac{8}{79}$ unciae. Jam autem ut diameter sphaerae, (182 unciae) ad semidiametrum quinti illius annuli obscuri, ($\frac{8}{79}$ partes unciae;) ita haec semidiameter, ad crassitudinem aereae lamellae vitris in quinto illo annulo obscuro interjectae: quae proinde crassitudo, fit $\frac{32}{567931}$ sive $\frac{100}{1774784}$ partes unciae; & quinta ejus pars, videlicet $\frac{1}{88739}$ pars unciae, est crassitudo aeris in primo horum annulorum obscurorum.

Adhuc, idem experimentum rursus iteravi, in alio vitro objectivo utrinque convexo, & utraque sui facie ad unam eandemque sphaeram tornato. Focus ejus, erat intervallo unciarum $168\frac{1}{2}$; ac proinde diameter sphaerae, 184 unciae. Cum id vitrum, eidem, quo ante usus eram, vitro plano superpositum esset; diameter quinti annuli obscuri, quando macula nigra in centro sine ulla vitrorum compressione manifesto appareret, erat, circino super vitro superiori dimensa, $\frac{121}{600}$ partes unciae; & consequenter eadem, inter vitra, erat $\frac{1212}{6000}$: Etenim vitrum superius, erat $\frac{1}{8}$ unciae crassum; & oculus meus distabat ab eo, intervallo octo unciarum. Jam autem ut diameter sphaerae, ad dimidium hujus diametri annuli; ita dimidium hujus diametri annuli

ad $\frac{5}{88850}$ partes unciae. Ea igitur est crassitudo aeris in hoc annulo; & quinta ejus pars, videlicet $\frac{1}{88850}$ pars unciae, est (ut supra) crassitudo aeris in primo annulorum obscurorum.

Rem eandem expertus sum, superponendo eadem vitra objectiva planis fragmentis speculorum; invenique easdem mensuras annulorum. Quocirca mensuras istas tanquam vere collectas ac certas assumam, donec in vitris ad sphaeras ampliores tornatis accuratius definiri queant. Quamquam in istiusmodi quidem vitris, majori id erit cura atque diligentia agendum, ut vitrum vere atque accurate planum eis summittatur.

Has mensuras egi, cum oculus meus supra vitra ad perpendicularum fere collocatus esset; distaret autem a radiis incidentibus circiter unciam 1 aut $1\frac{1}{4}$, & a vitro uncias octo; adeo ut radii ad vitrum inclinati essent, in angulo circiter 4 graduum. Unde ex sequenti observatione intelliges; si radii in vitra ad perpendicularum incidissent; utique aerem in istis annulis minus fuisse crassum futurum, ea proportionem, quæ est semidiametri ad secantem 4 graduum, hoc est, in proportionem 10000 ad 10024. Diminuantur igitur in hac proportionem crassitudines antedictæ; & fient $\frac{1}{88952}$ ac $\frac{1}{89003}$ si-

ve (ut proximo numero rotundo utar) $\frac{1}{89000}$ pars unciae.

Hæc est crassitudo aeris in primo annulo obscuro radiis ad perpendicularum incidentibus exhibito, qua parte is annulus obscurissimus est; & dimidium hujus crassitudinis, ductum in numeros progressionem arithmetica continuos 1, 3, 5, 7, 9, 11, &c, dat crassitudines aeris in omnibus annulis lucidis, qua parte illi lucidissimi sunt; videlicet $\frac{1}{178000}$.

$\frac{3}{178000}$, $\frac{5}{178000}$, $\frac{7}{178000}$, &c. quorum quidem numerorum medii arithmetici, $\frac{2}{178000}$, $\frac{4}{178000}$, $\frac{6}{178000}$, &c. sunt crassitudines ipsius in omnibus annulis obscuris, qua parte ii obscurissimi sunt.

OBSERVATIO VII.

Annuli tum minimi videbantur, cum oculus meus in axe annulorum ad perpendiculum supra vitra collocatus esset. Cum autem eos obliquius intuerer, majores erant facti; & dilatabant se perpetuo quaquaversum, pro eo ut oculum meum longius ab axe removerem. Atque diametrum quidem unius ejusdemque circuli; partim dimetiendo eam in diversis oculi obliquitatibus, partim aliis quibusdam rationibus, partim etiam adhibendo bina iterum prismata ad mensuras in maximis obliquitatibus colligendas; diametrum, inquam, unius cujusvis circuli, & consequenter crassitudinem aeris in circuitu ipsius, inveni, in diversis illis obliquitatibus, proportionem sibi habere in sequenti tabula expressas, quam proxime.

<i>Angulus incidentiæ in aerem.</i>		<i>Angulus refractionis in aerem.</i>		<i>Diameter annuli.</i>	<i>Crassitudo aeris.</i>
Grad.	Min.				
00	00	00	00	10	10
06	26	10	00	$10\frac{1}{13}$	$10\frac{2}{13}$
12	45	20	00	$10\frac{1}{3}$	$10\frac{2}{3}$
18	49	30	00	$10\frac{3}{4}$	$11\frac{1}{2}$
24	30	40	00	$11\frac{2}{5}$	13
29	37	50	00	$12\frac{1}{2}$	$15\frac{1}{2}$
33	58	60	00	14	20
35	47	65	00	$15\frac{1}{4}$	$23\frac{1}{4}$
37	19	70	00	$16\frac{4}{5}$	$28\frac{1}{4}$
38	33	75	00	$19\frac{1}{4}$	37
39	27	80	00	$22\frac{6}{7}$	$52\frac{1}{4}$
40	00	85	00	29	$84\frac{1}{10}$
40	11	90	00	35	$122\frac{1}{2}$

In duabus prioribus columnis, exhibentur incidentium & emergentium radiorum obliquitates ad lamellam aeream, hoc est, anguli ipsorum incidentiæ & refractionis. In tertia columna, diameter annuli cujuscvis colorati, in istis omnibus obliquitatibus, exprimitur talibus partibus, quarum decem tum constituunt ejusdem annuli diametrum, cum radii ad perpendiculum incidunt. Denique in quarta columna, crassitudo aeris in circuitu ejusdem annuli, exprimitur talibus partibus, quarum itidem decem tum constituunt crassitudinem illius in ejusdem circuitu, cum radii ad perpendiculum incidunt.

Atque ex hisce quidem mensuris, videor mihi colligere hanc regulam: nempe, crassitudinem aeris proportionalem esse secanti anguli, cujus sinus sit certa media proportiona-

tionalis inter sinus incidentiæ & refractionis. Ea autem media proportionalis, quatenus quidem eam ex his mensuris definire potuerim, est prima ex 106 arithmeticis mediis proportionalibus inter istos sinus; incipiendo nimirum a sinuum majori, hoc est, a sinu refractionis, cum refraction fiat e vitro in lamellam aeream; a sinu incidentiæ autem, cum refraction fiat e lamella aerea in vitrum.

OBSERVATIO VIII.

Macula nigra quoque in medio annulorum, augebatur obliquatione oculi; quanquam vix adeo, ut id sensu percipi posset. Verum si loco vitrorum objectivorum, adhiberentur prismata; dilatabatur ea manifestius, cum adeo oblique inspiceretur, ut nulli colores ei viderentur circumjecti. Minima tum erat, cum radii luminis in interjacentem aerem obliquissime inciderent; pro eo autem ut horum obliquitas minueretur, ita illa magis magisque augebatur, usque dum annuli colorati apparerent; tumque iterum minuebatur; verum non tantum, quantum se ante dilataverat. Atque hinc manifestum est, maculam illam pellucere, non modo qua parte vitra se inter se contingerent plane, verum etiam qua exiguo quodam intervallo distarent inter se. Nonnunquam maculam illam ita comparatam observavi, ut, cum fere ad perpendicularum inspiceretur, ejus diameter major esset duabus quintis partibus & minor semisse diametri exterioris circuitus coloris rubri in prima serie sive ordine colorum; cum autem oblique inspiceretur, evanuerit penitus, & opaca atque alba ac reliquo vitro similis facta fuerit. Unde colligi potest, vitra tum vix, aut ne vix quidem, se inter se contigisse; & intervallum ipsorum in circuitu maculæ illius ad perpendicularum inspectæ, fuisse circiter quintam aut sextam partem intervalli eorundem in circuitu coloris rubri antedicti.

OBSERVATIO IX.

Cum transpicerem bina contigua vitra objectiva, observabam interjacentem aerem exhibere annulos coloratos, lumine transmissio, æque ac reflexo. Macula in centro jam alba erat; & colores ordine inde numerati, erant ruber flavescens; niger; violaceus, cæruleus, albus, flavus, ruber, violaceus; cæruleus, viridis, flavus, ruber, &c. Verum colores isti valde languidi erant ac diluti, nisi cum lumen valde oblique per vitra trajiceretur; etenim eo pacto, satis clari ac floridi videbantur: attamen primus ille ruber flavescens, etiam adhuc, sicuti cæruleus in quarta observatione, adeo exiguus erat atque evanidus, ut vix discerni potuerit. Quum annulos hosce coloratos, luminis transmissu exhibitos, cum illis reflexione exhibitis compararem; observabam album ex opposito respondere nigro, rubrum cæruleo, flavum violaceo, & viridem colori composito ex rubro & violaceo: hoc est, partes vitri eas, quæ inspicienti albæ viderentur, transpicienti videri nigras; & contra. Similiter, quæ partes inspicienti cæruleæ viderentur, eas transpicienti videri rubras; & contra: & similiter reliquos omnes colores. Hoc qui fiat, expressum habes in tertio hæmate; ubi A B, C D, sunt superficies vitrorum contiguorum in E; lineæ autem nigræ interductæ, sunt superficierum istarum intervalla in progressionem arithmetica: & colores supra adscripti, ii sunt qui lumine reflexo videntur; colores autem infra adscripti, ii qui lumine transmissio.

TAB. I.

OBSERVATIO X.

Cum vitra objectiva ab extremis suis marginibus madefecissem nonnihil, aqua lente inter ea porro subrepfit; eoque

que pacto circuli minores sunt facti: coloresque languidiores: adeo ut, dum aqua ultro adrepebat, circuli dimidii, quo illa primum pervenit, abrupti ab alteris suis dimidiis viderentur, & in parvitatem contracti. Circulos hosce minores in aqua exhibitos dimensus, inveni diametros ipsorum ad diametros similium circulorum in lamella aerea exhibitorum, eam fere habere proportionem, quam habent septem ad octo; & consequenter intervalla vitrorum in consimilibus circulis aqua & aere exhibitis, esse inter se circiter ut 3 ad 4. Utique fieri potest, ut universalis sit regula ista: Siquod medium magis minusve densum quam aqua, inter duo vitra comprimatur; fore ut intervalla vitrorum in annulis isto medio interjacente exhibitis, sint ad intervalla eorundem in consimilibus annulis interjacente aere exhibitis, ut sunt inter se sinus qui metiuntur refractionem quæ fiat ex isto medio in aerem.

OBSERVATIO XI.

Cum aquæ lamella inter vitra interjaceret; si vitrum superius varie in margine suo apprimerem, quo annuli ultro citroque celeriter deferrentur; sequebatur continuo centrum ipsorum exigua quædam macula alba, quæ, prout aqua circumjecta in locum illum adrepebat, illico evanescebat. Specie videbatur tali, atque etiam coloribus talibus, quales aer ibidem inter vitra interjectus, exhibiturus fuisset. Atqui ea non erat aer: etenim bullulæ aeræ, siquæ forte in aqua inessent, non continuo, adrepente aqua, evanescebant. Proinde reflexio illa, ex subtiliori aliquo medio, quod trans vitrum recedendo aquæ adrepenti locum cedere potuerit, orta sit necesse est.

OBSERVATIO XII.

Hæ mihi observationes factæ sunt in aperta luce. Verum, quo adhuc penitius hanc materiam specularer, perscrutando deinceps quinam essent futuri effectus luminis colorati in hæcce vitra objectiva incidentis; cubiculo tenebras induxi. Et inspexi eadem vitra illuminata jam reflexu colorum prismaticorum chartæ albæ plagula exceptorum; oculo nimirum ita collocato, ut chartam coloratam in vitris illis, tanquam in speculo, possem reflexione conspiciari. Eventus autem experimenti is erat ut annuli jam multo distinctiores facti essent; & longe etiam majori numero sub aspectum venirent, quam in aperta luce. Vidi aliquando hoc pacto amplius viginti; cum in aperta luce diurna, haud amplius octo aut novem discernere potuerim.

OBSERVATIO XIII.

Cum quendam mihi tum forte adsistentem, prisma hac illac circa axem suum convertere jussissem; quo colores omnes sua quisque vice in eam partem chartæ inciderent, quam ego in ea parte vitrorum, ubi circuli apparebant, reflexione conspicerer; ut adeo colores omnes sua quisque vice ex circulis istis reflecterentur ad oculum meum immotum interea permanentem: observavi circulos quos exhibebat lumen rubrum, manifesto majores esse quam quos exhiberet lumen cæruleum ac violaceum: magnaue voluptate periussus, videbam eos dilatare aut contrahere se gradatim, pro eo ac color luminis immutabatur. Vitrorum intervallum in quovis annulorum luce rubra extrema exhibitorum, ad intervallum ipsorum in eodem annulo luce violacea extrema exhibito, proportionem habebat majorem, quam habent 3 ad 2; & minorem, quam habent 13 ad 8; secundum plerasque autem observationum mearum, eam, quam habent 14 ad 9. Atque hæc quidem
pro-

proportio una eademque ferme, in omnibus oculi obliquitatibus, videbatur; nisi quum, loco vitrorum objectivorum, bina iterum prismata adhiberem. Tum enim, in magna quadam oculi obliquitate, annuli diversis coloribus exhibiti æquales videbantur inter se; &, in obliquitate adhuc majori, annuli violaceo lumine exhibiti majores videbantur, quam iidem lumine rubro exhibiti: refractione prismatis videlicet, hoc in casu, efficiente ut radii maxime refrangibiles inciderent obliquius in lamellam aeream, quam radii minime refrangibiles. Hic erat exitus hujus experimenti in lumine colorato, quod quidem satis forte & copiosum esset quo annuli sub aspectum venirent. Atque hinc porro inferri potest; si radii maxime minimeque refrangibiles satis copiosi ipsi fuissent, quo annuli sine ulla aliorum radiorum admixtione sub aspectum venire potuissent; proportionem, quæ jam erat 14 ad 9, paulo majorem futuram fuisse, puta $14\frac{1}{4}$ vel $14\frac{1}{3}$ ad 9.

O B S E R V A T I O XIV.

Dum prisma motu æquabili circa axem suum convertebatur, quo colores omnes sua quisque vice inciderent in vitra objectiva, eoque pacto efficerent ut annuli sese contraherent atque dilatarent; contractio vel dilatatio cujusque annuli, quæ consequebatur hoc modo coloris sui variationem, celerrima erat in colore rubro, in violaceo lentissima, & in intermediis coloribus celeritate intermedia comparate. Porro, cum id perscrutarer, quanta esset contractio illa ac dilatatio in omnibus gradibus uniuscujusque coloris; inveni maximam eam esse in colore rubro, in flavo minorem, in cæruleo adhuc minorem, & in violaceo omnium minimam. Utque harum contractionum ac dilatationum proportionem quam possem accuratissime æstimarem; observabam totam contractionem aut dilatationem diametri cujusvis annuli in universis gradibus coloris rubri, esse ad totam contra-

tionem aut dilatationem diametri ejusdem annuli in universis gradibus coloris violacei, circiter ut 4 ad 3, aut 5 ad 4; & quum lumen esset coloris medii inter flavum & viridem, tum diametrum annuli esse quamproxime mediam arithmeticam inter maximam diametrum ejusdem annuli in colore rubro extremo, & minimam diametrum ejusdem in extremo colore violaceo; contra, quam evenit in coloribus oblongæ imaginis refractione prismatis exhibitæ; ubi color ruber maxime contractus est, violaceus maxime expansus, & in medio colorum omnium est confinium viridis ac cærulei. Atque hinc id porro videor mihi colligere: crassitudines aeris inter vitra objectiva interjacentis eo in loco, ubi annulum exhibent sua quisque vice limites colorum quinque præcipuorum, rubri, flavi, viridis, cærulei & violacei, (hoc est, limes extremus coloris rubri, confinium rubri & flavi in medio coloris aurei, confinium flavi & viridis, confinium viridis & cærulei, confinium cærulei & violacei in medio coloris indici, & limes extremus coloris violacei;) eas, inquam, aeris crassitudines, esse inter se quamproxime ut sex chordæ longitudines, quæ sonent notas illas musicas in sexta majori, *sol*, *la*, *mi*, *fa*, *sol*, *la*. Verum cum experimento conveniet aliquanto melius, si dicemus, crassitudines aeris inter vitra interjacentis eo in loco, ubi annulos exhibent sua quisque vice limites colorum septem, rubri, aurei, flavi, viridis, cærulei, indici & violacei; eas, inquam, aeris crassitudines, esse inter se ut radices cubicæ quadratorum octo longitudinum chordæ, quæ sonent notas illas musicas in octava, *sol*, *la*, *fa*, *sol*, *la*, *mi*, *fa*, *sol*; hoc est, ut radices cubicæ quadratorum, numerorum 1, $\frac{8}{9}$, $\frac{5}{6}$, $\frac{3}{4}$, $\frac{2}{3}$, $\frac{3}{5}$, $\frac{9}{16}$, $\frac{1}{2}$.

OBSERVATIO XV.

Hi annuli non fuerunt variis coloribus, sicuti illi qui in aperta luce apparuerant; sed toti videbantur eo uno colore qui.

qui esset in se a prisma projectus. Præterea, projiciendo colores prisma exhibitos in ipsa vitra objectiva directo, comperi id lumen, quod incideret in nigra annulorum coloratorum interordinia, transmitti utique per vitra sine ulla coloris sui mutatione. Etenim super chartam albam ultra collocatam, depingebat id lumen annulos, eodem colore atque eos qui reflexi essent, magnitudine autem eadem atque intervalla reflexorum annulorum comparate. Atque hinc manifesto apparet, quæ sit horum omnium annulorum causa atque origo: nempe, aerem inter vitra interjacentem, pro eo quanta sit crassitudine, ita esse comparatum, ut lumen unius cujusvis coloris aliis in locis reflectat, in aliis transmittat, (quomodo rem in quarto schemate delineatam videre est;) itemque eodem in loco lumen uno colore reflectat, ubi id quod alio sit colore transmittat.

TAB. II.

OBSERVATIO XVI.

Quadrata diametrorum annulorum istorum uno quovis colore prismatico exhibitorum, erant in progressionem arithmetica; sicuti in quinta observatione. Et diameter sexti circuli, cum is colore flavo citrino exhiberetur, & fere ad perpendicularum inspiceretur, erat circiter $\frac{78}{100}$ partes uncia, aut paulo minor eo; congruenter sextæ observationi.

Hactenus exposui quæ observaverim in tenui lamella rarioris medii densiore terminati; qualis est aer, vel aqua, inter bina vitra compressus. Superest ut deinceps exponam quæ observaverim in tenuibus lamellis densioris medii rariore terminati; quales sunt laminæ lapidis specularis fissilis e Muscovia advecti, bullulae aquæ, & alia similia corpora tenuia aere undique terminata.

OBSERVATIO XVII.

Si aqua sapone ad lentorem nonnihil incrassata, in bullam tensa sit inflando; notum est in vulgus, eam post parvum temporis spatium magna colorum varietate apparituram. Quominus autem ejusmodi bullæ, aere externo agitentur; (qua quidem agitatione colores ipsarum confusius inter se & inordinati huc illuc deferuntur, adeo ut nequaquam accurate observari queant;) bullam, simul ac ad justam magnitudinem tensa esset inflando, solebam scypho vitreo pellucido desuper imposito circumtegere: quo pacto colores ipsius, ordine admodum discreto emergebant; cingentes, tanquam totidem annuli concentrici, bullæ summitatem. Qui quidem annuli, pro eo ut aqua bullam perpetuo tenuabat subsidendo, dilatabant se paulatim, & diffundebant sese per totam bullam; descendentes serie continua a summo usque ad inum, ibique demum ordine evanescentes. Interea autem, postquam colores omnes in summa bulla emerferant, nascebatur in centro annulorum parva rotunda macula nigra, similis atque illa in prima observatione; quæ porro dilatabat se perpetuo, usque eo ut nonnunquam amplius $\frac{1}{2}$ vel $\frac{3}{4}$ uncia in latitudinem haberet, antequam bulla disrumperetur. Existimaveram primo aspectu, nullum omnino lumen ab aqua inde loci reflexum fuisse: verum postea attentius maculam illam inspiciens, discernebam in ea plures minores maculas rotundas, quæ multo adhuc quam ipsa nigriores videbantur & tenebrosiores. Unde intellexi, esse utique aliquam reflexionem illis in locis, quæ minus, quam istæ maculæ exiguæ, tenebrosa essent: atque equidem, experimentum adhuc ulterius prosequendo, comperi imagines rerum aliquarum, ut candelæ aut Solis, non modo in majori macula nigra, verum etiam in illis ipsis minoribus ac tenebrosioribus maculis in majori illa inclusis inspectas, reflexione, quamvis languida admodum, tamen cerni posse.

Præ-

Præter antedictos annulos coloratos, apparebant etiam sæpe parvæ aliquæ maculæ coloratæ, sursum deorsum, ultrocitraque commeantes in lateribus bullæ; quæ scilicet orirentur ex inæquali quadam crassitudine aquæ inter subsidendum. Nonnunquam & nigræ quoque maculæ in bullæ lateribus generatæ, ascendebant paulatim; tandemque in majorem illam maculam nigram, quæ esset in bullæ vertice, coibant.

OBSERVATIO XVIII.

Quoniam colores harum bullarum largiores clarioresque erant, adeoque discretu etiam faciliores, quam colores lamellæ aeræ inter bina vitra interjectæ; vilum est mihi hoc in loco distinctius exponere, quonam ordine hi colores apparuerint & contemplandos se exhibuerint, quum reflexione cœli subalbidioris inspicerentur, corpore aliquo nigro interea ultra bullam a parte posteriori collocato. Erat autem is ordo hujusmodi: Color ruber, cæruleus; ruber, cæruleus, ruber, cæruleus; ruber, viridis; ruber, flavus, viridis, cæruleus, purpureus; ruber, flavus, viridis, cæruleus, violaceus; ruber, flavus; albus, cæruleus, niger.

Tres priores series colorum rubri & cærulei, valde dilutæ erant ac nubilæ; prima præsertim, in qua ruber videbatur quodammodo subalbidus. Et in his quidem seriebus vix alius ullus erat color, qui sensu percipi posset, præter rubrum & cæruleum; nisi quod cæruleus, (præcipue in secunda serie,) accedebat nonnihil ad viridem.

In quarta quoque serie, color ruber dilutus erat ac nubilus; sed non tantum, quantum in tribus prioribus. Huic successit flavi quidem parum aut nihil, sed viridis satis copiosus; qui porro flavescibat paululum initio, postea autem factus est viridis saligneus clarus & bonus, & deinde convertebat se in colorem subcæruleum; ei autem successit neque cæruleus, neque violaceus.

In quinta serie, color ruber primum purpurascebat valde; postea

postea autem factus est clarior & floridior, nec tamen admodum purus. Huic successit flavus, clarus admodum ac saturatus; sed perexiguus, & qui illico mutabatur in viridem: at viridis iste copiosus erat; atque etiam purior aliquanto, saturatior, & floridior, quam viridis in priori serie. Eum consecutus est color cyaneus clarissimus atque optimus; deinde purpureus, qui & minor erat cyaneo, & ad rubrum multum accessit.

In sexta serie color ruber, coccineus erat; primo clarus admodum ac floridus, postea autem etiam adhuc clarior; utique purus & excitatus valde, & colorum omnium rubrorum optimus. Huic successit color aureus floridus; deinde flavus clarus, largus, ac satur; qui erat itidem colorum omnium flavorum optimus; isque se convertibat primo in flavum subviridem, deinde in cæruleum subviridem: at viridis iste, qui inter flavum & cæruleum intervenit, exiguus erat admodum ac dilutus; adeo ut albus viridicatus, potius quam color vere viridis, videretur. Cæruleus, qui proxime successit, valde erat bonus; utique color cyaneus admodum clarus; aliquanto tamen infra cæruleum in præcedenti serie. Violaceus porro, satur erat ac plenus; haud fere ullo admixto sibi rubore: quantitate autem minor erat, quam cæruleus.

In ultima serie color ruber, coccineus erat in violaceum desinens; brevi autem factus est color clarior, ad aureum accedens. Cui succedens flavus, initio quidem satis bonus erat & floridus; postea autem dilutior evasit, donec gradatim in ipsam tandem albitudinem desineret. Atque hæc quidem albitudo, siquando aqua valde tenax esset facta & bene temperata, dilatabat paulatim & diffundebat se per maximam partem bullæ; pallescens interim a vertice magis magisque, donec tandem ibi permultas quasi fissuras ageret; quæ porro fissuræ, prout amplius dilatabantur, colore cyaneo videbantur satis quidem bono, obscuro tamen & fusco; albitudine interea inter maculas cæruleas assiduo minuyente: donec filis irregularis cujusdam operis reticulati similis esset facta;

facta, tandemque plane evanesceret; tumque superior bullæ pars omnis, obscuriori illo colore cyaneo antedicto tincta videbatur. Atque hic deinceps color, similiter ac antecedens albitudo, dilatabat se quoquoque deorsum, donec se per totam nonnunquam bullam diffunderit. Interea autem a vertice bullæ, qui colore cyaneo magis obscuro erat quam partes ejusdem inferiores, quique etiam multis rotundis maculis cyaneis adhuc magis obscuris interstinctus videbatur; emergebat una pluresve maculæ valde nigræ, atque intra eas aliæ adhuc nigriores, quas in superiori ante observatione memoravi. Atque quidem dilatabant se perpetuo, usque dum bulla disrumperetur.

Si aqua non valde tenax esset, maculæ nigræ intra albitudinem prorumpabant, sine ullo coloris cærulei interventu, qui quidem sensu percipi posset. Nonnunquam etiam prorumpabant intra præcedentem flavum, aut rubrum; vel etiam intra cæruleum secundi ordinis; antequam colores intermedii sese explicandi spatium haberent.

Ex hac descriptione intelligere poteris, quam valde affines sint hi colores coloribus illis in lamella aerea generatis, quos in quarta supra observatione descripsimus. Quanquam hi quidem contrario, atque illi, ordine dispositi sunt; propterea quod apparere tum incipiunt quando bulla crassior est, & convenientius numerantur ab infima & crassiori parte bullæ sursum versus.

OBSERVATIO XIX.

Cum annulos colorum a vertice bullæ emergentes, in variis obliquis oculi positionibus intuerer; observabam eos, prout obliquitas illa oculi augeretur, dilatare se satis quidem manifesto; at multo tamen minus, quam dilataverant se annuli in lamella aerea in septima supra observatione memorati. Etenim illi se dilataverant eousque, ut quando obliquissime inspicerentur, pertigerint ad locum in lamella aerea amplius

duodecim partibus crassiores quam cum, ubi cum ad perpendicularum inspecti essent; siti fuissent visi: at hi quidem, cum obliquissime in bulla inspicerentur, eo solum loci pertigerunt, ubi crassitudo aquæ ad crassitudinem suam illic, ubi iidem annuli ad perpendicularum essent visi, proportionem paulo minorem haberet, quam habent 8 ad 5. Utique ea proportio, ex optimis observationum mearum, erat inter 15 & $15\frac{1}{2}$ ad 10. Qui quidem horum annulorum auctus, circiter 24 partibus minor est, quam annulorum in lamella aerea visorum.

Nonnunquam bulla unius & ejusdem usquequaque crassitudinis erat facta, nisi a vertice suo prope maculam nigram: id quod ex eo intellexi, quod illa unam eandemque totam colorum suorum speciem oculo in omni positione exhiberet. Atque hoc quidem in casu colores, qui in extremo ipsius circuitu per radios maxime obliquos videbantur, alii erant ac qui aliis in locis per radios minus obliquos essent visi. Item una eademque bullæ pars, diversis spectatoribus colores diversos exhibebat; cum in diversis obliquitatibus inspiceretur. Jam autem, observando quantum colores, vel in eisdem partibus bullæ, vel in diversis partibus eadem crassitudine, mutarentur per varias radiorum obliquitates: comperi, ope observationum 4^{ta} , 14^{ta} , 16^{ta} , & 18^{va} , (quomodo eæ infra erunt explicatæ;) crassitudinem aquæ, qua unus idemque color in diversis obliquitatibus exhibeatur, ea quamproxime proportionem esse, quam in sequenti tabula expressam habes.

<i>Incidentia in aquam.</i>		<i>Refractio in aquam.</i>		<i>Crassitudo aquæ.</i>
Grad.	Min.	Grad.	Min.	
00	00	00	00	10
15	00	11	11	$10\frac{1}{4}$
30	00	22	1	$10\frac{4}{5}$
45	00	32	2	$11\frac{4}{5}$
60	00	40	30	13
75	00	46	25	$14\frac{1}{2}$
90	00	48	35	$15\frac{1}{5}$

In duabus prioribus columnis exhibentur obliquitates radiorum ad superficiem aquæ; hoc est, anguli ipsorum incidentiæ & refractionis. Ubi pono sinus qui metiuntur istam incidentiam & refractionem, esse in numeris integris ut 3 ad 4; quanquam veri quidem simile est, vim refringentem aquæ, posse admixto sapone esse nonnihil immutatam. In tertia columna, bullæ crassitudo, qua quivis unus color in diversis illis obliquitatibus exhibeatur, exprimitur talibus partibus, quarum decem tum constituent crassitudinem isti colori exhibendo aptam, cum radii incidant ad perpendiculum. Et cum hisce mensuris bene convenit, siquidem recte applicetur, regula per septimam observationem inventa; nempe, crassitudinem lamellæ aquæ, qua unus idemque color in diversis oculi obliquitatibus exhibeatur, proportionalem esse secanti anguli cujusdam, cujus sinus sit prima ex 106 arithmeticiis mediis proportionalibus inter sinus incidentiæ & refractionis; incipiendo a sinuum minori, hoc est, a sinu refractionis, quando refractionis fit ex aere in aquam; alioquin, a sinu incidentiæ.

Observavi aliquando, colores, qui oriuntur in chalybe polito, cum is calefiat; vel in ære campano, aliisve metallis, cum liquefiant & in terram effusa sint, ut in aperto aere refrigescant; mutatos fuisse nonnihil, sicuti colores bullarum aquæ, quum in diversis obliquitatibus inspicerentur: & speciatim cæruleum saturum, seu violaceum, cum valde ex obliquo inspectus esset, convertisse se in colorem rubrum saturum. Verum enimvero horum colorum mutationes, multo sunt minores quam colorum aqua exhibitorum. Etenim scoria, sive pars metalli vitrificata, quam pleraque metalla calefacta vel liquefacta protrudunt perpetuo & in superficiem suam emittunt; quæque metallum in modum tenuis cuticulæ vitreæ obtegendo, colores hosce efficit; multo utique densior est, quam aqua. Invenio autem colorum mutationem eam, quæ fiat obliquatione oculi, in omni tenui corpore, ut cujusque materia densissima est, ita minimam esse.

OBSERVATIO XX.

Quemadmodum in nona observatione lamella aerea, ita hic bulla aquæ; quem colorem reflexione luminis exhiberet, ejus semper contrarium exhibebat, luminis transmissu. Exempli gratia: Quum bulla inspecta, luminis nubium reflexu, rubra ab extremo sui circuitu videretur; nubes eodem tempore, vel statim post, per bullam transpectæ, colorem cæruleum in eodem ejus circuitu exhibebant. Et e contrario; quum bulla reflexo lumine cærulea videretur, videbatur rubra transmissio.

OBSERVATIO XXI.

Cum lapidis specularis lamellas pertenuas, quarum scilicet tenuitas tanta erat ut eæ colores similes ac bulla aquæ exhiberent, madefecissem; colores ipsarum debiliores
conti-

continuo languidiorefque evadebant; maxime si lamellas ea fui facie, quæ esset averfa ab oculo, madefacerem. At qui gradus solummodo, non utique genus colorum, quod quidem ego discernere potuerim, immutabatur. Itaque id, qua crassitudine ad certum quemvis colorem producendum debeat esse lamella, solummodo ex sua lamellæ ipsius densitate, non item ex densitate mediæ circumjacentis, pendet. Atque hinc, ope observationum decimæ ac decimæ sextæ, inveniri poterit quanta crassitudine sint bullæ aquæ, vel lamellæ lapidis specularis, vel alia quævis corpora, ea sui parte, qua certum quemvis colorem exhibent.

OBSERVATIO XXII.

Tenue corpus pellucidum, quod sit densius medio sibi circumjecto, colores clariores floridiorefque exhibet, quam id quod medio sibi circumjecto fuerit simili proportionè rarius. Id quod in aere & vitro speciatim observavi. Etenim cum vitrum in lychno fornaceo fufum ad summam usque tenuitatem inflando tetendissem, lamellæ istæ vitreæ aere circumdatæ exhibebant colores multo utique floridiores, quam quos lamellæ aeræ binis vitris interjectæ exhibuerant.

OBSERVATIO XXIII.

Cum in id inquirerem, quantum luminis ex singulis annulis reflecteretur; observabam reflecti id copiosissime ex annulis primis sive intimis, in exterioribus autem gradatim minui. Item albitudinem primi annuli clariorem esse, quam earum mediæ tenuioris aut lamellæ partium, quæ extra ultimos annulos jacerent. Id quod manifesto cernere poteram, inspiciendo, paulo majori interjecto intervallo, annulos inter bina vi-

tra objectiva exhibitos; vel conferendo inter se duas aquæ bullas interposito tali temporis spatio conflatas, ut simul in altera earum conspiceretur, albor iste qui colores omnes sequeretur, in altera iste qui omnes præcederet.

OBSERVATIO XXIV.

Cum vitrorum objectivorum alterum alteri superpositum esset, ita ut annuli colorum apparerent; quamvis nudo oculo non amplius octo aut novem annulorum istorum discernere potuerim, tamen per prisma inspicienti longe major eorum numerus mihi visus fuit; adeo ut jam amplius quadraginta numerare potuerim, præter alios permultos adeo exiguos atque densatos, ut oculorum acies eos distincte cernere ac numerare haud potuerit; verum ex spatio quod omnes simul occupabant, eos nonnunquam plus centum esse æstimavi. Atque equidem credo, experimentum hocce proseguendo, longe adhuc plures posse aliquando discerni. Videntur enim reapse esse innumeri, quamvis eatenus tantum sub aspectum veniant, quatenus prismatis refractione separari queant; uti infra uberius explicabitur.

Verum enimvero ea prismatis refractione, una tantum horum annulorum pars, illa videlicet versus quam refractione ea fieret, distinctior erat facta. Utique altera eorum pars confusior erat facta, quam quum nudo oculo inspicerentur; adeo ut ista in parte, haud amplius unum aut duos & interdum nullos discernere potuerim annulorum illorum, quorum octo aut novem ipsos etiam nudo oculo discernere potueram. Item segmenta eorum sive arcus, illa ipsa in parte ubi adeo numerosi videbantur, plerunque haud excedebant magnitudine tertiam partem circuli. Porro, si refractione valde esset magna, vel prisma a vitris objectivis longius remotum; jam vero etiam horum ipsorum arcuum partes

tes mediæ, erant itidem factæ confusæ; adeo ut istæ mediæ ipsorum partes evanuerint, in albitudinem plane abeuntes; interea dum extremitates ipsorum utræque, itemque arcus ii, qui longius abessent a centro, toti, distinctiores quam antea apparerent; ea nimirum specie, quam in quinto schemate expressam vides.

Arcus hi, quo in loco distinctissimi videbantur, erant solummodo albi & nigri alternis, sine ullo alio colore intermixto. Verum aliis in locis apparebant colores: quorum utique ordo refractione prismatis ita erat inversus, ut si prisma primo proxime vitra objectiva manu tenerem, deinde autem id paulatim ad oculum versus retraherem; colores secundi, tertii, quarti, & sequentium annulorum, contraherent se proinde gradatim ad albitudinem inter annulos emergentem, usquedum in eam abeuntes penitus evanescerent a media quidem parte arcuum; & deinceps, ordine contrario, iterum inde emergerent: at ab extremitatibus arcuum, colores ordinem suum servabant nihil immutatum.

TAB. II.

Nonnunquam vitrorum objectivorum alterum alteri ita superposui, ut ea nudo oculo consimilem usquequaque exhibuerint albitudinem, sine ullo vel minimo annulorum colorum indicio; & tamen in eisdem per prisma inspectis, ingens annulorum istorum visa fuerit multitudo. Similiter, laminæ lapidis specularis, & bullæ vitreæ in lychno fornaceo conflatæ, quæ minus tenues fuerunt quam ut in eis ulli colores nudo oculo cerni possent; tamen per prisma inspectæ, ingentem exhibuerunt colorum hic illic sine ullo ordine undatim dispositorum varietatem. Denique simili quoque ratione, bullæ aquæ, antequam nudo spectatoris oculo colores exhibere cœperint; per prisma tamen inspectæ, annulis permultis & sibi invicem & horizonti parallelis cinctæ fuerunt visæ. Ad quem quidem effectum obtinendum, oportuit utique ut & prisma horizonti paralle-

lum,

lum, vel prope parallelum, teneretur; & ita insuper esset positum, ut radiorum refractione fieret sursum versus.





OPTICES

LIBER SECUNDUS.

P A R S II.

Considerationes super præmissis observationibus.



Xpositis quæ de coloribus hisce observaverim; conveniens erit, antequam observationes istas ad colorum corporum naturalium causas explicandas accommodem, ipsarum observationum eas, quæ sint magis compositæ, per simpliciores, quales sunt 2^{da}, 3^{tia}, 4^{ta}, 9^{na}, 12^{ma}, 18^{va}, 20^{ma}, & 24^{ta}, prius explanare. Primo igitur, ut inveniatur

quomodo colores in 4^{ta} & 18^{va} observationibus producti fuerint; sumantur in quavis linea recta a puncto Y [Fig. 6.] TAB. II.
Y lon-

longitudines $YA, YB, YC, YD, YE, YF, YG, YH$, ea proportionē inter se, quam habent inter se radices cubicæ quadratorum numerorum illorum, $\frac{1}{2}, \frac{2}{16}, \frac{3}{8}, \frac{2}{3}, \frac{3}{4}, \frac{5}{6}, \frac{8}{9}, 1$, quibus repræsentantur chordæ longitudines quæ sonent notas omnes musicas in octava; hoc est, sumantur in proportionē numerorum, 6300, 6814, 7114, 7631, 8255, 8855, 9243, 10000. Tum in punctis A, B, C, D, E, F, G, H , erigantur perpendiculares $A\alpha, B\beta$, &c. quorum interval-
lis repræsentanda sit colorum infra ex opposito adscriptorum amplitudo. Denique divide lineam $A\alpha$ ea proportionē, quam denotant numeri 1, 2, 3, 5, 6, 7, 9, 10, 11, &c. in punctis divisionis adscripti; perque ista puncta divisionis, duc a puncto Y lineas 1 I , 2 K , 3 L , 5 M , 6 N , 7 O , &c.

Jam si finges $A\alpha$ repræsentare crassitudinem tenuis cu-
jusvis corporis pellucidi eam, qua color violaceus extremus copiosissime reflectitur in primo annulo sive serie colorum; HK , ex 13^{ta} observatione, repræsentabit ejusdem crassitudi-
nem eam, qua color ruber extremus copiosissime reflecti-
tur in eadem serie. Item, ex observationibus 5^{ta} & 16^{ta}, $A 6$ & $H N$ denotabunt crassitudines eas, quibus iidem colores extremi copiosissime reflectuntur in secunda serie; & $A 10$ ac $H Q$, crassitudines eas, quibus iidem copiosissime reflectuntur in tertia serie; & sic deinceps. Denique crassitudinem qua quivis colorum intermediorum copiosissime reflectitur, definiet, ex observatione 14^{ta}, distan-
tia lineæ AH a linearum 2 K , 6 N , 10 Q , &c., partibus intermediis; quibus videlicet nomina colorum istorum com-
parate, infra sunt ex opposito adscripta.

Porro autem, ut latitudinem quoque horum colorum in unoquoque annulo sive serie definiamus; repræsentet $A 1$ crassitudinem minimam, & $A 3$ maximam, qua color violaceus extremus in prima serie reflectitur; item repræ-
sentent $H I$ & $H L$, similes terminos coloris rubri extre-
mi; & colorum intermediorum terminos repræsentent simi-
liter

liter partes linearum 1 I & 3 L intermediae, quibus videlicet nomina colorum istorum infra sunt ex opposito adscripta: & sic deinceps. Veruntamen hæc ita intelligi oportebit, ut reflexiones semper fortissimæ esse ponantur in spatiis mediis 2 K, 6 N, 10 Q, &c.; indeque gradatim ad limites istos 1 I, 3 L, 5 M, 7 O, &c., utroque versus decrescere: in quibus porro limitibus non existimandum est eas distinctis esse terminis definitas, sed deficere indefinite. Cumque unam eandemque latitudinem unicuique seriei tribuerim; id eo factum intelligi velim, quia tametsi colores in prima serie, propter fortiorem eo in loco reflexionem, paulo latiores quam cæteri videantur, tamen ea inæqualitas adeo parva est adeoque sub sensum vix cadit, ut observationibus haud fere possit determinari.

Jam, ex hac descriptione; si concipies radios, quibus diversi congeniti sint colores, vicibus alternis reflecti in spatiis 1 I L 3, 5 M O 7, 9 P R 11, &c.; & transmitti in spatiis A H I 1, 3 L M 5, 7 O P 9, &c.; facile intelligere poteris, quemnam colorem, data quavis corporis tenuis pellucidi crassitudine, corpus id in aperto aere exhibere debeat. Etenim si norma applicetur parallela ad A H, eo intervallo interjecto, quo repræsentetur corporis pellucidi crassitudo; utique spatia alterna 1 I L 3, 5 M O 7, &c., quæ illa secabit transversa, designabunt colores simplices reflexos, ex quibus color, quem ea corporis crassitudo exhibitura sit in aperto aere, compositus erit. Exempli gratia; si viridis in tertia colorum serie, qualis sit, quærat; ap-
pone normam, ut vides, ad π ρ σ ϕ ; & quoniam illa transit per partem cærulei ad π , & flavi ad σ , æque ac per viridem ad ρ ; concludere poteris, colorem viridem quem corpus ea crassitudine exhibet, constare præcipue quidem ex viridi simplice, admixtis tamen aliqua portione cæruleo & flavo.

Porro, hoc pacto intelligere poteris, quemadmodum colores a centro annulorum extrorsum eo sibi ordine in-

vicem succedere debeant, quem in 4^{ta} & 18^{va} observationibus supra descripsimus. Etenim si normam ab A H gradatim per intervalla omnia transferas: quum per primum transferit spatium, quod denotat exiguam vel nullam reflectionem a corporibus tenuissimis factam; perveniet ea primo ad 1, colorem violaceum; & statim post ad cæruleum & viridem, qui una cum violaceo illo conficiunt cæruleum; deinde autem perveniet ad flavum & rubrum, quorum quidem accessione cæruleus ille convertitur in alborem; isque albor permanet, interea dum normæ acies transit ab I ad 3; postea autem, deficientibus singulatim coloribus ex quibus compositus erat, convertit is sese primo in flavum compositum, deinde in rubrum, & postremo ruber iste deficit ad L. Tum incipiunt colores secundæ seriei; qui itidem ex ordine succedunt, interea dum normæ acies transit ab 5 ad O, floridioresque sunt quam priores, propterea quod magis dilatati sunt & separati: quam etiam eandem ob causam, loco prioris albitudinis, intervenit jam inter cæruleum & flavum mixtura aurei, flavi, viridis, cærulei atque indici; ex quibus omnibus compositus oriri debet viridis nubilus ac dilutus. Similiter colores tertiæ seriei succedunt omnes ex ordine: primo violaceus; qui aliquantum intermiscetur rubro secundi ordinis, eoque accedit ad purpureum rubescentem: deinde cæruleus & viridis; qui aliis coloribus minus quam ante intermixti sunt, & proinde magis adhuc floridi evadunt, viridis præsertim: postea succedit flavus; cujus pars aliqua propius viridem, distincta quidem est & bona, pars autem ea quæ spectat ad rubrum succedentem, sicut & ipse quoque ruber iste, intermiscetur violaceo & cæruleo quartæ deinceps seriei; ex quibus proinde compositi oriuntur varii colores rubri, multum purpurascetes. Jam porro violaceo & cæruleo illis quartæ seriei, qui rubrum jam dictum subsequi deberent, commixtis cum eo in eoque absconditis; proxime succedit viridis: isque primo quidem multum descendit ad cæruleum; statim autem post fit

fit color viridis bonus; utique solus simplex & floridus color in tota hac quarta serie; nam simul primum ut ad flavum accedit, intermisceri incipit coloribus quintæ deinceps seriei; quorum utique admixtione, succedentes flavus & ruber valde diluti evadunt ac nubili; flavus præsertim, qui, cum fit color debilior, vix scilicet exhibere se queat sensu percipiendum. Posthæc, diversæ series, earumque colores diversi, magis magisque intermischentur invicem perpetuo; donec post tres vel quatuor amplius series, (in quibus ruber & cæruleus dominantur alterne,) colores omnes omnibus in locis æqua fere portione commischentur inter se, & albitudinem usquequaque sui similem conficiunt.

Quoniam autem, ex 15^{ta} observatione, radii uno colore transmittuntur eodem in loco, ubi radii alio colore reflectuntur; hinc causa colorum in 9^{na} & 20^{ma} observationibus lumine transmissio exhibitorum, fit itidem manifesta.

Quod si jam non modo ordo & species horum colorum, verum etiam ipsa accurate crassitudo lamellæ sive corporis tenuis, qua parte id certum quemvis colorem exhibet, quæ, & quotenarum uncia partium sit, quærat; etiam hoc, per observationes 6^{ta}m & 16^{ta}m, definiri poterit. Etenim, ex istis observationibus, crassitudines lamellæ aeræ inter bina vitra interjacentis, qua parte sex priores annuli videbantur luminosissimi, erant

$\frac{1}{178000}$, $\frac{3}{178000}$, $\frac{5}{178000}$, $\frac{7}{178000}$, $\frac{9}{178000}$, $\frac{11}{178000}$, partes uncia. Jam si igitur lumen in istis crassitudinibus copiosissime reflexum, sit flavum citrinum clarius, sive confinium flavi ac aerei; utique crassitudines istæ, erunt F_λ, F_μ, F_ν, F_ξ, F_ο, F_π. Quo quidem cognito; facillime deinceps intelligi poterit, quamnam aeris crassitudinem repræsentet illa G_φ, vel alia quævis distantia normæ a linea A H.

Porro autem, quoniam, ex 10^{ma} observatione, crassitudo aeris ad crassitudinem aquæ, inter eadem vitra eundem colorem exhibentium, est ut 4 ad 3; item, ex 21^{ma} observatione, non, si mutetur medium circumjectum, mutantur &

colores corporum ipsorum tenuium; utique crassitudo bullæ aquæ, qua quivis color exhibeatur, erit $\frac{3}{4}$ crassitudinis aeris eundem colorem exhibentis. Similiter ex iisdem 10^{ma} & 21^{ma} observationibus, crassitudo lamellæ vitri, in quo refractionem radiorum mediocriter refrangibilium metitur proportio sinuum 31 & 20, poterit esse scilicet $\frac{20}{31}$ crassitudinis lamellæ aeræ, eundem colorem exhibentium. Idemque de aliis mediis comparate intelligi poterit. Cæterum id hic observatum velim, non affirmare me istam proportionem, quæ est 20 ad 31, similem esse in radiis universis. Habent enim sinus aliorum radiorum, alias proportionem. At enim differentia istarum proportionum adeo parva est, ut ejus hic habere rationem non necesse existimem. Hisce igitur positis fundamentis, tabulam sequentem construxi; in qua crassitudo aeris, aquæ, & vitri ea qua quisque color exhibetur clarissimus & purissimus, exprimitur partibus uncia in decies centies mille partes inter se æquales divisæ.

		Aeris.	Aquæ.	Vitri.
Colores ipsarum primæ seriei.	Nigerrimus	$\frac{1}{2}$	$\frac{3}{8}$	$\frac{10}{41}$
	Niger	1	$\frac{3}{4}$	$\frac{20}{31}$
	Nigrescens	2	$1\frac{1}{2}$	$1\frac{2}{7}$
	Cæruleus	$2\frac{2}{5}$	$1\frac{4}{5}$	$1\frac{1}{20}$
	Albus	$5\frac{1}{4}$	$3\frac{7}{8}$	$3\frac{2}{3}$
	Flavus	$7\frac{1}{9}$	$5\frac{1}{3}$	$4\frac{3}{5}$
	Aureus	8	6	$5\frac{1}{6}$
Secundæ seriei.	Ruber	9	$6\frac{3}{4}$	$5\frac{4}{5}$
	Violaceus	$11\frac{1}{6}$	$8\frac{3}{8}$	$7\frac{1}{8}$
	Indicus	$12\frac{5}{6}$	$9\frac{5}{8}$	$8\frac{2}{11}$
	Cæruleus	14	$10\frac{1}{2}$	9
	Viridis	$15\frac{1}{8}$	$11\frac{1}{3}$	$9\frac{5}{7}$
	Flavus	$16\frac{2}{7}$	$12\frac{1}{5}$	$10\frac{2}{5}$
	Aureus	$17\frac{2}{9}$	13	$11\frac{1}{9}$
Tertiæ seriei.	Ruber clarior	$18\frac{1}{31}$	$13\frac{3}{4}$	$11\frac{5}{6}$
	Coccineus	$10\frac{2}{3}$	$14\frac{3}{4}$	$12\frac{2}{3}$
	Purpureus	21	$15\frac{3}{4}$	$13\frac{1}{10}$
	Indicus	$22\frac{1}{10}$	$16\frac{4}{7}$	$14\frac{1}{4}$
	Cæruleus	$23\frac{2}{5}$	$17\frac{1}{10}$	$15\frac{1}{10}$
	Viridis	$25\frac{1}{5}$	$18\frac{9}{10}$	$16\frac{1}{4}$
	Flavus	$27\frac{1}{7}$	$20\frac{1}{3}$	$17\frac{1}{2}$
Quartæ seriei.	Ruber	29	$21\frac{3}{4}$	$18\frac{5}{7}$
	Ruber subcæruleus	32	24	$20\frac{2}{3}$
	Viridis subcæruleus	34	$25\frac{1}{2}$	22
	Viridis	$35\frac{2}{7}$	$26\frac{1}{2}$	$22\frac{3}{4}$
	Viridis flavesens	36	27	$23\frac{2}{9}$
	Ruber	$40\frac{1}{3}$	$39\frac{1}{4}$	26
	Cæruleus subviridis	46	$34\frac{1}{2}$	$29\frac{2}{3}$
Quintæ seriei.	Ruber	$52\frac{1}{2}$	$39\frac{3}{8}$	34
	Cæruleus subviridis	$58\frac{3}{4}$	44	38
Sextæ seriei.	Ruber	65	$48\frac{3}{4}$	42
	Cæruleus subviridis	71	$53\frac{1}{4}$	$45\frac{4}{5}$
Septimæ seriei.	Albus rubescens	77	$57\frac{3}{4}$	$49\frac{2}{3}$

TAB. II.

Jam si hanc tabulam conferes cum sexto schemate: invenies ibi constitutionem cujusque coloris; videlicet, ex quibusnam simplicibus coloribus color quisque compositus sit: indeque judicare poteris, quantum perfectus sit quisque eorum, vel imperfectus. Atque hæc quidem sufficiant ad observationes 4^{ta}m & 18^{va}m explicandas. Nisi forte id amplius postules, ut delineetur qua forma hi colores inter bina vitra objectiva, quorum alterum alteri superpositum sit, appareant. Quod porro ut fiat; describatur amplius circuli arcus; item linea recta, quæ istum arcum tangat; & parallelæ isti tangenti plures lineæ occultæ, tantis ab tangente interjectis intervallis, quanta denotant numeri coloribus singulis in tabula ex adverso adscripti. Etenim arcus iste, cum sua tangente, repræsentabunt vitrorum superficies, quibus aer interjacens terminetur; & loca, ubi lineæ occultæ arcum secant, ostendent quibusnam a centro vel a puncto contactus interjectis intervallis, color quisque reflectatur.

Cæterum & alii adhuc sunt hujus tabulæ usus. Nam & ejus ope, crassitudo bullæ in 19^{na} observatione colligebatur ex coloribus quos illa exhiberet. Similiter, particularum corporum naturalium magnitudo, quæ sit, ex coloribus ipsorum colligi poterit; uti infra ostendetur. Item, si duarum tenuium lamellarum altera alteri superponatur, vel adhuc plures ipsarum ita invicem committantur & coeant, ut ex omnibus una fiat lamella, quæ crassitudine par sit universis; ex eadem hac tabula colligi poterit, quisnam inde sit color oriturus. Exempli gratia: Observavit D. *Hookius*, ut in ejus *Micrographia* memoratur, lapidis specularis lamellam quæ esset colore flavo languido, superpositam lamellæ quæ esset colore cæruleo, confecisse colorem purpureum valde saturum. Utique flavus primæ seriei, est flavus languidus; & crassitudo lamellæ quæ istum colorem exhibet, est, ex tabula, $4\frac{3}{5}$: ad quam porro si addas 9, quæ est crassitudo exhibens cæruleum in secunda serie; habebis jam $13\frac{3}{5}$, crassitudi-

situdinem quæ exhibet purpureum tertiæ seriei.

Jam ut explicemus deinceps observationum 2^{dæ} ac 3^{tiæ} phænomena; videlicet, quemadmodum fiat ut annuli colorati (convertendo prismata circa axem suum communem, motu jam contrario ac in istis observationibus dictum est,) convertant se in annulos albos & nigros, & deinde in annulos iterum coloratos, coloribus singulorum annulorum jam inde inverso ordine dispositis: recordandum est annulos istos coloratos dilatari, obliquatione radiorum ad aerem inter vitra interjacentem; istamque dilatationem annulorum, sive productionem diametrorum suarum, evidentissimam & celerrimam (secundum tabulam in 7^{ma} observatione) tum esse, cum illi obliquissimi sint. Hinc enim hujus rei causa facile intelligitur. Nempe radii flavi, quoniam in prima aeris illius inter vitra interjacentis superficie plus refringuntur quam rubri, fiunt utique eo pacto magis obliqui ad secundam superficiem, a qua reflexi annulos coloratos efficiunt; & consequenter circulus flavus in unoquoque annulo, magis dilatatus esse debet quam ruber; ejusque dilatatio tanto esse major quam rubri, quanto major sit radiorum incidentium obliquitas; donec tandem circulus iste flavus, æque sit amplus factus ac ruber in eodem annulo. Similiter, reliqui circuli, viridis, cæruleus, & violaceus, dilatari itidem eo usque debent, majori adhuc radiorum obliquitate; ut & hi quoque omnes tandem æqua propemodum amplitudine fiant, hoc est, æquo intervallo a centro annulorum distent, ac ruber. Quo quidem in casu, colores ejusdem annuli coire in unum necesse est universos; suaque omnium permixtione inter se, annulum album exhibere. Qui porro annuli albi, annulos nigros obscurosque sibi interjectos habeant oportet; quia jam non expansi sunt utroque, & intermixti invicem, ut prius. Quam quoque eandem ob causam, multo etiam distinctiores fieri debent, & insuper longe majori numero sub aspectum venire. Veruntamen color violaceus; quoniam, obliquissimus cum sit, aliquanto plus, pro ampli-

tudine sua, quam reliqui colores, dilatatur; utique abesse vix poterit, quin in extremis albi marginibus sese prodatur.

Post hæc, quoniam adhuc majori radiorum obliquitate, dilatatio violacei & cærulei adhuc magis exuperat dilationem rubri & flavi, adeoque violaceus ille & cæruleus adhuc longius a centro annulorum protenduntur; colores jam deinceps ex albo emergere debebunt ordine contrario, atque ante dispositi erant; nempe violaceus ac cæruleus ab exteriori margine cujusque annuli, & ruber ac flavus ab interiore. Violaceus autem, propter maximam radiorum suorum obliquitatem; cum utique omnium maxime, pro amplitudine sua, dilatetur; apparebit & primus in exteriori cujusque annuli albi margine, & maxime omnium conspicuus. Item diversæ colorum series, ad annulos diversos pertinentes, incipient iterum, explicatu & expansu sui quaquaversum, intermisceri invicem; eoque pacto efficient, ut annuli & minus distincti, & minori iterum numero sub aspectum veniant.

Si, loco prismatum, adhibeantur vitra objectiva; annuli, quos illa exhibent, jam non evadent albi & distincti per obliquitatem oculi; propterea quod radii in transitu suo per aerem inter ista vitra interjacentem, ferme paralleli sunt lineis in quibus in vitra primo incidebant; & consequenter radii diversis coloribus, non sunt ad aerem istum alii aliis magis inclinati, quomodo in prismatibus quidem evenit.

Aliud adhuc horum experimentorum adjunctum est, consideratu dignum; qui scilicet fiat, ut annuli albi ac nigri, qui, quum interjecto paulo majori intervallo inspiciantur, distincti apparent; iidem tamen, quum inspiciantur propius, non modo confusi appareant, verum etiam colorem violaceum in utrisque annuli cujusque albi extremitatibus exhibeant. Hujus autem rei causa hæc est. Radii, qui oculum in diversis partibus pupillæ ingrediuntur, diver-

diversas habent ad vitra obliquitates; quique maxime obliqui sunt, ii, si foli essent, annulos majores, quam qui minus obliqui sunt, repræsentaturi forent. Hinc orbita annuli cujusque albi expanditur in latitudinem extrorsum per radios maxime obliquos, introrsum autem per radios minime obliquos: eaque expansio tanto fit major, quanto major est radiorum obliquitatis differentia, hoc est, quanto pupilla latior est, aut oculus propius vitra. Violaceus autem expandi debet omnium maxime; quia radii, qui sensum eo colore afficiunt, maxime omnium obliqui sunt secundæ sive posteriori tenuis aeris superficiei, a qua reflectuntur; itemque maximam habent obliquitatis suæ variationem; quo fit ut iste color, omnium citissime ex albi marginibus emergat. Porro autem, prout latitudo cujusque annuli hoc modo augetur, ita nigra ipsorum intervalla diminuantur necesse est, usque dum vicini annuli fiant contigui inter se & commisceantur invicem, primo exteriores, deinde & interiores propius centrum; adeo ut tandem secerni & distinguere haud queant amplius, sed plane in albitudinem sui usquequaque consimilem coiisse omnes videantur.

Inter omnes observationes supra memoratas, nulla est quæ tam mira habeat adjuncta, quam 24^a. Præcipue, quod certæ tenues lamellæ, quæ nudo oculo albitudine pellucida, æquabili, & sui usquequaque simili, sine ullis omnino umbrarum vestigiis, videntur; per prisma tamen inspectæ, annulos coloratos exhibeant; cum e contrario, prismatis refractione, corpora omnia ea solummodo sui parte apparere soleant coloribus distincta, ubi vel umbris terminentur, vel partes habeant inæqualiter luminosas. Item, quod annuli isti eo modo exhibiti, perquam distincti sint atque albi; cum e contrario, prismatis refractione, corporum omnium species confusæ ac coloratæ exhiberi soleant. Jam vero causam hujus rei, paulum modo si attendas, ita intelligere poteris. Nempe, annuli isti omnes colorati, insunt revera in lamella tum, cum ea nudo oculo inspiciatur; quam-

vis, propter nimiam orbitarum suarum latitudinem, intermixti sint adeo & confusi inter se, ut albitudinem uniformem & sui usquequaque consimilem conficere videantur: quum autem radii ad oculum per prismata transmittantur; tum orbitæ diversorum colorum, qui insunt in singulis annulis, refringuntur, pro sua cujusque refrangibilitate, aliæ magis, aliæ minus: quo pacto colores ex altera parte annuli, (hoc est, in circumferentia ex altera parte centri ipsius,) magis explicantur & dilatantur; ex altera autem parte, magis, quam antea, complicantur & contrahuntur. Jam vero ubi colores apta justaque refractione eousque contrahuntur, ut diversi annuli angustiores hinc fiant, quam ut invicem intermixti sint; utique annuli isto in loco distincti apparere debent; & simul albi, si nimirum colores, ex quibus ii compositi sunt, eousque sint contracti, ut in unum plane coierint: atqui ex altera parte, ubi e contrario orbita cujusque annuli, ulteriori explicatu colorum suorum, adhuc latior est facta; ibi is multo jam magis, quam antea, cum aliis annulis commixtus esse debet; & proinde minus esse distinctus.

TAB. II. Quo autem hanc materiam adhuc uberius explicemus; finge circulos concentricos A V & B X, [Fig. 7.] repræsentare cujusvis seriei colores rubrum ac violaceum, qui, una cum coloribus intermediis, unum quemvis horum annulorum constituent. Jam quidem si hi circuli per prismata inspiciantur; circulus violaceus B X, majori refractione, transferetur longius e loco suo, quam ruber A V; adeoque ad rubrum istum propius accedet illa in parte circulorum, quam versus refractiones fiunt. Exempli gratia: Si circulus ruber transferatur ad $a v$, violaceus transferri poterit ad $b x$; adeo ut jam propius, quam ante, accedat ad rubrum in parte x : Sique ruber transferatur longius ad $a v$; utique violaceus itidem proportionem, tanto ulterius transferri poterit ad $b x$, ut coeat jam plane cum rubro in x : sique ruber adhuc porro longius transferatur ad αr ; violaceus itidem, tanto etiam adhuc ulterius transferri poterit ad βz ,
ut

ut jam plane prætervectus sit rubrum in ξ , coeat autem cum eo in e & f . Quod si hoc idem de aliis quoque coloribus intermediis, æque ac rubro & violaceo; itemque de omnibus colorum istorum seriebus, dictum similiter intelligatur: facile jam percipies quemadmodum colores unius ejusdemque ordinis sive seriei, propinqui facti inter se ad $x v$ & $\gamma \xi$, & coeunt plane ad $x v$ & e & f , debeant constituere arcus circulorum satis quidem distinctos, maxime ad $x v$ vel ad e & f ; ad $x v$ autem, apparere separati; & ad $x v$ albitudinem mutua permixtione conficere; rursumque apparere separati ad $\gamma \xi$; ordine autem contrario, quam quo ante apparuerant, & quam etiamnum apparent ultra e & f . Verum ex altera parte, ad $a b$, $a b$, vel $\alpha \beta$, colores isti multo etiam magis confusi, quam antea, apparere debent; dilatati nimirum atque diffusi usque adeo, ut coloribus aliorum ordinum intermisceantur. Similisque porro confusio erit colorum ad $\gamma \xi$, inter e & f ; si forte refractione sit valde magna, vel prisma a vitris objectivis valde remotum. Quo quidem in casu nulla pars annulorum sub aspectum veniet, præter duos exiguos arcus ad e & f ; qui porro eo majori intervallo inter se distabunt, quo prisma a vitris objectivis adhuc longius removeatur. Hique exigui arcus distinctiores & albiores esse debent a media sui parte; ab extremitatibus autem, ubi confusi esse incipiunt, insimul colorati esse debent. Item colores in una extremitate cujusque arcus ordine contrario dispositi esse debent, atque in altera; propterea quod in albitudine intermedia decussantur. Nempe extremitates arcuum $eæ$, quæ spectant ad $\gamma \xi$, erunt rubræ ac flavæ illa sui parte, quæ sit propior a centro; ex altera autem parte, cæruleæ ac violacæ: extremitates autem $eæ$, quæ in contrarium spectant, erunt e contrario cæruleæ ac violacæ illa sui parte, quæ sit propior a centro; ex altera autem parte, rubræ ac flavæ.

Jam sicut omnia quæ hæcenus dicta sunt, ex luminis proprietatibus mathematica deductione consequuntur; ita

veritas ipsorum, experimentis insuper manifesta fieri potest. Etenim si in cubiculo tenebricoso inspiciantur per prisma annuli jam dicti, tum quum reflexione diversorum colorum prismaticorum in vitra objectiva singulatim projectorum exhibeantur; quos nimirum colores prismaticos adstans aliquis transferat huc illuc super parietem vel chartam e qua ad vitra reflectantur, interea dum & oculus spectatoris & prisma oculo applicatum & vitra ipsa objectiva (sicuti in 13^{ta} observatione) immota maneant; utique circuli, quos diversi illi colores singulatim exhibebunt, tali inter se positu reperientur collocati comparate, qualem in schematibus $a b x v$, vel $a b x v$, vel $\alpha \beta \xi \gamma$, descripsi. Atque eadem quidem ratione, aliarum quoque observationum explicationes, quam veræ & certæ sint, probari & examinari possunt.

Porro, ex iis quæ dicta sunt, similia aquæ quoque & tenuium vitri lamellarum phænomena intelligi & explicari poterunt. Verum enimvero in parvis istiusmodi lamellarum fragmentis, illud insuper notatu dignum est; fragmenta ista, si super mensam jacentia circumagantur circa centra sua, interea dum per prisma inspiciantur; fore utique ut in certis positionibus, undatim videantur coloribus distincta; atque eorum alia quidem, undas istas in una duntaxat vel duabus exhibeant positionibus; pleraque autem illas omni in positu, idque per totam fere sui faciem, exhibeant. Nempe ea de causa, quod istiusmodi lamellarum superficies non sint æquate planæ, sed multas habeant partes eminentes, multas lacunosas; qua quidem inæqualitate, utcunque exigua, variatur tamen nonnihil lamellæ crassitudo. Etenim in diversis lateribus lacunarum istarum, propter causas jam ante dictas, exhiberi debent undæ in variis prismatis positionibus. Et quamvis perexiguæ sint quidem & valde angustæ solummodo vitri partes, quæ hujusmodi undas plerunque exhibeant; nihilo tamen minus undæ hæ per totam

tam protensæ vitri faciem videri poterunt; propterea quod etiam ab angustissima istarum partium, colores sunt diversorum ordinum, hoc est diversorum annulorum, confuse reflexi; qui prismatis deinceps refractione explicati, separati, & quaquaversum pro sua cujusque refrangibilitate dispersi, exhibent utique tot undas diversas, quot erant diversi colorum ordines ab ista vitri parte confuse reflexi.

Hæc sunt præcipua tenuium lamellarum five bullarum phænomena; quorum quidem explicatio pendeat ex luminis proprietatibus supra expositis. Atque hæc quidem phænomena ex proprietatibus istis consequuntur (ut vides) necessario, & conveniunt cum eis, etiam ad minutissimas usque circumstantias. Neque id solum, verum etiam ad eas ipsas vicissim comprobandas conferunt permultum. Exempli gratia: ex 24^a observatione apparet radios diversorum colorum, tam lamellis five bullis, quam refractionibus prismatis exhibitorum, suos habere singulos refrangibilitatis gradus: quo quidem pacto radii uniuscujusque ordinis, qui, quum a lamella vel bulla reflectuntur, intermixti sunt confuse radiis aliorum ordinum; separantur ab eis deinceps refractione, & consociantur inter se; adeo ut ordinatim, tanquam totidem arcus circulorum, sub aspectum veniant. Neque enim ullo modo fieri posset, si radii essent omnes ex æquo refrangibiles, ut albiditudo isti, quæ nudo oculo sui usquequaque consimilis videtur, refractione tamen partes suæ ita transponderentur, ut inde in albos istos nigrosque arcus ordinatim digestæ apparerent.

Apparet etiam, ex iis quæ dicta sunt, inæquales radiorum dissimilium refractiones, non oriri ex causis irregularibus, quæ casu possint accidere; quales utique sunt venu læ in vitro interspersæ; inæqualis quædam vitri facierum politura, vel fortuita occultorum vitri meatuum positio; inæquales & fortuiti quidam motus five agitationes aeris

vel

vel ætheris; diffusio, diffusio, aut divisio unius & ejusdem radii, in multas partes divergentes; aliæve similes causæ. Nam, positis quibuscumque ejusmodi irregularitatibus, fieri tamen nullo modo posset ut refractiones annulos antedictos tam valde distinctos tamque distinctis terminis definitos exhiberent, quam faciunt in 24^{ta} observatione. Necessè est igitur, ut unusquisque radius proprium ac suum semper habeat sibi congenitum refrangibilitatis gradum; cui congruenter, refractione ipsius semper accurate & regulariter efficiatur; itemque diversi radii, diversos habeant refrangibilitatis gradus.

Adhæc, quod de radiorum refrangibilitate dictum est, id de eorum reflexibilitate quoque similiter dictum intelligi poterit; hoc est, de dispositione eorum illa, qua ita comparati sunt, ut alii majore, alii minore tenuium lamellarum sive bullarum crassitudine reflectantur: nempe, illas itidem dispositiones congenitas esse radiis, & immutabiles. Id quod apparet ex observationibus 13^{ta}, 14^{ta}, & 15^{ta}, comparatis cum 4^{ta}, & 18^{va}.

Ex præmissis observationibus apparet quoque, albitudinem esse mixturam heterogeneam colorum universorum; lucemque esse mixturam radiorum coloribus istis omnibus præditorum. Nam ex eo, quam ingens visa esset multitudo annulorum coloratorum in observationibus 3^{ta}, 12^{ma}, & 24^{ta}; liquet, quamvis in observationibus 4^{ta} & 18^{va} non amplius octo aut novem apparerent, tamen revera longe majorem esse ipsorum numerum; qui utique intermiscuntur invicem eoque, ut post octonas aut novenas illas series, plane diluti fiant deinceps permixtione sui mutua inter se, & in albitudinem abeant, ad sensus quidem judicium, sui usquequaque consimilem. Quam proinde albitudinem, colorum esse omnium mixturam fatearis necesse est; & lumen, quo ea ad oculum transmittitur, mixturam esse radiorum coloribus istis omnibus præditorum.

Deni-

Denique, ex 24^{ta} observatione, apparet, inter colores & refrangibilitatem, mutuam ac perpetuam esse connexionem atque responsum: nempe radios maxime refrangibiles, esse violaceos; radios minime refrangibiles, rubros; radiosque coloribus intermediis, intermediis esse comparate refrangibilitatis gradibus. Item ex observationibus 13^{tia}, 14^{ta}, & 15^{ta}, comparatis cum 4^{ta} vel 18^{va}, apparet inter reflexibilitatem quoque & colores, similem esse connexionem atque responsum perpetuum: nempe colorem violaceum, iisdem positis cæteris omnibus circumstantiis, reflecti in minimis crassitudinibus cujusvis tenuis lamellæ vel bullæ; colorem rubrum, in maximis crassitudinibus; coloresque intermedios, in intermediis comparate crassitudinibus. Ex quo efficitur, colorificas itidem radiorum qualitates, congenitas esse atque immutabiles: & consequenter omnes omnium colorum species, quæ sint uspiam in rerum universitate, oriri utique non ex physica ulla mutatione, quam refractio aut reflexio efficiat in lumine; sed solummodo ex variis mixturis aut separationibus radiorum, refrangibilitate sua diversa vel reflexibilitate effectis. Atque hac quidem ratione, scientia colorum fit theoria tam vere mathematica, quam alia ulla pars Optices: eatenus videlicet, quatenus colores ex luminis ipsius natura pendeant, neque oriantur immutenturve imaginationis vi, aut oculorum percussu vel compressu.




OPTICES

LIBER SECUNDUS.

P A R S III.

De permanentibus corporum naturalium coloribus; & analogia quæ est inter eos colores, & colores tenuium laminarum pellucidarum.



Ervenimus jam ad aliam instituti nostri partem; videlicet ut in id deinceps inquiramus, quæ sit inter tenuium laminarum pellucidarum & aliorum omnium corporum naturalium phænomena, similitudinis proportio. Ac de hisce quidem corporibus jam supra illud statuimus; diversis ea coloribus ita apparere, prout radiis hos

hos vel illos colores sibi congenitos habentibus, copiosius quam aliis omnibus reflectendis, natura apta sint facta & constituta. Naturæ autem ipsorum constitutio illa ac ratio intima, qua nimirum ita sunt comparata, ut radios alios copiosius quam alios reflectant; ea demum quæ sit, adhuc inquirendum restat. Hocque in sequentibus propositionibus jam deinceps exponere conabor.

PROPOSITIO I.

Ea corporum pellucidorum superficies plurimum luminis reflectunt, quæ vim refringentem maximam habent; hoc est, quæ inter talia interjecta sunt media, quorum densitates refractivæ inter se maxime differunt. Et in confinibus mediorum æqualiter refringentium, nulla est reflexio.

QUAM magna sit inter reflexionem & refractionem analogia, ex eo apparere poterit, quod, cum lumen ex uno medio transeat oblique in aliud, quod quidem radios refringat a perpendiculari; quo major est mediorum istorum densitatis refractivæ differentia, eo minor ad totalem reflexionem faciendam postuletur obliquitas incidentiæ. Etenim quam proportionem habent inter se sinus, qui refractionem metiuntur; eandem habet sinus incidentiæ is, ubi totalis incipit reflexio, ad semidiametrum circuli: Et consequenter angulus incidentiæ is, ubi totalis incipit reflexio, minimus tum est; cum sinus, qui refractionem metiuntur, differunt maxime inter se. Exempli gratia: In transitu luminis ex aqua in aerem, ubi refractionem metitur ratio sinuum 3 ad 4; totalis reflexio tum incipit, cum angulus incidentiæ sit graduum 48, 35'. In transitu luminis ex vitro in aerem, ubi refractionem metitur ratio sinuum 20 ad 31; totalis reflexio tum incipit, cum angulus incidentiæ sit graduum 40, 10'. Et similiter, in transitu luminis e crystallo, vel e mediis adhuc magis refringentibus in aerem;

ad totalem faciendam reflexionem, adhuc minor obliquitas postulatur. Quæ itaque superficies maxime refringunt; eæ citissime id omne lumen, quod sibi incidat, reflectunt; & consequenter vim reflectentem maximam habere dicantur, necesse est.

Verum propositionis hujusce veritas adhuc amplius inde apparere poterit, quod in superficie interjacente bina quævis media pellucida, (qualia sunt aer, aqua, oleum, vitrum, crySTALLUS, vitra metallica, vitra Islandica, arsenicum album pellucidum, adamantes, &c.) reflexio semper fortior aut debilior sit pro eo, ac superficies ista vim refringentem majorem minoremve habeat. Sic enim in confinio aeris & salis-gemmæ, fortior est reflexio quam in confinio aeris & aquæ; in confinio aeris & vitri vel crySTALLI, adhuc fortior; & in confinio aeris atque adamantis, adhuc usque fortior. Siquod horum vel his similium corporum solidorum pellucidorum, in aquam immersum sit; ejus reflexio multo, quam ante, languidior sit; atque etiam adhuc languidior, si id immersum sit in oleum vitrioli vel spiritum terebinthi rectificatum, utique liquores adhuc fortius refringentes. Si aqua in binas partes superficie quavis imaginaria distinguatur; reflexio in binarum istarum partium confinio, plane est nulla. In confinio aquæ & glaciei, reflexio admodum exigua est; in aquæ & olei, aliquanto major; in aquæ & salis-gemmæ, adhuc major; in aquæ & vitri aut crySTALLI aliorumve corporum densiorum, etiam adhuc major; nimirum pro eo, quantum media illa vi refringente inter se differant. Hinc in confinio vitri & crySTALLI, languida debet esse reflexio; & in confinio vitri communis ac vitri metallici, fortior: quanquam hoc quidem nondum probavi experiundo. At vero in confinio duorum vitrorum densitate inter se æqualium & parium, nulla est reflexio, quæ quidem sensu percipi queat; id quod in prima supra observatione ostendimus. Idem autem similiter intelligi debet de superficie quæ interjaceat binas crySTALLOS, vel binos liquores, vel bina quævis corpora, in quo-

quorum utique confinio nulla fiat refraction. Efficitur igitur in univcrsum, ut causa quamobrem media pellucida uniformia, (qualia sunt aqua, vitrum aut cryftallus,) nullam habeant reflexionem, quæ quidem sensu percipi possit, præterquam in externa sua superficie, ubi aliis mediis densitate a se differentibus adjacent; hæc sit nimirum; quod partes ipsorum contiguæ inter se, una eademque sint omnes densitate.

PROPOSITIO II.

Partes minimæ corporum naturalium fere omnium, sunt aliquo modo pellucidæ. Et opacitas istorum corporum oritur ex multitudine reflexionum; quæ in interioribus ipsorum partibus fiunt.

Observatum fuit hoc antea ab aliis; & facillime concedetur ab iis, qui microscopiis tractandis assueti fuerint. Porro autem probari etiam poterit amplius, apponendo quodlibet corpus ad foramen per quod aliquid luminis in cubiculum tenebricosum transmittatur. Etenim quantumvis opacum id corpus in aperto aere videatur, eo tamen pacto pellucidum videbitur manifesto; ita scilicet, si satis tenue fuerit factum. Excipienda solummodo sunt corpora metallica alba: quæ propter nimiam densitatem reflectere videntur fere id omne lumen, quod in primam ipsorum superficiem incidat; nisi cum in menstruis dissolvendo, comminuta sint in particulas perquam exiguas; quo quidem in casu, & ipsa quoque similiter evadunt pellucida.

PROPOSITIO III.

Inter corporum opacorum & coloratorum partes, multa interjacent spatia; vel vacua, vel mediis, quæ densitate ab istis partibus differant, repleta. Sic inter particulas, quibus liquor quivis imbuitur & tingitur, interjacet aqua; inter globulos aqua, ex quibus nubes & nebulae confunt, interjacet aer; & inter corporum durorum partes, interjacent spatia, vacua plerunque tum aeris tum aqua; fortasse tamen non omnis materia vacua.

Hujusce veritatem evincunt propositiones duæ præcedentes. Nam, per prop. 2^{dam}, multæ sunt reflexiones in interioribus corporum partibus factæ: Hoc autem, per prop. 1^{am}, non fieret, si utique partes ipsorum prorsus essent contiguæ, sine ullis interjectis istiusmodi intervallis; etenim omnes reflexiones fiunt in superficiebus, quæ interjectæ sint mediis densitate inter se differentibus, per prop. 1^{am}.

Sed præterea, hanc interruptionem partium, præcipuam esse causam quamobrem corpora sint opaca, inde etiam apparere poterit, quod corpora illa omnia opaca statim pellucere tum incipiunt, cum forte occulti ipsorum meatus repleti sint materia aliqua, quæ partibus ipsis par sit vel fere par densitate. Sic charta, in aquam vel oleum intincta; lapis, qui dicitur oculus mundi, in aqua maceratus; linthea, oleo vel vernigine illita; aliaque permulta corpora in istiusmodi liquoribus immersa, qui occultos ipsorum meatus intime pervadant; fiunt eo pacto magis, quam ante, pellucida. E contrario, corpora ea, quæ sunt maxime pellucida, poterunt, vel occultorum suorum meatuum evacuatione, vel partium suarum separatione, satis opaca evadere. Sic sales, vel charta madida, vel oculus mundi lapis, cum sint exsiccata: cornu, radulanum: vitrum, cum

cum in pulverem redactum sit, vel etiam rimas modo egerit: resina terebinthina & aqua pluvia, simul agitata, donec quadantenus commixta sint: denique aqua ipsa, cum in multas bullulas tensa sit; idque vel sola, in speciem spumæ; vel simul agitata cum oleo terebinthino, olivo, aliove aliquo liquore commodo, quocum illa non commiscebit se penitus: opaca fiunt. Porro ad opacitatem horum corporum adhuc amplius adaugendam, confert nonnihil & illud; quod, ex 23^{ia} observatione, reflexiones corporum pellucidorum admodum tenuium, multo sunt fortiores, quam eorundem corporum paulo crassiorum.

PROPOSITIO IV.

Quo corpora opaca esse queant, & colorata; partes ipsorum, itemque earum intervalla, debent non esse minora quam certa cujusdam & definitæ magnitudinis.

ETenim corpora omnium opacissima, si partes ipsorum in summam usque tenuitatem comminuantur, (ut metalla in menstruis acidis dissoluta,) evadunt continuo plane perfecteque pellucida. Item recordari poteris, in 8^{va} observatione, binas vitrorum objectivorum superficies, ubi valde essent propinquæ, quamvis non contingerent prorsus inter se, tamen nullam ibi reflexionem fecisse, quæ quidem sensu percipi posset. Et, in 17^{ma} observatione, reflexionem in aquæ bulla, qua parte ea tenuissima erat facta, vix sensu, an esset omnino aliqua, percipi potuisse; adeo ut, defectu luminis reflexi, maculæ valde nigræ in vertice bullæ apparerent.

Atque hisce quidem causis comperio aquæ, falis, vitri, lapidum, aliorumque id genus corporum,tribuendam esse pelluciditatem. Multa enim me movent ut credam, corpora ea ita utique esse constituta, non ut pauciores interjectos habeant partibus suis meatus occultos, quam habent

bent alia corpora; sed ut partes ipsorum, earumque intervalla, minores sint scilicet quam quæ reflexiones in communibus superficiebus suis efficere queant.

PROPOSITIO V.

Pellucidæ corporum partes, pro varia sua crassitudine, reflectunt radios uno colore, & transmittunt radios alio colore; eisdem de causis, ac tenues lamellæ sive bullæ reflectunt vel transmittunt radios istos comparate. Atque huic quidem causæ, corporum omnium colores omnes attribuendos existimo.

ETenim si cujusvis materiæ lamella tenuis, quæ, cum æquabili sit undique crassitudine, tota uno eodemque sui usquequaque consimili colore videtur; fingatur deinceps vel in fila dissecari, vel in fragmenta dirumpi, quæ ejusdem sint omnia crassitudinis, ac ipsa lamella: equidem nihil causæ video, quin unumquodque filum sive fragmentum, suum usque conservet colorem; & consequenter ex istiusmodi filorum sive fragmentorum congestu, constat acervus pulveris, qui sit totus eodem colore, ac erat ipsa lamella ante confringendum. Jam vero partes corporum omnium naturalium, sunt tanquam totidem fragmenta tenuis lamellæ. Debent igitur hæ similiter eisdem de causis, eosdem colores exhibere.

Rem autem hanc revera ita se habere; apparere poterit ex mira proprietatum similitudine & conjunctione, quæ partibus corporum naturalium cum fragmentis tenuium lamellarum intercedit. Utique pulchre coloratæ avium quarundam, & præsertim caudarum pavoniarum, plumæ, una eademque sui parte colores varios exhibent, pro varia oculi positione; simili prorsus ratione, ac fecerunt tenues lamellæ in observationibus 7^{ma} & 19^{na}. Et proinde plumarum istarum colores, oriuntur ex tenuitate parvorum capillamentorum, quæ majoribus plumarum ramulis sive fibris latera-

libus.

libus adnascuntur. Eodem spectat, quod araneorum quarundam telæ, utique valde subtiles ac tenues, multicolores fuerint visæ; (uti nonnulli observarunt) & fila serica quædam colorata, pro varia oculi positione, varietate videantur versicolori. Porro, pannus bombycintus, & laneus, aliaque id genus corpora, in quæ aqua vel oleum intime penetrare potest, colorem obscuriorem fusciorumque trahunt, cum in liquores istos immersa fuerint; rursus autem, simul ut exsiccata sint, colorem suum clariorem recuperant; utique eadem fere ratione, ac tenues lamellæ in observationibus 10^{ma} & 21^{ma}. Adhæc, bractæ auri, vitra quædam picta, infusio ligni nephritici, & alia corpora nonnulla, colorem unum reflectunt, alium transmittunt; similiter ac tenues lamellæ in observationibus 9^{na} & 20^{ma}. Denique pulveribus quibusdam coloratis, quibus utuntur pictores, colores sui multa atque elaborata tritura immutari possunt nonnihil: qua equidem in re, nihil plane causæ video, cui ea colorum mutatio attribui queat, præterquam particularum comminutioni inter conterendum; eodem modo, ac color tenuis lamellæ, pro crassitudinis suæ variatione, immutatur. Quam sane eandem ob causam, plantarum quoque & herbarum flores colorati, pellucidiores plerunque evadunt contundendo; aut aliquo saltem modo colores suos immutant. Néc minus eodem facit, quod ex diversorum liquorum permixtione, certæ colorum species permiros interdum ac notatu dignissimos ortus atque mutationes habeant: quorum quidem causa nulli rei verisimilius & rationi congruentius attribui potest, quam quod corpuscula salina, quæ insunt in uno liquore, agant varie in corpuscula colorata alterius, vel coalescant cum illis; adeo ut illa inde adaugeantur vel extenuentur, (quo non modo magnitudo, verum etiam densitas ipsorum immutari potest,) vel dividantur in corpuscula adhuc minora, (quo liquor, qui fuerat coloratus, poterit pellucidus evadere) vel consocientur complura inter se, & in grumulos coalescant, (quo

ex binis liquoribus pellucidis, confieri poterit liquor coloratus.) Etenim videmus quam facile menstrua ejusmodi salina, penetrent & dissolvant corpora ad quæ applicentur; atque etiam alia eorum id præcipitent, quod alia dissolverint. Similiter, si varia atmosphære phænomena considerabimus; observare poterimus vapores, quum quidem primum suscitantur, non impedire quominus pellucidus sit aer; comminutos quippe in particulas exiguiore, quam quarum superficies ullam efficere possint reflexionem: verum quum ad pluvie guttas constituendas, coalescere demum & in globulos coire cœpti sint magnitudinum omnium intermediarum; tum utique ex globulis istis ea magnitudine factis, qua colores alii reflectantur, alii transmittantur, posse confieri scilicet nubes variis coloribus, pro varia globulorum, ex quibus compositæ sunt, magnitudine. Nec equidem video in aqua, tam pellucida videlicet, quid possit aliud inesse, cui horum colorum causa possit cum ulla veri similitudine attribui; præter varias fluidarum ipsius & globosarum particularum magnitudines.

PROPOSITIO VI.

Corporum partes, ex quibus colores ipsorum pendent, densiores sunt quam medium, quod intervalla earum permeat.

Apparet hoc ex eo, quod color cujusvis corporis pendet non modo ex illis radiis, qui ad perpendicularum in partes ejus incidunt; verum ex illis etiam, qui aliis omnibus angulis in easdem incidunt. Nam ejusmodi quidem color reflexus: si utique corpus sive particula tenuis, rarior esset quam medium circumjectum; quavis scilicet vel exigua obliquitatis mutatione, (secundum 7^{am} observationem) immutaretur & ipse: adeo ut istiusmodi particula, in diversis radiorum incidentium obliquitatibus, colores prorsus omnes reflexura foret, tanta sane varietate, ut color oriturus de-
mum

mum unus ex omnibus illis, confuse nimirum ex acervo istiusmodi particularum reflexis, deberet potius albus aut leucophæus esse quam alius ullus color, aut saltem valde imperfectus esse ac nubilus. Atqui e contrario; si corpus siue particula tenuis, multo densior sit quam medium circumjectum; jam colores (secundum 19^{am} observationem) adeo parum immutabuntur variatione obliquitatis, ut radii qui reflectuntur minus oblique, prævalere inter cæteros ac dominari queant in tantum, ut totum istiusmodi particularum acervum suo colore saturate infectum exhibere possint.

Porro, ad confirmandam hanc propositionem confert nonnihil & illud; quod, ex 22^{da} observatione, colores quos exhibet corpus tenue densius in rariori conclusum; floridiores sint quam quos exhibet rarius conclusum in densiori.

PROPOSITIO VII.

Magnitudo partium, ex quibus corpora naturalia constant, quæ sit, ex coloribus ipsorum conjici potest.

ETenim cum partes horum corporum, per prop. 5, eosdem, (uti veri quidem simillimum est) colores exhibeant, ac lamella pari crassitudine, modo eadem utræque sint densitate refractiva; habeant autem hæ partes, uti multis quidem ex rebus facillime colligi videtur, densitatem plerunque fere eandem, ac aqua aut vitrum; utique magnitudines ipsarum definiri poterunt ex tabulis præmissis, in quibus, qua crassitudine quemvis colorem exhibeat aqua aut vitrum, expressum habes. Exempli gratia: Si quæratür quanta sit diametro particula cujusvis corporis, quæ, si vitro par sit densitate, reflectat colorem viridem tertii ordinis; ostendit numerus $16\frac{1}{4}$, esse eam $\frac{16\frac{1}{4}}{1000000}$ partes unciaë.

Tota hujus rei difficultas in eo fere posita est, cujusnam ordinis censendus sit corporis alicujus color. Id au-

tem ut inveniamus, recurrendum erit ad observationes 4^{am} & 18^{am}; unde colligi poterunt hæ, quæ sequuntur, conclusiones.

Colores coccinei, alique rubri, item aurei & flavi, si puri sint & largi, erunt (uti vero quidem simillimum est) secundi ordinis. Qui sunt primi & tertii ordinis, poterunt etiam satis esse boni; nisi quod flavus primi ordinis, sit languidus; & aureus ac ruber tertii ordinis, permultum sibi admixtum habeant violacei ac cærulei.

Colores virides poterunt esse boni, quarti ordinis; at qui tertii sunt ordinis, erunt purissimi. Atque hujus quidem ordinis esse videtur color herbidus omnium plantarum: partim, quia colores ipsarum largi sunt ac saturi; partim quia ipsæ, cum marcescunt, convertunt se aliæ in colorem flavum subviridem, aliæ in flavum clariorem, vel aureum, vel etiam rubrum, intervenientibus nimirum coloribus omnibus intermediis ante dictis. Quæ utique mutationes effici videntur exhalatione succi; unde videlicet particulæ coloratæ, densiores potuerint esse factæ, atque etiam auctæ nonnihil accretione oleosarum atque terrestrium partium succi. Jam vero color viridis plantarum, sine dubio ejusdem est ordinis, ac colores illi in quos ipse se immutat; quia mutationes cæ fiunt gradatim. Colores autem isti, quamvis plerunque non admodum saturi, saturiores tamen sæpe floridioresque sunt, quam ut quarti possint ordinis esse.

Colores cærulei & purpurei, poterunt esse vel secundi vel tertii ordinis; at purissimi qui sunt, ordinis erunt tertii. Exempli gratia: Color violarum, ejus videtur esse ordinis; quia illarum syrupus, admixtione liquorum acidorum, convertit se in colorem rubrum; urinosorum autem vel alkalizatorum, in viridem. Etenim, cum corporum acidorum sit, dissolvere sive extenuare; alkalizatorum autem, præcipitare sive incrassare; utique si color purpureus hujus syrupi esset secundi ordinis, jam futurum esset ut liquor acidus, extenuando particulas ejus coloratas, converteret eum
in

in colorem rubrum primi ordinis; alkalizatus autem, incraffando particulas ejus, converteret eum in colorem viridem secundi ordinis: at enim istorum ordinum colores ruber & viridis, præsertim viridis, minus perfecti esse videntur, quam sunt colores hisce mutationibus producti. Jam vero igitur, si color ille purpureus ponatur tertii esse ordinis; mutatio ipsius in rubrum secundi ordinis, & viridem tertii, satis commode poterit existimari.

Siquod reperiatur corpus colore purpureo saturiori & minus rubescente, quam violarum; verisimillimum est, ejus colorem secundi esse ordinis. Veruntamen, quoniam nulum corpus est vulgo notum, cujus color sit perpetuo saturior, quam illarum; visum est mihi vocabulo a violis deducto, significare colores purpureos saturatissimos minimeque omnium rubescentes, quamvis ii super ipsarum violarum colorem manifesto excellant puritate.

Color cæruleus primi ordinis, quamvis languidus admodum & exiguus, poterit tamen in aliquibus fortasse corporibus se exhibere; nominatim, color cæruleus cœli sereni, hujus ordinis esse videtur. Etenim vapores omnes, cum condensari & in exiguas particulas coalescere incipiunt, ea primum fiunt magnitudine, qua istiusmodi color cæruleus reflecti debeat; antequam se in nubes, quæ sint aliis coloribus, induere possint. Ac proinde color iste, cum sit primus quem vapores reflectere incipiunt, debet utique cœli esse color fudi ac serenissimi; in quo scilicet vapores nondum eo excreverint crassitudinis, ut colores alios reflectere queant: id quod re comprobatur experientia.

Albor, si clarissimus sit ac luminosissimus, primi erit ordinis; si minus fortis & luminosus, mixtura erit colorum omnium ordinum: Hujus posterioris generis est albitudo spumæ, chartæ, linteorum, & plurimorum corporum alborum: prioris esse generis existimo metalla alba. Etenim cum aurum, metallorum omnium densissimum, si in bracteas ductum sit, pelluceat; metallaque omnia, si in

menstruis dissoluta sint vel vitrificata, itidem pelluceant; utique opacitas metallorum alborum, non oritur ex densitate eorum sola. Futurum omnino sane esset, ut hæc metalla, cum sint auro minus densa, forent itidem magis pellucida; nisi ad ea opacanda conspiraret insuper, cum densitate ipsorum, alia quædam causa. Eam autem causam existimo esse particularum suarum magnitudinem talem, qua illæ ad alborem primi ordinis reflectendum aptæ sint factæ. Etenim siquo forte pacto acciderit, ut illæ aliis factæ sint magnitudinibus; poterunt & alios colores reflectere. Id quod evincunt colores, qui nonnunquam in candefacto chalybe inter temperandum apparent, & nonnunquam etiam in superficie metallorum fusorum sese exhibent, nempe in scoria sive cuticula illa, quæ metallis inter frigefaciendum adnascitur. Præterea autem, ut albor primi ordinis, fortissimus est qui corporum pellucidorum lamellis reflecti possit; ita fortior esse debet in densiori materia metallorum, quam in rariori aeris, aquæ, & vitri. Nec equidem quicquam video, quin corpuscula metallica ea crassitudine, qua albori primi ordinis reflectendo apta sint, possint, propter magnam suam densitatem, (secundum proportionem primæ propositionis,) lumen id omne quod sibi inciderit reflectere, eoque tam opaca tamque splendentia fieri, ut nihil possit supra. Utique aurum ipsum, vel cuprum; admixto argento, vel stanno, vel regulo antimonii, infra portionem dimidiam pondo, fusum; vel amalgamatum, ut loquuntur, cum argenti vivi paululo, album fit. Ex quo apparet, & particulas metallorum alborum multo plus habere superficiei, adeoque exiguiore esse, quam auri vel cupri; itemque eas tam esse opacas, ut particulas auri vel cupri trans se interlucere non permittant. Jam quidem colores auri & cupri, quin secundi sint ordinis tertiæ, dubitari haud potest: fieri itaque nequit, ut particula metallorum alborum multo sint majores, quam necessarium est quo eæ alborem

alborem primi ordinis reflectere possint. Ne multo sint majores, evincit quidem ipsa argenti vivi natura admodum volatilis: neque vero, e contrario, multo minores tamen esse debebunt; ne opacitatem suam amittant; & vel pellucidæ fiant: ut quum vitrificando aut in menstuis dissolvendo extenuatæ fuerint; vel nigræ evadant; ut quum comminutæ fuerint, atterendo nimirum argentum vel stannum vel plumbum aliis quibuscumque corporibus ad lineas nigras inducendas. Utrique primus & solus color, quem metalla alba comminutione particularum suarum induunt, est nigror: ac proinde albor ipsorum is esse debet, qui confinis est maculæ nigræ in centro annulorum coloratorum; hoc est, albor primi ordinis. Veruntamen si hinc colligere velis, quanta sit particularum metallicarum magnitudo; habenda erit ratio densitatis ipsarum. Etenim si argentum vivum pellucidum esset; densitas ejus tanta est, ut sinus incidentiæ in id, (quomodo ego quidem calculum posui) foret ad sinum refractionis suæ, ut 71 ad 20, vel 7 ad 2. Quamobrem particulæ ejus, quo colores eosdem ac aquæ bullæ exhibere queant, debent esse minus crassæ quam cuticula istarum bullarum, eâ proportionem quæ est 2 ad 7. Unde fieri sane potest, ut particulæ argenti vivi prorsus tam sint exiguæ, quam particulæ liquorum quorundam volatilium pellucidorum; & tamen alborem primi ordinis reflectant.

Denique, ad nigrorem exhibendum, particulæ adhuc minores esse debent omnibus illis, quæ colores cujuscunque modi exhibent. Nam particulæ omnes majusculæ, plus reflectunt luminis, quam ut nigræ possint videri. Verum si paululo minores esse ponantur, quam satis sit ad reflectendum album & cæruleum languidum primi ordinis; jam, ex observationibus 4^{ta}, 8^{va}, 17^{ma}, & 18^{va}, reflectent tam pusillum luminis, ut & valde nigræ appareant, & tamen lumen varie refringant fortasse intra se usque eo, donec id restinguatur penitus & intercitat; quo pacto ipsæ in omnibus

omnibus oculi positionibus nigræ, sine ulla pelluciditate, videantur. Atque hinc quidem intelligi potest qui fiat, ut ignis, &, adhuc subtilior illa rerum dissolutrix, putredo, utique dividendo particulas corporum, nigra omnia efficiant: item exiguæ admodum corporum nigrorum portiones corpora alia, ad quæ applicentur, colore nigro facillime & copiose inficiant; minutissimis nimirum horum corporum particulis, quæ est ingens earum multitudo, facillime se in crassiores aliorum corporum particulas superinducantibus: item vitrum cum arena super lamina cuprea enixius attritum, usquedum id perpolitum fiat; reddat & arenam, & simul intertrimentum vitri ac cupri, valde nigra: item corpora nigra, in lumine Solis, omnium facillime calefiant & comburantur, (qui quidem effectus partim ex multitudine refractionum in angusto spatio factarum, partim ex faciliori particularum tam exiguarum commotione, oriri potest;) & denique qui fiat, ut corpora nigra plerunque ad colorem subcæruleum accedant aliquantum; (id enim revera ita se habere, apparere poterit ex eo, quod charta alba, illuminata lumine a corporibus nigris reflexo, colore albo subcæruleo plerunque videatur:) hoc autem inde fit, quod nigror confinis sit cæruleo obscuro primi ordinis in observatione 18^{va} descripto; ac proinde plures radios qui sint illo, quam alio ullo colore, reflectat.

In hisce descriptionibus, res singulatim & enucleatius expendere volui; propterea quod fieri forte poterit aliquando, (si non etiam nunc quadantenus id effectum sit) ut microscopia eo perfectionis perducantur, ut discerni in illis queant particulae corporum eæ, ex quibus colores ipsorum pendeant. Etenim si microscopia vel jam sunt, vel posthac poterunt esse eo perfectionis perducta, ut corpora objecta satis distincte repræsentare queant quingentis vel sexcentis partibus ampliora, quam quanta nudis oculis, intervallo pedis unius objecta, apparere solent; equidem sperem futurum, ut gran-

grandiores particularum illarum, ex quibus colores corporum pendent, discernere possimus. Quinimo si construi queat microscopium, quod corpora objecta ad ter vel quater milles vero ampliora exhibeat; possint fortasse ex omnes oculis cerni particulae, exceptis quae nigrorem efficiant. Interea nihil video ullius quidem momenti in hac materia, quod in dubium juste vocari queat; nisi id forte dubitationem aliquam habere videatur, quod statuerim particulas pellucidas; quae eadem crassitudine & densitate sint ac tenuis lamella, exhibere utique & eisdem colores. Jam vero hoc laxè quodammodo accipi velim; tum quia particulae istae possunt figuris esse irregularibus, multique radii oblique in eas incidunt necesse est, adeoque per eas breviori trajectu, quam secundum diametros ipsarum, transmitti debeant; tum quia medii intra istiusmodi particulas coarctati & undique anguste contenti, motus fortasse aliaeque qualitates, ex quibus reflexio pendeat, coarctatione illa immutari possunt nonnihil. Et tamen hanc posteriorem causam non equidem multum suspicari possum; cum observaverim parvas quasdam lamellas lapidis specularis, quae aequabili essent crassitudine, per microscopium inspectas, colorem eundem a marginibus & angulis suis, ubi inclusum medium terminabatur, ac in aliis sui partibus exhibuisse. Verum, utcunque id sit, permultum nobis ad dubitationem omnem tollendam conferet, si particulae jam dictae microscopiis tandem discerni queant. Quod fieri si poterit aliquando, metuo equidem ut unquam sensus videndi possit inde ulterius penetrare. Videtur enim fieri nullo modo posse, ut cernamus secretiora & nobiliora opera naturae intra ipsas particulas; utique propter nimiam pelluciditatem lumen omne in interioribus sui partibus transmittentes.

PROPOSITIO VIII.

Reflexionis causa, non attribuenda est impactioni luminis in partes corporum solidas sive impervias; quomodo usque antehac creditum fuit.

Apparebit hoc ex sequentibus considerationibus. Primo, In transmissu luminis e vitro in aerem, reflexio fit æque fortis, ac in transmissu ejus ex aere in vitrum; imo vero, fortior aliquanto; multoque etiam adhuc fortior, quam in transmissu ejus e vitro in aquam. Jam quidem aerem partes lumini fortius reflectendo aptas, quam aquam aut vitrum, habere; id vero nullam habet similitudinem veri. Neque tamen, si illud ipsum fingi utique posset, quicquam omnino inde porro conficeretur. Nam quum aer omnis submotus sit a posteriore vitri superficie, (puta in machina pneumatica, ab *Ottone Guericke* inventa, & a nostrate D. *Boyle* ad majorem utilitatem perfecta;) reflexio tamen fit æque fortis, vel etiam fortior aliquanto, quam antequam is submoveretur.

Secundo, Si lumen inter transeundum e vitro in aerem, incidat obliquius quam in angulo graduum 40 vel 41, reflectitur id in totum; sin incidat minus oblique, transmittitur utique maximam partem. Jam quidem animo & cogitatione fingi non potest; lumen, uno quodam obliquitatis gradu, satis quidem multos in aere offendere posse meatus, per quos id maximam plane partem transmittatur; & tamen alio obliquitatis gradu, prorsus in nil nisi partes solidas incurrere, quibus id totum reflectatur: præsertim cum in transeundo quidem contra ex aere in vitrum, quantumvis oblique id incidat, inveniat tamen in vitro satis multos meatus, per quos magna ex parte transmittatur. Siquis porro hic illud sibi fingere volet; lumen non utique ab aere, sed ab extremis vitri partibus, in ipsa superficie ejus
fitis,

fitis, reflecti; difficultas tamen eadem manebit: præterquam quod ea suppositio neque intellectu capi potest, atque etiam plane falsa esse insuper apparebit, si aqua modo, loco aeris, post vitrum aliqua in parte apponatur. Etenim eo pacto; quum idonea sit facta obliquitas radiorum, puta graduum 45 vel 46, qua nimirum ii reflectantur omnes illo in loco, ubi aer vitro adjaceat; utique transmittentur magnam quidem partem altero in loco, ubi vitro adjaceat aqua. Ex quo apparet, reflexionem vel transmissum radiorum, non ex impactione ipsorum in partes vitri, sed ex constitutione aeris & aquæ post vitrum jacentis, pendere.

Tertio, Si colores, quos radius luminis per prisma ad foramen in cubiculo tenebricoso positum trajectus exhibeat, incidant deinceps suo quisque ordine in aliud prisma majori interjecto intervallo ita collocatum, ut id eos omnes consimili obliquitate excipiat; utique secundi illius prismatis ad radios sibi incidentes ea poterit esse facta inclinatio, ut radii cærulei inde reflectantur universi, & tamen rubri (eadem plane obliquitate incidentes) satis copiose transmittantur. Jam, si reflexio efficiatur impactione radiorum in partes aeris aut vitri; id mihi exinde ostendas velim, qui fiat ut, cum radii omnes una eademque obliquitate incidere ponantur; cærulei quidem se in partes istas impingant universi, adeoque omnes reflectantur; & tamen rubri eodem loci in satis multos meatus incurrant, quo transmittantur plurimi.

Quarto, Ubi duo vitra se contingunt inter se; nulla fit reflexio, quæ quidem sensu percipi possit; uti in prima observatione dictum est. Et tamen nihil causæ video, quominus radii impingere se debeant perinde in partes vitri vitro contiguas, ac contiguas æri.

Quinto, Cum summitas bullæ aquæ, (in 17^{ma} observatione,) continua subsidentia & exhalatione aquæ, valde tenuis erat facta; lumen perexiguum adeo, & sub sensum vix cadens, inde reflectebatur, ut ea valde nigra appareret;

quanquam eodem quidem tempore, in partibus circumcirca maculae isti nigrae adjacentibus, ubi videlicet crassior erat aqua, reflexio adeo fortis erat, ut aquam valde albam exhiberet. Neque vero in minima solummodo crassitudine; verum etiam in aliis permultis tenuium laminarum vel bullarum crassitudinibus continua proportione excrecentibus, abest omnis sensibilis reflexio: nam in observatione 15^{ta} radii uno eodemque colore, transmittantur in una crassitudine, & in alia reflectantur, per innumerabiles vices alternas. Attamen in superficie corporis tenuis, qua parte id unius cujusvis sit crassitudinis, omnino nihilo pauciores sunt partes in quas radii se impingant, quam qua parte id alia quavis sit crassitudine.

Sexto, Si reflexio efficeretur impactione radiorum in ipsas partes corporum; utique nullo pacto fieri posset, ut tenues laminae vel bullae una eademque sui parte reflecterent radios uno colore, & transmitterent radios alio colore; quomodo faciunt in observationibus 13^{ta} & 15^{ta}. Neque enim ullo modo concipi aut fingi potest, casu & fortuito ita evenire posse, ut alio in loco radii caerulei (exempli gratia) in ipsas corporis partes se impingant, & rubri omnes incurrant in meatum; alio autem in loco, ubi corpus vel paulo crassius vel paulo tenuius fuerit, jam e contrario radii caerulei incurrant in meatum ejus, rubri autem impingant se in ipsas partes.

Denique, Si radii luminis reflecterentur impingendo se in solidas corporum partes; reflexiones eorum a politis corporum superficiebus, non possent esse tam accuratae tamque ad certam normam directae, quam reapse sunt. Etenim quum vitrum arena, vel stanno usto, vel pulvere Samio politur; existimari utique non potest, corpora ea, perfri-cando & atterendo vitrum, efficere posse ut minimae ipsius particulae accurate laeves & perpolitae fiant universae; adeo ut superficies earum omnes, vere sint planae, aut vere sphaericae, eodemque omnes spectent, unamque omnes plane aquabili-

lem constituent superficiem. Quanto minores erunt particulae pulverum istorum; tanto minores quidem esse debent rasurae, quibus ii vitrum perpetuo interrudent & atterent, usquedum id expolitum sit: verum, quantumvis exiguae illae fuerint, non poterunt tamen vitri faciem alia ulla ratione complanare & coaequare, quam deterendo id & deradendo, & partes ejus prominentes defricando; adeo ut perpolire vitrum, nihil aliud sit nisi asperitatem ejus eatenus adradendo minuere & laevigare, quoad rasurae in superficie ipsius minutiores sint factae, quam ut oculis cerni queant. Quare, si lumen reflecteretur impingendo se in solidas partes vitri; utique dispergi deberet id quaquaversum a vitro accuratissime perpolito, aequae ac ab asperrimo. Manet itaque quaestio illa, nondum plane expedita; qui fiat ut vitrum pulveribus adradentibus expolitum, tamen lumen tam ad certam normam reflectat, quam revera facit. Atque haec quidem quaestio non videtur aliter expediri posse, quam si dicamus radii cujusvis reflexionem effici, non utique ab uno corporis reflectentis puncto, sed vi aliqua per totam corporis superficiem aequabiliter diffusa; qua nimirum id in radium ita agat, ut tamen illum non contingat immediate. Nam corporum partes, interjecto licet aliquo intervallo, agere tamen in radios luminis; id vero deinceps ostendetur.

Jam autem, si luminis reflexionis causa, non impactioni radiorum in solidas corporum partes, sed alii alicui rei tribuenda est; erit porro illud exinde verisimillimum, qui radii impingant se in solidas corporum partes, utique non reflecti eos, sed restingui intra ipsa corpora & intercideren penitus. Alioqui enim duo nobis essent fingenda reflexionis genera. Et vero, si reflecterentur radii, quotquot se in interiores aquae vel crystalli pellucidae particulas impingant; forent sane corpora ista, non pellucida plane, sed colore nubilo ac eluto. Porro, quo corpora videantur nigra, necesse est ut permulti radii intercipientur, restinguantur,

& intra ipsa intercidant; veri autem non videtur simile, radiorum ullos restringi & intercidere posse, nisi qui in ipsas corporum partes sese impingant.

Atque hinc quidem id insuper intelligi potest; corpora multo esse rariora, multoque plures intra se meatus habere, quam vulgo existimatur. Utique aqua 19 partibus levior est, & consequenter 19 partibus rarior, quam aurum. Aurum autem ipsum tam est rarum, ut & facillime nulloque objecto impedimento effluvia magnetica per se transmittat, & argentum vivum facile in meatus suos recipiat, & ipsam etiam aquam per se transmittat. Nam globus ex auro concavus, aqua repletus, ac probe ferruminatus, & deinceps magna vi compressus, exsudavit aquam, (uti ex teste oculato quidem accepi,) & innumeris guttulis exiguis tanquam rorulentus undique stillavit; tametsi aurum ipsum interea nihil omnino rimæ egerit. Ex quibus omnibus efficitur, ut aurum plus habeat meatuum inter partes suas solidas, quam partium solidarum quibus meatus interjacent; & consequenter spatium vacuum in meatibus aquæ, spatium partibus solidis occupatum amplius quadragies superet. Et quicumque hypothesein aliquam excogitaverit, qua aqua tam queat rara esse, nec tamen ulla vi comprimi possit; poterit is sane, ex eadem hypothesei, aurum & aquam, aliaque omnia corpora, tanto adhuc rariora, quantum sibi ipsi libuerit, effingere. Adeo ut jam satis admodum sit spatii in corporibus omnibus pellucidis, qua lumen transitum sibi per ea liberum atque apertum reperiat.

Magnes virtutem qua in ferrum agit, sine ulla diminutione aut alteratione, integram transmittit per corpora omnia non magnetica, nec candentia; ut aurum, argentum, plumbum, vitrum, aquam. Vis gravitans Solis, transmittitur integra per ingentia planetarum corpora; ita ut eadem vi eisdemque legibus, ad ipsa usque centra, in omnes eorum partes agat, ac si partes

tes illæ interiores reliquo planetæ corpore non essent circumdatæ. Et radii luminis, sive sint illi exigua projecta corpuscula, sive motus solummodo vel vis aliqua propagata, moventur in lineis rectis; radiusque, cum semel, cujusvis rei oppositu, de via deflectatur, nunquam iterum, nisi forte casu aliquo, in eandem lineam rectam reverti poterit: attamen lumen per solida corpora pellucida in lineis rectis ad longa usque intervalla transmittitur. Qui fieri queat, ut corpora satis habeant meatuum ad hos effectus obtinendos, difficile quidem est conceptu; at nequaquam impossibile. Etenim, ut supra expositum est, colores corporum oriuntur ex eo, quod particulæ ipsorum reflectentes, certis sint magnitudinibus. Jam si particulas istas ita dispositas concipiamus, ut inter eas tantum intervallorum sive meatuum interjaceat, quantum sint ipsæ particulæ; ipsasque porro ita ex aliis multo minoribus particulis compositas esse, ut minores illæ particulæ habeant & ipsæ interjectum sibi meatuum tantum, quantum sunt ipsæ particulæ; hasque ipsas similiter, ita ex aliis multo adhuc minoribus particulis compositas esse, ut illæ adhuc minores particulæ habeant & ipsæ interjectum sibi meatuum tantum, quantum sunt ipsæ particulæ; & sic deinceps, donec ad solidas demum particulas deveniatur, quæ nullos omnino habeant in se meatus: sintque in aliquo corpore tres, puta, hujusmodi particularum gradus; quorum ultimus sit earum, quæ minimæ sint & plane solidæ: utique id corpus septies tantum habebit meatuum, quam quantum partium solidarum. Quod si quatuor hujusmodi fuerint particularum gradus, quorum ultimus sit minimarum & plane solidarum; jam corpus decies & quinquies tantum habebit meatuum, quam quantum partium solidarum. Si quinque fuerint particularum gradus; corpus tricies & semel tantum habebit meatuum, quam quantum partium solidarum. Si sex gradus; corpus sexages & ter tantum habebit meatuum, quam quan-

quantum partium solidarum : & sic deinceps. Quin etiam aliæ adhuc esse possunt in interiori corporum fabricatione nobis nondum cognita rationes, quibus effici quea ut multo etiam adhuc plus meatuum in corporibus inesse possit.

PROPOSITIO IX.

Corpora reflectunt & refringunt lumen una eademque vi, diverse in diversis circumstantiis se exerente.

Apparet hoc permultis ex rebus. Primo, Quia cum lumen e vitro in aerem qua possit summa cum obliquitate transit; si jam deinceps paulo adhuc obliquius incidat, reflectitur continuo in totum. Etenim vitri vis, postquam refrigerit lumen quam potuerit obliquissime; si id deinceps adhuc obliquius incidat, fortior exinde evadet, quam ut radiorum ullos transire permittat; & consequenter reflectit eos ex toto. Secundo, Quia lumen in tenuibus vitri lamellis reflectitur per multas vices & transmittitur alternis, pro eo ac crassitudo lamellæ in progressionem arithmetica excrescat. Hic enim, utrum vis qua vitrum in lumen agit, efficiat ut id reflectatur, an vero ut transmittatur permittat; pendet utique ex crassitudine vitri. Tertio denique, Quia quæ corporum pellucidorum superficies vim refringentem maximam habent, eæ itidem plurimum luminis reflectunt; quomodo in prima propositione ostensum est.

PROPOSITIO X.

Si lumen celerius sit in corporibus quam in inani, ea proportionem, quæ est sinuum qui corporum refractionem metiuntur; erunt utique vires corporum ad reflectendum & refringendum lumen, proportionales corporum ipsorum densitatibus quamproxime; excepto quod corpora unctuosæ & sulphureæ, refringant plus quam alia corpora, quæ sint eadem densitate.

Representet AB , [Fig. 8.] corporis cujusvis superficiem planam refringentem; & IC , radium incidentem ei in C valde oblique; adeo ut angulus ACI sit quasi infinite parvus; & esto CR radius refractus. Tum a dato puncto B , demitte lineam refringenti superfici ei perpendicularem BR , quæ radio refracto CR occurrat in R . Jamque si CR repræsentet motum radii refracti; iste autem motus distinguatur in binos motus CB & BR , quorum quidem CB parallelus sit plano refringenti, BR autem eidem perpendicularis; utique CB repræsentabit motum incidentis radii, BR autem motum refractione generatum; sicuti exposuerunt nuperi de re optica scriptores. TAB. II.

Jam siquod corpus, vel res quæcunque, interea dum movetur per spatium datæ latitudinis duobusque planis inter se parallelis utrinque terminatum, urgeatur prorsum in omnibus partibus istius spatii, viribus directo versus posterius planum tendentibus; & antequam incideret in prius planum, motu vel nullo vel infinite parvo fuerit eo versus delatum: sique vires in omnibus partibus istius spatii inter bina plana jacentibus, sint, in æqualibus quidem intervallis ab istis planis, æquales inter se; in inæqualibus autem intervallis, majores vel minores secundum quamlibet datam proportionem: Utique motus viribus istis generatus in toto transitu corporis vel rei antedictæ per id spatium, erit in subduplicata proportionem virium; ut mathematici facile

D d

quidem

quidem intelligent. Quamobrem si spatium activitatis refringentis superficiei cujusvis corporis, sit nimirum illud spatium; debet motus radii luminis, generatus vi refringente corporis inter transitum radii per id spatium, hoc est motus BR , esse in subduplicata proportionem istius vis refringentis. Erit itaque quadratum lineæ BR , & consequenter vis refringens corporis, ut densitas ipsius corporis quamproxime. Hoc autem apparebit ex sequenti tabula: in qua proportio sinuum, qui diversorum corporum refractiones metiuntur; quadratum lineæ BR , posito quod CB sit 1; densitates corporum, ex specifica ipsorum gravitate æstimatæ; eorumque vis refractiva, respectu densitatum suarum; in diversis columnis descripta sunt.

Corpora refringen- tia.	Proportio sinu- um inciden- tiæ & refra- ctionis lumi- nis flavi.	Quadratum lineæ BR, cui propor- tionalis ef- vis refrin- gens corpe- ris.	Densi- tas & specifi- ca gra- vitas corpo- ris.	Vis re- fringens corpo- ris, res- pectu densita- tis suæ.
Pseudo-topazius, lapis naturalis, pellucidus, fra- gilis, hirsutus, & coloris flavi.	23 ad 14	1'699	4'27	3979
Aer.	3201 ad 3200	0'000625	0'0012	5208
Vitrum antimonii.	17 ad 9	2'568	5'28	4864
Selenites.	61 ad 41	1'213	2'252	5386
Vitrum commune.	31 ad 20	1'4025	2'58	5436
CrySTALLUS de rupe.	25 ad 16	1'445	2'65	5450
CrySTALLUS Islandica.	5 ad 3	1'778	2'72	6536
Sal Gemmæ.	17 ad 11	1'388	2'143	6477
Alumen.	35 ad 24	1'1267	1'714	6570
Borax.	22 ad 15	1'1511	1'714	6716
Nitrum.	32 ad 21	1'345	1'9	7079
Vitriol. Dantzicū.	303 ad 200	1'295	1'715	7551
Oleum vitrioli.	10 ad 7	1'041	1'7	6124
Aqua pluvia.	529 ad 396	0'7845	1.	7845
Gummi arabicum.	31 ad 21	1'179	1'375	8574
Spiritus vini recti- ficatus.	100 ad 73	0'8765	0'866	10121
Camphora.	3 ad 2	1'25	0'996	12551
Olivum.	22 ad 15	1'1511	0'913	12607
Oleum ex lini se- mine.	40 ad 27	1'1948	0'932	12819
Spiritus resinæ tere- binthinæ.	25 ad 17	1'1626	0'874	13222
Electrum.	14 ad 9	1'42	1'04	13654
Adamas.	100 ad 41	4'949	3'4	14556

Refractio aeris in hac tabula, est refractio atmosphæaræ ab Astronomis observata. Nam si lumen transeat per multa refringentia corpora, sive media, gradatim invicem densiora, & superficiebus inter se parallelis terminata; utique summa omnium refractionum, æqualis erit uni refractioni ei, quæ esset futura luminis immediate e primo medio in ultimum transeuntis. Hocque perinde verum erit; etiamsi corporum refringentium numerus adaugeatur infinite, eorumque distantia inter se tantundem minuantur, adeo ut lumen jam refringi fingatur in singulis trajectus sui punctis, continuisque illis refractionibus in lineam plane curvam inflectatur. Quamobrem tota refractio luminis inter transeundum per atmosphæram ab altissima & rarissima ejus parte ad usque infimam & densissimam, æqualis esse debet refractioni ei, quæ esset futura luminis simili obliquitate transeuntis immediate ex inani in aerem qui sit pari densitate ac infima pars atmosphæaræ.

Jam quidem ex hac tabula; si refractiones pseudo-topazii, selenitis, crystalli de rupe, crystalli Islandicæ, vitri communis, (hoc est, arenæ colliquefactæ,) & vitri antimonii, (quæ sunt concreta terrestria, lapidea, alcalizata;) atque aeris, (qui, ut probabile est, generatur fermentatione ex istiusmodi corporibus;) comparentur inter se: apparebit corpora ista, quamvis densitate valde inter se differentia, tamen vires habere refractivas eadem fere proportionem inter se, ac ipsas densitates suas; (excepto quod refractio miræ illius substantiæ, crystalli Islandicæ, paulo major sit quam reliquorum:) & nominatim aerem, qui est 3500 partibus rarior quam pseudo-topazius, & 4400 partibus rarior quam vitrum antimonii, & 2000 partibus rarior quam selenitis, vitrum commune, aut crystallus de rupe; non obstante tanta illa raritate, vim tamen refractivam, proportionem quidem densitatis suæ, eandem plane habere, ac habent sibi illæ valde densæ substantiæ; excepto quatenus istæ quidem differant inter se.

Rursum,

Rursum, si refractiones camphoræ, olivi, olei ex lini semine, spiritus resinæ terebinthinæ, & electri, (quæ sunt corpora pingua, sulphurea, unctiosa;) atque adamantis, (qui, ut probabile est, substantia est unctiosa coagulata,) comparentur itidem inter se: apparebit similiter hæc quoque corpora vires habere refractivas eadem fere proportionem inter se, ac ipsas densitates suas; sine ulla quidem variatione notatu digna. At vero vires illæ refractivæ corporum horum omnium unctiosorum, pro suæ quidem cujusque densitatis ratione, duplo vel triplo majores sunt, quam vires refractivæ corporum antedictorum cum suis itidem singulorum densitatibus comparatæ.

Aqua vim refractivam intermediam quandam habet inter bina illa substantiarum genera; &, ut verisimile est, mediæ est inter utrumque naturæ. Nam ex ea quidem oritur plantarum omnium animaliumque materia; quæ constant tam ex partibus sulphureis, pinguibus, & flammæ concipiendæ aptis, quam ex terrestribus, macris, & alcalizatis.

Sales & vitriola vires refractivas intermedias habent, inter corporum terrestrium & aquæ; & perinde composita sunt ex duabus istis substantiis. Nam spiritus ipsorum distillando utique & rectificando, abeunt magnam partem in aquam; pars autem magna superest, specie ac forma terræ siccæ & fixæ & ad vitrificandum aptæ.

Spiritus vini vim refractivam mediam habet inter eam quæ est aquæ, & eam quæ est corporum oleorum; & perinde ex utrisque videtur compositus, fermentatione utique in unum conjunctis; aqua nimirum, ope spirituum quorundam salinorum quibus imbuta est, dissolvente oleum, idque per istam actionem volatizante. Etenim spiritus vini, flammæ concipiendæ aptus fit per partes suas oleosas; & distillatus sæpe ex sale tartari, fit singulis distillationibus magis magisque aquosus & phlegmatis plenus. Et chymici observant, herbas (ut lavendulam, rutam, majoranam, &c.) distillatas per se, ante fermentandum dare utique

olea sine spiritibus ardentibus; post fermentandum autem, spiritus ardentes sine oleis: ex quo apparet, oleum ipsarum converti in spiritum fermentatione. Præterea comperiunt chymiei, si olea herbis fermentantibus affundantur parva portione, distillare ea deinceps post fermentandum, specie ac forma spirituum.

Ita, ex tabula præcedente, videntur corpora omnia vires habere refractivas eadem aut fere eadem proportionem inter se, ac ipsas densitates suas; excepto quatenus particularum sulphurearum oleosarumque abundantia vel defectu, vis ea adaucta sit vel imminuta. Atque hinc quidem rationi videtur consentaneum, ut corporum omnium vis refractivæ causam, particulis suis sulphureis maxima sane ex parte, si non etiam in totum, attribuamus. Veri enim simillimum est, inesse in omnibus corporibus partes sulphureas; in aliis quidem majori portione, in aliis minori. Ut autem lumen vitro ustorio coactum, agit fortissime in corpora sulphurea, quo ea in ignem & flammam convertantur; sic, quando omnis quidem actio est reciproca, sulphura agere debent fortissime itidem in radios luminis. Nam actionem quidem, quæ est inter lumen & corpora, reciprocam esse, etiam vel hinc apparere poterit; quod, ut quodque corpus densissimum est, radiosque fortissime refringit & reflectit; ita ipsum in Sole æstivo, actione luminis refracti vel reflexi, itidem maxime calefiat.

Haftenus vim reflectendi & refringendi, quæ in corporibus inest, exposui; ostendique tenues pellucidas lamellas, fibras, ac particulas, pro sua cujusque crassitudine ac densitate, reflectere quidem radios diversorum generum, indeque varios colores exhibere; & consequenter, ad producendos omnes corporum naturalium colores, nihil utique aliud opus esse, nisi certas particularum suarum pellucen-
tium magnitudines ac densitates. Verum causa ac ratio efficiens, qua istæ lamellæ, fibræ, sive particulæ, pro sua quidem cujusque crassitudine ac densitate, reflectant eo pacto

paſto radios diverſorum generum; ea demum quæ ſit, nondum explicavi. Ut huic igitur rei deinceps explicandæ, & ſequenti hujus libri parti intelligendæ, viam porro ſternam; paucas amplius propoſitiones ſub finem hujus partis hic apponam. Quæ hætenus propoſitæ fuerunt, erant de corporum quidem natura; quæ ſequuntur deinceps, erunt de natura luminis: nam amborum quidem naturam probe intellectam oportet, antequam, actiones ipſorum mutuæ quibus ex cauſis pendeant, intelligi queat. Quoniam autem propoſitio proxime antecedens, pendebat de velocitate luminis; congruum erit ut incipiamus jam deinceps a propoſitione, quæ ſit de eadem adhuc luminis proprietate.

PROPOSITIO XI.

Lumen propagatur ſpatio temporis, a corporibus lucidis; impenditque in tranſitu ſuo de Sole in Terram, ad ſeptem circiter vel octo minuta.

Observavit hoc primus, *Roemerus*; deinde & alii; ope eclipſium Jovis ſatellitum. Iſtæ enim eclipſes, quum Terra inter Solem & Jovem interpoſita ſit, accidunt circiter ſeptem vel octo minutis citius; quam ſecundum tabulas accidere debent; quum autem Terra ſit ex adverſo Jovi ultra Solem oppoſita, tum illæ circiter ſeptem vel octo minutis tardius, quam ſecundum tabulas, accidunt: ea videlicet de cauſa, quod lumen ſatellitum in poſteriori caſu, ſpatium tota orbis magni diametro longius, quam in caſu priori, emetiatur. Poterunt quidem aliquæ inæqualitates temporis, ex orbium iſtorum ſatellitum excentricitatibus oriri; at vero eæ non poterunt in omnibus ſatellitibus, & in omnibus temporibus, reſpondere poſitioni & diſtantiæ Telluris a Sole. Præterea, medii quidem motus ſatellitum Jovis, celeriores ſunt inter deſcenſum ejus ab aphelio ſuo ad perihelium, quam inter aſcenſum
ejus

ejus in altera orbis sui parte: verum neque hæc inæqualitas quicquam omnino conjuncta est cum positione Terræ; ipsaque insuper, in tribus interioribus quidem satellitibus, minor est quam quæ sensu percipi queat, uti, ex gravitatis ipsorum theoria, posito calculo, comperi.

PROPOSITIO XII.

Omnis radius luminis in transmissu suo per quamlibet superficiem refringentem, nanciscitur constitutionem quandam seu dispositionem transitoriam, quæ in radii progressu æqualibus revertitur intervallis, efficitque ut is in singulis dispositionis istius accessibus, transmittatur facilius per superficiem refringentem proxime deinceps objectam; in singulis autem ejusdem intermissibus sive intervallis, reflectatur facilius ab ejusmodi superficie.

Apparet hoc ex observationibus 5^{ta}, 9^{na}, 12^{ma}, & 15^{ta}. Liquet enim ex istis observationibus, radios unius ejusdemque generis, in tenuem quamlibet & pellucidam lamellam æqualibus plane angulis incidentes, reflecti & transmitti alternis per multas vices, prout crassitudo lamellæ adaucta sit in progressionem arithmetica numerorum 0, 1, 2, 3, 4, 5, 6, 7, 8, &c. Adeo ut, si prima reflexio (qua nimirum annulorum coloratorum ibi descriptorum primus sive intimus efficitur) fiat in crassitudine 1, futurum sit ut radii transmittantur in crassitudinibus 0, 2, 4, 6, 8, 10, 12, &c.; eoque pacto maculam centram annulosque lucidos per transmissionem visos conforment: reflectantur autem in crassitudinibus 1, 3, 5, 7, 9, 11, &c. eoque pacto effingant annulos per reflexionem visos. Atque hæc quidem alterna reflexio ac transmissio, quomodo ex 24^{ta} quidem observatione collegi, amplius centenarum vices adimplent. Immo, ex observationibus in sequenti parte hujus

hujus libri describendis, vices suas alternant ad plura milia; propagatæ nimirum ab una superficie laminæ vitreæ ad alteram, quamvis crassitudo ejus sit amplius $\frac{1}{4}$ uncia: adeo ut vices hæ alternæ, revera in omnem distantiam, sine fine aut limite, ab omni superficie refringente, propagari videantur.

Pendet hæc alterna reflexio ac refraction, ab utraque superficie cujusque tenuis lamellæ; pendet enim ex distantia ipsarum inter se. Item in observatione 21^{ma}, si alterutra superficies tenuis lamellæ lapidis specularis madefiat; colores alterna reflexione ac refractione exhibiti, languescunt continuo; ac proinde reflexio illa & refraction alterna, pendet ex ambabus superficiebus.

Atque hinc porro consequens est, effici eam in secunda superficie. Si enim in prima superficie efficeretur, antequam radii ad secundam pervenirent; utique non penderet ex secunda.

Adhæc, pendet quodam modo ex actione vel dispositione aliqua, propagata a prima superficie ad secundam: alioqui enim, jam in secunda superficie, non penderet ex prima. Ea autem actio sive dispositio ita propagatur, ut æquis perpetuo intermittat & revertatur intervallis: efficit enim in omni progressu suo, ut radius, certa interjecta distantia a prima superficie, reflectatur ex secunda; alia autem interjecta distantia, transmittatur: idque æqualibus intervallis, & per innumeras vices. Denique, quoniam hæc dispositio radii ita est comparata, ut is reflectatur in distantibus 1, 3, 5, 7, 9, &c.; transmittatur autem in distantibus 0, 2, 4, 6, 8, 10, &c.; (nam ejus transmissio per primam superficiem, fit in distantia 0; & transmittitur is per ambas quidem simul, si illarum distantia inter se sit infinite parva, vel etiam multo minor quam 1:) ideo dispositio ea, qua fit ut radius transmittatur in distantibus 2, 4, 6, 8, 10, &c. existimanda est reversio ejusdem dispositionis, quam habebat is initio in distantia 0, hoc est, cum transmitteretur per

E c

primam

primam superficiem refringentem. Quæ quidem omnia id efficiunt, quod erat mihi comprobandum.

Actio autem hæc sive dispositio, qualis tandem sit; utrum consistat in motu quodam circulatorio, an vibratorio, radii ipsius, vel etiam medii; an plane alia aliqua ex causa pendeat; in id vero ego hic non inquiero. Qui hoc in animum suum inducere non possunt; ut quicquam novi aut recens inventi accipiant, quod nequeant continuo hypothesi aliqua explicare; his in præsentia illud quidem sibi fingere licebit. Ut lapides in aquam incidentes, excitant in aqua motum quendam undulantem; & corpora omnia, percussu suo, vibrationes cient in aere: ita radios luminis, impingendo se in superficiem quamlibet refringentem vel reflectentem, excitare scilicet vibrationes quasdam in medio sive substantia refringente vel reflectente; easque excitando, agitare utique partes solidas corporis refringentis vel reflectentis; eoque pacto efficere, ut corpus id quodammodo incalcescat: porro, vibrationes hoc modo excitatas, propagari inde in medio sive substantia refringente vel reflectente, eodem fere modo ac vibrationes ad efficiendum sonum propagantur in aere; moverique eas velocius utique quam ipsos radios, adeo ut illos antevertant: cumque radius aliquis sit in ea videlicet vibrationis parte, quæ cum motu suo conspiret; tum eum per superficiem refringentem facile transmitti: cum autem sit in contraria vibrationis parte, quæ scilicet motui suo obsistat; tum eum facile reflecti: & consequenter radium unumquemque ita esse comparatum, ut, vibrationibus singulis eum prævertentibus; reflectatur is facilius, vel facilius transmittatur, vicibus alternis. Verum, utrum hæc hypothesis vera sit necne; in id, inquam, ego hic non inquiero. Satis habebo, illud ipsum jam invenisse; utique luminis radios ita esse comparatos, ut aliqua ex causa alternatim reflectantur facilius, & facilius refringantur, per multas vices.

DEFINITIO.

Accessus sive reversiones dispositionis istius; qua fit ut quilibet radius facilius reflectatur, appello ejus vices facilioris reflexionis: Reversiones autem dispositionis istius, qua fit ut idem facilis transmittatur, appello ejus vices facilioris transmissus. Et spatium quod inter singulas ejusdem vicis reversiones intercedit, appello intervallum vicium.

PROPOSITIO XIII.

Causa, quamobrem superficies corporum omnium crassorum pellucientium, luminis sibi incidentis partim reflectant, partim refringant, hac est; quod radiorum alii, quo tempore incidunt, sint in vicibus facilioris reflexionis; alii autem, in vicibus facilioris transmissus.

Colligi potest hoc ex 24^{ta} observatione; ubi lumen tenuibus aeris & vitri laminis reflexum, quod nudo oculo æquabiliter in totis laminis album fuerat visum, in eisdem tamen per prismata inspectis undulatum videbatur, & in permultos lucis ac tenebrarum ordines pro alternis facilioris reflexionis & facilioris transmissus vicibus digestum: prismate nimirum separante & distinguente undas, ex quibus compositum erat id album reflexum lumen; quomodo supra est explicatum.

Atque hinc quidem sequitur, lumen, etiam antequam in corpora pellucida incidat, vices suas habere facilioris reflexionis & facilioris transmissus. Utique verisimillimum est, id vices istas tum nancisci, cum e corporibus lucidis primum emittitur; illasque per totum suum progressum usque retinere. Sunt enim hæ vices natura sua durabiles; uti ex sequenti parte hujus libri amplius apparebit.

In hac propositione, pono corpora pellucida esse crassa: quoniam si crassitudo corporis multo sit minor, quam est

intervallum vicium facilioris reflexionis & facilioris transmissus radiorum; amittit id corpus vim suam reflectentem. Si enim radii, qui, cum in aliquod corpus ingrediuntur, subeunt vices suas facilioris transmissus, perveniant ad posteriorem corporis istius superficiem, antequam vices istas deponant; utique transmittantur oportebit. Atque ea quidem causa est, quamobrem bullæ aquæ, quum valde tenues factæ sint, vim suam reflectentem amittant; & corpora omnia opaca, quum in partes valde exiguas sint comminuta, pellucida evadant.

PROPOSITIO XIV.

Quæ corporum pellucentium superficies, radium qui sit in vice facilioris refractionis, refringunt fortissime; ea eundem, si sit in vice facilioris reflexionis, reflectunt facillime.

ETenim ostendimus supra, (in prop. 8.) causam reflexionis non utique impactionem esse luminis in partes corporum solidas & impervias, sed aliam aliquam vim qua istæ partes solidæ agunt in lumen, interjecto aliquo intervallo. Ostendimus quoque, (in prop. 9.) corpora reflectere & refringere lumen una eademque vi diverse in diversis circumstantiis se exerente: &, (in prop. 1.) quæ superficies refringunt fortissime, eas plurimum itidem luminis reflectere. Quæ quidem omnia conjuncta, & inter se collata, evincunt & comprobant, cum hancce propositionem, tum & præcedentem.

PROPOSITIO XV.

In radiis cujuscvis unius & ejusdem generis, emergentibus in quovis angulo e quavis refringente superficie, in quodvis unum idemque medium; intervalla sequentium vicium facilioris reflexionis & facilioris transmissus, sunt, vel accurate, vel quamproxime, ut rectangulum Secantis anguli refractionis, & Secantis alius cujusdam anguli, cujus sinus videlicet sit prima ex 106 arithmeticiis mediis proportionalibus inter sinus incidentiæ & refractionis, incipiendo a sinu refractionis.

Manifestum est hoc ex 7^{mi} & 19^{na} observationibus.

PROPOSITIO XVI.

In radiis diversorum generum, emergentibus in equalibus angulis e quavis refringente superficie, in unum idemque medium; intervalla sequentium vicium facilioris reflexionis & facilioris transmissus, sunt, vel accurate, vel quamproxime, ut radices cubicæ quadratorum longitudinum chordæ, quæ sonent notas illas musicas in octava, sol, la, fa, sol, la, mi, fa, sol, una cum gradibus suis omnibus intermediis, ad colores radiorum illorum respondentibus, secundum eam similitudinem proportionum, quam in septimo experimento secundæ partis primi libri exposuimus.

Manifestum est hoc, ex observationibus 13^{tiâ} & 14^{ta}.

PROPOSITIO XVII.

Si radii unius cujusvis generis, transeant in diversa media ad perpendicularum; intervalla vicium suarum facilioris reflexionis & facilioris transmissus in quovis uno medio, erunt ad eandem intervalla in alio quovis medio, ut sinus incidentiæ ad sinum refractionis radiorum transeuntium e primo duorum istorum mediorum in secundum.

Manifestum est hoc ex 10^{ma} observatione.

PROPOSITIO XVIII.

Si radii qui exhibent colorem in confinio flavi atque aurei interjacentem, transeant ad perpendicularum e quovis medio in aerem; intervalla vicium suarum facilioris reflexionis, sunt $\frac{1}{89000}$ pars uncia. Et ejusdem quoque longitudinis sunt intervalla vicium suarum facilioris transmissus.

Apparet hoc ex 6^{ta} observatione.

Ex his propositionibus facile est colligere, quanta sint intervalla vicium facilioris reflexionis & facilioris transmissus radiorum cujusvis generis refractorum in quovis angulo in quodvis medium; indeque cognoscere, utrum futurum sit ut iidem radii, cum deinceps in quodvis aliud medium pellucidum incidant, reflecti porro debeant, an transmitti. Quæ quidem res, quoniam ad sequentem hujus libri partem recte intelligendam permultum conferet, congruum erat ut hoc in loco exponeretur. Eandemque porro ob causam, binas sequentes quoque adjeci propositiones.

PRO-

PROPOSITIO XIX.

Si radii cujuscvis generis, incidentes in superficiem politam medii cujuscvis pellucidi, reflectantur; vices facilioris reflexionis, quas ii habent in puncto reflexionis, revertentur usque continuis vicibus; earumque reversiones distabunt a reflexionis puncto, spatiis quæ sint in arithmetica progressionem numerorum 2, 4, 6, 8, 10, 12, &c. Inque vicium istarum intervallis, erunt radii in vicibus facilioris transmissus.


E Tenim cum vices facilioris reflexionis & facilioris transmissus, natura sint durabili; statisque antea reverterint intervallis, usquedum radius ad medium reflectens pervenerit; ibique, ut is reflecteretur, effecerint: nihil sane causæ est, quamobrem inde deinceps continuo cessarent. Jam vero si radius in puncto reflexionis, erat in vice facilioris reflexionis; utique progressio spatiorum, quibus hæ vices a puncto isto exinde distent, incipiat necesse est ab 0, sitque adeo in progressionem numerorum 0, 2, 4, 6, 8, &c. Ac proinde progressio spatiorum alterorum, quibus videlicet intermediae vices facilioris transmissus distent ab eodem puncto, debet esse secundum progressionem numerorum imparium 1, 3, 5, 7, 9, &c. Contra, quam evenit tum, cum hæ vices propagentur a punctis refractionis.

PROPOSITIO XX.

Intervalla vicium facilioris reflexionis & facilioris transmissus, propagatarum a punctis reflexionis in quodvis medium; æqualia sunt intervallis similium vicium, quas iidem radii ita utique habituri essent, si refracti forent in idem medium per angulos refractionis æquales angulis suis istis reflexionis.

ETenim quum lumen reflexum est e secunda superficie tenuium lamellarum, egreditur deinceps liberrime per primam superficiem, ad constituendos annulos colorum eos qui reflexione conspiciuntur; egrediendoque ita libere, efficit colores annulorum istorum clariores fortioresque, quam sunt ii qui ex altera parte tenuium lamellarum conspiciuntur lumine transmissio. Itaque radii reflexi, sunt in vicibus facilioris transmissus tum, cum egrediuntur: quod quidem non semper ita eveniret, si intervalla vicium intra lamellam post reflexionem, non essent æqualia, tum longitudine tum numero, intervallis earundem ante reflexionem. Hocque confirmat insuper proportionem in præcedente propositione expositas. Nam si radii, tum in ingressu tum in egressu primæ superficiem, sint in vicibus facilioris transmissus; vicium autem istarum tum intervalla tum numerus, inter primam & secundam superficiem, ante & post reflexionem, æqualia sint inter se; utique spatia, quibus vices facilioris transmissus distant ab utraque superficie, in eadem necesse est progressionem sint post reflexionem, ac ante; hoc est, a prima superficie quæ transmissit radios, in progressionem sint numerorum parium 0, 2, 4, 6, 8, &c.; & a secunda quæ eos reflexit, in progressionem numerorum imparium 1, 3, 5, 7, &c. Verum hæ duæ propositiones, ex observationibus in sequenti parte hujus libri exponendis, multo adhuc fient evidetiores.





OPTICES

LIBER SECUNDUS.

P A R S IV.

Observationes circa reflexiones & colores laminarum crassarum, pellucentium & politarum.



ULLUM est vitrum aut speculum, quantumvis perpolitum, quin, præter lumen quod id refringit vel reflectit regulariter, dispergat insuper quoquoersus lumen quoddam debile; per quod polita ejus facies, quum radio Solis in cubiculum tenebricosum immisso sit illuminata, facile in omnibus oculi positionibus cerni queat. Sunt au-

Ff

tem

tem luminis hujusce quaquaversum dispersi phænomena quædam, quæ, cum ea primum observarem; magnam quidem mihi moverunt admirationem. Quæ observaverim, hujusmodi erant.

OBSERVATIO I.

Quum Sol in cubiculum meum tenebricosum per foramen $\frac{2}{3}$ unciae latum colluceret, radium luminis intromissum excepi ad perpendiculum speculo vitreo concavo-convexo, tornato ad sphaeram pedes quinque unciasque undecim semidiametro complectentem, & argentum vivum convexa sui facie obtecto. Tum tenens chartam albam opacam, sive chartæ scapum, in centro sphaerarum ad quas tornatum erat speculum; hoc est, intervallo circiter pedum quinque & unciarum undecim a speculo; tali nimirum in positu, ut radius luminis antedictus in cubiculum tenebricosum immissus, per exiguum deinceps foramen, quod esset in medio chartæ, transmitteretur ad speculum, indeque ad idem rursus foramen reflecteretur: chartam, inquam, ita tenens, observavi in ea quatuor vel quinque irides concentricas, sive colorum annulos, arcus cœlestis speciem habentes, & foramini jam dicto circumdatas; eodem fere modo ac annuli illi, qui in quarta & sequentibus observationibus primæ partis hujus secundi libri inter bina vitra objectiva visi sunt, ambiebant maculam suam nigram: erant tamen hi annuli, quam illi, largiores dilutioresque. Jam quidem hi annuli, pro eo ut in amplitudinem se laxabant, dilutiores adhuc languidioreque evadebant; adeo ut eorum quintus, sub sensum vix caderet: nonnunquam tamen, cum Sol valde clarus colluceret, erant porro sexti annuli atque etiam septimi languida quædam indicia. Siquando charta distaret a speculo, intervallo multo majori multove minori sex pedum; tum annuli diluti continuo, & evanidi sunt facti. Item si speculum distaret a fenestra, intervallo multo majori quam sex

sex pedum; reflexus luminis radius adeo latus continuo erat factus, intervallo sex pedum a speculo, quo in loco annuli videlicet apparebant, ut annulorum interiorum unus vel alter, ampliata illa radii reflexi latitudine obscuraretur. Quamobrem speculum, intervallo circiter sex pedum a fenestra, collocare solitus sum; ut adeo apud ipsam fenestram focus vitri incurreret in centrum concavitatis suæ ad annulos super charta. Atque hæc quidem semper existimanda est positio speculi, in sequentibus observationibus; nisi siquando alia aliqua nominatim exprimatur.

OBSERVATIO II.

Colores harum iridum succedebant invicem a centro extrorsum, eadem specie & ordine, ac illi qui in nona observatione primæ partis hujus libri in binis vitris objectivis, non utique reflexu luminis, sed transmissu, visi sunt. Nam primo, in communi horum annulorum centro, macula erat alba, rotunda, debili lumine, latiorque aliquanto quam ipse reflexus luminis radius: qui porro radius reflexus, incidebat interdum in mediam illam maculam; interdum autem, parva inclinatione speculi, recedebat a medio maculæ, eamque ad usque centrum albam conspiciendam reliquit.

Maculam illam albam proxime ambiebat color leucophæus fuscior: cui successerunt colores primæ iridis. Erant autem hi, ab interiore sui parte, proxime colorem leucophæum, violaceus & indicus parva portione: deinde cæruleus; qui ab exteriori sui parte pallefcebat, desinitque in flavum exiguum viridescens: cui porro successit flavus clarior; eique demum, ab exteriori iridis limite, ruber; qui ab exteriori sui parte purpurascebat.

Primam hanc iridem proxime ambiebat secunda: cujus colores ab intima sui parte extrorsum, hoc erant ordine dispositi; purpureus, cæruleus, viridis, flavus, ruber cla-

rior, ruber purpurascens.

Huic succedebant proxime colores tertiæ iridis: qui erant ordine extrorsum numerati, viridis purpurascens, viridis bonus, & ruber clarior quam præcedentis iridis.

Irides quarta & quinta, videbantur ab interiore tui parte colorem habere viridem subcæruleum; ab exteriori rubrum. Verum in hisce, colores adeo evanidi erant facti, ut discerni vix potuerint.

OBSERVATIO III.

Dimensus horum annulorum diametros quam potui accuratissime super charta, inveni illas quoque eandem inter se proportionem habere, ac annulorum in binis vitris objectivis lumine transmissio exhibitorum. Etenim diametri annulorum quatuor primorum lucidorum, dimensæ qua parte clarissimæ erant ipsorum orbitæ, intervallo sex pedum a speculo, fuerunt $1\frac{1}{16}$, $2\frac{3}{8}$, $2\frac{11}{12}$, & $3\frac{3}{8}$ uncia; quorum quidem numerorum quadrata, sunt in progressionem arithmetica numerorum 1, 2, 3, 4. Quod si macula alba rotunda, quæ est in medio, annumeretur una cum annulis; ejusque lumen in centro, ubi id clarissimum esse videtur, habeatur pro annulo infinite parvo; jam annulorum diametrorum quadrata, erunt in progressionem 0, 1, 2, 3, 4, &c. Porro, dimensus obscurorum quoque annulorum, inter lucidos illos interjacentium, diametros; inveni earum quadrata in progressionem esse numerorum $\frac{1}{2}$, $1\frac{1}{2}$, $2\frac{1}{2}$, $3\frac{1}{2}$, &c. Quippe diametri primorum quatuor ex his annulis, intervallo sex pedum a speculo, erant $1\frac{1}{16}$, $2\frac{1}{16}$, $2\frac{2}{3}$, $3\frac{3}{20}$ uncia. Quod si charta & speculum majori minorive quam diximus, inter se distarent intervallo; utique & diametri circulorum majores minoresve erant factæ, simili proportionem.

OBSERVATIO IV.

Ex proportionum similitudine, quæ erat inter hosce annulos, & illos quos in observationibus primæ partis hujus libri descripsimus; suspicatus sum multo plures forte in speculo inesse posse hujusmodi annulos, in se invicem diffusos, & quorum adeo colores mutua commixtione confusi invicem & ita diluti essent facti, ut separatim cerni haud possent. Quocirca eos per prisma inspexi; quomodo illos in 24^{ta} observatione primæ partis hujus libri feceram. Cumque prisma ita mihi esset collocatum, ut id refractione sua lumen colorum inter se permixtorum separaret, annulosque a se invicem distingueret; quomodo in 24^{ta} illa observatione fecerat: utique annulos multo tum, quam antea, distinctius cernere poteram; atque etiam numerare eos facile ad octo vel novem, nonnunquam etiam ad duodecim vel tredecim. Quod nisi lumen ipsorum adeo debile fuisset; equidem nihil dubito quin multo etiam adhuc plures discernere potuissem.

OBSERVATIO V.

Cum in fenestra prisma collocassem, quo intromissus luminis radius refringeretur, adeoque oblonga colorum imago in speculum projiceretur; speculum deinceps obtexi charta nigra, in qua foramen esset, per quod colorum unus quilibet transmitti posset ad speculum, interea dum reliqui omnes charta interciperentur. Jamque vidi annulos eo solo colore, qui utique in speculum incideret. Si speculum illuminaretur colore rubro; annuli ex toto erant rubri, cum intervallis tenebrosis: si colore cæruleo; annuli ex toto erant cærulei: & similiter in cæteris coloribus. Cumque annuli uno aliquo colore ita essent facti; quadrata diametrorum suarum, dimensarum qua parte orbitæ ipso-

rum clarissimæ essent, erant in progressionē arithmetica numerorum 0, 1, 2, 3, 4: & quadrata diametrorum interval-
lorum suorum obscurorum, erant, in progressionē nume-
rorum intermediorum $\frac{1}{2}$, $1\frac{1}{2}$, $2\frac{1}{2}$, $3\frac{1}{2}$. Verum si color mu-
taretur, mutabatur itidem & magnitudo annulorum. In
colore rubro, annuli erant largissimi; in indico & viola-
ceo, minimi; inque coloribus intermediis, flavo, viridi,
& cæruleo, intermediis itidem erant annuli magnitudini-
bus, ad colorem nimirum respondentibus; hoc est, in co-
lore flavo majores erant quam in viridi, inque viridi ma-
jores quam in cæruleo. Atque hinc quidem illud intelle-
xi; cum speculum albo lumine illuminatum esset, utique
colores rubrum & flavum in exteriori parte annulorum ex-
hibitos esse per radios minime refrangibiles, cæruleum au-
tem & violaceum per radios maxime refrangibiles: item co-
lores cujusque annuli diffusos esse utroque in colores an-
nulorum sibi utrinque adjacentium, quomodo supra
in prima & secunda parte hujus libri expositum est; mu-
tuaque sui permixtione inter se, adeo dilutos esse factos,
ut discerni invicem haud possent, nisi propius a centro
ubi minus essent commixti. Etenim in hac observatione
annulos distinctius, & majori etiam numero, quam an-
tea, discernere potui; utique ad octo vel novem in flavo
lumine, præter languidum quoddam indicium decimi. Jam
autem ut id porro invenirem, quantum in se invicem dif-
funderentur & commixti essent annulorum diversorum colo-
res; dimensus sum diametros annulorum secundi & tertii; in-
venique eas, cum annuli illi exhiberentur in confinio co-
lorum rubri & aurei, eam habere proportionem ad dia-
metros eorundem annulorum in confinio cærulei & indici
exhibitorum, quam habent 9 ad 8, præterpropter: difficile
enim erat hanc proportionem definire accurate. Item cir-
culos, quos in eodem annulo exhiberent ordine colores ru-
ber, flavus & viridis; plus inter se differre magnitudine,
quam quos per easdem vices exhiberent viridis, cæruleus,

&

& indicus: nam circulus quidem violaceus, tenebrosior erat quam ut sensu percipi posset. Ut igitur calculum inceptum persequamur; ponamus differentias diametrorum circulorum, quos exhibent sua quisque vice colores ruber extremus, confinium rubri & aurei, confinium aurei & flavi, confinium flavi & viridis, confinium viridis & cærulei, confinium cærulei & indici, confinium indici & violacei, & violaceus extremus; eadem esse proportionem inter se, ac sunt differentiae longitudinum monochordi earum, quæ sonent notas illas in octava, *sol, la, fa, sol, la, mi, fa, sol*; hoc est, ac sunt numeri $\frac{1}{9}, \frac{1}{18}, \frac{1}{12}, \frac{1}{12}, \frac{2}{27}, \frac{1}{27}, \frac{1}{18}$. Quod si jam diameter circuli illius, quem exhibet confinium colorum rubri & aurei, sit 9 A; diameter autem ejus circuli, quem exhibet confinium cærulei & indici, sit 8 A; ut est supra dictum: utique differentia ipsarum, 9 A—8 A, ad differentiam diametrorum circulorum illorum, quos exhibent ruber extremus & confinium rubri atque aurei; erit ut $\frac{1}{18} + \frac{1}{12} + \frac{1}{12} + \frac{2}{27}$, ad $\frac{1}{9}$; hoc est, ut $\frac{8}{27}$ ad $\frac{1}{9}$, vel 8 ad 3: ad differentiam autem diametrorum circulorum illorum, quos exhibent violaceus extremus & confinium cærulei atque indici; erit ut $\frac{1}{18} + \frac{1}{12} + \frac{1}{12} + \frac{2}{27}$, ad $\frac{1}{27} + \frac{1}{18}$; hoc est, ut $\frac{8}{27}$ ad $\frac{5}{54}$, vel 16 ad 5. Quamobrem hæ differentiae, erunt $\frac{3}{6}$ A & $\frac{5}{16}$ A. Quarum jam primam adde ad 9 A, & posteriorem subduc de 8 A; habebisque diametros circulorum illorum, quos exhibent radii minime maximeque refrangibiles, nempe $\frac{75}{8}$ A & $\frac{61\frac{1}{2}}{8}$ A. Sunt igitur hæ diametri inter se, ut 75 ad $61\frac{1}{2}$, vel 50 ad 41; earumque quadrata, ut 2500 ad 1681, hoc est, ut 3 ad 2 quamproxime. Quæ quidem proportio non distat à proportionem diametrorum circulorum illorum, quos exhibuerunt colores ruber & violaceus extremi in 13^{ta} observatione primæ partis hujus libri.

OBSERVATIO VI.

Cum oculum meum collocaſſem eo in loco, ubi annuli videbantur maniſeſtiffimi; ſpeculi faciem conſpicatus ſum colorum ſaſciis undatam, (rubris, flavis, viridibus, cæruleis;) illarum ſimilibus, quæ in obſervationibus primæ partis hujus libri inter bina vitra objectiva & in aquæ bullis viſæ ſunt; at amplioribus multo. Item hæ, eodem modo ac illæ, pro variis oculi poſitionibus, magnitudine varia videbantur; dilatantes ſe ac contrahentes, pro eo ut oculum meum ultro citroque moverem. Specie ac forma erant arcuum circulorum concéntricos, ſicuti & illæ; cumque oculus meus poſitus eſſet ex adverſo centri concavitatis ſpeculi, (quod erat ſcilicet intervallo pedum 5 & unciarum 10 a ſpeculo,) centrum ipſarum commune in eadem erat linea recta cum centro illo concavitatis, & cum foramine in fenestra. Verum in aliis oculi poſitionibus, centrum ipſarum alias itidem habebat poſitiones. Apparebant porro per lumen nubium propagatum ad ſpeculum per foramen in fenestra: cumque Sol per id foramen colluceret ſpeculo, lumen ejus inſpeculo illum ſemper habebat colorem, qui eſſet annuli in quem id incideret; verum nimio ſplendore ſuo obſcurabat id annulos iſtos lumine nubium exhibitos, niſi quando ſpeculum adeo longe admodum diſtaret a fenestra, ut Solis lumen ſuper eo valde latum eſſet & languidum. Denique, cum oculi poſitionem variarem; eumque ultro citroque, propius longiuſve a directo Solis luminis radio, moverem; color reflexi luminis Solis ſuper ſpeculum perpetuo variabatur eodem modo, ac ſuper oculum meum; eodem nimirum colore ſe ſuper oculum meum ſpectatori cuiſvis adſtanti ſemper ſe exhibente, qui mihi ipſi in ſpeculo videretur. Atque hinc quidem intellexi, annulos colorum illos, quos in charta videram, effectos utique fuiſſe ex his reflexis coloribus, propagatis nimirum a ſpeculo ad chartam in diverſis angulis;

angulis ; illorumque productionem , ex terminatione luminis atque umbræ neutiquam pendere.

OBSERVATIO VII.

Ex mira similitudinum proportionem , quæ erat hisce omnibus phænomenis cum illis annulorum coloratorum supra in prima parte hujus libri descriptorum ; videbantur mihi hi colores generari in crassa vitri lamina eodem fere modo , ac illi in lamellis valde tenuibus. Etenim experiundo comperiebam , si argentum vivum de posteriore speculi facie defrictum esset , vitrum nudum eosdem usque annulos exhibere , licet eos multo quidem languidiore quam antea : & consequenter phænomenon hoc non pendere ex argento vivo ; nisi quatenus id , augendo reflexionem posterioris vitri faciei , adaugeat itidem lumen annulorum coloratorum. Comperi insuper , speculum metallicum sine vitro , ad usus opticos ante hos aliquot annos factum , & optime perpolitum , nullos hujusmodi annulos exhibuisse. Indeque id intellexi , utique annulos hosce non oriri ex una sola superficie speculari ; sed pendere ex ambabus superficiebus laminæ vitreæ in speculum adhibitæ , & ex eo quantæ esset crassitudinis ista lamina. Sicut enim , in 7^{ma}. & 19^{na}. observationibus primæ partis hujus libri tenuis lamella aeris , aquæ , aut vitri , quæ æquabili esset crassitudine , colorem alium exhibebat quum radii sibi essent perpendiculares ; alium , quum ii aliquantum obliqui essent ; alium , quum obliquiores ; alium , quum adhuc obliquiores ; & sic deinceps : ita hic , in sexta observatione hujus partis , radii qui emerferunt e vitro in diversis obliquitatibus , effecerunt , ut id diversos colores exhiberet ; & propagati inde ad chartam in istis obliquitatibus , depinxerunt in ea similiter annulos suo quemque colore. Et sicut causa , quamobrem tenuis lamella colores diversos in diversis radiorum obliquitatibus exhiberet , ea erat ; quod radii unius ejusdemque generis reflectantur a te-

nui lamella in una obliquitate, & transmittantur in alia radii autem aliorum generum transmittantur ubi hi reflectuntur, & reflectantur ubi hi transmittuntur: ita causa, quamobrem crassa quoque lamina vitri, sive speculum, colores varios in variis obliquitatibus exhiberet, inque istis obliquitatibus colores illos ad chartam propagaret: ea itidem erat; quod radii unius ejusdemque generis emergerent è vitro in una obliquitate, in alia autem non emergerent, sed reflecterentur a citeriore vitri facie retro ad argentum vivum; & prout obliquitas ea major majorque fieret, emergerent iterum & reflecterentur alternis per multas vices; in una autem eademque obliquitate, radii unius generis reflecterentur, & radii aliorum generum transmitterentur. Liquet hoc ex quinta observatione hujus partis. Etenim in ea observatione, quum speculum illuminatum esset uno aliquo colorum prismaticorum; exhibuit id coloratum lumen annulos permultos in charta, eodem omnes colore, & nigris distinctos interordinis; ac proinde id lumen, inter emergendum e speculo, trans mittebatur & non-trans mittebatur alternis a speculo ad chartam per multas vices, pro variis nimirum emergentiae suae obliquitatibus. Porro, quum a prisma in speculum color alius quivis projiceretur; utique annuli in charta eo semper facti sunt colore, qui esset in speculum projectus; magnitudinemque insuper una cum colore suo immutabant: ac proinde lumen trans mittebatur jam & non-trans mittebatur alternis a speculo ad chartam, in aliis, quam antea, obliquitatibus. Videbantur mihi itaque hi annuli consimilem plane ortum habere, ac illi in tenuibus lamellis: eo tamen discrimine, quod illi in tenuibus lamellis oriuntur ex alternis reflexionibus & transmissionibus radiorum in secunda superficie lamellae, postquam ii semel videlicet per lamellam transierint: hi autem in crassis laminis, exhibeantur per radios, qui, ante alternam istam reflexionem & transmissionem, jam bis scilicet per laminam transierint; primo nimirum, cum transirent a citeriore vitri facie ad argentum vivum

vivum; & deinde, cum redirent ab argento vivo ad eandem iterum faciem citeriorem; qua demum in superficie, vel transmittuntur ad chartam, vel reflectuntur retro ad argentum vivum; pro eo videlicet, ac in vicibus facilioris reflexionis vel facilioris transmissus tum sint, cum ad istam pervenerint superficiem. Nam in radiis quidem illis, qui in speculum incidunt ad perpendicularum, reflectunturque in eisdem perpendicularibus lineis; in illis, inquam, radiis, propter angulorum suorum linearumque incidentiæ & reflexionis æqualitatem, vicium quidem suarum intervalla intra vitrum tum longitudine tum numero paria esse debent post reflexionem, ac ante; per propositionem 19^{am} tertiæ partis hujus libri: ac proinde, quandoquidem omnes radii, qui ingrediuntur per primam vitri superficiem, sunt in vicibus suis facilioris transmissus tum, cum ingrediuntur; eorundem autem quotquot reflectuntur a secunda superficie, ii quidem illic in vicibus sunt facilioris reflexionis; utique iidem omnes debent iterum in vicibus suis facilioris transmissus esse tum, cum ad superficiem primam reverterint; & consequenter exire ibi e vitro ad chartam, ac depingere super ea maculam albam luminis in centro annulorum. Nam hæc quidem ratio æque valet in omnibus generibus radiorum; & consequenter radii omnium generum promiscue exire debent ad maculam illam, eamque permixtione sui omnium inter se, albam utique exhibere. At vero in illis radiis, qui reflectuntur obliquius quam ingrediuntur; in iis sane vicium suarum intervalla majora sint oportet post reflexionem quam ante, per propositiones 15^{am} & 20^{am}; unde ii quidem radii, fieri utique potest ut cum ad primam reverterint superficiem, in certis quibusdam obliquitatibus vices suas ibi habeant facilioris reflexionis, adeoque regrediantur ad argentum vivum; in aliis autem obliquitatibus intermediis, vices suas ibidem subeant facilioris iterum transmissus, adeoque exeant ad chartam, depingantque in ea annulos coloratos maculæ albæ circumjectos.

Quoniam autem intervalla harum vicium, in æqualibus quidem obliquitatibus, majora ac pauciora sunt in radiis minus refrangibilibus; minora autem ac plura; in radiis magis refrangibilibus: ideo radii quidem minus refrangibiles, in æqualibus obliquitatibus, annulos pauciores efficere debent, quam radii magis refrangibiles; majores autem eos, magisque expansos: hoc est, annuli rubri ampliores esse debent quam flavi, flavi quam virides, virides quam cærulei, & cærulei quam violacei; quomodo ii revera quidem in 5^a observatione apparuerunt. Quocirca primus annulorum colores omnes complectentium, maculæ albæ proxime circumjectus, debet utique ruber esse extra, intra violaceus, & in medio flavus, viridis, ac cæruleus; quomodo is in secunda quidem observatione visus est. In secundo autem annulo, & qui sequuntur deinceps, iidem colores magis magisque expansi esse debent; usquedum in se mutuo diffusi, permisceantur tandem invicem, & evanescant.

Hæ mihi videntur horum esse annulorum causæ ac rationes in universum. Hocque mihi causam dedit, ut distinctius deinceps observarem quanta esset vitri crassitudo; & considerarem utrum mensuræ ac proportionibus annulorum singulatim, vere exinde, calculum ponendo, colligi possent.

OBSERVATIO VIII.

Dimensus sum igitur crassitudinem vitri hujusce concavo-convexi; invenique eam usquequaque $\frac{1}{4}$ uncia accurate. Jam quidem, per 6^{am} observationem primæ partis hujus libri, tenuis lamella aeris transmittit lumen clarissimum primi annuli, hoc est, lumen flavum clarum, tum cum crassitudo sua sit $\frac{1}{89000}$ pars uncia: per 10^{am} autem observationem ejusdem partis, tenuis lamella vitri transmittit idem lumen ejusdem annuli, tum cum crassitudo sua sit minor secundum eam proportionem quæ est sinus refractionis ad sinum

sinum incidentiæ, hoc est, cum crassitudo sua sit $\frac{11}{1513000}$

five $\frac{1}{137545}$ pars uncia; posito nimirum quod sinus isti sint ut 11 & 17. Quod si hæc crassitudo duplicetur porro, transmittetur jam idem lumen secundi annuli; si ea triplicetur, transmittetur jam idem lumen tertii annuli; & sic deinceps; lumine flavo claro in hisce omnibus casibus existente nimirum in vicibus suis facilioris transmissus. Itaque si multiplicetur hæc crassitudo per 34386, ut adeo evadat ea $\frac{1}{4}$ uncia; transmittetur jam idem clarum lumen annuli 34386^{ti}. Finge jam hoc esse lumen illud flavum clarum, quod transmitti diximus in perpendiculo ab reflectente facie convexa speculi per concavam ejusdem faciem ad maculam albam in centro annulorum coloratorum in charta: jamque, per regulam in 7^{ma} & 19^{na} observatione primæ partis hujus libri traditam, perque propositiones 15^{tam} & 20^{nam} tertiæ partis; si radii fiant obliqui ad vitrum, utique crassitudo vitri qua idem lumen clarum ejusdem annuli transmitti possit deinceps in quavis obliquitate, erit ad crassitudinem illam $\frac{1}{4}$ uncia, ut secans certi cujusdam anguli, ad radium; ejus nimirum anguli, cujus sinus sit prima ex 106 mediis arithmeticis inter sinus incidentiæ & refractionis, incipiendo a sinu incidentiæ, quum nimirum refraction fiat e lamina cujusvis materiæ in medium sibi circumjectum, id est, hoc quidem in casu, e vitro in aerem. Quod si porro vitri crassitudo ita augeatur gradatim, ut id ad primam suam crassitudinem (quæ erat videlicet $\frac{1}{4}$ uncia,) eas dein habeat proportionem, quas habet numerus 34386 (numerus scilicet vicium radiorum perpendicularium inter transeundum per vitrum adversus maculam albam in centro annulorum,) ad 34385, 34384, 34383, & 34382 compare, (numeros videlicet vicium radiorum obliquorum inter transeundum per vitrum adversus annulos colorum, primum, secundum, tertium,

& quartum;) illa autem prima vitri crassitudo divisa sit in 100000000 partes æquales; utique crassitudines adauctæ, erunt 100002908, 100005816, 100008725, & 100011633; & anguli, quorum hæc quidem crassitudines sunt secantes, erunt 26' 13", 37' 5", 45' 6", & 52' 26", radio nimirum existente 100000000; quorum porro angulorum sinus sunt 762, 1079, 1321, & 1525; & proportionales sinus refractionis, 1172, 1659, 2031 & 2345; radio nimirum existente 100000. Nam cum sinus incidentiæ e vitro in aerem sint ad sinus refractionis, ut 11 ad 17; ad secantes autem supra dictos, ut 11 ad primam ex 106 mediis arithmeticiis inter 11 & 17, hoc est, ut 11 ad $11 \frac{6}{106}$; utique secan-

tes isti erunt ad sinus refractionis ut $11 \frac{6}{106}$ ad 17, & ex hac analogia dabunt adeo sinus istos. Quare si obliquitates radiorum ad concavam vitri superficiem tales sint videlicet, ut sinus refractionis ipsorum in transeundo e vitro per istam superficiem in aerem, sint 1172, 1659, 2031, & 2345; utique lumen clarum annuli 34386^{ti}, emerget e vitro in iis crassitudinibus, quæ sint ad $\frac{3}{4}$ uncia, ut 34386 ad 34385, 34384, 34383, & 34382 comparete. Proinde, si vera vitri crassitudo in hisce omnibus casibus sit (ut in speculo nostro erat) $\frac{3}{4}$ uncia; utique lumen clarum annuli 34385^{ti}, ibi emerget, ubi sinus refractionis sit 1172; & annulorum 34384^{ti}, 34383^{tii}, ac 34382^{di}, ibi, ubi sinus iste sit 1659, 2031, & 2345 comparete. Porro in hisce angulis refractionis propagabitur horum annulorum lumen a speculo ad chartam, ibique depinget annulos ambientes maculam illam luminis albam rotundamque in centro, quæ erat (ut diximus) lumen annuli 34386^{ti}. Et semidiametri horum annulorum subtendent angulos refractionis, factos in concava speculi superficie. Ideoque diametri ipsorum, erunt ad distantiam chartæ a speculo; ut sinus isti refractionis duplicati, ad radium; hoc est, ut 1172, 1659, 2031, & 2345
dupli-

duplicati, ad 100000. Quocirca si intervallum, quo charta distet a concava speculi superficie, sit (ut in tertia harum observationum erat) sex pedum; utique diametri annulorum hujus luminis flavi clari in charta depictorum, erunt 1'688, 2'389, 2'925, & 3'75 uncia. Sunt enim hæ diametri, ad senos pedes; ut supra dicti sinus duplicati, ad radium. Jam vero hæ diametri annulorum florum clarorum, computando repertæ; eadem plane sunt, ac illæ quas in tertia harum observationum reperimus dimetiendo; quæ erant videlicet $1\frac{1}{16}$, $2\frac{3}{8}$, $2\frac{1}{12}$, & $3\frac{3}{8}$ uncia. Itaque theoria, qua colliguntur horum annulorum proportionem, ex crassitudine laminæ vitreæ sive speculi, & ex obliquitate radiorum emergentium; convenit plane cum ipsis observationibus. Cæterum in hac quidem computatione, diametros clarorum annulorum quos exhibuit lumen colorum universorum, æquales statui diametris annulorum eorum quos scilicet exhibuit lumen flavum clarum: etenim ex illo flavo lumine confit pars clarissima annulorum, qui sint colorum universorum. Quod si adhæc mensuras diametrorum annulorum illorum, quos alius quivis color purus videlicet & simplex exhibeat, accurate colligere cupias; utique id facile efficere poteris, ponendo diametros istas esse ad diametros annulorum florum clarorum, in subduplicata proportionem intervallorum vicium radiorum istis coloribus, cum nimirum radii ii omnes æqualiter inclinati sint ad superficiem refringentem vel reflectentem quæ vices istas excitarit: hoc est, ponendo diametros annulorum quos exhibent radii in extremis limitibus colorum illorum septem, rubri, aurei, flavi, viridis, cærulei, indici & violacei, utique proportionales esse radicibus cubicis numerorum illorum, 1, $\frac{8}{9}$, $\frac{5}{8}$, $\frac{3}{4}$, $\frac{2}{3}$, $\frac{3}{7}$, $\frac{2}{18}$, $\frac{1}{2}$, qui denotant videlicet longitudines monochordi eas, quæ sonent notas musicas in octava. Etenim hoc pacto, diametri annulorum istis coloribus, comperientur eam quamproxime inter se habere proportionem, quam secundum quintam harum observationum plane habere debent.

Atque

Atque his quidem rationibus satis mihi visus sum comprobasse, annulos hosce ejusdem esse generis eundemque ortum habere, ac illos qui in tenuibus visi fuerant lamellis; & consequenter dispositiones radiorum sive vices illas alternas facilioris reflexionis faciliorisque transmissus, propagari utique ab omni reflectente & refringente superficie ad longa usque intervalla. Nihilo tamen minus, ne hæc res ullam videretur habere posse dubitationem, sequentem observationem insuper adjeci.

OBSERVATIO IX.

Si annuli isti pendent (uti dictum est) ex crassitudine laminæ vitri; diametri ipsorum in æqualibus distantis a diversis speculis sive vitri laminis concavo-convexis talibus, quæ sint ad eandem sphaeram tornatæ, debebunt esse reciproce in subduplicata proportionem crassitudinum laminarum ipsarum vitri. Quare si in eis illa proportio experiundo fuerit comperta; erit sane perfecte absoluta demonstratio, annulos hosce (sicuti & illos in tenuibus lamellis exhibitos) pendere ex vitri crassitudine. Comparabam mihi igitur aliam vitri laminam concavo-convexam, ad eandem sphaeram, ac erat prior lamina, utraque sui facie tornatam. Ejus crassitudo erat $\frac{5}{62}$ partes uncia; & diametri trium primorum annulorum clarorum, qua parte lucidissimæ essent ipsorum orbitæ, erant, intervallo quidem sex pedum a vitro, unciarum 3, $4\frac{1}{6}$, & $5\frac{1}{8}$. Jam quidem crassitudo prioris vitri, utique $\frac{1}{4}$ uncia, erat ad hujus crassitudinem, ut $\frac{1}{4}$ ad $\frac{5}{62}$, hoc est, ut 31 ad 10, vel 310000000 ad 100000000; quorum quidem numerorum radices, sunt 17607 & 10000. Quam autem proportionem habet prima harum radicum ad secundam; eandem habent 3, $4\frac{1}{6}$, & $5\frac{1}{8}$, nempe diametri annulorum clarorum exhibitorum in hac observatione a vitro tenuiori; ad $1\frac{11}{16}$, $2\frac{2}{3}$, & $2\frac{11}{12}$, diametros scilicet eorundem annulo-

nulorum sunt reciproce in subduplicata proportionem crassitudinum laminarum ipsarum vitri.

Itaque in laminis vitri, quæ quidem similiter concavæ sint ex una sui facie, & similiter convexæ ex altera, & argento vivo facies suas convexas similiter obtectæ, nihilque plane præterquam crassitudine sola inter se differant; diametri annulorum sunt reciproce in subduplicata proportionem crassitudinum laminarum ipsarum. Atque hinc satis quidem apparet, pendere utique annulos ex utrisque vitri superficiebus. Pendent nimirum ex convexa superficie; quia lucidiores sunt quam ea superficies argento vivo obtecta sit, quam quum nuda. Pendent itidem ex concava superficie; quia in speculo, quod tali superficie careat, ii nulli sunt. Pendent denique ex ambabus superficiebus, earumque distantia inter se; quia, variata solummodo illa distantia, variatur itidem & annulorum magnitudo. Hoc autem, quod pendeant annuli isto modo ex ambabus vitri superficiebus, simile plane est ac quæ supra dicta sunt de eo quemadmodum colores tenuium laminarum pendeant ex superficiebus suarum binarum distantia inter se: quippe & magnitudo horum annulorum, eorumque proportio inter se, item magnitudinis suæ variatio ex vitri crassitudinis variatione orta, colorumque suorum ordo, talia plane sunt, qualia oriri utique debent ex propositionibus in fine tertiæ partis hujus libri subjunctis; quæ nimirum propositiones deductæ erant ex phænomenis colorum tenuium lamellarum in prima parte descriptis.

Alia adhuc sunt aliqua annulorum horum coloratorum phænomena: verum sequuntur ea omnia ex iisdem propositionibus: ideoque confirmant tum veritatem propositionum istarum, tum analogiam quæ est inter hosce annulos & illos in tenuibus lamellis exhibitos. Nonnulla phænomenorum istorum hic subjungam.

OBSERVATIO X.

Quum Solis luminis radius reflecteretur a speculo, non directo ad foramen in fenestra, sed ad locum parvo inde intervallo distantem; centrum commune maculæ albæ antedictæ, & annulorum omnium coloratorum, incidit in medio intervallo inter radium luminis incidentis & radium luminis reflexi; & consequenter in ipso adhuc centro sphaericæ concavitatis speculi, quandocumque charta, qua annuli colorati excipiebantur, posita esset in eo centro. Pro eo autem, ut radius luminis reflexi, inclinando videlicet speculum, recedebat magis magisque a radio luminis incidentis, & a communi centro annulorum coloratorum inter duos istos radios interjacente; ita annuli isti in amplitudinem perpetuo excresebant, itemque macula illa alba rotunda: & novi annuli colorati emergebant ordine e centro ipsorum communi; & macula illa alba facta est albus annulus novis illis annulis circumjectus; & radii luminis incidens ac reflexus, semper incidebant in partes annuli istius albi sibi invicem e diametro oppositas, ibique in ejus circuitu speciem duorum parheliorum, qualia in corona Solem ambiente nonnunquam videntur, lumine suo exhibebant. Itaque diameter istius annuli, pertingens videlicet a medio luminis ejus ex una parte ad medium luminis ejus ex altera parte, semper æqualis erat intervallo ei, quod inter mediam partem radii incidentis & mediam partem radii reflexi interjaceret, dimenso nimirum super charta in qua annuli videbantur. Porro, radii qui annulum istum formabant, reflectebantur a speculo in angulis qui essent æquales angulis suis incidentiæ, & consequenter angulis suis refractionis, qua ingrediebantur in vitrum: attamen anguli sui reflexionis, non erant in eodem plano cum angulis suis incidentiæ.

OBSERVATIO XI.

Colores novorum annulorum contrario erant ordine dispositi, ac primorum. Oriebantur autem hoc modo. Macula luminis alba rotunda in medio annulorum, permanfit alba ad usque centrum; usquedum intervallum id, quo radii incidens & reflexus distabant inter se in charta, factum esset circiter $\frac{7}{8}$ unciae; tumque deinde macula ea, tenebrosa fieri coepta est in media sui parte. Cum autem illud radiorum intervallum, factum esset porro circiter $1\frac{3}{8}$ unciae; tum macula ista alba fiebat deinceps annulus, ambiens scilicet maculam rotundam tenebrosam, quae in media sui parte colorem ipsa trahere coepit violaceum atque indicum. Annuli autem lucidi, maculam hanc novam ambientes, facti erant jam aequales annulis illis tenebrosis, qui in quatuor primis observationibus hosce ipsos singuli singulos proxime ambierant; hoc est, macula alba erat jam factus annulus albus, aequalis primo annulorum illorum tenebrosorum; & primus annulorum illorum lucidorum, factus erat jam aequalis ei, qui fuerat secundus tenebrosorum; & secundus annulorum illorum lucidorum, aequalis jam ei, qui fuerat tertius tenebrosorum; & sic deinceps. Etenim diametri annulorum lucidorum, erant jam $1\frac{3}{16}$, $2\frac{1}{16}$, $2\frac{2}{3}$, $3\frac{3}{20}$, &c. unciae.

Quum radiorum incidentis ac reflexi distantia inter se, paulo adhuc major esset facta; emergebat deinde e medio maculae nigrae jam dictae, post colorem illum indicum, caeruleus; & deinceps ex eo caeruleo, viridis pallescens; brevi autem postea, flavus quoque & ruber. Cumque color ad centrum clarissimus esset, nempe inter flavum ac rubrum; utique annuli lucidi, aequales tum erant facti annulis lucidis illis, qui in quatuor primis observationibus hosce proximo deinceps ordine singuli singulos ambierant; hoc est, macula alba in medio annulorum illorum, factus

erat jam annulus albus, æqualis primo annulorum illorum lucidorum; & primus annulorum illorum lucidorum, æqualis jam ei qui fuerat eorundem secundus; & sic deinceps. Etenim diametri annuli albi, cæterorumque annulorum lucidorum ei circumjectorum, erant jam circiter $1\frac{1}{16}$, $2\frac{3}{8}$, $2\frac{11}{12}$, $3\frac{3}{8}$, &c. uncia.

Quum radiorum incidentis ac reflexi distantia inter se in charta, paulo etiam adhuc major esset facta; emergebant deinde ordine e centro, post colorem rubrum antedictum; purpureus, cæruleus, viridis, flavus, & ruber multum admodum purpurascens. Cumque color in centro clarissimus esset, nempe inter flavum ac rubrum; utique priores colores, indicus, cæruleus, viridis, flavus, & ruber, facti erant jam iris sive annulus coloratus, æqualis primo annulorum illorum lucidorum, qui in quatuor primis observationibus apparuerant; & annulus albus supra memoratus, qui jam erat secundus annulorum lucidorum, æqualis erat factus secundo priorum illorum annulorum lucidorum; & primus annulorum illorum lucidorum, qui jam erat tertius, æqualis erat factus ei qui fuerat tertius illorum; & sic deinceps. Etenim diametri eorum, erant jam $1\frac{1}{16}$, $2\frac{3}{8}$, $2\frac{11}{12}$, $3\frac{3}{8}$, &c. uncia. Distantia autem duorum luminis radiorum inter se, & diameter annuli albi, erant $2\frac{3}{5}$ uncia.

Quum horum duorum radiorum distantia inter se, usque etiam adhuc major esset facta; emergebat deinde e medio rubri purpurascens, primo macula rotunda obscurior; postea autem, e medio hujus, alia macula clarior. Jamque colores illi proxime antecedentes (purpureus, cæruleus, viridis, flavus, & ruber purpurascens,) facti erant annulus æqualis primo annulorum illorum lucidorum in quatuor primis supra observationibus memoratorum; annulique huic circumjecti, æquales annulis illi circumjectis, comparete. Distantia autem duorum luminis radiorum inter se, & diameter annuli albi, (qui jam tertius erat factus annulus,) erant circiter 3 unciarum. Post-

Posthæc, colores annulorum in medio, valde diluti coëpti sunt videri. Et, si distantia duorum illorum luminis radiorum inter se, adhuc semuncia, vel uncia adjecta, major usque esset facta; utique annuli isti in medio, evanescebant penitus; permanente tamen aliquandiu annulo albo antedicto, una cum singulis binisve annulorum sibi utrinque proxime adjacentium. Verum si duorum radiorum luminis distantia illa inter se, etiam adhuc major esset facta; jam & hi quoque annuli evanescebant. Nam lumen quod e diversis partibus foraminis in fenestra, incidebat in speculum in diversis angulis incidentiæ; fecit jam annulos diversarum magnitudinum, qui sese invicem diluebant expungebantque. Id quod intellexi, intercipiendo partem aliquam istius luminis. Etenim quum ea illius pars intercepta esset, quæ propius distaret ab axe speculi; annuli continuo videbantur contractiores: quum pars ea, quæ longius ab isto axe distaret; videbantur ii magis dilatati.

OBSERVATIO XII.

Cum colores prismaticæ exhibiti, projicerentur per vices super speculum; annulus ille, qui in duabus proxime præmissis observationibus albus fuerat, una jam eademque magnitudine erat in omnibus coloribus. At annuli extra eum jacentes, majores quidem erant in colore viridi quam in cæruleo, in flavo adhuc majores, maximique omnium in rubro; & e contrario, annuli intra eum jacentes, minores erant in colore viridi quam in cæruleo, in flavo adhuc minores, minimique omnium in rubro. Etenim in illo quidem albo annulo; quoniam anguli reflexionis radiorum, æquales essent angulis suis incidentiæ; utique radii cujusque reflexi vices intra vitrum post reflectendum, æquales erant tum longitudine tum numero, vicibus ejusdem radii intra vitrum ante incidendum in superficiem reflectentem: ac proinde, quando omnes quidem radii omnium generum, tum

cum in vitrum ingrederentur, erant in vice sua facilioris transmissus; utique erant itidem in vice facilioris transmissum, cum ad eandem superficiem post reflectendum revertissent; & consequenter transmittabantur iterum, exhibantque ad annulum album super charta. Atque hæc quidem causa est, quamobrem annulus ille unam eandemque haberet magnitudinem in singulis coloribus, & in permixtione universorum albus appareret. Atqui in aliis annulis, quorum quidem radii aliis reflectuntur angulis; utique radii minime reirangibiles, quoniam vicium suarum intervalla maxima habent, efficiunt ut annuli, qui sint suo colore, grandioribus quam ceteri augeantur vel minuantur intervallis, in progressionem suam utroque, ab annulo illo albo, sive ad exteriora versus, sive ad interiora; adeoque annuli isto colore, maximi sint extra, intra autem minimi. Atque hæc quidem causa est, quamobrem in observatione proxime præmissa, cum speculum illuminatum esset lumine albo, annuli exteriores, coloribus universis exhibiti, apparerent rubri extra, & cærulei intra; interiores autem, cærulei extra, & rubri intra.

Hæc sunt phænomena crassiorum vitri laminarum concavo-convexarum, quæ quidem una eademque usquequaque sint crassitudine. Alia sunt earundem phænomena, cum ex paulo crassiores sint ex una parte quam ex altera; & alia adhuc, cum ex magis minusve concavæ sint quam convexæ, vel cum sint plano-convexæ, vel utrinque convexæ. Etenim in istis omnibus casibus, exhibent eæ annulos quidem coloratos; sed varia ratione. Quæ quidem omnia, quatenus ego quidem adhuc observaverim, consequuntur ex propositionibus in fine tertiæ partis hujus libri subjunctis; adeoque ad veritatem propositionum istarum confirmandam faciunt. Verum enimvero phænomena illa, multipliciora sunt; & computationes, quibus ea ex dictis propositionibus deducuntur, perplexiores; quam ut ea hoc in loco amplius persequar. Satis habebo hanc materiam eatenus me in præ-

fenti

fenti esse profecutum, ut, quibus quidem ex causis id genus phænomena oriuntur, invenerim; hocque inveniendo, propositiones in tertia parte hujus libri traditas satis confirmarim.

OBSERVATIO XIII.

Ut lumen reflexum a lente argento vivo faciem suam posteriorem obtecta, exhibet annulos colorum supra descriptos; ita id, transeundo itidem per guttam aquæ, similes colorum annulos efficere debet. Nempe, inter primam reflexionem radiorum intra guttam; colorum alii transmitti debent, sicuti in lente; alii autem, reflecti ad oculum. Exempli gratia: Si diameter guttulæ sive globuli aquæ, sit circiter 500^{ma} pars uncia; ut adeo radius ruber, inter transeundum per medium istum globulum, habeat intra globulum 250 vices facilioris transmissus; radii autem rubri omnes, qui radium illum medium certo interjecto intervallo ambiunt circumcirca, habeant intra globulum 249 vices; similesque radii omnes, majori quodam circumcirca interjecto intervallo, habeant 248 vices; radiique similes, adhuc majori quodam circumcirca interjecto intervallo, 247 vices; & sic deinceps: utique concentrici hi radiorum circuli, post transmissionem suam, incidentes in chartam albam, depingent in ea circulos rubros concentricos; ita quidem, si id luminis, quod per unum solum globulum transmittatur, satis forte sit ut sensu percipi queat: &, simili ratione, radii aliorum colorum, annulos itidem aliorum colorum exhibebunt. Finge jam, die sereno, Solem collucere per tenuem nubeculam ex istiusmodi globulis aquæ vel grandinis constantem; globulosque istos eadem esse omnes magnitudine; jamque Sol per nubeculam istam conspectus, cinctus utique videbitur concentricis colorum annulis, talibus ac diximus; eritque diameter primi annuli rubri, graduum $7\frac{1}{4}$; secundi, graduum $10\frac{1}{4}$; & tertii, 12, 33'; & pro eo ut aquæ globuli

li majores minoresve fuerint, ita hi quoque annuli majores erunt facti vel minores. Hæc quidem est theoria: eique optime congruit experientia. Etenim mense Junio 1692, vidi per reflexionem in vase aquæ stagnantis, tres Halos, coronas, sive annulos coloratos circum Solem, speciem præbentes trium parvarum iridum, idem cum Sole centrum habentes. Colores primæ sive interioris coronæ sive Halo, erant cæruleus intra adversus Solem, ruber extra, & albus in medio inter cæruleum ac rubrum. Colores secundæ, erant purpureus ac cæruleus intra, extra ruber pallescens, & viridis in medio. Colores tertiæ, erant cæruleus pallescens intra, & extra ruber pallescens. Hæ coronæ, erant sibi invicem proxime circumjectæ; adeo ut colores ipsarum a Sole extrorsum, hoc essent continenter ordine dispositi: cæruleus, albus, ruber; purpureus, cæruleus, viridis, flavus pallescens, ruber; cæruleus pallescens, & ruber pallescens. Diameter secundæ coronæ, dimensa ab usque medio flavi ac rubri ex una parte Solis, ad medium ejusdem coloris ex altera parte, erat graduum $9\frac{1}{2}$ circiter. Ad diametros primæ atque tertiæ dimetiendas, spatium temporis non habui: videbatur autem diameter primæ, esse circiter 5 aut 6 graduum; & tertiæ, circiter 12. Harum similes coronæ, videntur nonnunquam & circum Lunam; nam in principio Anni 1664, Feb. 19^{no}, vesperi, duas istiusmodi coronas Lunam ambientes conspicatus sum. Diameter primæ, sive interioris, erat circiter trium graduum; & secundæ, quinque graduum cum dimidio. Proxime circum Lunam circulus erat albus; quem deinceps ambiebat corona interior, quæ intra (proxime circulum illum album) colore erat viridi subcæruleo, flavo autem ac rubro extra; hancque demum ambiebat corona exterior, quæ colore erat cæruleo ac viridi intra, extra autem rubro. Videbatur quoque eodem tempore, Halos; intervallo graduum circiter 22, 35', a centro Lunæ. Erat ea elliptica; ejusque diameter longior, perpendicularis erat horizonti, in inferiore sui parte discedens longius

longius a Luna. Audivi narratum, tres pluresve interdum coronas colorum concentricas Lunam ex ordine proxime ambire visas fuisse. Utique quo magis æquales fuerint inter se globuli antedicti aquæ vel glaciei; eo plures apparere debebunt colorum coronæ, eoque clariores videbuntur ipsarum colores. Cæterum Halus illa, quæ Lunam intervallo graduum $22\frac{1}{2}$ ambiebat, alius est generis. Equidem ex eo, quod illa elliptica esset, longiusque a Luna discederet in inferiore sui parte quam in superiore; colligere mihi videor, productam fuisse eam refractione in grandine aliqua vel nive aeri innatante, & situ quidem ad horizontem parallelo diffusa; angulo refringente, existente nimirum graduum circiter 58 vel 60.





Fig: 1.

Lib. II. Tab. I.






Fig: 5.




Fig: 6.





Fig: 8.






Fig: 7.








OPTICES

LIBER TERTIUS.

Observationes circa reflexiones radiorum luminis, & colores inde generatos.



Observavit *Grimaldus*, si Solis luminis radius immittatur in cubiculum tenebricosum per foramen perexiguum; futurum ut umbræ corporum in isto lumine positorum latiores sint, quam deberent utique esse, si radii in rectis lineis prope corporum istorum extrema transirent; itemque umbras istas ternis inter se parallelis luminis colorati limbis, fasciis, five ordinibus, fimbriatas visum iri: verum si id foramen

largius sit factum; tum fimbrias illas in latitudinem se laxare; & inter se permisceri invicem, ut adeo discerni amplius haud queant. Existimarunt nonnulli, umbras hasce latiores, fimbriasque coloratas, ortum suum habere ex consueta aeris refractione. At hi quidem de re haud satis explorata judicarunt: etenim circumstantiæ hujusce phænomeni, quatenus ego quidem eas observaverim, hujusmodi fuerunt.

OBSERVATIO I.

In lamella plumbea foramen exiguum acicula feci, cujus latitudo esset $\frac{1}{42}$ uncia: nam 21 quidem ejusmodi acicularum in ordinem compositæ, semunciam explebant latitudine. Per id foramen immisi in cubiculum meum tenebricosum, Solis luminis radium; comperique umbras capillorum, filorum, acicularum, stramenti, aliorumque id genus parvorum corporum, in illo luminis radio positorum, multo esse latiores, quam deberent utique esse, si radii luminis prope corporum istorum extrema in lineis rectis transirent: & nominatim capillum humanum, cujus latitudo esset duntaxat $\frac{1}{280}$ uncia, in illo lumine collocatum, intervallo circiter duodecim pedum a foramine, umbram projecisse, quæ, intervallo quatuor unciarum a capillo, haberet in latitudinem $\frac{1}{60}$ partem uncia, hoc est, amplius quatuor partibus latior esset quam ipse capillus; intervallo autem duorum pedum a capillo, haberet in latitudinem circiter $\frac{1}{28}$ uncia, hoc est, decem partibus latior esset quam ipse capillus; & intervallo decem pedum, haberet in latitudinem $\frac{1}{8}$ uncia, hoc est, 35 partibus latior esset quam ipse capillus.

Nec refert utrum capillus aere circundatus sit, an alia quavis materia pellucida. Etenim, cum laminam vitream perpolitam madefecissem, capillumque in aqua super id vitrum posuisssem, aliamque deinde laminam vitream perpolitam superimposuisssem, ut adeo aqua repleret id omne spa-

tii quod inter vitra interjaceret; tenui laminas hasce in radio luminis antedicto, ita ut lumen per vitra ad perpendiculum transfret; jamque umbra capilli, iisdem iterum interjectis intervallis, eandem, ac ante, magnitudinem habebat. Porro rasuræ, quæ forte in politis vitri laminis inessent, umbras itidem projiciebant, multo utique quam fieri debuit, latiores: itemque venæ in ejusmodi politis vitri laminis, umbras latiores similiter projiciebant. Quare nimia harum umbrarum latitudo, non ex aeris scilicet refractione, sed omnino ex alia aliqua causa oritur necesse est.

Sit igitur circulus X, [Fig. 1.] capilli pars media: A D G, B E H, & C F I, tres radii, transeuntes prope unum latum extremum capilli, in diversis distantis: K N Q, L O R, & M P S, alii tres radii, transeuntes prope alterum latum extremum capilli, in similibus distantis: D, E, F, & N, O, P, loca ubi radii inflectuntur inter transeundum prope capillum: G, H, I, & Q, R, S, loca ubi radii incidunt in chartam G Q: I S, latitudo umbræ capilli projectæ in chartam: & T I, V S, duo radii, transeuntes sine inflectendo, (quum nimirum capillus submotus sit,) ad puncta I & S. Jam quidem manifestum est, lumen id omne, quod inter binos illos radios T I & V S intervenit, inflecti inter transeundum prope capillum, & detorqueri ex umbra I S. Quippe si qua pars ejus luminis non inflecteretur; incideret utique in chartam intra illam umbram, eamque ibi illuminaret; contra, quam experientia comperimus. Et quoniam, quando charta magno intervallo distet a capillo, umbra valde lata est; ideoque radii T I & V S, magno intervallo distant inter se: sequitur utique capillum agere in radios luminis etiam majusculo quidem interjecto intervallo præter se transeuntes. At vero agit is fortius in radios propius se transeuntes; eaque actio ita languescit gradatim, prout radii majoribus interjectis intervallis transeunt; quomodo rem in schemate expressam habes. Etenim hinc fit, ut umbra capilli multo latior sit, pro ratione quidem distantiae chartæ

TAB. I.

a capillo, tum quum charta propius a capillo distet, quam quum longius.

OBSERVATIO II.

Umbrae corporum omnium, (metallorum, lapidum, vitri, ligni, cornu, glaciei, &c.) in hoc lumine collocatorum, fimbriatae erant ternis inter se parallelis luminis colorati limbis, sive fasciis; quarum quidem fimbriarum ea, quae esset umbrae contigua, latissima erat ac luminosissima; quae autem ab umbra maxime distaret, ea & angustissima erat, tamque debilis, ut aegre cerni potuerit. Colores ipsarum difficile erat discernere & distinguere inter se; nisi quum lumen exciperetur valde oblique charta laevi, vel alio aliquo corpore albo, aequo ac plano; quod scilicet efficeret ut ii multo, quam alioqui, latiores apparerent. Tumque colores manifesto se exhibebant conspiciendos, hoc ordine. Prima sive interior fimbria, colore erat violaceo ac caeruleo saturo proxime umbram; deinceps caeruleo claro, viridi, ac flavo, in media sui parte; & rubro, extra. Secunda fimbria, ferme contigua erat primae; & tertia, secundae: ambae autem, caeruleae erat intra, & flavae rubraeque extra; verum colores ipsarum languidi erant admodum, tertiae praesertim. Colores itaque ab usque umbra, hoc erant ordine dispositi; violaceus, indicus, caeruleus pallescens, viridis, flavus, ruber; caeruleus, flavus, ruber; caeruleus pallescens, flavus pallescens, & ruber. Umbrae bullularum & rasurarum, quae forte in politis laminis vitri inessent, erant itidem similibus luminis colorati limbis fimbriatae. Item, si laminae vitreae, quales ad specula solent adhiberi, sectae in obliquum prope extrema sua, collocentur in antedicto luminis radio; utique id lumen, quod per parallelas transibit vitri facies, fimbriatum erit istiusmodi colorum limbis, qua parte eae planae facies committuntur cum planitie illa in obliquum secta; hocque pacto apparebunt nonnunquam quatuor vel quinque fimbriae

fimbriæ colorum. Sint videlicet A B, C D, [*Fig. 2.*] fa-^{TAB. I.} cies speculi parallelæ; & B D, planities secta in obliquum, quæ scilicet cum facie A B in angulo valde obtuso committatur ad B. Transeat jam id omne lumen, quod inter radios E N I & F B M intervenit, recta per planas vitri facies inter se parallelas, incidatque in chartam inter I & M; quodque inter radios G O & H D intervenit, refringatur id omne per planitiem B D in obliquum sectam, incidatque in chartam inter K & L. Jamque lumen id, quod transit recta per planas vitri facies inter se parallelas, inciditque in chartam inter I & M; fimbriatum erit tribus pluribusve limbis colorum, ad M.

Simili denique ratione, si quis Solem per plumam vel tæniam nigram oculo proxime applicatam intueatur; videbit is multos arcus coloratos; umbris nimirum, quas fibræ vel fila illa tenuia in tunicam retinam projiciunt, ejusmodi fimbrias colorum sibi adjunctas habentibus.

OBSERVATIO III.

Quum capillus distaret a foramine, intervallo duodecim pedum; incideretque umbra ejus oblique in planam albamque scalam unciarum partiumque uncia, ultra capillum intervallo semipedali collocatam; itemque eadem umbra exciperetur deinceps ad perpendicularum super eadem scala, interjecto pedum novem intervallo: dimensus sum latitudinem umbræque & fimbriarum, quam potui accuratissime; invenique eas partibus uncia descriptas, hujusmodi esse.

Intervallo

	<i>Intervallo semipedali.</i>	<i>Intervallo no- vempedali.</i>
Latitudo umbræ.	$\frac{1}{54}$	$\frac{1}{9}$
Spatium quod inter medias partes luminis clarissimi fimbriarum in- teriorum ex utraque parte um- bræ sitarum interjaceret.	$\frac{1}{38}$ vel $\frac{1}{39}$	$\frac{7}{50}$
Spatium quod inter medias partes luminis clarissimi fimbriarum me- diarum ex utraque parte umbræ sitarum interjaceret.	$\frac{1}{23\frac{1}{2}}$	$\frac{4}{17}$
Spatium quod inter medias partes luminis clarissimi fimbriarum ex- teriorum ex utraque parte umbræ sitarum interjaceret.	$\frac{1}{18}$ vel $\frac{1}{18\frac{1}{2}}$	$\frac{3}{10}$
Spatium quod inter medias partes lu- minis clarissimi fimbriarum primæ & secundæ interjaceret.	$\frac{1}{120}$	$\frac{1}{21}$
Spatium quod inter medias partes luminis clarissimi fimbriarum se- cundæ & tertiæ interjaceret.	$\frac{1}{170}$	$\frac{1}{31}$
Latitudo partis lucidæ (scilicet colo- rum viridis, albi, flavi, ac ru- bri,) fimbriæ primæ.	$\frac{1}{170}$	$\frac{1}{32}$
Latitudo spatii obscurioris, inter fim- brias primam & secundam.	$\frac{1}{240}$	$\frac{1}{45}$
Latitudo partis lucidæ, fimbriæ se- cundæ.	$\frac{1}{290}$	$\frac{1}{55}$
Latitudo spatii obscurioris, inter fim- brias secundam & tertiam.	$\frac{1}{340}$	$\frac{1}{63}$

Has mensuras collegi, excipiendo umbram capilli adeo oblique super scalam intervallo semipedali objectam, ut illa duodecim partibus latior appareret, quam cum ad perpendiculum in eandem scalam eodem interjecto intervallo incideret; tumque deinceps inscribendo in tabula, partes duodecimas latitudinum eo modo observatarum.

OBSERVATIO IV.

Quum umbra fimbriæque projicerentur oblique super corpus album, æquum atque planum; idque corpus ab capillo removeretur gradatim; fimbria prima sensu percipi cœpta est, clariorque lumine reliquo videri, intervallo minore quam quartæ partis unciaë unius ab capillo; & linea obscura, sive parva umbra inter primam illam & secundam fimbriam, cerni cœpta est intervallo minore quam tertiæ partis unciaë. Fimbria secunda sub aspectum venire cœpit, intervallo minore a capillo quam unciaë dimidiatæ; & umbra inter secundam illam ac tertiam fimbriam, intervallo minore quam unciaë integræ; & tertia ipsa fimbria, intervallo minore quam trium unciarum. Majoribus deinceps interjectis ab capillo intervallis, multo adhuc manifestius sub sensum ceciderunt hæ fimbriæ; attamen easdem quam proxime latitudinum suarum intervallorumque retinebant proportionem, ac quum apparerent primum. Etenim distantia inter mediam partem primæ fimbriæ, ac secundæ; ad distantiam inter mediam partem secundæ, ac tertiæ; erat ut tria ad duo, vel decem ad septem. Harumque duarum distantiarum posterior, æqualis erat latitudini luminis clari, sive partis luminosæ, fimbriæ primæ. Eaque latitudo, ad latitudinem luminis clari fimbriæ secundæ, erat ut septem ad quatuor; & ad intervallum obscurum fimbriarum primæ ac secundæ, ut tria ad duo; & denique ad simile intervallum obscurum fimbriarum secundæ ac tertiæ, ut duo ad unum. Videbantur enim fimbriarum latitudines, esse in progressionem

numerorum 1, $\sqrt{\frac{1}{2}}$, $\sqrt{\frac{1}{3}}$; earumque intervalla in eadem esse progressionem, ac ipsæ; hoc est, fimbriæ ipsæ, simulque earum intervalla, esse in continua progressionem numerorum 1, $\sqrt{\frac{1}{2}}$, $\sqrt{\frac{1}{3}}$, $\sqrt{\frac{1}{4}}$, $\sqrt{\frac{1}{5}}$, quamproxime. Atque hæc quidem proportionem eadem fere permanserunt, in omnibus distantis a capillo. Nam intervalla obscura fimbriarum, pro ratione quidem latitudinis fimbriarum ipsarum, æque lata erant tum cum primum apparerent, ac quum postea longe distarent a capillo; quamvis non æque tenebrosa utique & distincta.

OBSERVATIO V.

Cum Sol in cubiculum meum tenebricosum per foramen $\frac{1}{4}$ unciae latum colluceret; collocavi, interjecto duorum triumve pedum intervallo, plagulam chartæ conspissatæ, denigratam ex utraque sui parte, & in cujus medio foramen erat quadratum circiter $\frac{3}{4}$ unciae quoquo versus, per quod radius Solis transmitteretur. Tum deinde ad id foramen laminam cultri præacuti chartæ isti conspissatæ ita agglutinavi pice, ut ea luminis per foramen transmissi partem aliquam interciperet. Erant autem plana chartæ conspissatæ & laminæ cultri, parallela inter se, & radiis luminis ad perpendicularum objecta. Jamque cum hæc ita essent collocata, ut nihil luminis in ipsam chartam conspissatam incideret, sed transmitteretur radius totus per foramen ad cultrum; ibique partim incideret in laminam cultri, partim prope aciem ejus transiret; excepi luminis partem eam, quæ prope aciem cultri transierat, super charta alba deinceps, intervallo duorum triumve pedum, ultra cultrum collocata: ibique vidi duas luminis languidioris radiationes, utroque versus e luminis radio illo in umbram, tanquam caudas cometarum, se emittentes. Verum, quoniam directum Solis lumen, nimia sua claritate super chartam, obscurabat languidiores hæc radiationes, adeo ut ægre eas discernere potuerim; pertudi adhuc & hanc chartam, ut Solis lumen & illic per parvum foramen

foramen transmissum, incideret demum in pannum nigrum ulterius collocatum; jamque binas illas radiationes super charta, manifesto admodum sum conspicatus. Erant hæc con-
similes plane inter se; & propemodum pares etiam longitu-
dine ac latitudine, & quantitate luminis. Lumen ipsarum,
qua parte id directo Solis lumini adjacebat, satis erat for-
te, circiter ad $\frac{1}{4}$ vel $\frac{1}{2}$ unciae; indeque, pro eo ac a directo
illo lumine recedebat, minuebatur gradatim, usquedum pe-
nitus ad sensum evanesceret. Tota longitudo utriusvis ha-
rum radiationum, dimensa super chartam intervallo trium
pedum a cultro, erat circiter sex vel octo unciarum; adeo-
que subtendebat angulum ad aciem cultri, circiter 10 vel 12
vel summum 14 graduum. Nonnunquam tamen videbar mi-
hi videre, lumen ipsarum ad tres vel quatuor gradus adhuc
ulterius se emittere; verum adeo valde languidum illud, ut
& id vix discernere potuerim, & etiam suspicatus sim insu-
per, posse id forsitan oriri (ex parte saltem) alia aliqua
ex causa, quam duas ipsas videlicet radiationes. Etenim
collocans oculum meum eo in lumine, ultra extremitatem
radiationis illius quæ esset post tergum cultri; oculumque
dirigens ad cultrum; discernere poteram in acie ejus, lineam
quandam luminosam: idque non modo cum oculus meus in
eadem situs esset linea cum ipsis radiationibus illis; verum
etiam cum extra lineam istam positus esset, sive ad mucro-
nem cultri, sive ad manubrium versus. Videbatur linea
illa luminosa, contigua esse aciei cultri; angustiorque erat,
quam lumen fimbriæ interioris; & angustissima quidem tum
est visa, cum oculus meus a directo lumine longissime di-
staret; ideoque transire videbatur inter lumen fimbriæ illius
interioris, ac aciem ipsam cultri; quæque ejus pars pro-
xime aciem transiret, eam judicavi esse maxime inflexam,
quanquam non quidem omnem.

OBSERVATIO VI.

Collocavi alium cultrum prope priorem, ita ut acies ipsorum parallelæ essent inter se, & invicem obversæ; radiusque luminis incideret in ambos simul cultros, ejusque pars aliqua inter acies ipsorum transmitteretur. Cumque acies ipsorum distarent jam inter se circiter $\frac{1}{400}$ parte uncia; radius inter acies transmissus dispertivit se medium in binas partes, umbramque reliquit binis istis sui partibus interjacentem. Umbra illa adeo nigra erat & tenebrosa, ut lumen id omne prorsus, quod inter cultros transiret, inflexum videretur, & vel in hanc vel in illam partem detortum. Et prout cultri ad se invicem propius admoverentur; ita umbra illa latior erat facta, radiationesque antedictæ contrahebant sese in brevitem ab interioribus suis extremitatibus propius umbram; donec, cum cultri tandem se inter se contingerent, lumen totum penitus evanesceret in umbram.

Atque hinc quidem id colligo; utique luminis illud, quod est minus inflexum, proficisciturque ad interiores radiationum extremitates, transire videlicet præter cultrorum acies majusculo interjecto intervallo; idque intervallum, tum quum umbra inter binas illas radiationes apparere incipit, esse circiter $\frac{1}{800}$ partem uncia: quod autem luminis transit propius & propius acies cultrorum; id utique magis adhuc magisque esse inflexum, proficisci ad eas videlicet radiationum partes, quæ sint a directo lumine longius longiusque remotæ; quippe, quando cultri ad se invicem propius admoveantur usque dum contingant plane inter se, eæ semper radiationum partes evanescunt postremæ, quæ fuerint a directo lumine maxime remotæ.

OBSERVATIO VII.

In quinta observatione, fimbriæ non apparebant; sed, propter nimiam foraminis in fenestra latitudinem, adeo latæ erant factæ, ut sibi invicem intermischerentur, adeoque in unum coirent continuum lumen in principio radiationum. Verum in sexta observatione, prout cultri ad se mutuo admoventur propius, paulo antequam umbra inter binas radiationes appareret, cerni coeptæ sunt fimbriæ ab interioribus extremitatibus radiationum ex utraque parte directi luminis; tres videlicet ex una parte, factæ ab acie unius cultri; & tres ex altera parte, factæ ab acie alterius cultri. Distinctissimæ tum erant, cum cultri a foramine in fenestra maximo distarent intervallo; & quanto angustius factum esset id foramen, tanto adhuc distinctiores videbantur istæ fimbriæ; adeo ut, ultra ternas supra memoratas, cernere nunquam potuerim languidum aliquod indicium etiam quartæ. Porro, pro eo ac cultri propius ad se invicem admoventur; ita fimbriæ distinctiores perpetuo amplioresque evadebant, usquedum evanescerent. Prima omnium evanescibat fimbria exterior, deinde media, postremo interior. Cumque omnes porro evanuisent; lineæque luminosa intermedia, valde lata esset facta, extendens sese utroque in radiationes illas in quinta supra observatione memoratas; coepit deinceps apparere umbra antedicta in medio hujus lineæ, eamque mediam divisit in binas lineas luminosas, ipsaque augebatur porro usque, donec totum lumen evanesceret. Utique tanta erat hæc fimbriarum amplificatio, ut radii qui ad fimbriam interiorē proficiscuntur, viderentur amplius viginti partibus magis esse inflexi tum, quum illa prope esset ut evanesceret, quam quum cultrorum alter esset submotus.

Atque ex hac quidem & superiore observationibus inter se collatis, id colligo: utique lumen primæ fimbriæ trans-

fuisse præter cultri aciem, interjecto intervallo majore quam $\frac{1}{800}$ partis unciae; lumenque secundæ fimbriæ transiisse majore intervallo interjecto, quam fecerat lumen primæ; lumenque tertiæ, majori adhuc intervallo quam lumen secundæ, lumen autem radiationum illarum in quinta & sexta observationibus descriptarum, transiisse propius cultrorum acies, quam fecerat ulla fimbriarum.

OBSERVATIO VIII.

Cum duos cultros ita acui jussissem, ut acies eis admodum exactæ atque rectæ essent datæ; mucronesque ipsorum ita in tabulam infixissem, ut acies eorum & essent invicem obversæ, & concurrentes prope a mucronibus angulum rectilineum continerent inter se: manubria eorum deinceps, interposita picis massula, interjunxi; ne posset angulus iste torquendo variari. Distantia acierum cultrorum inter se, intervallo quatuor unciarum a puncto angulato ubi acies istæ concurrebant, erat $\frac{1}{8}$ unciae; ideoque angulus, quem acies inter se concurrentes continerent, erat circiter gradus 1, 54'. Cultros hoc modo conjunctos, collocavi in radio Solis immisso in cubiculum meum tenebricosum per foramen $\frac{1}{42}$ parte unciae latum; collocabam autem eos ita, ut intervallo decem vel quindecim pedum ab isto foramine distarent. Jamque excipiens id lumen, quod inter acies cultrorum transmitteretur, valde oblique super normam albam ac lævem, intervallo semunciae vel unciae a cultris; vidi ibi fimbrias, quas effecerunt binæ cultrorum acies, porrectas secundum extremas cultrorum umbras in lineis ad umbrarum istarum extremitates parallelis, nec quicquam (quod quidem sensu percipi posset) se in latitudinem laxantes, donec concurrerent tandem in angulis qui essent æquales angulo isti quem continerent inter se binæ cultrorum acies; ubi autem ita concurrebant & coibant, ibi sine decussando penitus terminabantur. Verum

si norma jam multo majori intervallo a cultris distaret; fimbriæ, ubi longius aberant a concursu suo, latitudine erant paulo minori; & latiores fiebant aliquanto, prout ad se invicem propius accedebant; cumque coirent, decussabantur deinceps, multoque quam antea fiebant usque latiores.

Unde id colligo; utique distantias, quibus fimbriæ præter cultrorum acies transeunt, non augeri vel immutari appropinquatione mutua cultrorum inter se; verum angulos quidem, in quibus radii ibi inflectuntur, multum augeri ista cultrorum appropinquatione; cultrumque qui sit propior alicui radio, eum quidem determinare quam in partem inflectendus sit iste radius; cultrum autem alterum, ei inflexionem istam adaugere.

OBSERVATIO IX.

Cum radii inciderent valde oblique super normam, intervallo $\frac{1}{3}$ unciae a cultris; linea obscura inter primam & secundam fimbriam umbræ cultri unius, & linea obscura inter primam & secundam fimbriam umbræ cultri alterius, concurrebant inter se, intervallo $\frac{1}{7}$ unciae ab extremo illo lumine quod inter cultros in acierum suarum concursu transmittebatur. Ideoque distantia acierum cultrorum inter se, qua parte hæ lineæ obscuræ concurrebant, erat $\frac{1}{160}$ pars unciae. Nam ut quatuor unciae, ad $\frac{1}{8}$ partem unciae: ita est quævis longitudo acierum cultrorum, a puncto concursus sui dimensa, ad distantiam acierum istarum inter se, qua parte eæ interjecto longitudinis istius intervallo a puncto concursus distant: nimirum ita est $\frac{1}{7}$ pars unciae, ad $\frac{1}{160}$ partem unciae. Itaque lineæ illæ obscuræ supra memoratæ, concurrunt in medio ejus luminis, quod inter cultrorum acies transmittitur qua parte eæ distant inter se $\frac{1}{160}$ partem unciae. Parsque dimidia ejus luminis transit præter aciem cultri unius, intervallo non majore $\frac{1}{320}$ partis unciae, incidensque in chartam exhibet ibi fimbrias umbræ cultri istius: pars autem alte-

ra dimidia ejus luminis, transit præter aciem cultri alterius; intervallo itidem non majori $\frac{1}{320}$ partis unciae; incidensque in chartam, exhibet ibi fimbrias umbræ cultri alterius. Verum si charta illa, qua radii excipiantur, distet a cultris intervallo majori quam $\frac{1}{2}$ partis unciae; jam lineæ obscuræ supra memoratæ, concurrent inter se majori intervallo, quam $\frac{1}{2}$ partis unciae, ab extremo illo lumine quod inter cultros in acierum suarum concursu transmittitur: ideoque lumen quod incidit in chartam, qua parte lineæ istæ obscuræ concurrunt inter se, transmittitur jam ipsum quidem inter cultros qua parte acies ipsorum distant inter se amplius $\frac{1}{160}$ parte unciae.

Etenim, alio quodam tempore, cum iidem bini cultri collocati intervallo octo pedum ac quinque unciarum a parvo foramine in fenestra, quod acicula (ut supra) feceram; lumen quod incidebat in chartam qua parte lineæ obscuræ supra memoratæ concurrebant inter se, transmissum erat tunc inter cultros qua parte acies ipsorum distarent inter se intervallis in sequenti tabula expressis, quum nimirum charta a cultris distaret intervallis in eadem itidem tabula descriptis.

<i>Distantia charta a cultris, mensura unciaria expressæ.</i>	<i>Distantia acierum cultrorum inter se, partibus uncie millesimis expressæ.</i>
$1\frac{1}{2}$	0'012.
$3\frac{1}{3}$	0'020.
$8\frac{3}{5}$	0'034.1
32.	0'057.
96.	0'081.
131.	0'087.

Atque

Atque hinc quidem id colligo; lumen, quod fimbrias exhibet in charta, non utique idem esse lumen in omnibus distantibus chartæ a cultris; sed quum charta propius ad cultros admota sit, tum scilicet fimbrias oriri ex radiis qui & propius præter acies cultrorum feruntur, & inflectuntur magis, quam quum charta majori interjecto intervallo a cultris distet.

OBSERVATIO X.

Quum cultrorum umbrarum fimbriæ inciderent ad perpendicularum in chartam magno intervallo objectam; videbantur eæ hyperbolarum forma ac specie, mensurasque habebant illas quæ sequuntur. Sint CA & CB , [Fig. 3.] TAB. I. lineæ in charta ductæ, cultrorum aciebus parallelæ, & inter quas lumen omne inter cultros transmissum incideret utique, si id inter cultrorum acies plane sine inflectendo foret transmissum. Sitque DE , linea recta per punctum C ducta; qua & anguli ACD , BCE , inter se fiant æquales; & lumen id omne, quod incidit in chartam a puncto ubi cultrorum acies concurrunt, terminetur. Porro, sint eis , $fk t$, & $gl v$, tres lineæ hyperbolicæ, repræsentantes terminum umbræ cultri unius, lineam obscuram inter fimbrias primam & secundam istius umbræ, & lineam obscuram inter fimbrias secundam & tertiam ejusdem umbræ: & xip , $yk q$, & zlr , aliæ tres lineæ hyperbolicæ, repræsentantes terminum umbræ cultri alterius, lineam obscuram inter fimbrias primam & secundam umbræ istius, & lineam obscuram inter fimbrias secundam & tertiam ejusdem umbræ. Finge tres hæc hyperbolas, similes & æquales esse tribus prioribus, easque in transversum secare in punctis i , k , & l ; umbrasque cultrorum terminari, & a primis fimbriis luminosis distingui, lineis eis & xip ; usque eo donec fimbriæ illæ inter se concurrant; & sese mutuo in transversum secant; tumque deinde lineas istas fimbriis ipsis incurrere, &

tanquam totidem lineas tenebrosas secare eas in obliquum, terminantes deinceps primas luminosas fimbrias ab interiore sui parte, easque distinguentes ab alio quodam lumine, quod incipit porro apparere in i , illuminatque totum spatium triangulum $i p D E s$, definitum lineis illis obscuris & linea recta $D E$. Jam quidem harum hyperbolarum asymptotos una, est linea ipsa $D E$; alteræ autem earundem asymptoti, parallelæ sunt lineis $C A$ & $C B$. Sit igitur $r v$ linea ducta ubivis super chartam, parallela asymptoto $D E$; secetque hæc linea lineas rectas $A C$ in m & $B C$ in n , & lineas sex hyperbolicas obscuras in punctis p, q, r, s, t, u . Jamque dimetiendo distantias $p s, q t, r v$; indeque colligendo longitudines ordinatarum $n p, n q, n r$; vel $m s, m t, m v$; idque in diversis distantiiis lineæ $r v$ ab asymptoto $D E$: utique invenire poteris quot libuerit puncta harum hyperbolarum; indeque intelligere, lineas hæc curvas, esse scilicet hyperbolas, parum admodum distantes ab hyperbolicis conicis: item dimetiendo lineas $C i, C k, C l$; invenire poteris alia harum curvarum puncta.

Exempli gratia: Cum cultri distarent a foramine in fenestra, decem pedibus; chartaque a cultris, pedibus novem; angulusque quem continebant inter se cultrorum acies, cui nimirum æqualis est angulus $A C B$, subtenderetur chorda quæ esset ad semidiametrum ut 1 ad 32; lineaque $r v$ distaret ab asymptoto $D E$, uncia dimidiata: dimensus sum lineas $p s, q t, r v$; invenique eas, 0'35, 0'65, 0'98 partes uncix comparate; addendoque ad earum dimidias lineam $\frac{1}{2} m n$, (quæ hic erat $\frac{1}{128}$ pars uncix, sive 0'0078;) summa $n p, n q, n r$, erant 0'1228, 0'3328, 0'4978 uncix. Dimensus sum quoque distantias fimbriarum, quæ porrigebant se inter $p q$ & $s t, q r$ & $t v$, & proxime ultra r & v ; qua parte nimirum lumen ipsarum cujusque clarissimum erat: invenique eas 0'5, 0'8, & 1'17 uncias.

OBSERVATIO XI.

Cum Sol in cubiculum meum tenebricosum colluceret per parvum rotundum foramen, quod in lamina plumbea feceram tenui acicula, ut supra; collocavi ad id foramen prisma, quo lumen refringeretur, depingeretque in opposito pariete imaginem coloratam talem, qualem in tertio experimento primæ partis primi libri descripsimus. Tumque inveni umbras corporum omnium in lumine illo colorato inter prisma & parietem collocatorum, fimbrias sibi habere ejus solummodo coloris, qui esset luminis in ista corpora eo tempore projecti. In lumine rubro saturo, fimbriæ hæ erant ex toto rubræ; nihil quicquam habentes, quod quidem sensu percipi posset, coloris cærulei aut violacei. Contra, in lumine cæruleo saturo, erant eadem ex toto cæruleæ; nihil sibi habentes, quod quidem sensu percipi posset, coloris rubri vel flavi. Similiter, in viridi lumine, erant eadem ex toto virides; excepto quod paululum tum in eis inesset coloris flavi ac cærulei, qui nimirum colores in viridi prismatis lumine erant adhuc aliqua portione admixti. Porro, comparans inter se fimbrias in luminibus diversorum colorum exhibitas; observavi eas, quæ essent in lumine rubro exhibitæ, omnium esse maximas; quæ in lumine violaceo, minimas; quæque in lumine viridi, magnitudine intermedias. Etenim, cum fimbrias, quæ capilli humani umbræ adhærerent, dimetirer in transversum umbræ, intervallo sex unciarum a capillo; distantia inter partem mediam sive luminosissimam primæ sive interioris fimbriæ ex una parte umbræ, & partem eandem fimbriæ consimilis ei ex opposito respondentis ex altera parte umbræ, erat in lumine quidem rubro saturo $\frac{1}{37\frac{1}{2}}$ pars uncia; in lumine autem violaceo

saturo, $\frac{1}{46}$. Item similis distantia inter medias sive lumi-

nosissimas partes secundarum fimbriarum, ex utraque parte umbræ, erat, in lumine quidem rubro saturo, $\frac{1}{22}$; in vio-

laceo autem, $\frac{1}{27}$ pars uncix. Atque hæ quidem distantix fimbriarum inter se, eandem plane proportionem retinebant in omnibus distantiis a capillo, sine ulla variatione quæ quidem sensu percipi potuerit.

Itaque radii, ex quibus fimbriæ istæ compositæ erant in lumine rubro, transibant præter capillum, majori interjecto intervallo, quam ii, ex quibus similes compositæ erant fimbriæ in lumine violaceo. Quare capillus, in fimbriis istis conformandis, agebat similiter in lumen rubrum, sive radios minime refrangibiles, majori interjecto intervallo; ac in lumen violaceum, sive radios maxime refrangibiles, minori interjecto intervallo: suaque ista videlicet actione, digerebat lumen rubrum in fimbrias ampliores, violaceum in contractiores, radiosque coloribus intermediis in fimbrias magnitudinibus comparate intermediis; nihil interim omnino immutato luminis ullum genus colore.

Quum igitur capillus in prima ac secunda harum observationum, collocatus esset in radio albo luminis solaris; umbramque projiceret, ternis luminis colorati limbis fimbriatam; utique colores isti non oriebantur ex novis ullis modificationibus, quas capillus scilicet radiis luminis imprefert; sed ex variis duntaxat inflexionibus, quibus radii diversorum generum a se invicem separarentur: qui quidem radii ante separandum, composuerant, permixtione colorum suorum omnium inter se, radium album luminis solaris; verum quandocunque sint a se invicem separati, constituunt lumina diversis illis coloribus, quibus ii exhibendis singuli natura apti sunt facti. In hac undecima observatione, ubi colores jam erant ante a se invicem separati, quam lumen præter capillum transiret; radii minime refrangibiles, qui, quandocunque sint a reliquis separati, colorem rubrum exhibent,

bibent, inflectebantur majori jam intervallo distantes a capillo; adeo ut ii ternas fimbrias rubras exhiberent, majori intervallo distantes à media parte umbræ capilli: radii autem maxime refrangibiles, qui, quodocunque sint a reliquis separati, colorem violaceum exhibent, inflectebantur minori jam intervallo distantes a capillo; adeo ut hi ternas fimbrias violaceas exhiberent, minori intervallo distantes a media parte umbræ capilli: & radii intermediis refrangibilitatis gradibus, inflectebantur intermediis jam intervallis distantes a capillo; adeo ut illi fimbrias intermediis coloribus exhiberent, intermediis intervallis distantes a media parte umbræ capilli. In secunda autem observatione, ubi colores universi permixti sunt inter se in lumine albo prope capillum jam transeunte; colores illi separantur ibidem per varias radiorum inflexiones: fimbriæque quas ii singuli exhibent, apparent simul omnes. Fimbriæque interiores, contiguæ existentes inter se, conficiunt unam fimbriam latam, ex coloribus universis ordine dispositis constantem; colore violaceo nimirum jacente ab interiori parte fimbriæ, proxime umbram; rubro ab exteriori parte fimbriæ, remotissime ab umbra; & cæruleo, viridi, ac flavo, in media parte fimbriæ. Item fimbriæ mediæ, ex coloribus singulis ordine itidem dispositis constantes, & contiguæ jacentes inter se, conficiunt similiter aliam fimbriam latam, ex coloribus universis compositam. Fimbriæque exteriores denique, ex coloribus singulis ordine dispositis constantes, & contiguæ jacentes inter se, conficiunt tertiam fimbriam latam, ex universis itidem coloribus compositam. Hæ sunt ternæ illæ fimbriæ luminis colorati, quibus in secunda observatione corporum omnium umbræ terminantur.

Cum præmissas observationes facerem, statueram mecum plerasque earum majori cum accuratione iterare, aliasque aliquas de novo insuper adjicere; quo nimirum id exploratum tandem haberemus, quem in modum & qua ratione radii luminis inflectantur inter transeundum prope corporum omnium extrema, ad conficiendas fimbrias illas.

coloratas cum lineis suis obscuris interjectis. Verum ab hisce studiis tum forte avocatus sum; & non possum id nunc in animum meum inducere, ut ad studia hæc intermissa iterum me reteram. Quare, cum hanc instituti mei partem non absolverim; concludam, proponendo solummodo Quaestiones aliquas, quibus alii postea in hac materia ulterius prosequenda dirigi queant.

Q U Æ S T I O I.

ANnon corpora agunt in lumen, interjecto aliquo intervallo; suaque illa actione, radios ejus inflectunt? Eoque fortior (cæteris paribus) est illa actio, quo id intervallum est minus?

Q U Æ S T I O II.

Annon radii, qui differunt inter se refrangibilitate, iidem flexibilitate quoque inter se differunt? Et diversis suis singulorum inflexionibus ita porro a se invicem separantur, ut ordinatim exinde in ternas illas fimbrias coloratas digerantur, supra memoratas? Item, Quemnam in modum inflectuntur radii, ad fimbrias illas conformandas?

Q U Æ S T I O III.

Annon radii luminis, inter transeundum prope corporum extremitates, inflectuntur sæpius ultro citroque, motu quodam undante ac sinuoso, instar anguillæ? Ternæque luminis colorati fimbriæ supra memoratæ, ex ternis istiusmodi inflexionibus oriuntur?

QUÆSTIO IV.

Annon radii luminis, qui in corpora incidentes, reflectuntur vel refringuntur, inflecti incipiunt antequam ad corpora ipsa perveniunt? Et reflectuntur, refringuntur, atque inflectuntur, una eademque vi, varie se in variis circumstantiis exerente?

QUÆSTIO V.

Annon corpora ac lumen agunt in se mutuo: corpora videlicet in lumen, emittendo id, reflectendo, refringendo, & inflectendo; lumen autem in corpora, ad ea calefacienda scilicet, motumque vibrantem, in quo calor consistit, in partibus ipsorum excitandum?

QUÆSTIO VI.

Annon corpora nigra calorem de lumine ideo facilius, quam corpora colorata, concipiunt; quia luminis id, quod in illa incidit, non reflectitur extra, sed ingreditur in ipsa corpora, intraque ea reflectitur ac refringitur sæpius atque iterum usque eo, donec restinguatur penitus & intercidat?

QUÆSTIO VII.

Annon ejus actionis, quæ mutua est inter lumen & corpora sulphurea, vis illa fortior & validior superius memorata, partim in causa est, quamobrem corpora sulphurea ignem adeo concipiant facilius, & vehementius ardeant, quam alia corpora?

QUESTIO VIII.

Annon corpora omnia fixa, quum sint ultra certum gradum calefacta, emittunt lumen & splendent? Eaque luminis emissio, per motus vibrantes partium suarum efficitur? Et annon corpora omnia, quæ partibus abundant terrestribus, & præsertim sulphureosis, lumen emittunt, quotiescunque partes istæ satis sint agitatae; sive id calore fiat, sive attritu, sive percussu, sive putrescendo, sive motu aliquo vitali, sive alia quavis de causa? ut aqua marina, sæviente procella; argentum vivum, in vacuo agitatum; felis dorsum, vel equi collum, manu oblique in loco tenebricoso affricatum; ligna, carnes, & pisces, dum putrescunt; vapores ex aquis putridis, qui ignes fatui vulgo appellantur; metæ foeni segetisve subhumidæ, fermentescentes; cicindelæ, & animalium quorundam oculi, motu quodam vitali; Phosphorus Bononiensis, radiis luminis agitatus; phosphorus vulgaris, corporis cujuscvis attritu, vel acidis aeris particulis, agitatus; electrum, & adamantes aliqui, feriendo, premendo, vel fricando: chalybis strigmenta, filice decussa; ferrum ictibus malleorum calefactum, donec sulphur sibi injectum accendat; axes curruum, motu rotarum rapidiore incensi; & certi liquores inter se permixti, quorum particulae cum impetu concurrunt; ut oleum vitrioli a nitro pari pondere distillatum, dein dupla portione mixtum cum oleo caryophyllorum, sive anisi. Similiter globus vitreus, diametro circiter 8 aut 10 unciarum, machinae versatili infixus, ut circa axem suum motu celerrimo circumagatur; qua sui parte vola manus apposita inter volvendum confricetur, lucebit. Quod si eodem tempore charta alba, aut linteam album, vel etiam digitus extremus ita admoveatur, ut circiter quarta vel dimidia unciae parte distet a vitro, qua parte motus ejus est celerrimus; vapor electricus frictione
manus

manus e vitro excitatus , & ad chartam albam , linteum , vel digitum allisus , ita agitabitur , ut lucem continuo emit-
tat , efficiatque ut charta illa alba , linteum , vel digitus ,
tanquam cicindela , luceſcat : quin & e vitro erumpens , ea
vi nonnunquam ad digitum allidetur , ut etiam tactu percipi
queat. Quod idem quoque evenit , quando cylindrus e
vitro electrove , longus & amplus , charta manu admota
eouſque confricetur , donec vitrum incaluerit.

Q U Æ S T I O IX.

Annon Ignis , corpus eſt eouſque calefactum , ut co-
pioſius lumen emittat ? Quid enim aliud eſt ferrum candens ,
niſi ignis ? Quidve aliud eſt carbo candens , niſi lignum
eouſque calefactum , ut id lumen emittat ?

Q U Æ S T I O X.

Annon Flamma , vapor eſt , fumus , ſive exhalatio
candefacta ; hoc eſt , calefacta uſque eo , ut lumen emit-
tat ? Corpora enim flammam non concipiunt , niſi ſi emit-
tant fumum copioſum ; qui porro fumus , ardet in flamma.
Ignis fatuus , eſt vapor ſine calore lucens : & nonne ea-
dem differentia eſt , inter iſtum vaporem & flammam ; ac
inter lignum putridum ſine calore lucens , & carbonem can-
dentes ? Inter diſtillandum ſpiritus calidos , ſi caput alem-
bici ſubmoveatur ; vapor , qui ex alembico aſcendit , ignem
concipect de candela , & in flammam convertetur ; eaque
flamma ſerpet per vaporem , ab uſque candela ad alembi-
cum. Aliqua corpora motu vel fermentatione calefacta ,
ſi utique calor iſte ſit magnus , fumum emittunt copioſum ;
ſique corpora ea ſatis admodum incaleſcunt , fumi iſti lu-
cebunt & ſeſe in flammam convertent. Metalla liquefacta
flammam non concipiunt , inopia fumi copioſi ; zinetum ſi
excipias , quod & fumum emittit copioſum , eoque & flam-

mas fundit. Corpora omnia quæ flammam alunt, ut oleum; sebum, cera, lignum, carbones fossiles, pix, & sulphur; absumuntur flamma sua, & in fumos candentes abeunt. Qui quidem fumus, si extinguatur flamma, valde utique crassus fit, & sub aspectum cadit, & nonnunquam etiam late olet; verum in flamma, amittit is omnem odorem suum ardendo: & pro hujus quidem fumi natura, flamma ipsa colores insuper varios trahit; ut flamma sulphuris, cæruleum; cupri, cujus partes sublimato referatæ fuerint, viridem; sebi, flavum; & camphoræ, album. Utique fumus, inter transeundum per flammam, fieri non potest quin candescat; & fumus candefactus, non potest non habere speciem flammæ. Pulvis tormentarius, quum ignem concipit, abit in fumum flammantem. Carbo nimirum & sulphur, ignem concipiunt facillime; nitrumque accendunt; nitrique spiritus inde in vaporem rarefactus, proruit cum explosione; similiter ac aquæ vapor, ex æolipila. Sulphur quoque, ut est volatile, convertit se itidem in vaporem; id quod explosionem illam adauget. Adhæc, acidus sulphuris vapor, (is videlicet, qui sub campana distillat in oleum sulphuris,) vi introdans sese in corpus fixum nitri, spiritum nitri etiamnum expedit ac laxat, ingentemque excitat fermentationem; qua porro & calor augetur, nitrique corpus fixum rarefit in fumum, quo explosio etiam adhuc vehementior fit atque acutior. Etenim si sal tartari insuper admisceatur pulveri tormentario; eaque permixtio calefiat gradatim; usque dum ignem concipiat; utique explosio porro adhuc etiam amplius violenta atque acuta reddetur. Id quod nulla alia sane ex causa oriri potest, quam ex actione vaporis pulveris tormentarii in salem tartari, qua sal iste rarefiat. Explosio itaque pulveris tormentarii, oritur ex celeri ac violenta actione, qua tota permixtio subito & vehementer calefacta, rarefit utique & convertit se in fumum sive vaporem: qui denique vapor, actionis istius violentia eodem tempore candefactus, flammæ nimirum speciem exhibet.

QUÆSTIO XI.

Annon corpora magna calorem suum conservant diutissime ; partibus suis se mutuo nimirum calefacientibus ? Et nonne fieri potest , ut corpus magnum , densum atque fixum , quum calefactum sit ultra certum gradum , lumen utique emittat adeo copiose , ut emissione illa ac reactione luminis sui , & reflexionibus refractionibusque radiorum intra occultos sui meatus , incalascet adhuc usque amplius ; caloris nimirum plura perpetuo momenta ex hisce causis trahens , quam refrigerationis ex aliis causis ; donec ad certum tandem caloris gradum perveniat , qualis est calor Solis ?

Item , Annon Sol & Stellæ fixæ , ingentes sunt terrarum globi , vehementer calidi ; quorum utique calor conservatur corporum ipsorum magnitudine , & mutua actione ac reactione quæ est inter ipsa & lumen quod emittunt ; & quorum partes quidem ne in fumos abeant , facit non modo sua ipsorum adeo fixa admodum natura , verum etiam ingens pondus densitasque atmosphærarum sibi circumcirca incumbentium , & ingenti nisu undique comprimentium , & condensantium vapores atque exhalationes quotquot sese uspiam emiserint ? Etenim si aqua in vase aliquo pellucido tepescat : & aer deinde e vase exhauriatur ; aqua ista in vacuo ebulliet nihilo minus vehementer , quam si in vase igni imposito calorem multo majorem in aperto aere concepisset. Nam atmosphæræ incumbentis pondus , vapores deprimit ; impeditque quominus aqua ebulliat , donec calorem contraxerit multo majorem , quam quo ad ejusdem in vacuo ebullitionem excitandam opus sit. Item , mixtura stanni & plumbi , ferro candenti in vacuo imposita , fumum emittit , atque etiam flammam : eadem autem mixtura , in aperto aere , propter atmosphæræ incumbentis pondus , ne fumum quidem , qui visu percipi possit , emittit. Similiter fieri potest , ut ingens atmosphæræ , quæ globo Solis incumbit,

bit, pondus, efficiat ne corpora ibi in vapores & fumos abire queant, nisi ope caloris longe majoris, quam qui eadem in terræ nostræ superficie facillime in vapores & fumos solveret; idemque illud ingens pondus, vapores & exhalationes, simul ac e Sole ascendunt, statim iterum condenset; efficiatque, ut in Solis globum continuo recidant, caloremque ipsius actione sua eodem modo adaugeant, quo aer in terra nostra calorem ignis culinarii auget; itemque prohibeant ne ingens ille globus imminuatur, nisi forte luminis & vaporum quorundam exhalationumque admodum tenuium emissionem.

QUESTIO XII.

Annon radii luminis, incidendo in fundum oculi, excitant vibrationes quasdam in tunica retina; quæ quidem vibrationes, propagatæ inde per solidas nervorum optico-
rum fibras in cerebrum usque, sensum ibi videndi excitent? Nam, quandoquidem corpora densa conservant calorem suum diutius; & ut quodque corpus densissimum est, ita calorem suum diutissime conservat; utique vibrationes partium suarum, natura sunt durabili, adeoque propagari possunt in longinqua usque spatia per solidas materiæ uniformis ac densæ fibras, ad transmittendos in cerebrum videlicet motus sensuum omnium organis impressos. Etenim motus is, qui possit diu in una eademque parte alicujus corporis se conservare; poterit itidem in longinquum propagari, ex una parte in aliam; modo id corpus homogeneum sit scilicet, ne adeo motus iste reflectatur forte, vel refringatur, vel interrumpatur & perturbetur per inæqualitatem aliquam in corpore.

QUÆSTIO XIII.

Annon radii diversorum generum, vibrationes excitant diversa magnitudine; quæ scilicet vibrationes, pro sua cujusque magnitudine, sensus diversorum excitent colorum; simili fere ratione, ac vibrationes aeris, pro sua itidem ipsarum diversa magnitudine, sensus sonorum excitant diversorum? Et nominatim, annon radii maxime refrangibiles, vibrationes excitant brevissimas, ad sensum movendum coloris violacei saturi; radii minime refrangibiles, vibrationes longissimas, ad sensum coloris rubri saturi; & radii generum omnium intermediorum, vibrationes comparate intermedias, ad sensum colorum diversorum intermediorum excitandum?

QUÆSTIO XIV.

Annon fieri potest, ut harmonia & discordia colorum, oriatur e proportionibus vibrationum propagatarum per nervorum opticorum fibras in cerebrum; similiter ac harmonia & discordia sonorum, oritur e proportionibus vibrationum aeris? Sunt enim alii colores, si juxta se invicem positi simul inspiciantur, oculis grati, ut auri & indici; alii autem, minus grati.

QUÆSTIO XV.

Annon imagines rerum objectarum, ambobus oculis visarum, coeunt in unum eo in loco, ubi nervi optici, antequam in cerebrum ingrediantur, conveniunt ac junguntur? fibris nimirum, quæ sunt in dexteriori parte utriusque nervi, coeuntibus illo in loco, & progredientibus deinceps conjunctim ad cerebrum per nervum qui est a dexteriori parte capitis: fibrisque, quæ sunt in sinisteriori parte utriusque

nervi, coeuntibus itidem eodem in loco, & progredientibus deinceps conjunctim ad cerebrum per nervum qui est a sinisteriori parte capitis; duobus autem nervis illis posterioribus, in cerebro demum ita in unum convenientibus, ut fibræ ipsorum unam duntaxat ibi imaginem constituent; cujus videlicet imaginis dimidium id, quod sit a dexteriori parte sensorii, veniat a dextra parte amborum oculorum, per dextram partem amborum nervorum opticorum, ad locum ubi nervi illi coeunt, indeque per nervum a dexteriori parte capitis in ipsum cerebrum; dimidium autem alterum, quod sit a sinisteriori parte sensorii, veniat similiter a sinistra parte amborum oculorum? Etenim nervi optici eorum animalium, quorum ambo oculi eodem spectant, (ut hominum, canum, ovium, boum, &c.) coeunt in unum antequam in cerebrum ingrediantur; at nervi optici illorum animalium, quorum ambo oculi non spectant eodem, (ut piscium & chamæleontis,) vel non coeunt omnino, vel non ita in unum coeunt ut eorum capillamenta invicem intermiscantur; siquidem vera audivi.

QUESTIO XVI.

Siquis in loco tenebricoso alterutrum oculi sui angulum digito comprimat, oculumque interea in partem contrariam avertat; videbit is circulum coloribus variegatum, eorum similibus, qui in pluma caudæ pavoniæ conspiciuntur. Si oculus & digitus immoti permaneant, colores isti intra minutum secundarium evanescent: digiti autem pressus frequentamento, identidem apparebunt. Annon hi colores oriuntur ex similibus motibus excitatis jam digiti pressu ac motu in fundo oculi, ac alias lumine ibi excitari solent ad sensum videndi movendum? Et annon hi motus semel excitati, permanent circiter minutum unum secundarium antequam cessent? Et quum aliquis oculi percussu, fulgorem quendam quasi luminis coruscantem sibi videre videtur; annon

non istiusmodi motus in tunica retina tum excitantur isto percussu? Et quum carbo candens motu celerrimo in orbem actus, efficit ut totus iste orbis videatur igneus; annon hoc ex eo evenit, quod motus in fundo oculi a radiis luminis excitati, natura sua sint durabiles, permaneantque usque eo, donec carbo candens, peracto orbe, eodem loci reverterit? Et quandoquidem motus in fundo oculi lumine excitati, ita sunt durabiles; annon natura utique sunt vibrantes?

Q U Æ S T I O XVII.

Quum lapis in aquam stagnantem projectus sit, undæ isto percussu excitatæ, aliquandiu eo in loco, ubi lapis in aquam inciderat, oriri pergunt; indeque per aquæ superficiem in circulis concentricis ad longa usque intervalla propagantur. Item vibrationes sive tremores in aere percussu aliquo excitati, a puncto percussus quoquoeversum in sphaëris concentricis ad longa usque intervalla deferri aliquantisper pergunt. Similiter itaque, cum radius luminis in corporis alicujus pellucidi superficiem incidens, ibi refringitur aut reflectitur; annon fieri potest, ut vibrationum sive tremorum undæ eo pacto in medio refringente aut reflectente ad punctum incidentiæ excitentur, atque etiam suboriri pergant, & propagentur, quando in fundo oculi, vel pressu motuve digiti, vel carbonis candentis lumine, secundum experimenta jam memoratæ, sint excitatæ? Istæque vibrationes, annon a puncto incidentiæ ad magna usque intervalla propagantur? Et annon radios luminis, motus sui celeritate prævertunt; eosque identidem prævertendo, vices illas facilioris reflexionis faciliorsque transmissus supra descriptas ingenerant? Etenim, si radii a densiori parte vibrationis recedere conantur, fieri utique potest, ut a vibrationibus istis se identidem prævertentibus, accelerentur & retardentur alternis.

QUÆSTIO XVIII.

Si in duobus amplis altisque vitris cylindraceis inversis, duo parva thermometra ita sint suspensa, ut vitrum non contingant; aerque ex horum vitrorum altero sit exhaustus; vitraque hoc modo comparata, e loco frigido in calidum deferantur; utique thermometrorum id, quod erit in vacuo, incalescet nihilo minus, neque fere tardius, quam id quod non sit in vacuo. Annon jam calor ille exterior trans vacuum deferatur, vibrationibus mediæ cujusdam longe, quam est aer, subtilioris; quod quidem medium, exhausto aere, tamen adhuc in vacuo supersit? Mediumque hoc annon id ipsum est, quo lumen refringitur & reflectitur, & cujus vibrationibus lumen calorem in corpora transfert, vicesque illas facilioris reflexionis faciliisque transmissus acquirit? Hujusque mediæ vibrationes annon in corporibus calidis, ut eorum calor intensior sit & durabilior, efficiunt? Et corpora calida, annon calorem suum in frigida contigua transferunt, vibrationibus hujusce mediæ e calidis in frigida propagatis? Atque medium hoc, annon longe longeque rarius est & subtilius quam aer, longeque etiam magis elasticum & actuosum? Et annon corpora omnia facillime permeat, perque coelos universos vi sua elastica est diffusum?

QUÆSTIO XIX.

Annon luminis refractione oritur ex densitate mediæ hujus ætherii in locis diversis diversa; lumine nimirum a densioribus partibus mediæ semper recedente? Et annon hujus mediæ densitas major est in spatiis liberis & apertis, quæ sint aere aliisque corporibus crassis vacua; quam intra aquæ, vitri, crystalli, gemmarum, aliorumque corporum densorum poros? Etenim quum lumen per vitrum aut crystallum transmitti-

mittitur, & oblique admodum in ulteriorem ejus superficiem incidens, ex toto reflectitur; reflexio illa ex toto, a densitate potius & vigore medii quod est extra ultraque vitrum, quam ex ejusdem raritate & imbecillitate, oriri debet.

Q U Æ S T I O XX.

Annon medium hoc æthereum, pro eo ut ex aqua, vitro, crystallo, aliisque crassis densisque corporibus in spatia vacua eatur, densius evadit paulatim; eoque pacto radios luminis refringit, non simul & semel in uno puncto, sed gradatim eos in curvas lineas flectendo? Et annon medii hujus condensatio, quæ ita gradatim, ad usque intervalla aliqua a corporibus porrigitur; eoque pacto in causa est, quamobrem radii luminis, qui prope corporum densorum extrema interjecto aliquo intervallo transeunt, inflectantur.

Q U Æ S T I O XXI.

Annon hoc medium multo rarius est intra corpora densa Solis, stellarum, planetarum & cometarum, quam in vacuis spatiis cœlestibus interjectis? Et a corporibus istis ad usque ingentia intervalla, annon densius perpetuo densiusque evadit; eoque pacto efficit, ut & magna ista corpora erga se invicem gravia sint, & ipsorum partes singulæ erga ipsa corpora; omnibus nimirum corporibus, qua parte medium densius est, ea ex parte recedere conantibus in partes rariores? Etenim, si hoc medium rarius sit intra corpus Solis, quam in ejusdem superficie; & in ipsa superficie rarius, quam interjecto extrinsecus centesimæ partis uncix unius a corpore Solis intervallo; & illo adhuc in loco rarius, quam interjecto quinquagesimæ partis uncix a corpore Solis intervallo; & hoc postremo in loco rarius, quam in orbe Saturni: equidem nihil causæ video, quam-

N n

obrem

obrem increfcenti denſitati uſquam locorum ullus conſtitutus ſit finis, quominus per omnia intervalla, & a Sole ad Saturnum, & adhuc uſque, porrigatur. Quæ quidem denſitas, quanquam, ingentibus interjectis intervallis, fortaffe lentiffimis augeatur accrementis; poterit tamen, ſiquidem vis elatiſtica hujus mediæ admodum ſit magna, corpora vi ea omni, quam gravitatem appellamus, a denſioribus partibus mediæ ad rariores verſus impellere. Valde autem magnam eſſe mediæ huiusce vim elatiſticam, ex vibrationum ſuarum celeritate eſt colligere. Soni feruntur circiter 1140 pedes Anglicos, intra minutum temporis ſecundarium; & minutorum ſeptem octove primariorum ſpatio, circiter centum milliaria Anglica emetiuntur. Lumen a Sole ad nos deferitur, circiter ſeptem octove minutorum primariorum ſpatio: quæ quidem inter Solem & terram diſtantia, eſt circiter 70000000 milliarium Anglicorum; ſiquidem Solis parallaxis horizontalis, ſit circiter 12". Jam vero vibrationes ſive pulſus hujus mediæ, quo vices illas alternas facilioris reflexionis faciliorique tranſmiſſus generare queant, lumine celeriores ſint oportet; & conſequenter amplius 700000 partibus celeriores quam eſt motus ſonorum. Vis igitur elatiſtica hujus mediæ pro ratione ſuæ denſitatis, debet eſſe amplius 700000×700000 (hoc eſt, amplius 490000000000) partibus major, quam eſt vis elatiſtica aeris, pro ratione ſuæ itidem denſitatis. Nam velocitates pulſuum in mediis elatiſticis, ſunt in ſubduplicata ratione elatiſcitarum & raritarum mediorum, ſimul ſumptarum.

Quemadmodum attractio in parvis magnetibus fortior eſt, pro ratione magnitudinis ipſorum, quam in majoribus; & gravitas in ſuperficiebus parvorum planetarum major eſt, pro ratione magnitudinis ipſorum, quam in ſuperficiebus planetarum magnorum; & electrica attractione agitantur corpora exigua, multo magis quam grandia: ita radiorum luminis exiguitate fieri poteſt, ut vis agentis, quo refringuntur, multo ſit fortior. Et ſimili ratione, ſi quis exiſtimet ætherem

therem constare posse. (sicuti & aer noster constat) ex particulis a se invicem recedere conantibus, (iste enim æther quid sit non definitio,) & ejus particulas longe tenuiores esse quam aeris, vel etiam luminis; utique mira particularum ejus tenuitate fieri poterit, ut fortior sit vis qua istæ particulæ a se invicem recedant, atque inde ut medium istud longe magis sit rarum magisque elasticum quam aer, & consequenter corporum projectorum motui longe minus resistat, longe autem magis corpora crassa apprimat eo conatu, qui est sese quoquoersum expandendi.

Q U Æ S T I O XXII.

Annon planetæ & cometæ & crassa corpora omnia movebuntur multo liberius, multoque eis minus resistetur, in hoc æthereo medio, quam in ullo fluido quod spatium omne penitus nullisque interjectis meatibus in totum compleat, quodque proinde multo densius sit quam argentum vivum aut aurum? Et resistantia hujus medii annon adeo exigua esse poterit, ut instar nihili reputetur? Exempli gratia: Si ætherem hunc (id enim ei nomen quidni imponam?) existimemus 700000 partibus magis elasticum esse quam aerem nostrum, atque etiam amplius 700000 partibus magis rarum; jam ejus resistantia amplius 600000000 partibus minor foret, quam aquæ. Tam exigua autem resistantia, per decem millia annorum vix planetarum motibus variationem ullam induceret, quæ sensu percipi posset. Quod si quis illud hic quærat, qui fieri possit ut medium aliquod tam sit valde rarum; ostendat is velim, quomodo aer noster, in atmosphæra superiori, rarior esse queat quam aurum, amplius centies millies millenis partibus. Ostendat insuper, quomodo corpus electricum, quum fricetur, exhalationem emittere possit tam raram tamque subtilem & tamen eodem tempore tanta vi præditam, ut quamvis emissionem ipsius nihil quicquam de corporis electrici pondere (quod quidem

quidem sensu percipi queat) diminuatur, ipsaque per sphaeram diametro amplius binorum pedum sit usquequaque diffusa, valeat tamen, intervallo amplius pedali a corpore electrico, auri cuprive bracteas agitare & sursum ferre: quo pacto magnetis effluvia tam rara atque subtilia esse possint, ut per laminam vitream transeuntibus minime resistatur, neque de eorum vi quicquam diminuatur; & tamen tanta esse vi praedita, ut acum magneticam ultra vitrum positam facile circumagant.

QUESTIO XXIII.

Annon Visus efficitur praecipue medii hujusce vibrationibus, quae in fundo oculi radiis luminis excitentur, indeque per solida, pellucida, & uniformia, nervorum optico-
rum capillamenta, usque in sentiendi locum propagentur? Et Auditus, annon efficitur vel hujusce vel alius cujusdam medii vibrationibus, quae tremoribus aeris in nervis auditoriis excitentur, indeque per solida, pellucida, & uniformia nervorum istorum capillamenta ad usque sentiendi locum propagentur? Et similiter in reliquis sensuum?

QUESTIO XXIV.

Annon motus animalis, medii ejusdem efficitur vibrationibus; quae in cerebro potestate voluntatis excitentur, indeque per solida, pellucida, & uniformia nervorum capillamenta, in musculos, eorum contrahendorum ac dilatandorum gratia, propagentur? Nervorum capillamenta singula, solida esse pono & uniformia; ut motus vibrans medii aetherei, per ea uniformiter & non interrupte ab usque uno extremo ad alterum propagetur: nam obstructions nervorum, paralysem inducunt. Quo autem satis uniformia sint, existimo ea pellucida esse singula; quamvis reflexiones luminis in cylindraccis ipsorum superficiebus, efficiant ut totus

tus nervus (ex capillamentis permultis compositus) opacus videatur & albus. Etenim opacitas oritur ex superficiebus reflectentibus, quæ mediis hujusce motibus turbandis & interrumpendis aptæ sint.

Q U Æ S T I O XXV.

Annon aliæ sunt adhuc radiorum luminis proprietates congenitæ, præter eas quæ hætenus descriptæ sunt? Utique aliam congenitam proprietatem, aperit nobis refractionis *crystalli Islandicæ*; quam quidem primo descripsit *Erasmus Bartholinus*; accuratius autem postea *Hugenius*, in libro suo *de lumine* gallice edito. Est. crystallus ista, lapis pellucidus & fissilis; aquam, vel crystallum de rupe, pelluciditate æquiparans; coloris expers; caloris adeo patiens, ut etiam candescere possit, nec tamen in posterum translucere desinat; & calore vehementissimo in calcem redigitur, nec tamen liquefit. In aqua diem unum vel alterum macerata, polituram suam naturalem amitti. Panno affricta, attrahit sibi stramenta, & alia corpora levia; instar electri, vel vitri. Et, cum aqua forti, ebullitionem ciet. Videtur esse lapis ejus generis, quod vulgo talcum appellant. Invenitur ea fere specie, quæ est parallelopipedi obliqui; lateribus sex parallelogrammis, & octo angulis solidis. Parallelogrammorum anguli obtusi, sunt graduum 101, 52'; acuti autem, graduum 78, 8'. Angulorum solidorum duo, sibi invicem ex adverso oppositi, E & C, [Fig. 4.] continentur ternis angulis obtusis; reliqui autem sex, angulis obtusis singulis, & binis acutis. Findit se facile in plana, quæ sint laterum cuiusvis parallela; in alia autem plana, non item. Findit se in superficiem politam & nitentem, non illam quidem perfecte planam, sed asperam aliquantillum & inaequalem. Interraditur facillime; &, propter nimiam molliem, ægre admodum perpolitur. Politur melius super vitro lævi & speculari, quam super metallo; & adhuc melius fortasse

TAB. I.

tasse in pice, corio, aut membrana. Oportebit autem deinceps oleo vel ovi albumine defricari, ad rasuras implendas & lævigandas; quo demum pacto, valde perlucida evadet & expolita. Verum ad plurima quidem experimenta, nihil opus est ut poliatur. Si hujus lapidis crySTALLINI frustum, libro typis impresso imponatur; literæ singulæ, per crySTALLUM istam inspectæ, gemina quadam refractione videntur binæ. Et, si quis luminis radius in quamlibet ejus superficiem incidat, vel ad perpendicularum, vel quovis obliquo angulo; dividitur is continuo, gemina ista refractione, in duos radios. Quorum quidem radiorum uterque eodem est colore, ac ipse radius incidens; & inter se etiam pares, ad quantitatem luminis, vel ferme pares videntur. Duarum istarum refractionum altera eo modo efficitur, quomodo ex usitatis optices legibus effici debet; ita nimirum, ut sinus incidentiæ ex aere in hanc crySTALLUM, eam habeat rationem ad sinum refractionis, quam habent 5 ad 3. Altera, quæ appellari potest refractione inusitata, efficitur sequenti lege.

Sit $A D B C$, superficies crySTALLI refringens; C , angulorum solidorum ad istam superficiem maximus; $G E H F$, superficies ex adverso opposita; & $C K$, linea isti superfici ei perpendicularis. Hæc linea perpendicularis, cum crySTALLI acie extrema $C F$, angulum continet graduum 19, 3'. Junge $K F$; & in ea sume $K L$ ita, ut angulus $K C L$ sit graduum 6, 40'; angulus autem $L C F$, gradum 12, 23'. Quo factò, si jam linea $S T$ repræsentet radium aliquem luminis incidentem ad T , quovis angulo, in superficiem refringentem $A D B C$; esto $T V$ radius refractus; is autem, quis sit, invenietur ex data illa proportionem sinuum, 5 ad 3, secundum usitatas optices leges. Ducatur deinde $V X$, parallela & æqualis lineæ $K L$; ducatur autem ita, ut jaceat illa ad easdem partes a V , ad quas L jacet a K ; & junge $T X$; eritque hæc linea $T X$, radius refractus alter, inusitata videlicet refractione delatus a T ad X .

Jam

Jam si igitur radius ille incidens S T, incidat utique ad perpendicularum in superficiem refringentem; erunt bini isti radii T V & T X, in quos ille refringendo erit dispertitus, paralleli facti lineis C K & C L: altero nimirum istorum radiorum se ad perpendicularum per crystallum transmittente, quomodo ex usitatis optices legibus fieri debet; altero autem T X, per refractionem inusitatam, divergente a linea perpendiculari, & continente cum ea angulum V T X, graduum circiter $6\frac{2}{3}$; uti experientia quidem compertum est. Atque hinc planum V T X, eique similia plana, quæ quidem parallela sunt plano C F K, appellari poterunt *plana perpendicularis refractionis*: & plaga ea, quo spectant lineæ K L & V X, a K & V ductæ, appellari poterit *plaga inusitæ refractionis*.

Simili ratione, *crystallus de rupe* geminam habet refractionem. Verum differentia duarum refractionum minor est, nec tam manifesta, quam in crystallo Islandica.

Quum radius S T, qui in primam crystalli Islandicæ superficiem inciderat, dispertitus est in duos radios T V & T X; iique duo radii, ad posteriorem crystalli superficiem perveniunt; radius ille T V, qui in prima superficie refractus fuerat ratione usitata, idem, in secunda superficie, usitata iterum ratione integer refringetur; radiusque alter T X, qui in prima superficie refractus fuerat ratione inusitata, idem, in secunda superficie, inusitata iterum ratione integer refringetur: adeo ut hi ambo radii emersuri sint e secunda illa superficie, in lineis primo incidenti radio S T parallelis.

Quod si duarum crystalli Islandicæ portionum altera post alteram ita sit collocata, ut posterioris superficies singulæ, sint prioris superficiebus singulis comparate parallelæ; jam radii illi, qui in prioris crystalli superficie prima, refringebantur ratione usitata, iidem usitata iterum ratione refringentur in posterioribus superficiebus omnibus: & qui radii in prioris crystalli superficie prima, refringebantur ratione inusi-

inuitata, iidem inuitata iterum ratione in posterioribus omnibus superficiebus refringentur. Quod idem quoque similiter evenit, quocunque modo ad se invicem inclinatae fuerint crystallorum superficies; dummodo plana sua refractionis perpendicularis, sint inter se parallela.

Est igitur congenita quædam radiorum luminis differentia, qua fit ut, in hoc quidem experimento, radiorum alii perpetuo refringantur ratione usitata, alii autem perpetuo ratione inuitata. Etenim si differentia ista non esset congenita, sed oriretur ex novis modificationibus, quæ quidem in prima refractione radiis imprimerentur; utique ea novis itidem modificationibus, in tribus sequentibus refractionibus, porro immutaretur. Immutatur autem nequaquam; sed eadem manet perpetuo, unumque ac eundem in radiis effectum obtinet in refractionibus illis universis. Quare refractionis inuitata, pendet ex congenita quadam radiorum proprietate. Idque adhuc inquirendum restat, an non etiamnum aliæ sint aliquæ proprietates congenitæ radiorum, quas humana nondum observavit perspicacia.

Q U Æ S T I O XXVI.

Annon radiorum luminis diversa sunt latera, diversis proprietatibus congenitis prædita? Etenim, si plana perpendicularis refractionis secundæ crystalli, posita sint ad rectos angulos cum planis perpendicularis refractionis primæ crystalli; jam radii qui in trajectu primæ crystalli refringebantur ratione usitata, iidem omnes in trajectu secundæ refringentur ratione inuitata; & qui radii in trajectu primæ crystalli refringebantur ratione inuitata, iidem omnes in trajectu secundæ refringentur ratione usitata. Quare non sunt duo diversa radiorum inter se natura sua differentium genera, quorum alteri quidem perpetuo & in omni positu refringantur ratione usitata, alteri autem semper & in omni positu refringantur ratione inuitata.

tata : sed duo illa radiorum genera in experimento jam supra in 25^{ta} quæstione memorato , hoc solum inter se differebant , quod radii , pro diverso suo positu , diversis suis lateribus spectabant plana perpendicularis refractionis crystalli. Nam , in præsentis experimento , unus idemque radius refringitur alias usitata ratione , alias inusitata ; pro eo , quo positu latera ipsius sint ad crystallos conversa. Si eadem radii alicujus latera , spectent ad easdem partes utriusque crystalli ; jam radius iste refringetur una eademque ratione in utraque crystallo. Sin autem radii latera id , quod quod conversum sit ad plagam inusitatæ refractionis prioris crystalli , distet nonaginta gradibus ab eo ejusdem radii latere , quod spectet ad plagam inusitatæ refractionis secundæ crystalli ; (quod quidem effici potest , ita convertendo secundam crystallum , ut illa diverso jam positu priorem crystallum , & consequenter radios ipsos luminis , spectet ;) jam radius iste refringetur diversis rationibus in diversis crystallis. Ut definire possis , utrum radii , qui incidunt in secundam crystallum , refringendi sint ratione usitata , an vero inusitata ; nihil aliud opus est , quam ut secunda illa crystallus ita convertatur , ut ejus plaga inusitatæ refractionis sit ab hoc vel illo radii latere posita. Quare unusquisque radius ita considerari poterit , ut in eo quatuor concipiantur plagæ sive latera ; quorum quidem duo inter se ex adverso opposita , faciant ut radius toties refringatur ratione inusitata , quoties alterutrum eorum conversum sit ad crystalli plagam inusitatæ refractionis ; reliqua autem duo , quoties eorum quidem alterutrum conversum sit ad plagam *inusitate refractionis* , non tamen efficiant ut radius alia ulla , præterquam usitata , ratione refringatur. Quorum itaque laterum priora quidem duo , appellari poterunt *latera inusitatæ refractionis*. Et quoniam hæ dispositiones in radiis inerant , antequam ii in secundam , tertiam , & quartam binarum crystallorum superficiem inciderent ; nec quicquam omnino immutabantur hæ dispositiones , (quod quidem

percipi potuerit,) refractione radiorum in transitu suo per istas superficies; radii autem refringebantur unis eisdemque legibus in unaquaque superficierum quatuor: videtur utique, hasce dispositiones radiis fuisse congenitas, nec prima refractione quicquam omnino fuisse immutatas; verum earum quidem ipsarum efficientia, radios in primam superficiem crystallo primæ incidentes, refractos fuisse; alios quidem ratione usitata, alios vero inusitata; pro eo ac ipsorum latera inusitatae refractionis, tunc temporis vel spectarent plagam inusitatae refractionis istius crystallo, vel situ ei transverso essent posita.

Habent igitur singuli radii luminis, bina latera inter se ex adverso opposita, quibus quidem lateribus congenita est proprietas ea, e qua pendet refractionis inusitata; altera autem bina latera, proprietatis istius expertia. Idque adhuc inquirendum restat, annon etiamnum aliæ proprietates sint luminis, quibus latera radiorum differant & inter se distinguantur.

Haëtenus laterum radiorum differentiam ita explicavi, ut radios in primam crystallo ad perpendicularum posuerim incidentes. Verum, si oblique incidant, idem plane erit experimenti exitus. Qui radii in prima crystallo refringuntur ratione usitata, iidem in secunda crystallo refringuntur ratione inusitata; quoties binarum crystallo planarum perpendicularis refractionis, sint inter se, ut supra, ad rectos angulos posita: & contra.

Si binarum crystallo planarum perpendicularis refractionis, sint inter se neque parallela, neque ad perpendicularum posita, sed angulum acutum contineant; jam duorum istorum radiorum e prima crystallo emergentium uterque dividetur insuper in binos radios, in ingressu secundæ crystallo. Et enim, in hoc casu, radioli, ex quibus uterque duorum istorum radiorum constat, habebunt alii latera sua inusitatae refractionis, alii autem latera sua altera, conversa ad plagam inusitatae refractionis secundæ crystallo.

Q U Æ S T I O XXVII.

Annon errantes sunt hypotheses illæ omnes, quas usque adhuc in id confinxerunt philosophi, ut phænomena luminis per novas radiorum modificationes explicarent? Non enim pendent phænomena illa ex novis modificationibus, (quomodo commenti sunt physici;) sed ex congenitis & immutabilibus radiorum proprietatibus.

Q U Æ S T I O XXVIII.

Annon errantes sunt hypotheses illæ omnes, quibus lumen in pressu quodam, seu motu per medium fluidum propagato, consistere fingitur? Nam in his omnibus hypothesis phænomena luminis usque adhuc ita explicarunt philosophi, ut ea ex novis quibusdam radiorum modificationibus oriri posuerint. Quæ est opinio errans.

Si lumen consisteret in pressu solummodo, propagato sine motu actuali; utique non posset id agitare & calefacere corpora, quæ id refringunt & reflectunt. Si lumen consisteret in motu, propagato ad omnia intervalla in puncto temporis; jam ad motum istum generandum opus esset vi infinita, singulis momentis, in particulis singulis lucentibus. Et, si lumen consisteret vel in pressu vel in motu, propagato per medium fluidum; sive in momento id fieret, sive in spatio temporis; utique futurum esset, ut id in umbram sese inflecteret. Etenim pressus vel motus in medio fluido, ultra quodvis obstaculum, quod partem aliquam motus impediat, propagari non potest in lineis rectis; sed omnino sese inflectet & diffundet quaquaversus, in medium quiescens quod ultra id obstaculum jaceat. Vis gravitans, deorsum tendit: attamen aquæ pressus, qui ex vi gravitatis oritur, tendit quaquaversus vi æquabili; & pari facilitate, paribusque etiam viribus, propagatur in latus, ac

deorsum; & per curvas vias, ac per rectas. Undæ in superficie aquæ stagnantis, dum oras lati cujusvis obstaculi præterlabuntur, quod eas partim impedit; inflectunt sese & dilatant diffunduntque gradatim, in aquam ultra id obstaculum quiescentem. Undæ, pulsus, seu vibrationes aeris, in quibus soni consistunt, inflectunt se manifesto, licet non tantum quantum undæ aquæ. Nam sonus campanæ vel tormenti bellici audiri potest trans montem, cujus interpositu corpus id quod sonum emittit, ne possit oculis cerni, intercluditur; & soni propagantur pari facilitate per tubas incurvas, ac per rectas. At lumen nunquam compertum est vias incurvas ingredi, nec sese in umbram inflectere. Nam stellæ fixæ, planetarum cujusvis interpositu, continuo evanescunt; itemque Solis partes aliquæ, interpositu Lunæ, Mercurii, aut Veneris. Radii, qui proxime ipsas alicujus corporis extremitates transeunt, inflectuntur quidem aliquantillum, corporis istius actione; quomodo supra est expositum: verum hæc quidem inflexio, non ad umbram versus, sed ad contrarias fit partes; idque in ipsa duntaxat transitione radii prope corpus extremum. Simul ac id corpus prætervectus sit, recta deinceps progreditur.

Inusitatam crystallo Islandicæ refractionem ope pressus vel motus propagati explicare, nemo (quod sciam) usque adhuc conatus est, præter unum *Hugenium*; qui quidem ad hunc finem duo diversa in ista crystallo inesse media vibrantia confinxit. Verum ipse, postquam refractiones istius crystallo, quænam essent, in binis frustis adpositis expertus fuisset; easque tales, quales supra expositæ sunt, comperisset; fassus est se ad eas explicandas, quo se verteret, plane jam nescire. Etenim pressus vel motus a lucente corpore per medium uniforme propagati, necesse est ut sint ab omni sui parte consimiles. At radios luminis, per experimenta illa in binis crystallo facta, constat in diversis suis lateribus diversas habere proprietates. Suspensus est *Hugenius*, ætheris pulsus, inter transeundum per primam crystal-

crystallum, acquirere sibi posse novas quasdam modificationes; quibus utique efficeretur, ut iidem in secunda crystallo, per hoc vel illud deinceps medium, pro positu istius crystallo, propagarentur: at quales illæ modificationes essent, explicare non potuit: nec * quicquam omnino comminisci, quod sibi ipsi posset facere satis. Quod si is illud porro intellexisset, utique inusitatam refractionem non ex novis modificationibus, sed ex congenitis & immutabilibus radiorum proprietatibus pendere; jam & hoc ei visum fuisset nihilo minus difficile explicatu, quemadmodum dispositiones istæ, quas ille a prima crystallo radiis impressas existimavit, in eis jam ante, quam in istam crystallum inciderent, inesse potuerint; &, in universum, qui fieri possit, ut omnes radii, quos corpora lucida emittunt, dispositiones istas in se ab initio & ab usque prima sua origine habeant. Mihi sane hæc res nullos omnino videtur habere posse explicatus, si lumen nihil sit aliud quam pressus quidam vel motus per ætherem propagatus.

Porro, ex his hypothesibus, illud etiam nihilo minus difficile est explicatu, qui fieri possit, ut radii sint alternatim in vicibus facillioris reflexionis & facillioris transmissus. Nisi quis hoc forte sibi comminisci velit; utique in omni loco inesse duo media ætherea vibrantia; quorum quidem alterius vibrationes, lumen constituent; vibrationes autem alterius, quoniam celeriores fingentur, efficiant, quoties prioris vibrationes illas prævertunt, ut illæ prioris vibrationes sint in istis vicibus. Verum qui fieri queat, ut per spatium universum diffusa sint duo ætherum genera, quorum hoc in illud, & illud consequenter in hoc vicissim aget, nec tamen mutuos suos motus retardent, diffringant, dispergant & perturbent; concipi utique non potest. Quominus autem coeli mediis fluidis (nisi supra modum rara sint illa)

O o 3

repleri

* Mais pour dire comment cela se fait, je n'ai rien trouvé jusqu'ici, qui me satisfasse. Hugon. de la lumière, c. 5. pag. 91.

repleri debeant, faciunt omnino planetatum & cometarum per spatia cœlestia undique & quaquaversum regulares atque durabiles motus. Inde enim liquet, spatia cœlestia omnis sensibilis resistentiæ, & consequenter omnis sensibilis materiæ, expertia esse.

Etenim vis resistens mediorum fluidorum, oritur partim ex attritu partium medii, & partim ex vi inertiae materiæ. Quæ pars resistentiæ corporis sphaerici, oritur ex attritu partium medii; ea est quamproxime ut diameter, vel, ad summum, ut factum ex diametro & velocitate corporis istius sphaerici. Quæ autem illius resistentiæ pars, oritur ex vi inertiae materiæ; ea est ut quadratum ejusdem facti. Atque hac quidem differentia, distinguere poterunt inter se bina illa resistentiæ genera in quovis medio. Distincta autem illa cum fuerint, apparebit resistentiam corporum, quæ quidem idonea sint magnitudine, & idonea aliqua velocitate moveantur in aere, aqua, argento vivo, vel quovis istiusmodi fluido, oriri fere totam ex vi inertiae partium fluidi.

Jam quidem ea pars resistentiæ cujusvis medii, quæ oritur ex tenacitate, frictu, vel attritu partium medii, diminui poterit, dividendo materiam in minores partes, efficiendoque ut partes eæ magis lubricæ fiant & lævigatæ: At vero ea resistentiæ pars, quæ oritur ex vi inertiae, proportionem respondet densitati materiæ; & diminui nequit, nec dividendo materiam in partes minores, nec alia ulla ratione, nisi ita si densitas ipsa diminuat. Atque hisce de causis, mediorum fluidorum densitas proportionem respondet resistentiæ ipsorum quamproxime. Qui liquores parum inter se differunt densitate; ut aqua, spiritus vini, spiritus resinæ terebinthinæ, oleum calidum, & similia; iidem etiam parum inter se differunt vi resistente. Aqua tredecim vel quatuordecim partibus levior est, quam argentum vivum; & consequenter 13 vel 14 partibus rarior: & ejusdem vis quidem resistens, tanto vel circiter tanto minor est quam argenti vivi; uti in pendulis experiendo comperi. Aer
apertus,

apertus, quem spiritu ducimus, octingentis vel nongentis partibus levior est quam aqua; & consequenter totidem partibus rarior: & ejusdem vis quidem resistens, eadem vel fere eadem proportionem minor est quam aquæ; uti in pendulis similiter experiendo comperi. Porro in tenuiori aere, vis resistens usque diminuitur; donec tandem, rarefcente ulterius aere, minor ea facta sit quam quæ sensu omnino percipi queat. Nam plumulis in aperto aere cadentibus, multum quidem resistitur: at eadem in vitro alto, e quo aer, quam poterat maxime, exhaustus fuerit, pari celeritate, ac plumbum ipsum vel aurum, cadere cernuntur: uti sæpius expertus sum. Unde videtur sane resistentia usque diminui, qua proportionem densitas ipsa diminuitur fluidi. Neque enim ullis experimentis comperio, corpora quæ moventur in argento vivo, aqua, vel aere, aliam sibi ullam offendere resistentiam sensibilem, præter eam quæ ex illorum ipsorum fluidorum sensibilibus densitate & tenacitate oritur: quam tamen aliam aliquam resistentiam omnino offendere deberent, si occultos fluidorum istorum meatus, & quidem alia etiam spatia omnia, replet aliud adhuc subtile atque densum fluidum. Jam, si resistentia in vase, e quo aeris quam poterat plurimum exhaustum fuerat, centum duntaxat partibus minor esset, quam in aperto aere; utique illa ipsa circiter decies centenis millibus partium minor foret, quam resistentia argenti vivi. Atqui resistentia in istiusmodi vase evacuato, multo quam dictum est minor esse videtur; multoque etiam adhuc minor in celestibus spatiis, intervallo trecentorum vel quadringentorum milliarium in altitudinem, vel adhuc longius a terra. Ostendit enim D. *Boyllus*, aerem in vasis vitreis amplius decies millies solito rariorem fieri posse. Spatia autem cœlestia multo magis vacua sunt aere, quam ullum spatium quod nos quidem hic possimus evacuasse. Etenim, cum aer compressus sit atmosphæræ incumbentis pondere; densitas autem aeris, proportionalis sit vi eum comprimenti; sequitur utique,

que, posito calculo, aerem, intervallo circiter septem milliarium Anglicorum a terra in altitudinem, quadruplo rariorem esse, quam in superficie terræ; intervallo quatuordecim milliarium, decies & sexies rariorem quam in superficie terræ; intervallo milliarium 21, 28, vel 35, circiter 64, 256, vel 1024 partibus rariorem esse, comparate; & intervallo milliarium 70, 140, vel 210, partibus circiter 1000000, 1000000000000, vel 1000000000000000000 rariorem esse; & sic deinceps.

Calor multum facit ad fluiditatem, diminuendo tenacitatem corporum. Fluida reddit multa corpora, quæ alioqui fluida non sunt; augetque fluiditatem liquorum tenacium, ut olei, balsami, mellis; eorumque vim resistentem eo pacto imminuit. At aquæ vim resistentem non multum imminuit; quod utique facere deberet, siquidem aquæ resistentiæ pars aliqua notatu digna oriretur ex attritu vel tenacitate partium fixarum. Quare aquæ vis resistens oritur præcipue & fere tota, ex vi inertię materiæ suæ. Et consequenter, si spatia cœlestia æque densa essent, ac aqua; haberent utique vim resistendi non multo minorem, quam aqua: si æque densa essent, ac argentum vivum; vim resistendi haberent non multo minorem, quam argentum vivum; si perfecte planeque densa essent, sive materiæ plena, sine ullo omnino spatio vacuo; quantumvis licet fluida & subtilis esset ea materiæ; vim resistendi tamen haberent majorem, quam argentum vivum. Globus plane solidus, in istiusmodi medio, amitteret amplius dimidiam motus sui partem, interea dum spatium ternas sui diametros longum percurreret. Et globus non plane solidus, (qualia sunt planetarum corpora,) citius sisteretur. Quo itaque locus sit diuturnis & regularibus planetarum cometarumque motibus, omnino necesse est ut spatia cœlestia omni materia sint vacua; nisi forte excipiendi erunt tenuissimi aliqui vapores, exhalationes, vel effluvia, quæ oriantur ex atmosphæris terræ, planetarum & cometarum; & æthereum

reum aliquod medium longe longeque rarissimum, quale supra descripsimus. Fluidum densum, nullo modo utile esse potest ad explicanda phænomena naturæ; quando planetarum quidem & cometarum motus, ope gravitatis, melius explicantur sine illo. Nihil aliud facere posset istiusmodi fluidum, nisi ut magnorum illorum corporum motus interturbaret & retardaret, efficeretque ut naturæ ordo languesceret; & in occultis corporum meatibus, nihil aliud quam sisteret partium suarum motus vibrantes, in quibus calor ipsorum & vis omnis actiuosa consistit. Porro, ut ad nullam rem utile est istiusmodi fluidum; e contrario autem impediret operationes naturæ, languidioreque eas redderet; ita nulla firma ratio est, quæ nos adducat ut existere id omnino credamus; ideoque penitus rejiciendum est. Quod si illud rejectum erit; rejicientur simul hypotheses eæ, quibus lumen in pressu vel motu per istiusmodi medium propagato consistere fingitur.

Istiusmodi autem medium ut rejiciamus, auctores nobis sunt antiquissimi illi & celeberrimi Græciæ Phœniciæque philosophi; qui principia philosophiæ suæ, spatium inane, atomos, & gravitatem atomorum posuerunt; tacite attribuentes vim gravitatis, alii alicui causæ a materia densa diversæ. Cujus quidem causæ physici recentiores, in rebus naturæ speculandis, nullam rationem habuerunt; hypothesis commenta confingentes, quibus phænomena omnia ex mechanicis legibus explicarent; & contemplationem aliarum causarum, in metaphysicam rejicientes. Cum, e contrario, philosophiæ naturalis id revera præcipuum sit & officium & finis, ut ex phænomenis sine fictis hypothesis arguamus, & ab effectis ratiocinatione progrediamur ad causas, donec ad ipsam demum Causam primam (quæ sine omni dubio mechanica non est) perveniamus; nec mundi mechanismum solummodo explicemus, verum etiam insuper & præcipue ut hæc & hujusmodi quæstiones tandem expediamus; *Quidnam inest in spatiis materia fere vacuis?*

& unde est quod Sol & planeta ad se invicem gravitent ; sine materia densa interjecta ? Qui fit , ut natura nihil agat frustra ? & unde orta est eximia illa mundi universi species & pulchritudo ? Quem in finem facti sunt cometae ? & unde est quod planetarum cursus sit unus omnium , unaque directione in orbibus concentricis ferantur eodem omnes ; cum cometa in orbibus valde admodum excentricis undique & quaquaversum ferantur in omnes cœli partes ? & quidnam est quod impedit , quominus stellæ fixæ in se mutuo irruant ? Qui fit , ut corpora animalium tam exquisita sint arte atque consilio fabricata ? & quos ad fines conformatae sunt diversæ ipsorum partes ? Fierine potuit , ut oculus sine scientia optices fuerit constructus ? aut auris , sine intelligentia sonorum ? qui fit , ut motus corporis obsequantur imperio voluntatis ? & unde est instinctus ille quem vocant , in animalibus ? Annon sensorium animalium , est locus cui substantia sentiens adest , & in quem sensibiles rerum species per nervos & cerebrum deferuntur , ut ibi præsentia a præsentia sentiri possint ? Atque his quidem rite expeditis , annon ex phenomenis constat , esse Entem incorporeum , viventem , intelligentem , omnipræsentem , qui in spatio infinito , tanquam sensorio suo , res ipsas intime cernat , penitusque perspiciat , totasque intra se præsens præsentia complectatur ; quarum quidem rerum id quod in nobis sentit & cogitat , imagines tantum ad se per organa sensuum delatas , in sensorio suo percipit & contuetur ? Utique si verus omnis in hac philosophia factus progressus , non quidem statim nos ducit ad Causæ primæ cognitionem ; at certe propius propiusque nos ad eam perpetuo adducit , eaque re permagnè est æstimandus.

QUESTIO XXIX.

Annon radii luminis exigua sunt corpuscula , e corporibus lucentibus emissa ? Etenim istiusmodi corpuscula per media

media uniformia transmitti debebunt in lineis rectis, sine inflectendo in umbram; quo quidem modo transmittuntur radii luminis. Poterunt quoque diversas habere proprietates, istasque proprietates inter transeundum per diversa media immutabiles conservare: quæ & ipsa itidem radiorum luminis est natura. Corpora pellucida agunt in radios luminis, per intervallum aliquod interjectum; quum eos refringunt, reflectunt, & inflectunt: radiique vicissim corporum istorum particulas, per interjectum aliquod intervallum, agitant, ad ea calefacienda: atque hæc quidem actio & reactio, quæ est per intervallum aliquod interjectum; ad vim attrahentem corporum valde admodum videtur similitudine accedere. Si refractio efficiatur attractione radiorum; consequens erit, ut sinus incidentiæ debeant ad sinus refractionis in data esse proportione; sicuti in *Principiis* nostris *Philosophiæ* ostensum est: atque hæc quidem regula, experientia comprobatur. Radii luminis inter transeundum e vitro in vacuum, inflectuntur ad vitrum versus; &, si nimium oblique in vacuum incidunt, revertuntur in vitrum, & ex toto reflectuntur. Atque hujus quidem reflexionis causa attribui non potest resistantiæ vacui, sed omnino vi alicui in vitro, quæ radios jam in vacuum exeuntes retrahat & reducat. Etenim, si posterior vitri superficies, aqua, vel oleo limpidio, vel melle liquido & pellucido madefiat; jam radii, qui alioqui reflecterentur, transibunt in istum liquorem. Ex quo apparet, radios non ante reflecti, quam ad postremam ipsam vitri superficiem pervenerint, perque eam exire incipiant. Si ex ea egredientes, incidunt jam in liquorum aliquem prædictorum, utique progredi, qua coeperint, pergunt; quia vitri attractio paribus fere virium momentis e contraria parte æquatur, & ne effectum suum obtineat impeditur, attractione contrario liquoris sibi adhærentis: sin autem radii e posteriore illa superficie egredientes, incidunt in spatium vacuum, quod, cum vim attrahentem nullam habeat, vitri attractionem æquiparare

& irritam reddere non possit; jam vitri attractio eos vel detorquendo refringit, vel reducendo reflectit. Atque hoc quidem adhuc clarius apparere poterit, committendo inter se bina prismata vitrea, vel bina vitra telescopiorum prælongorum objectiva, quorum quidem alterum planum sit, alterum autem aliquantulum convexum; eaque ita comprimendo, ut nec plane se inter se contingant, nec nimio tamen intervallo distent. Jam enim id luminis, quod in vitri prioris superficiem posteriorem incidat, qua parte vitra ista inter se intervallo non amplius $\frac{1}{1000000}$ partis unciae distent, transmittetur per superficiem illam, perque aerem vel vacuum vitris interjectum, & in vitrum secundum ingredietur; quomodo expositum est in observationibus 1^{ma}, 4^{ta} & 8^{va} primæ partis libri secundi. Sin autem vitrum secundum submoveatur; jam id luminis, quod e secunda superficie primi vitri egreditur in aerem vel vacuum, non utique illac progredietur, verum revertetur in vitrum primum, & reflectetur. Ex quo apparet, radios vi aliqua, quæ insit in primo vitro, retrahi; quippe cum nihil sit aliud, quod efficere possit ut ii revertantur. Porro, ad colorum varietatem omnem, diversosque refrangibilitatis gradus producendos; nihil aliud opus est, quam ut radii luminis sint corpuscula diversis magnitudinibus: quorum quidem ea, quæ sint minima, colorem constituent violaceum, utique tenebrosissimum & languidissimum colorum; eademque omnium facillime, superficieum refringentium actione, de via recta detorqueantur: reliqua autem, ut eorum quodque in magnitudinem excedit, ita colores exhibeant fortiores & clariores, utique cæruleum, viridem, flavum, & rubrum; itemque eadem proportionem difficilius usque & difficilius de via detorqueantur. Adhæc, quo radii luminis alternas habeant facilioris reflexionis & facilioris transmissus vices, nihil aliud opus est, quam ut ii exigua sint corpuscula; quæ vel attractione sua, vel alia aliqua vi, vibrationes quasdam in medio, in quod agunt, excitent; quæ

quæ quidem vibrationes, radiis celeriores existentes, prævertant eos successive, & ita agitent, ut velocitatem ipsorum augeant imminuantque alternis, adeoque vices illas in ipsis generent. Denique inusitata illa crystalli Islandicæ refractionis, valde admodum verisimile est, ut efficiatur vi aliqua attrahente, quæ insit in certis lateribus tum radiorum luminis, tum particularum crystalli. Nam si non virtus aliqua sive vis istiusmodi, in alteris ineffectet lateribus particularum crystalli, in alteris non item; quæ quidem vis, radios detorqueret & flecteret ad partes refractionis inusitatae; utique fieri non posset, ut radii qui in crystallum ad perpendicularum incidant, eo versus, potius quam aliorum, tum in ingressu tum in egressu suo ita refringerentur, ut ad perpendicularum itidem emergerent per contrarium jam situm plagæ inusitatae refractionis in superficie secunda; crystallo nimirum usque in radios agente, postquam ii per illam transmissi, jamjam in aerem, vel, si placet, in vacuum emergunt. Et, quoniam crystallus, ista vi sua, non agit in radios, nisi tum cum & radiorum latera inusitatae refractionis altera, ad plagam istam crystalli sint conversa; apparet in radiorum quoque lateribus illis inesse vim sive virtutem aliquam, quæ correspondeat vi isti quæ est in crystallo, eo fere modo quo binorum magnetum poli sibi invicem respondent. Quæ quidem magnetum virtus, sicut augeri & imminui potest, nec nisi in solis magnetibus atque in ferro invenitur; ita vis hæc refringendi radios ad perpendicularum incidentes, major est in crystallo Islandica, in crystallo de rupe minor, necdum in aliis corporibus observata est ulla. Non hoc ita intelligi velim, ut hanc virtutem magneticam esse affirmare videar: videtur ea diversi esse generis. Hoc tantum affirmare velim; utique, quæcunque demum ea vis sit, vix concipi posse qui fieri queat ut radii luminis, nisi sint illi exigua corpuscula, vim aliquam habeant in binis laterum suorum permanentem, quæ eadem in alteris eorum lateribus eodem

tempore non inſit; idque nulla habita ratione, quo poſitu ipſi reſpiciant ſpatium ſive medium per quod tranſmittantur.

Quid in hac quæſtione velim, cum dicam vacuum, & attraçiones radiorum luminis adverſum vitrum aut cryſtallum; intelligi poteſt ex iis quæ ſupra dicta ſunt in quæſtionibus 18^{va}, 19^{na}, & 20^{ma}.

QUÆSTIO XXX.

Annon corpora craſſa & lumen in ſe mutuo converti & tranſmutari poſſunt? & annon fieri poteſt, ut corpora vim ſuam actuoſam plurimum accipiant a particulis luminis, quæ in eis componendis inſunt? Etenim corpora omnia fixa, quum ſint calefacta, lumen emittunt tamdiu, dum ſatis calida permanent: & lumen viciffim immitit ſe & inhæret in corporibus, quoties radii ejus in particulas ipſorum impingunt; quomodo ſupra eſt expoſitum. Nullum corpus, quod ſciam, minus aptum eſt ad lucendum, quam aqua: attamen aqua diſtillationibus repetitis convertit ſe in terram fixam; uti experiendo comperit D. *Boylus*. Jamque terra illa, idonei caloris patiens facta, lucem æque, ac alia corpora, calefaciendo emittit.

Ut corpora tranſmutentur in lumen, & lumen in corpora, valde admodum congruens eſt naturæ ordini & rationi; quæ in iſtiusmodi converſionibus quaſi delectari videtur. Aqua, quæ eſt ſal admodum fluidus & ſaporis expers, calore convertitur in vaporem, qui eſt genus quoddam aeris; frigore autem in glaciem, quæ eſt lapis durus, pellucidus, fragilis, & ad liquandum aptus: atque hic quidem lapis, revertitur in aquam calore; vapor autem, frigore. Terra, calore fit ignis; & frigore, revertitur in terram. Corpora denſa, fermentefcendo rareſcunt in varia genera aeris; & aer iſte fermentatione, nonnunquam etiam ſine fermentatione, revertitur in corpora denſa. Argentum
vivum

vivum speciem habet & formam, interdum metalli fluidi, interdum metalli duri & fragilis; interdum salis pellucidi & rodentis, quem sublimatum appellant; interdum terræ pellucidæ, volatilis, albæ, & sapore carentis, quam mercurium dulcem vocant; interdum terræ rubræ, opacæ & volatilis, quam cinnabarin appellant; interdum præcipitati rubri, vel albi; & interdum salis fluidi: distillando, convertit se in vaporem: agitatum in vacuo, lucet instar ignis: &, post omnes has transmutationes, revertitur iterum in argentum vivum. Ova ex corporibus minoribus, quam ut sensu percipi queant, explicant se paulatim in magnitudinem, & in animalia convertuntur: gyrini, in ranas; vermiculi, in muscas. Aves omnes, bestię, pisces, insecta, arbores, & universum herbarum genus, cum singulis suis inter se valde diversis partibus, accrescunt ex aqua & tincturis aquosis & salibus: eademque omnia putrescendo, revertuntur in humores aquosos. Porro, aqua in aperto aere aliquot dies exposita, tincturam inducit, quæ (instar tincturæ hordei macerati & incocti,) progrediente tempore, sedimentum habet & spiritum; ante putrescendum autem, alimentum præstat tum animalibus tum plantis. Inter has autem tot tamque varias mirasque transmutationes, quidni & lumen similiter vertat natura in corpora, & corpora in lumen?

Q U Æ S T I O X X X I .

Annon exiguæ corporum particulæ certas habent virtutes, potentias, sive vires; quibus, per interjectum aliquod intervallum, agant, non modo in radios luminis, ad eos reflectendos, refringendos, & inflectendos; verum etiam mutuo in se ipsæ, ad producenda pleraque phænomena naturæ? Satis enim notum est, corpora in se invicem agere per attractiones gravitatis, virtutisque magneticæ & electricæ. Atque hæc quidem exempla, naturæ ordinem & rationem, quæ sit, ostendunt; ut adeo verissimilimum

linum sit, alias etiam adhuc esse posse vires attrahentes. Etenim natura valde consimilis & consentanea est sibi. Qua causa efficiente hæ attractiones peragantur, in id vero hic non inquirō. Quam ego attractionem appello, fieri sane potest ut ea efficiatur impulsu, vel alio aliquo modo nobis ignoto. Hanc vocem attractionis ita hic accipi velim, ut in universum solummodo vim aliquam significare intelligatur, qua corpora ad se mutuo tendant; cuicunque demum causæ attribuenda sit illa vis. Nam ex phænomenis naturæ illud nos prius edoctos oportet, quænam corpora se invicem attrahant, & quænam sint leges & proprietates istius attractionis; quam in id inquirere par sit, quanam efficiente causa peragatur attractio. Attractiones gravitatis, virtutisque magneticæ & electricæ, ad satis magna se extendunt illæ quidem intervalla; adeoque etiam sub vulgi sensum notitiamque ceciderunt: at vero fieri potest, ut sint præterea aliæ quoque aliquæ, quæ tam angustis finibus contineantur, ut usque adhuc omnem observationem fugerint. Et fortasse attractio electrica ad istiusmodi exigua intervalla extendi potest, etiamsi non excitetur frictione.

Nam, quum sal tartari fluit per deliquium, annon hoc efficitur attractione aliqua, quæ est mutua inter particulas salis tartari, & particulas aquæ, quæ vaporum speciem habentes circum in aere volitant? Et cur non sal vulgaris, vel sal nitrum, vel vitriolum, fluit itidem per deliquium; nisi quod istiusmodi attractionis expers sit? Et cur sal ipse tartari, postquam aquam, pro quantitate sui, certa portione ex aere exhauferit, deinceps non amplius imbibit; nisi quod, postquam aqua saturatus sit, vi illa attrahente deinceps careat? Et unde est, nisi ab hac vi attrahente, quod aqua, quæ per se ipsa vel leni admodum tepore distillat, e sale tartari tamen distillando elici non potest nisi magno calore? Et annon ejusmodi quoque vi attrahenti, quæ inter particulas olei vitrioli & particulas aquæ mutua sit, attribuendum est, quod oleum vitrioli aquam satis magna portione

tione ad se ex aere eliciat; cum autem semel saturatum sit, deinceps non amplius imbibat; & in distillando, aquam ægre admodum dimittat? Et quum aqua & oleum vitrioli in unum vas infusa, concalescunt intermiscendo; annon ex calore illo apparet, magnum excitatum esse motum in particulis liquorum? & annon ex motu illo apparet, binorum istorum liquorum particulas inter miscendum magna cum vi coalescere, & consequenter ad se invicem motu cum accelerato irruere? Et quum aqua fortis vel spiritus vitrioli, scobi ferreæ superfusus, magno eam cum calore & ebullitione dissolvit; annon calor & ebullitio ista oritur ex violento partium motu? & annon ex motu isto apparet, acidæ liquoris particulas in partes metalli magna cum vi irruere, & violenter se in occultos earum meatus ingerere; donec inter exteriores metalli grumulorum particulas, & massulas ipsas, sese introdantes, & exterioribus illis particulis factæ jam undique circumflue, disjungant eas singulatim a massulis suis, efficiantque ut solutæ in aqua innatent? Et quum acidæ liquoris particule, quæ per se solæ satis leni calore distillarent, a metalli tamen particulis distillando avelli & separari non possunt, nisi forte ingenti admodum & violento calore; annon hoc illud confirmat, utique esse inter eas istiusmodi attractionem mutuam?

Quum spiritus vitrioli, sali vulgari vel sali nitro affusus, ebullitionem ciet, & coalescit cum sale; & in distillando, spiritus salis vulgaris vel salis nitri multo facilius, quam antea, ascendit; spiritus vitrioli autem pars acidæ, infra in vase restat: annon hinc colligi potest, fixum alkali salis, acidum vitrioli spiritum fortius utique, quam suum ipsius spiritum salis, sibi attrahere; & quoniam utrumque simul detinere non potest, suum ipsius dimittere? Et quum oleum vitrioli e nitro pari pondere distillatur, & ex utrisque elicitur spiritus nitri compositus; isteque spiritus, dupla portione, affusus oleo caryophyllorum, vel oleo ex cari seminibus, vel oleo cuivis ponderoso ex plantarum vel anima-

lium partibus, vel oleo resinæ terebinthinæ cum admixto balsamo sulphuris parva portione ad spissamentum, concalescit usque adeo inter commiscendum, ut etiam flammam ex se continuo concipiat: annon permagnus ille & subitaneus calor hoc indicat, utique binos istos liquores maxima cum vi permisceri inter se, eorumque particulas inter miscendum ad se invicem motu cum accelerato irruere, & violentissimo impetu inter se configere & collidi? Et annon eidem causæ tribuendum est, quod spiritus vini probe rectificatus, & composito illi spiritui jam dicto affusus, flamma subitanea corruicat? & quod pulvis fulminans, quem vocant, ex sulphure, nitro, & sale tartari compositus, ictu magis subito magisque violento, quam etiam pulvis ipse tormentarius, disploditur? acidis nimirum sulphuris nitrique spiritibus ad se invicem & ad salem tartari tanto cum impetu irruentibus, ut concussu & collisu suo pulverem simul omnem vehementi ebullitione rarefaciant, & in vaporem atque flammam disjiciant? Utique, ubi corporum inter se permixtorum dissolutio cum lentiori fit motu, ibi ebullitio & ipsa quoque lenta est, & cum leniori calore: ubi dissolutio celerior fit, ibi & ebullitio quoque major est, & cum majori calore: & ubi dissolutio fit tota simul, ibi ebullitio quoque fit quasi in momento temporis per subitam violentamque explosionem, & cum calore nihilo minore quam ignis ipsius & flammæ. Sic quum compositus ille spiritus nitri supra dictus drachmæ unius pondo, in olei ex cari seminibus pondo dimidiam drachmam superinfusus erat in vacuo; flammam continuo concepit mistura illa, cum displosu instar pulveris tormentariis; diffregitque vitrum aere evacuatum, in quo inclusa fuerat; quanquam habebat id quidem in amplitudinem uncias sex, in altitudinem octo. Quinimo sulphur ipsum crassum & impuratum, si in pulverem redigatur, & cum scobe ferrea pari pondere commixtum, adjecto aquæ paululo, in firmitatem farinæ aqua subactæ depatur; aget in ferrum, & intra quinque aut sex horarum spatium,

spatium, concalescet ita ut manibus tractari nequeat, & etiam flammam emittet. Atque ex his quidem omnibus experimentis; si eodem tempore consideremus quam multum sit sulphuris intra terram, & quam calidæ sint partes interiores terræ; fontesque fervidos contemplemur, montesque ardentes, mephitesque subter terram subitaneas, & vapores inflammabiles, coruscationes metallicas, terræ motus, exhalationes æstuosas & suffocantes, ventorum turbines, immanesque aquæ marinæ in cœlum usque elatos & contortos vortices; utique intelligere poterimus, omnino ita comparatam esse terram, ut in visceribus ejus abundant vapores sulphurosi, qui cum mineralibus fermentescere debeant, & interdum ignem concipere, cum subita coruscatione & dispendio; & si forte in cavernis subterraneis arcte inclusi contineantur, vehementer conquassare terram, & cavernas ejus disrumpere, quemadmodum cuniculi pulvere tormentario repleti terram suffossam mira cum violentia disjiciunt: quod cum accidit, tum vapores explosione ista generatos, per occultos terræ meatus expirare, æstuososque sentiri & suffocantes; procellasque, turbines & tempestates cieri, efficereque nonnunquam ut terræ tractus de locis suis transportentur, ebulliatque mare, & guttatim subvehantur in cœlum aquæ, quæ deinceps acervatim & vorticoso pondere corruant, quasi e nubibus effusæ. Præterea, exhalationes quædam sulphurosæ omni tempore, quando terra sit siccior, in aerem ascendentes, fermentescunt ibi cum acidis nitrosis; & nonnunquam ignem concipientes, fulmina generant, & tonitrua, aliaque meteora ignea. Abundat enim aer vaporibus acidis fermentescendo aptis; uti videre est ex eo, quod ferrum & cuprum rubiginem in aere tam facile contrahant, ignisque accendatur sufflando, cordisque pulsus in animalibus respiratione conservetur. Jam vero hi, quos diximus, motus, tanti sunt tamque violenti, ut ex eis satis appareat, utique in fermentationibus particulas corporum, quæ terrene quieverant, novis motibus cieri a principio aliquo

præpotente, quod in eas nonnisi tum agat, quum inter se valde propinquæ sint; efficiatque ut eæ concurrant inter se & collidantur magna vi, motuque illo concalescant, & diffringentes conterentesque se invicem, evanescant in aerem, vaporem, & flammam.

Quum sal tartari per deliquium in solutionem cujusvis metalli infusus, metallum præcipitat, efficitque ut id limi specie in fundo subsidat; annon ex hoc apparet, acidas liquoris particulas fortius utique sale tartari, quam a metallo, attrahi; adeoque fortiori illa attractione, ad salem tartari e metallo transduci? Similiter, quum solutio ferri in aqua forti, dissolvit cadmiam injectam, suumque ferrum dimittit; vel quum solutio cupri, dissolvit ferrum sibi immisum, dimittitque cuprum; vel quum solutio argenti, dissolvit cuprum, argentumque suum dimittit; vel quum solutio argenti vivi in aqua forti, superfusa ferro, cupro, stanno vel plumbo, dissolvit id metallum & argentum vivum dimittit: annon hoc indicat, acidas aquæ fortis particulas fortius utique ad cadmiam attrahi, quam ad ferrum? fortiusque ad ferrum, quam ad cuprum? & ad cuprum, quam ad argentum? itemque fortius ad ferrum, cuprum, stannum vel plumbum, quam ad argentum vivum? Et annon eidem causæ tribuendum est, quod ad ferrum dissolvendum saturandumque, plus aquæ fortis opus sit, quam ad cuprum; & ad cuprum plus opus sit, quam ad reliqua metalla: itemque quod ferrum metallorum omnium facillime dissolvatur, rubiginemque facillime contrahat; deinceps autem, cuprum?

Quum oleum vitrioli commixtum est cum aquæ paululo, vel fluxit per deliquium; & inter distillandum aqua illa ægre ascendit; subvehitque secum partem aliquam olei vitrioli, specie ac forma spiritus vitrioli; isteque spiritus, ferro, cupro, vel sali tartari affusus, coalescit cum illo, & dimittit aquam: annon hoc ostendit, spiritum illum acidum attrahi quidem ab aqua, fortius autem attrahi a corpore fixo quam ab aqua; ideoque di-

mittere.

mittere aquam , ut cum corpore fixo coalescat ? Et an-
non eidem causæ tribuendum est , quod aqua & spiritus
acidi qui insunt in aceto , aqua forti , & spiritu salis ,
cohærent & in distillando simul ascendunt : sin autem id
menstruum , sali tartari , vel plumbo , vel ferro , vel
cuivis corpori fixo , quod id dissolvere queat , superfusum
sit ; tum spiritus illi acidi fortiori attractione adhærent cor-
pori fixo , & dimittunt aquam ? Et annon mutuæ itidem
attractioni tribuendum est , quod spiritus fuliginis & salis
marini coalescant , & constituent particulas salis ammoniaci ;
quæ minus , quam antea , volatiles sunt , quippe crassiores
& minus aquæ sibi admixtum habentes ? item quod parti-
culæ salis ammoniaci , inter sublimandum , subvehant secum
particulas stibii , quæ per se solæ sublimari nolunt ? & quod
particulæ argenti vivi , coalescentes cum particulis acidis spi-
ritus salis , constituent mercurium sublimatum ; cum particu-
lis autem sulphuris , cinnabarin ? & quod particulæ spiritus
vini & spiritus urinæ probe rectificatorum , coalescant ; &
dimittentes aquam quæ eas dissolverat , in corpus firmum
durescant ? & quod inter sublimandum cinnabarin e sale
tartari vel calce viva ; sulphur , fortiori attractione salis vel
calcis , dimittat argentum vivum , ipsumque una cum cor-
pore fixo in vase restet ? & quod , cum mercurius subli-
matus sublimetur e stibio , vel e regulo stibii : spiritus salis
dimittat argentum vivum ; & coalescat cum metallo illo sti-
bii , quod quidem eum fortius attrahit ; & restet cum il-
lo , usque dum calor tantus sit , ut is utrumque simul sur-
sum impellere possit ; tumque spiritus iste salis subvehat se-
cum illud metallum , specie & forma salis valde fusilis ,
quem butyrum stibii appellant ; idque licet spiritus salis per
se solus non multo minus volatilis sit quam aqua , & sti-
bium per se solum non minus fixum quam plumbum ?

Quum aqua fortis dissolvit argentum , non autem aurum ;
& aqua regia dissolvit aurum , non autem argentum : an-
non recte dici potest , aquam fortem satis quidem subtilem

esse ad penetrandum aurum æque ac argentum; carere autem vi illa attrahente, qua se inferre & introdare possit? & aquam regiam satis quidem subtilem esse, ad penetrandum argentum æque ac aurum; carere autem vi illa attrahente, qua se introdare possit? Nam aqua regia nihil est aliud, nisi aqua fortis cum admixto spiritu salis vel sale ammoniaco: atque etiam sal ipse vulgaris in aqua forti dissolutus, efficit ut illa aurum deinceps dissolvere possit; quamvis sal quidem iste, sit corpus crassum. Cum igitur spiritus salis præcipitat argentum de aqua forti; annon hoc inde fit, quod is attrahat aquam fortem, seque ei admisceat; non autem attrahat argentum, fortasse etiam id a se repellat? Cumque aqua præcipitat stibium de sublimato stibii & salis ammoniaci, vel de butyro stibii; annon hoc inde fit, quod ea salem ammoniacum vel spiritum salis dissolvat, illique se admisceat, & vim illius imminuat; non autem attrahat sibi stibium, fortasse etiam id a se repellat? Et annon ex eo, quod nulla sit attractio mutua inter particulas aquæ & olei, argenti vivi & stibii, plumbi & ferri; fit, ut corpora ista inter se non permisceantur? attractione autem debili, ut argentum vivum & cuprum ægre quidem commisceantur? & attractione forti, ut argentum vivum & stannum, stibium & ferrum, aqua & sales, facile permisceantur inter se? Et in universum, annon eidem isti principio tribuendum est, quod calor congreget corpora quæ sint ejusdem generis, separet autem ea quæ sint generum diversorum?

Quando arsenicum cum sapone regulum producit, cum mercurio sublimato autem salem volatilem, fusilem, & butyro stibii similem; annon hoc ostendit, arsenicum, quod est corpus ex toto volatile, compositum esse ex partibus fixis & volatilibus arcte inter se mutua attractione coherentibus, ita ut partes volatiles ascendere nequeant, quin eodem tempore fixas quoque secum subvehant? Similiter, quum spiritus vini & oleum vitrioli pari pondere simul digesta

gesta sunt; &, distillando, duos reddunt spiritus volatiles & fragrantés, qui quidem inter se permisceri nolunt; restat autem infra in vase, terra fixa &, nigra: annon hoc indicat oleum vitrioli compositum esse ex partibus volatilibus & fixis, arcte inter se mutua attractione coherentibus, ita ut ambæ simul ascendant, formam habentes salis volatilis, acidi, & fluidi; donec spiritus vini interveniens, attrahat sibi & separet partes volatiles a fixis? Proinde, quandoquidem & oleum sulphuris per campanam ejusdem est naturæ ac oleum vitrioli; annon recte inferri potest, utique & sulphur itidem compositum esse ex partibus volatilibus & fixis, arcte inter se mutua attractione coherentibus, ita ut ambæ simul inter sublimandum ascendant? Nam & dissolvendo flores sulphuris in oleo resinæ terebinthinæ, deinde solutionem istam distillando, compertum est sulphur constare ex oleo crasso & inflammabili, sive bitumine pingui, sale acido, terra valde fixa, & metalli paululo: quorum quidem corporum priora tria, æqua fere portione inveniebantur; quartum autem tam parva admodum portione, ut observatu dignum vix esset. Sal ille acidus, in aqua dissolutus, idem est ac oleum sulphuris per campanam; permultusque cum sit in visceribus terræ, maximeque in marchasitis, coalescit inde cum cæteris corporibus ex quibus constant marchasitæ, cum bitumine scilicet, ferro, cupro & terra; cumque illis conflatur alumen, vitriolum & sulphur: cum terra sola nimirum, alumen; cum metallo solo, vel metallo & terra, vitriolum; & cum bitumine & terra, sulphur: ex quo fit; ut marchasitæ tribus illis mineralibus abundant. Et annon mutux attractioni attribuendum est, quod materiæ diversæ, ex quibus hæc constant mineralia, coeant & cohæreant ad ea conflanda? & quod bitumen subvehat secum reliquam sulphuris materiam, quæ sine illo sublimari non posset? Idemque de omnibus, vel fere omnibus, quotquot usquam sunt corpora crassa, quæri potest. Nam & animalium & plantarum partes omnes compositæ sunt ex materiis

materiis volatilibus & fixis, fluidis & solidis; uti ex eorum analysi quidem apparet; itemque sales & mineralia; quantum chymici quidem compositionem eorum usque adhuc perve-
stigare potuerint.

Quum mercurius sublimatus sublimatur denuo cum argento vivo, fitque mercurius dulcis; qui est terra alba, saporis expers, & in aqua haud dissolubilis: cumque mercurius dulcis, sublimatus iterum cum spiritu salis, revertitur in mercurium sublimatum: & quum metalla paululo acidi corrosa, convertuntur in rubiginem; quæ est terra saporis expers, & in aqua non dissolubilis; terraque ista plusculo acidi macerata, fit sal metallicus: cumque lapides quidam, ut fluor plumbi, idoneo menstruo dissoluti, sales fiunt: annon hæc omnia ostendunt, sales constare ex terra sicca & acido aquoso attractione conjunctis? terramque non posse salem fieri, nisi accedat tantum acidi quantum ad id sufficiat, ut illa dissolvi deinceps possit in aqua?

Annon acidorum sapor ille acerbus & pungens, oritur ex forti attractione, qua particulæ acidæ irruant in particulas linguæ, easque agitent? Et quum metalla, in mens-
truis acidis dissoluta sunt; acidæque cum metallo conjuncta, alia jam ratione agunt; adeo ut permixtio illa saporem jam alium habeat multo quam antea mitiorem, nonnunquam etiam dulcem: annon hoc inde fit, quod corpuscula acida particulis metallicis adhærescentia, multum eo pacto de vi sua actiuosa imminuant? Et, si acidum minore portione adsit, quam ut compositum efficiat in aqua dissolubile; annon acidum illud, ad metallum arcte adhærescendo, vim suam actiuosam saporemque omnem amitteret? fietque corpus ex utrisque compositum, terra saporis expers? Quæ enim corpora humore linguæ non dissolvuntur, ea sensum gustus non afficiunt.

Quemadmodum gravitas efficit, ut mare densiorem & ponderosorem terræ globum circumfluat; ita attractione effici potest ut acidum aquosum densiores & compactiores particulas

ticulas terrestres circumfluat , ad componendas particulas salis. Neque enim alioqui fieri posset , ut acidum loco in-
dii foret inter terram & aquam vulgarem , ad efficiendum
ut sales dissolvantur in aqua : neque futurum esset , ut sal
tartari tam facile extraheret acidum e metallis dissolutis ; aut
metalla , acidum ex argento vivo. Utique , quomodo in
ingenti illo terrarum marisque globo , densissima quæque
corpora gravitate sua subsidunt in aqua , semperque conan-
tur ad centrum globi accedere ; eodem modo in particulis
salis , materia densissima semper conabitur ad particulæ cen-
trum accedere : adeo ut particula salis , comparari queat
quadantenus ad Chaos ; densa videlicet , dura , sicca &
terrestris a centro ; rara autem , mollis , humida & aquosa
a superficie. Atque huic quidem causæ tribuendum vide-
tur , quod sales natura sunt adeo durabili. Nempe destrui
vix possunt , nisi ita si aquosæ ipsorum partes vel vi ab-
trahantur ; vel leni calore , inter putrescendum , in occul-
tos meatus terræ illius , quæ est ad centra particularum ,
insidere permittantur ; usque dum partes terrestres dissolvan-
tur tandem aqua , & separentur in minores particulas , quæ ,
qua sint exiguitate , efficere queant ut totum putrefactum
nigro videatur colore. Porro , hinc quoque fieri potest ,
ut partes animalium & plantarum suas singularum formas con-
servent , & nutrimentum in suam cujusque ipsarum simili-
tudinem convertant ; molli nimirum & humido nutrimento
facile immutante texturam suam per lenem calorem & mo-
tum , donec simile tandem factum sit densæ illi , duræ ,
siccæ & durabili terræ , quæ est in centro uniuscujusque par-
ticulæ. Quum vero nutrimentum ineptum fit ad assimilan-
dum ; vel terra illa , quæ est in centris particularum ,
debilior facta est , quam ut id in similitudinem sui conver-
tere possit : tum motus ille omnis desinit in confusionem ,
putredinem & mortem.

Si sal quivis vel vitriolum parva admodum portione dis-
solvatur in permulta aqua ; particulæ salis vel vitrioli non

R r

utique

utique ad inum fident, licet specificè graviores sint quam aqua, sed diffundent se æquabiliter per totam aquam; ita ut illa æque falsa futura sit a summo, ac ab imo. Annon hoc indicat, partes salis vel vitrioli a se mutuo recedere, & sese expandere conari quaquaversus, tamque longe a se invicem sejungi, quam patitur aquæ, in qua innatant, spatium? & annon conatus iste ostendit, utique habere eas vim quandam repellendi, qua a se invicem dif-
fugiunt? aut saltem fortius eas aquam attrahere, quam semet ipsas mutuo? Etenim, quemadmodum corpora illa omnia in aqua ascendunt, quæ telluris gravitate minus sunt attracta, quam est aqua ipsa: ita omnes salis particulae, quæ in aqua innatant, minusque ab una qualibet salis particula sunt attractæ, quam est aqua ipsa; recedant necesse est a particula illa, & aquæ fortius attractæ locum dent.

Quum liquor sale quovis imbutus, evaporatus est, quod aiunt, ad cuticulam; & deinde refrixit: sal continuo concrefcit in figuras aliquas regulares. Ex quo apparet, salis particulas, antequam concrefcerent, jam in liquore illo æquis interjectis intervallis, certisque ordinibus dispositas innataffe; & consequenter eas in se invicem egisse vi aliqua, quæ æqualis sit in intervallis æqualibus, in inæqualibus inæqualis. Nam tali quidem vi, illæ se in consimiles ordines usquequaque disponent, sine ea autem, circumnatabunt dispersim quaquaversus; itemque sine ullo ordine, ut forte ceciderit, concurrent. Et quoniam particulae crysalli Islandicæ agunt omnes consimili ratione in radios luminis, ad refractionem illam inusitatam efficiendam; annon credibile est particulas illas, in frustis ejus crysalli formandis, non modo certis se ordinibus ita disposuisse, ut, extremitatibus suis eodem cunctis spectantibus, in figuras regulares concrefcerent; verum etiam ita insuper, ut & latera quoque sua quoad vires attrahentes homogenea, quasi polari quadam virtute eodem omnes converterint?

Corporum omnium durorum homogeneorum particulae,
quæ

quæ se inter se plane contingunt, magna vi inter se co-
hærent. Quod qui fieri possit, ut explicarent philosophi,
commenti sunt alii atomos hamatas; quod est utique id
ipsum pro responso afferre, quod erat quæsitum. Alii fin-
xerunt corporum particulas inter se conglutinas esse quiete;
hoc est, qualitate occulta, aut potius plane nihilo. Alii
cas cohæreere motibus conspirantibus, hoc est, quiete rela-
tiva inter se. Ego sane ex cohærentia corporum, illud
malim inferre, utique particulas ipsorum attrahere se invi-
cem vi aliqua, quæ in ipso contactu perquam sit magna;
parvis interjectis intervallis, chymicos illos effectus supra me-
moratos obtineat; ad spatia autem a particulis aliquanto re-
motiora (quod quidem sensu percipi possit) non omnino
pertineat.

Corpora omnia, composita esse videntur ex particulis
duris. Alioqui enim fluida non congelarent; quod quidem
faciunt aqua, oleum, acetum, & spiritus sive oleum vi-
trioli, frigore; argentum vivum, fumis plumbi; spiritus
nitri & argentum vivum, dissolvendo argentum vivum, &
evaporando phlegma; spiritus vini & spiritus urinæ, phleg-
ma eorum auferendo eosque inter se permiscendo; & spi-
ritus urinæ & spiritus salis, eos simul sublimando, ad
conficiendum salem ammoniacum. Quin & ipsi etiam radii
luminis, corpora dura esse videntur; neque enim alioqui
possent in diversis suis lateribus diversas retinere proprieta-
tes. Quare duritia, universæ materiæ simplicis proprietas
haberi potest. Saltem hoc nihilo minus evidens est, quam
impenetrabilitatem ipsam materiæ esse universæ proprietatem.
Nam omnia corpora, quæ quidem nos experientia nori-
mus, vel sunt dura, vel durescere possunt: neque vero
alia ulla certa ratione novimus corpora universa impene-
trabilia esse, nisi quod experientia amplissima nos id do-
cuerit, sine ulla unquam oblata exceptione. Jam si cor-
pora quidem composita tam sunt dura, quam experientia
comperimus eorum nonnulla esse; & occultorum tamen

meatum permultum in se habent, constantque ex particulis adpositis solummodo inter se; utique simplices ipsæ particulæ, quæ occultos meatus in se nullos habent, neque unquam in partes divisæ fuerunt, longe adhuc duriores sint necesse est. Etenim istiusmodi duræ particulæ, in unum congestæ, fieri vix potest ut se inter se contingant, nisi in perpauca punctis; ideoque omnino multo minore vi ad eas disjungendas opus erit, quam ad confringendum particulam solidam, cujus utique partes omnes se inter se contingunt in totis superficiebus suis, sine ullis meatibus aut intervallis interjectis, quæ earum cohærentiam minus firmam reddere possint. Qui autem istiusmodi præduræ particulæ, adpositæ solummodo inter se, seque invicem in perpauca tantum punctis contingentes, cohærescere queant; idque tanta vi, quanta experientia novimus; utique, nisi causa sit aliqua quæ efficiat ut eæ ad se invicem attrahantur vel apprimantur, concipi vix potest.

Porro, rem eandem inde quoque infero, quod bina marmora perpolita cohæreant etiam in vacuo; & quod argentum vivum in barometro subsistat ad altitudinem 50, 60, vel 70 unciarum, vel etiam amplius eo; ita scilicet, si prius ab aere omni probe depurgatum fuerit, & in tubum cauta manu infusum, ut adeo partes ejus sint usquequaque contiguæ & sibi invicem & vitro. Atmosphæra pondere suo argentum vivum sursum in tubum premit, ad usque altitudinem 29 aut 30 unciarum: alia autem aliqua causa efficiens, id deinceps amplius sustollit; non id in tubum sursum premendo, sed efficiendo ut partes ejus & vitro & sibi invicem adhærescant. Etenim si quo pacto partes ejus, vel interjectis bullulis, vel succutiendo vitrum, disjungantur; corrui continuo argentum vivum omne usque eo, donec haud amplius 29 aut 30 uncias in altitudinem habeat.

Atque his quidem congrua sunt, quæ sequuntur itidem experimenta. Si duæ planæ & politæ laminæ vitreæ (puta bina

bina speculi politi fragmenta) ita componantur, ut earum facies sint inter se parallelæ, & parvo admodum interjecto intervallo disjunctæ; inferiora autem ipsarum extrema in aquam intingantur; aqua inter eas continuo ascendet. Quantoque minori intervallo interjunctæ sint vitrorum facies, tanto majorem in altitudinem se interferens sustolletur aqua. Si lamellæ vitreæ inter se distent circiter $\frac{1}{100}$ parte uncia, aqua inter eas circiter unciam unam ascendet: & qua ratione id intervallum majus fuerit, vel minus; eadem ratione reciproca quam proxime, aquæ ascendentis altitudo major erit vel minor. Etenim vitrorum vis attrahens eadem est, five majori five minori intervallo inter se distent: pondusque aquæ sursum attractæ idem est, quando ejus altitudo sit intervallo vitrorum reciproce proportionalis. Similiter, inter bina marmora plana & polita ascendit aqua, quando eorum latera polita sint inter se parallela, & exiguo admodum interjecto intervallo disjuncta. Quod si tubuli vitrei tenues, in aquam stagnantem ab inferiore sui parte intingantur; aqua intra tubulum ascendet; idque ea ratione, ut ejus altitudo reciproce proportionalis sit tubi cavitatis diametro, & par altitudini aquæ inter binas laminas vitreas ascendentis, siquidem tubi cavitas semidiametro par sit aut fere par laminarum istarum intervallo. Atque horum quidem omnium experimentorum (coram Societate regia captorum,) five in vacuo, five in aperto aere, unus fuit exitus. Quare ex atmosphæræ pondere aut pressu, nullo modo pendent.

Porro, si amplius tubus vitreus cineribus ad subtilitatem cribro succretis & in tubum arcte compressis compleatur, tubique altera extremitas in aquam stagnantem intingatur, aqua in cinerem lente subrepet; adeo ut septem aut quatuordecim dierum spatio ad usque altitudinem 30 aut 40 unciarum in tubo supra aquam stagnantem conscenderit. In tantam autem altitudinem attollitur aqua, actione earum solummodo particularum cineris, quæ sunt in ipsa aquæ ascenden-

tis superficie: quæ enim intra aquam sunt cineris particulæ, eæ aquam tam deorsum quam fursum attrahunt aut repellunt. Quare cineris particularum actio, valde fortis est. Veruntamen quoniam cineris particulæ non sunt tam densæ tamque compactæ, ac vitri; ideo earum actio minus fortis est, quam vitri. Etenim vitro argentum vivum ad usque altitudinem 60 aut 70 unciarum suspensum tenetur: ideoque vitrum ea vi agit, quæ aquam altitudine amplius 60 pedum suspensam tenere deberet.

Pari de causa, spongia aquam succtu attrahit; & in animalium corporibus glandes, pro sua cujusque natura ac constitutione, succos diversos sibi e sanguine attrahunt.

Si duæ planæ & politæ vitri laminæ, uncias ternas aut quaternas latæ, & vicanas aut vicanas quinas longæ, ita disponantur, ut earum altera horizonti parallela jaceat, altera autem ei ita superponatur, ut earum extremitates alteræ se inter se contingant, angulumque circiter 10 aut 15 minutorum contineant; harum autem laminarum facies interiores, linteo mundo in mali aurei oleum vel spiritum terebinthinum intincto prius madefiant; & deinde olei istius sive spiritus gutta una vel altera in vitri inferioris extremum id, quod a dicto angulo maxime distet, demittatur: utique, simul primum ac vitri lamina superior inferiori ita superposita sit, ut eam (quomodo supra dictum est) altera sui extremitate contingat, altera autem guttam; continens nimirum cum inferiori vitro angulum circiter 10 aut 15 minutorum; gutta continuo eam se in partem, qua parte binæ laminæ contingunt inter se, movere incipiet; motuque ferri perget perpetim accelerato, usque dum ad ipsum vitrorum concursum perveniat. Etenim bina vitra guttam attrahunt, efficiuntque ut ea illo moveatur, quo attractiones vergunt. Quod si, dum gutta prorepat, vitrorum interea extremitas illa, qua contingunt inter se, & quo versum gutta fertur, elevetur; jam inter vitra fursum versus adrepet gutta, ac proinde movetur attractione. Et
pro

pro eo ac vitrorum extremum illud, quo inter se contingunt, magis magisque elevetur; gutta tardius usque, & adhuc tardius ascendet; & tandem plane quiescet; deorsum nimirum pondere suo delata tantum, quantum attractione sursum versus. Atque hoc pacto intelligi potest, qua demum, vi attrahatur gutta, in omnibus a concursu vitrorum intervallis.

Captis autem ab *Hawksbeio* nostrate quibusdam hujusmodi experimentis, compertum est attractionem esse propemodum reciproce in duplicata ratione intervalli mediæ guttæ a vitrorum concursu: scilicet, reciproce in simplici ratione, propterea quod gutta compressior diffundatur, & vitrorum utrumque ampliori superficie contingat; rursus autem reciproce in simplici ratione, propterea quod attractiones jam in æquali superficie attrahente fortiores evadant. Ea igitur attractio, quæ fit in æquali superficie attrahente, est reciproce ut intervallum vitrorum inter se. Ideoque ubi hoc intervallum valde est exiguum, attractio debet admodum esse fortis. Ex tabula in secunda parte libri secundi, ubi crassitudines coloratarum aquæ lamellarum inter bina vitra conclusarum sunt descriptæ; crassitudo la-

mellæ, qua parte nigerrima videtur, est $\frac{3}{8}$ unius un-

ciæ. Qua parte autem, oleum mali aurei inter dictas laminas vitreas hac est crassitudine; attractio, ex præcedenti regula existimata, tanta esse videtur, ut intra circulum diametro uncialem, valeat ad sustinendum pondus tantum, quantum est cylindri aquæ diametro uncialis, in longitudinem autem duo triave stadia habentis. Atque ubi oleum attrahendum, adhuc minori sit crassitudine; poterit attractio, servata proportionem, adhuc major esse, & perpetim usque augescere, donec crassitudo tandem non sit amplius unius particulæ olei. Sunt ergo in rerum naturæ causæ efficientes, quarum vi particulæ corporum cohærescant attractionibus admodum fortibus: istæque causæ quænam sint, philo-

philosophiæ officium est in experimentis versando invenire.

Jam quidem fieri potest, ut materiæ particulæ exiguissimæ, attractionibus fortissimis inter se cohæreant, constituantque particulas majusculas, quarum vis illa attrahens debilior sit; harumque particularum majuscularum permultæ, inter se itidem cohærentes, particulas majores constituent, quarum vis attrahens adhuc sit debilior; & sic deinceps continuata serie, donec ad maximas tandem devenit sit particularum illarum, e quibus operationes chymicæ & colores corporum naturalium pendent; quæque inter se cohærentes, corpora demum constituent magnitudine sub sensum cadente. Quorum denique corporum si quod sit compactum, flectatque se, & cum prematur, intro cedat, sine ullo partium suarum sublapsu; jam id corpus durum est & elasticum, revertens ad figuram suam vi ea, quæ ex mutua partium suarum attractione oritur. Si partes ejus, inter se sublabuntur; jam corpus id molle est, & mallei ictibus cedens. Si partes facillime labantur, & magnitudine sint ea, qua calore facile agitari queant; calorque satis magnus, ad eas agitandas; (licet multo fortasse minor, quam ad id opus est, ne aqua congeletur;) jam corpus illud fluidum est: & si adhærescendo aptum sit, appellatur humidum. Guttæ autem corporis cujusque fluidi, ut figuram globosam inducere conentur, facit mutua partium suarum attractio; eodem modo, quo terræ mariæque in rotunditatem undique conglobantur, partium suarum attractione mutua, quæ est gravitas.

Quandoquidem metalla in acidis dissoluta, parvam solummodo acidi portionem ad se trahunt; liquet vim eorum attrahentem, non nisi ad parva circum intervalla pertingere. Et sicuti in Algebra, ubi quantitates affirmativæ evanescunt & desinunt, ibi negativæ incipiunt; ita in mechanicis, ubi attractio desinit, ibi vis repellens succedere

re

re debet. Talis autem vis aliqua ut sit, consequi videtur ex reflexionibus & inflexionibus radiorum lucis: nam in utroque horum casuum, repelluntur radii a corporibus, sine immediato contactu corporis reflectentis vel inflectentis. Videtur etiam consequi ex emissionem luminis: nam radius, simul ac e lucente corpore per vibrantem partium ipsius motum excussus sit, & e sphaera attractionis ejus evaserit; ingenti admodum velocitate propellitur. Etenim eadem vis, quæ in reflexione ad radium repellendum valet, possit etiam ad eundem emittendum valere. Porro, videtur etiam consequi ex productione aeris & vaporum: nam particulae e corporibus excussæ, per calorem vel fermentationem, simul ac e sphaera attractionis corporis sui evaserint, recedunt deinceps & ab illo & a se invicem magna cum vi; rursusque accedere fugiunt: ita ut nonnunquam amplius decies centies millies tantum spatii occupare comperiantur, quam quantum cum corporis densi formam haberent: quæ tam ingens contractio & expansio, animo sane concipi vix potest, si particulae aeris fingantur elasticae & ramosæ, vel viminum lentorum intra se in circulos intortorum instar esse, vel ulla alia ratione, nisi ita si vim repellentem habent, qua a se mutuo fugiant. Corporum fluidorum particulae, quæ quidem non nimis firme inter se cohæreant; eaque sint parvitate, qua facillime agitationes illas suscipiant, in quibus liquorum fluiditas consistit; facillime separantur & in vapores rarefiunt, sive, ut loquuntur chymici, volatiles sunt; leni videlicet calore rarefcentes, & levi itidem frigore condensatæ. At illæ, quæ sint crassiores, adeoque difficiliter agitentur, vel fortiori inter se attractione cohæreant; non nisi fortiori calore separari possunt, fortasse etiam non nisi accedente fermentatione. Atque hæc quidem sunt corpora illa, quæ chymici fixa appellant; quæque fermentatione rarefacta, verus fiunt & permanent aer: iis nimirum particulis a se invicem maxima cum vi recedentibus, & difficillime in unum coactis; quæ eadem, cum

inter se contingant, cohærent arctissime. Et quoniam particulæ veri & durabilis aeris, crassiores sunt & e corporibus densioribus exoriuntur, quam particulæ vaporum; hinc fieri possit ut verus aer sit ponderosior vaporibus, & humida atmosphaera levior quam sicca, siquidem quantitate sint pares. Porro, eidem vi repellenti tribuendum videtur, quod muscæ in aqua inambulent, nec tamen pedes suos mædificent; & vitra objectiva longorum telescopiorum, alterum alteri impositum, inter se tamen non facile contingant; & pulveres sicci ægre fieri queat ut se inter se contingant & cohæreant, nisi ita si vel igne liquefiant, vel mædificent aqua, quæ utique exhalando possit particulas ipsorum in unum cogere; & bina denique marmora perpolita, quæ quoties plane inter se contingunt, cohærent, ægre tamen tam arcte comprimi tamque apte conjungi queant, ut cohærescant.

Atque hæc quidem omnia si ita sint, jam natura universa valde erit simplex & consimilis sui: perficiens nimirum magnos omnes corporum cœlestium motus, attractione gravitatis, quæ est mutua inter corpora illa omnia; & minores fere omnes particularum suarum motus, alia aliqua vi attrahente & repellente, quæ est inter particulas illas mutua. Vis inertiae, est principium passivum, quo corpora in motu suo vel quiete persistent, recipiunt motum vi moventi semper proportionem respondentem, & resistunt tantum quantum sibi resistitur. Ab hoc solo principio nullus unquam in rerum universitate oriri potuisset motus. Alio aliquo principio omnino opus erat ad movenda corpora; & jam, cum moventur, alio itidem principio opus est, ad motum ipsorum conservandum. Nam ex variis binorum motuum compositionibus, manifestum est non semper eandem esse in mundo quantitatem motus. Etenim si duo globi, virgula tenui conjuncti, motu uniformi circa commune suum gravitatis centrum revolvant, interea dum centrum illud motu uniformi feratur in linea recta, ducta in plano motus

tus ipsorum circularis; utique summa motuum binorum illorum globorum, quoties illi erunt in linea recta a communi suo gravitatis centro descripta, major erit quam summa motuum ipsorum tum, cum erunt illi in linea quæ sit ad lineam illam rectam perpendicularis. Quo quidem exemplo apparet, motum & nasci posse & perire. Verum, per tenacitatem corporum fluidorum, partiumque suarum attritum, visque elasticæ in corporibus solidis imbecillitatem; multo magis in eam semper partem vergit natura rerum, ut pereat motus, quam ut nascatur. Et quidem is perpetuo imminuitur. Nam corpora quæ vel tam perfecte dura sint, vel tam plane mollia, ut vim elasticam nullam habeant; non utique a se invicem reperiuntur. Impenetrabilitas illud duntaxat efficiet, ut eorum motus sistatur. Si duo istiusmodi corpora inter se æqualia, motibus æqualibus & adversis recta in spatio vacuo concurrant; utique per leges motus uno ipso in loco, ubi concurrunt, sistentur; motumque suum omnem amittent; & quiescent usque, nisi vi elastica prædita sint, motumque novum inde accipiant. Si vis elasticæ tantum habeant, quantum ad id satis sit, ut reperiuntur cum $\frac{1}{4}$ vel $\frac{1}{2}$ vel $\frac{3}{4}$ vis illius, qua concurrebant; amittent proinde $\frac{3}{4}$ vel $\frac{1}{2}$ vel $\frac{1}{4}$ motus sui, comparate. Atque hoc quidem experiundo comprobari poterit, si duo pendula æqualia ex æqualibus altitudinibus ita sint dimissa, ut in se invicem recta incurrant. Si enim pendula sint ex plumbo, vel argilla molli; jam motum suum omnem, vel fere omnem, amittent: sin ex materia aliqua elastica sint; jam motus tantum duntaxat retinebunt, quantum a vi illa elastica de novo acceperint. Quod si quis contendat ea de motu suo nihil amplius amittere posse, quam quod in alia corpora transferatur; jam consequens erit, ea in vacuo nihil omnino de motu suo amittere posse; sed, quum concurrant, usque pergere debere, suasque invicem penetrare dimensiones. Si tria vasa rotunda & æqualia impleta sint, al-

terum quidem aqua, alterum oleo, tertium autem pice liquefacta; hique omnes liquores consimili ratione agitati sint, ut motu vorticoso cieantur; utique pix, propter tenacitatem suam, motum suum omnem perbreui amittet; oleum, quippe minus tenax, motum suum diutius conservabit; aqua autem, cum sit minime omnium tenax, motum suum omnium diutissime conservabit; veruntamen & ipsa suum brevi tempore amittet. Ex quo facile intelligi potest, si plures Vortices ex liquefacta pice inter se essent contigui; tantaque hi amplitudine, quanta illi quos circa Solem & stellas fixas volvi opinantur nonnulli; fore tamen, ut & ipsi & partes suæ omnes, propter tenacitatem suam & lentorem, motum suum cito secum invicem communicarent, donec inter se omnes plane quiescerent. Vortices ex oleo, vel aqua, vel alia aliqua materia adhuc magis fluida, possent quidem diutius motum suum retinere; verum, nisi materia illa plane omnis tenacitatis expers esset, interque partes ejus neque attritus esset ullus, neque communicatio motus, (quod fingi sane non potest;) omnino futurum esset, ut motus perpetuo decresceret. Quoniam igitur varii illi motus, qui in mundo conspiciuntur, perpetuo decrescunt universi; necesse est prorsus, quo ii conservari & recrescere possint, ut ad actuosâ aliqua principia recurramus: qualia utique sunt gravitatis causa, qua planetæ & cometæ motus suos in perpetuis orbibus conservant, corporaque omnia motum magnum sibi acquirunt cadendo; & fermentationis causa, qua cor & sanguis animalium motu & calore perpetuo confoventur, partes interiores terræ perpetuo tepescunt & nonnullis in locis valde incalescunt, corpora permulta ardent & lucent, montes ignem concipiunt, cavernæ telluris ictibus subitis disjiciuntur, & Sol ipse perpetuum vehementer candet & lucet & luce sua omnia calefacit ac fovet. Nam paullum admodum motus in mundo invenimus, præterquam quod ex his principiis actuosis manifesto oritur. Atque absque
his

his quidem principiis, corpora telluris, planetarum, cometarum, Solis, quæque in eis insunt omnia, frigescerent & congelarentur, massæque in totum inertes evaderent; omnisque putrefactio, generatio, vegetatio & vita penitus cessarent; neque in orbibus suis permanerent planetæ & cometæ.

Quibus quidem rebus omnibus bene perspectis & consideratis, illud mihi videtur denique simillimum veri; utique Deum optimum maximum, in principio rerum, materiam ita formasse, ut primigeniæ ejus particulæ, e quibus deinceps oritura esset corporea omnis natura, solidæ essent, firmæ, duræ, impenetrabiles, & mobiles; iis magnitudinibus & figuris, iisque insuper proprietatibus, eoque numero & quantitate pro ratione spatii in quo futurum erat ut moverentur; quo possent ad eos fines, ad quos formatae fuerant, optime deduci. Quæ porro particulæ primigeniæ, quippe plane solidæ, longe longeque duriores sint, quam ulla corpora ex iisdem deinceps cum occultis interjectis meatibus composita; imo tam perfecte duræ, ut nec deteri possint unquam, nec comminui; ne adeo ulla in consueto naturæ cursu vis sit, quæ id in plures partes dividere queat, quod Deus ipse in prima rerum fabricatione unum fecerit. Tamdiu dum particulæ illæ integræ permanent, poterunt sane per omnia secula ex iis composita esse corpora ejusdem semper naturæ & texturæ: verum si illæ deteri aut comminui possent; jam futurum sane esset, ut rerum natura, quæ ex iis pendet, immutaretur. Aqua & terra, ex particulis imminutis & detritis, particularumque fragminibus compositæ, non utique eandem hodie naturam texturamque haberent, ac aqua & terra in principio ex particulis integris compositæ. Quare, ut rerum natura possit durare, existimandum est corporum omnium mutationes, in variis solummodo separationibus, novisque conjunctionibus & motibus durabilium illarum particularum consistere. Nam corpora composita disrumpuntur, non par-

ticularum ipsarum solidarum fractura, sed separatione earum, qua parte eæ commissuris inter se junctæ erant, & paucis tantum in punctis se inter se contingebant.

Porro, videntur mihi hæ particulæ primigeniæ, non modo in se vim inertiae habere, motusque leges passivas illas, quæ ex vi ista necessario oriuntur; verum etiam motum perpetuo accipere a certis principiis actuosis; qualia nimirum sunt gravitas, & causa fermentationis & coherentiæ corporum. Atque hæc quidem principia considero, non ut occultas qualitates, quæ ex specificis rerum formis oriri fingantur; sed ut universales naturæ leges, quibus res ipsæ sunt formatae. Quippe principia quidem talia revera existere, ostendunt phænomena naturæ; licet ipsorum causæ, quæ sint, nondum fuerit explicatum. Utique qualitates ipsæ sunt manifestæ, earumque causæ solummodo occultæ. Qualitatum occultarum nomen indiderunt Aristotelici, non qualitatibus manifestis, sed istiusmodi tantum qualitatibus, quas in corporibus latere, quasque esse ipsas manifestorum effectuum causas incognitas existimabant. Cujus generis forent scilicet gravitatis, attractionumque magneticarum & electricarum, fermentationumque causæ; siquidem vires vel actiones hæc ex qualitatibus oriri fingeremus nobis incognitis, quæque natura sua inexcogitabiles & exploratu impossibiles essent. Philosophiæ naturalis progressum impediunt istiusmodi qualitates, ideoque nuperis temporibus rejectæ fuerunt. Affirmare singulas rerum species, specificis præditas esse qualitatibus occultis, per quas eæ vim certam in agendo habeant, certosque effectus manifestos producant; hoc utique est nihil dicere. At ex phænomenis naturæ, duo vel tria derivare generalia motus principia; & deinde explicare quemadmodum proprietates & actiones rerum corporearum omnium ex principiis istis manifestis consequantur; id vero magnus esset factus in philosophia progressus, etiam si principiorum istorum causæ nondum essent cognitæ. Quare motus principia supra dicta proponere non dubito, cum
per

për naturam universam illa latissime pateant ; eorumque causas exquirendas relinquo.

Jam quidem , ope principiorum istorum , res corporeæ universæ videntur compositæ fuisse ex duris solidisque particulis supra dictis , varie inter se in prima rerum fabricatione sociatis & conjunctis , nutu & consilio Agentis intelligentis. Decuit enim eum , qui res omnes creavit , easdem disponere quoque & in ordinem collocare. Quæ si vera rerum origo fuit ; jam indignum erit philosopho , alias mundi condendi rationes exquirere , vel comminisci quemadmodum e Chao per meras leges naturæ mundus universus oriri potuerit ; quamvis , formatus cum sit , possit is jam per istas leges in multa quidem secula perdurare. Nam dum cometæ moventur in orbibus valde eccentricis , undique & quoquoeversum in omnes coeli partes ; utique nullo modo fieri potuit , ut cæco fatotribuendum sit , quod planetæ in orbibus concentricis motu consimili ferantur eodem omnes ; exceptis nimirum irregularitatibus quibusdam vix notatu dignis , quæ ex mutuis cometarum & planetarum in se invicem actionibus oriri potuerint , quæque verisimile est fore ut longinquitate temporis majores usque evadant , donec hæc naturæ compages manum emendatricem tandem sit desideratura. Tam miram uniformitatem in planetarum systemate , necessario fatendum est intelligentia & consilio fuisse effectam. Idemque dici possit de uniformitate illa , quæ est in corporibus animalium. Habent videlicet animalia pleraque omnia , bina latera , dextrum & sinistrum , forma consimili ; & in lateribus illis , a posteriore quidem corporis sui parte , pedes binos ; ab anteriori autem parte , binos armos , vel pedes , vel alas , humeris affixas ; interque humeros collum , in spinam excurrentes , cui affixum est caput ; in eoque capite binas aures , binos oculos , nasum , os & linguam ; similiter posita omnia , in omnibus fere animalibus. Deinde partes illæ corporis , tam exquisita arte atque consilio fabricatæ , oculi , aures , cere-

cerebrum, muscoli, glandes, cor, pulmones, diaphragma; larynx, manus, alae, vesicae ad natandum, membranae pellucidae animalium quorundam oculis instar conspiciuntur obductae, aliaque sensus & motus organa, instinctusque in animalibus brutis & insectis; horum sane omnium conformatio prima, nulli rei tribui potest, nisi intelligentiae & sapientiae Entis potentis semperque viventis; qui sit ubique scilicet praesens, possitque voluntate sua corpora omnia in infinito suo uniformi sensorio movere, adeoque cunctas mundi universi partes ad arbitrium suum fingere & refringere, multo magis quam anima nostra voluntate sua ad corporis nostri membra movenda valet. Nec tamen mundum spectare debemus, tanquam corpus Dei; neque partes ejus, tanquam partes Dei. Deus est ens uniforme, organorum, membrorum, partiumque expers: illa autem omnia sunt creaturae ejus, ei subjectae, & voluntati ejus subditae: isque nihilo magis est eorum anima, quam anima hominis est anima specierum illarum, quae per organa sensuum deferuntur in sentiendi locum, ubi anima eas percipit immediata sua praesentia, sine ullius rei tertiae interventu. Organa sensuum eum in finem data sunt, non quo eorum ope anima species rerum in sensorio suo percipiat, sed quo species istum in locum deferantur: Deus autem istiusmodi organis non eget, cum sit ipse rebus ipsis ubique praesens. Porro, quoniam spatium divisibile est in infinitum; materia autem, non est necessario in omnibus partibus spatii; illud insuper concedendum erit, utique posse Deum creare materiae particulas variis magnitudinibus & figuris, vario quoque numero & quantitate pro ratione spatii in quo insunt, forte etiam & diversis densitatibus diversisque viribus; eoque pacto variare leges naturae, mundosque condere diversa specie, in diversis spatii universi partibus. Certe in his omnibus nihil est, quod vel secum ipsum, vel cum ratione pugnet.

Quemadmodum in mathematica, ita etiam in physica, investigat.

investigatio rerum difficilium ea methodo , quæ vocatur analytica , semper antecedere debet eam quæ appellatur synthetica. Methodus analytica est , experimenta capere , phænomena observare , indeque conclusiones generales inductione inferre , nec ex adverso ullas objectiones admittere , nisi quæ vel ab experimentis vel ab aliis certis veritatibus desumantur. Hypotheses enim , in Philosophia quæ circa experimenta versatur , pro nihilo sunt habendæ. Et quanquam ex observationibus & experimentis colligere inductione , non sit utique generalia demonstrare ; at hæc tamen ratio- cinandi methodus optima est , quam ferat natura rerum , tantoque firmior existimari debet illatio , quanto inductio magis sit generalis. Quod si ex phænomenis nihil , quod contra opponi possit , exoritur ; conclusio inferri poterit universalis. Et si quando in experiundo postea reperiatur aliquid , quod à parte contraria faciat ; tum demum non sine istis exceptionibus affirmetur conclusio oportebit. Hac analysi licebit , ex rebus compositis ratiocinatione colligere simplices ; ex motibus , vires moventes ; & in universum , ex affectis causas ; ex causisque particularibus , generales ; donec ad generalissimas tandem sit deventum. Atque hæc quidem est methodus analytica. Synthetica est , causas in- vestigatas & comprobatas assumere pro principiis , eorumque ope explicare phænomena ex iisdem orta , istasque explicatio- nes comprobare.

In duobus prioribus libris hujus Optices , methodo ana- lytica usus sum ad investigandum & comprobandum con- genitas radiorum luminis differentias , quoad refrangibilita- tem , reflexibilitatem & colorem ; eorumque alternas faci- lioris reflexionis & facilioris transmissus vices ; corporumque proprietates , tum opacorum tum pellucidorum , è quibus radiorum reflexiones coloresque corporum pendent. Atque hæc quidem inventa , quum sint comprobata , poterunt in methodo synthetica , ut principia assumi , ad explicanda phæ- nomena ex iisdem fluentia : cujus porro methodi exemplum

dedi, sub finem libri primi. In tertio hoc libro, inchoavi solummodo Analysin earum rerum, quæ adhuc investigandæ restant, circa lumen circaque effectus quos id obtinet in corporibus naturalibus: multa attingens leviter, & quæ submonui, aliis examinanda relinquens, & promovenda usque experimentis atque observationibus curiosorum.

Quod si Philosophia naturalis, hanc methodum persequendo, tandem aliquando ab omni parte absoluta erit facta atque perfecta scientia; utique futurum erit, ut & Philosophiæ moralis fines itidem proferantur. Nam quatenus ex Philosophia naturali intelligere possimus, quænam sit prima rerum Causa, & quam potestatem & jus Ille in nos habeat, & quæ beneficia Ei accepta sint referenda; catenus officium nostrum erga Eum, æque ac erga nosmetipsos invicem, quid sit, per lumen naturæ innotescet. Omnino si deorum falsorum cultus non occæcasset animum gentibus; longius se inter eos extendisset Philosophia moralis, quam ad cardinales illas quatuor, quas vocant, virtutes. Et qui animarum transmigrationem, Solisque & Lunæ, Heroumque mortuorum cultum docebant; id sane multo potius docuissent, qua ratione optime colendus esset verus noster & beneficentissimus Author. Quod quidem fecerunt majores ipsorum; antequam animum moresque suos corruperant. Lex enim moralis ab origine gentibus universis, erant septem illa *Noachidarum* præcepta: Quorum præceptorum primum erat, *UNUM esse agnoscendum Summum Dominum Deum, ejusque cultum non esse in alios transferendum.* Etenim sine hoc principio, nihil esset virtus aliud, nisi merum nomen.

F I N I S.

Fig: 1.




Fig: 2.




Fig: 3.






Fig: 4.







I N D E X.

A.

Acceleratio motus per spatium attractionis, pag. 55. 209.

Acidi spiritus corporibus fixis valde adhærent. 309. vix separari possunt à metallis quæ dissoluta tenent. 305.

Acidis vaporibus abundat aer. 307.

Acidorum corporum est attenuare & dissolvere. 196. Sapor, unde. 312.

Acidum est loco medii inter aquam & terram. 313.

Acidus spiritus, Aluminis, Sulphuris & Vitrioli principium. 311. in visceribus Terræ abundat. *ibid.*

Acies Cultri radios lucis inflectit. 258. *seq.*

Actio Corporum in lumen & luminis in Corpora. 270. 271. 299. ad attractionem accedit. 299. mutua est & reciproca. 214. interjecto intervallo. 253. 270. in minori distantia fortior. 253. 260. 263. 265. 270. ex quo percipitur intervallo. 261. 262. 263. in radios rubros, ex majori intervallo, eadem quæ in radios violaceos ex minori distantia. 267. 268.

Actio mutua particularum corporum in se invicem. 303. *seq.*

Actio radiorum lucis in Nervum Opticum, qualis. 276

Actuosa principia. Vid. *Principia actuosa*

Actuosa Vis Corporum forsan oritur ex particulis lucis quæ in

eorum compositionem ingrediuntur. 302.

Aer calorem ignis auget. 276. constat ex particulis a se invicem recedere conantibus. 283. ex corporibus densis, fermentescendo rarefactis, producitur. 302. 321. quoties aqua levior fit & rarior. 295. vaporibus acidis abundat. 307. vaporibus ponderosior. 322.

Aerea Lamella Vid. *Lamella*.

Aeris densitas vi comprimendi proportionalis. 295. elasticitas, unde. 283. 321. motus tremulus scintillationis fixarum causa. 79. pondus ebullitionem aquæ impedit. 275. productio ex corporibus fixis. 302. 321. raritas in distantis variis a Terra 295. 296. in superiori Atmosphæra 283. refractionis qualis. 212. refractionis eadem est quæ concretorum terrestrium, habita densitatis ratione. *ibid.* resistentia insensibilis in vacuo Boyleano. 295. variæ formæ. 302.

Aether constat ex particulis a se invicem recedere conantibus. 283.

Aethereum Medium. Vid. *Medium Aethereum*.

Aetheris raritas, & ejus in cor-

pora conatus. 283. resistentia valde exigua planetarum motibus non obstat. *ibid.*

Alba corpora fortissime lumen cuiusvis coloris reflectunt. 107.

Alba metalla. Vid. *Metalla alba*.

Albitudinis sensus quando nascatur. 103. 106.

Albitudo, color inter omnes medius & ad omnes indifferens. 115. ex coloribus componi potest. 96. *seq.* ex coloribus universis in unum coactis constat. 98. *seq.* mixtura est heterogenea colorum omnium. 184.

Albo omni naturali in sunt radii omnium generum 113.

Albor auro & cupro potest conciliari. 198. luminis solaris componitur ex primariis omnibus coloribus. 96. *seq.* plurium corporum, cuiusnam ordinis. 197.

Album corpus nigro circumdatum quomodo per prisma videatur. 118.

Album remanet lumen refractum, si contrariis refractionibus corrigatur. 92.

Albus color ex duobus primariis componi nequit. 112.

Albus radius factitius. 134. *seq.*

Alivenum plantarum & animalium. 303. 313.

Alkali fixum Salis vel Nitri fortius

- tius attrahit acidum Vitrioli ,
quam suum ipsius spiritum. 305.
Alkalizantium corporum est præ-
cipitare & incrassare. 196.
Alternæ vices radiorum. Vid. *Vices*
alternæ.
Alumen, ejusque principia. 311.
Ammoniacus Sal. Vid. *Sal ammo-*
niacus.
Analogia inter colores corporum
naturalium, & tenuium lamel-
larum. 186. *seq.* 192. inter
colores & reflexibilitatis aut
refrangibilitatis gradus. 185.
inter reflexionem & refractionem.
187. 208. 226.
Analytica Methodus in physica
Syntheticam præcedere debet.
329. qualis ea sit. *ibid.*
Anguli incidentiæ, reflexionis &
refractionis sunt in uno plano. 4.
Angulus incidentiæ, reflexionis &
refractionis. 4. incidentiæ æ-
qualis est angulo reflexionis.
4. incidentiæ angulo refractionis
quando major. 5.
Animalium corpora causam intel-
ligentem agnoscunt. 327. sunt
symmetricè disposita. 327. 328
Animalium materia ex aqua. 213.
motus quomodo efficiantur.
284,
Animalium partes Vid. *Partes*.
Annuli albi & nigri inter bina
- Prismata. 141. 142. distincti
eminus, cominus confusi vi-
dentur. 142. quo numero vi-
deantur, *ibid.* unde oriantur.
177.
Annuli colorati circa Solem. 247.
248.
Annuli colorati in aquæ Saponæ-
cæ bullâ; regulares. 158. co-
lores, quos & quo ordine ex-
hibeant. 159. affines sunt an-
nulis in lamella aerea inter bi-
na vitra observatis. 161. obli-
que inspecti dilatantur. *ibid.*
alius coloris lumine reflexo,
alius transmissio, videntur. 162.
164.
Annuli colorati inter bina Pris-
mata. 141. *seq.* oblique in-
specti. 155. horum ratio. 178.
Annuli colorati inter bina vitra,
planum & convexum. 143. *seq.*
emergunt successive. *ibid.* ordo
colorum & series. 144. 171.
diametri 145. *seq.* oblique in-
specti dilatantur. 149. *seq.* lu-
mine transmissio alius videntur
coloris quam reflexo. 152. per
Prisma multo plures videntur
quam oculo nudo. 166. *seq.*
& quare 179. quales videan-
tur cum colore prismatice vi-
tra illustrantur. 154. *seq.* ho-
rum diametri. 157. quare, sub

- certa obliquitate radiorum in albos & nigros se convertant. 177.
- Annuli colorati* in lāmella aquea minores quam in aerea. 151. 153.
- Annuli colorati* per reflexionem speculi vitrei concavo-convexi. 226. affines annulis inter bina vitra visis, *ibid.* 241. numero quinque aut sex. 226. non nisi in certa distantia videntur. *ibid.* horum colores 227. Diametri. 228. per prisma plures videntur. 229. quales apparuerint cum in speculum incidebat color prismaticus. 227. 228. 245. quam rationem habeant inter se annuli diverforum colorum. 228. 229. in ipso speculo quales fasciæ videantur. 230. & earum causa 231. *seq.* annulorum magnitudo pro crassitudine speculorum diversa. 240. quales apparuerint radiis oblique incidentibus. 242. *seq.* sub qua obliquitate evanescant. 245. non producuntur per reflexionem speculi Metallici. 231.
- Annuli colorati* quos efficit lumen transmissum per guttam pluriæ. 247.
- Apertura* Telescopiorum. 72.
- Aqua*, compressionis incapax. 206. cum Oleo vitrioli incallescit. 305. facile ebullit in vacuo. 275. fortius attrahitur a partibus Salis, quam aliæ ab aliis. 314. maris radios cæruleos reflectit, rubros transmittit. 132. per auri poros stillavit, 206. quoties aere densior & gravior. 295.
- Aquæ* in terram conversio. 302. natura inter olea & terras media. 213. partes Sale Tartari & oleo Vitrioli attrahuntur. 304. pelluciditas unde. 197. variæ formæ. 302.
- Aquam* inter & terram, acidum est loco medii. 313. spongia cur attrahat. 318.
- Aquarum* marinarum vortices ad cœlum elati. 307.
- Aqua fortis* argentum, non aurum, solvit. 309. 310. scobem ferream cum calore dissolvit. 305. successive metalla varia, aliaque corpora dissolvit. 308.
- Aqua regia.* 310. aurum solvit, non argentum. 309. 310.
- Aquæ saponaceæ bulla.* Vid. *Bulla*.
- Aquæ Saponaceæ Spuma.* Vid. *Spuma*.
- Aquea Lamella.* Vid. *Lamella aquea*.
- Aranearum telæ* diversos exhibent colo-

- colores pro diverso oculi positu. 192. 193.
- Arcus albi & nigri* inter bina vitra, planum ex convexum. 166. 167. horum ratio. 178. *seq.*
- Arcus cælestis* afferuntur phænomena & causæ. 121. *seq.* arte repræsentari potest 121. dimensiones. 126. explicatio experimento comprobata. 122. 126.
- Arcus cæruleus* per reflexionem in Prismate visus. 129. *seq.*
- Arcus colorati* inter bina Prismata 141. *seq.* aucta obliquitate in annulos abeunt. 141. horum colores. *ibid.* in annulos albos & nigros degenerant. 141. 142. 178. horum numerus & distinctio. 142. eminus distincti, cominus confusiores. 142. & quare 178. rursus colores, sed inverso ordine assumunt. 142. 178.
- Arcus coloratos* exhibet Sol per plumam aut tæniam nigram visus. 255.
- Argenti vivi* extraordinaria in Barometro altitudo. 316. particulæ tenues & volatiles. 199. regeneratio ex cinnabari aut sublimato. 309. variæ formæ. 302.
- Argentum* aqua forti, non aqua regia, solubile. 309. 310.
- Arsenium* ex partibus fixis & volatilibus componitur. 310.
- Ascensus* aquæ inter duo plana vitrea polita. 317. in tubis capillaribus & in Tubo cineribus pleno. *ibid.*
- Atmosphæra* colores, unde 194.
- Atmosphæra* humida levior quam sicca 322. Lunæ 71. Solis & Stellarum impedit, quominus abeant in vapores. 275.
- Attractio* duritiei causa. 315. *seq.* est vis qua corpora ad se mutuo tendunt. 304. impulsu potest effici. 304. in exiguis corporibus fortior. 329. 282. multorum chymicorum effectuum causa 304. *seq.* 316. mutua particularum aquæ, & Salis Tartari aut Olei Vitrioli. 304. non extenditur ad magna intervalla. 320. refractionis, reflexionis, & inflexionis radiorum causa. 299. *seq.*
- Attractione* & repulsione reguntur minorum corporum motus. 322.
- Attractiones* plures, gravitatis, virtutisque electricæ & magneticæ. 303. 304.
- Attractionis* admodum fortis exemplum 319. effectus, exempla, veritas. 303. *seq.* 316. *seq.* leges,

leges, proprietatesque prius cognoscendæ quam causa indaganda 304. limites angusti esse possunt. 304.

Attritu, corpora nigrescunt. 200. metalla & pigmenta quædam colorem mutant. 193. 199.

Attritus resistantiæ partem efficit. 294.

Auditus quomodo efficiatur. 284.

Aureus color & flavus sunt prismaticorum fulgentissimi. 69.

Auri bractea radios flavos reflectit, virides transmittit. 133.

193. partes partibus metallorum alborum majores. 198. pori aquam transmittere possunt. 206. raritas, *ibid.*

Aurum aqua regia solvitur, non aqua forti. 309. 310. quomodo albescat. 198. ut album appareat efficere. 137.

B.

Barometrum, mira suspensio argenti vivi, in ejus tubo. 316.

Bartholinus (Erasmus) crystallum Islandicam descripsit, 285.

Bartolus, librum *Ant. de Dominis* de radiis visus & lucis edidit. 121.

Bitumen. 311. ei debetur sulphuris sublimatio. *ibid.*

Boyle (Robertus) machinam pneumaticam perfecit. 202. aquam convertit in Terram. 302.

Bractea auri. Vid. *Auri bractea*.

Bulla aquæ Saponaceæ annulos coloratos regulares exhibet. 158 *seq.* Vid. *Annuli colorati*.

Bullæ aquæ saponaceæ crassitudo in locis in quibus datum colorem exhibet. 176.

Bullarum aquearum colores regulariter mutantur, nulla habitatione umbrarum confinii. 85.

Bullula mediæ aere subtilioris. 153.

Butyrum Stibii. 319. 310.

C.

Cælestia spatia fere vacua aere, & omni materia. 295. 296.

Cælestis arcus. Vid. *Arcus Cælestis*.

Cælestium corporum motus attractione gravitatis reguntur. 322.

Cæli color, cujusnam ordinis. 197.

Cæli mediis densis non replentur. 293. *seq.*

Cæruleus arcus. Vid. *Arcus cæruleus*.

Calor ad fluiditatem confert. 296. aquæ resistantiam vix minuit. *ibid.* homogœnea congregat, hetero-

- heterogenea separat, 310. intenditur ex medii ætherei vibrationibus. 280. Solis, unde? 275. trans vacuum defertur. 280. vehemens oritur ex variorum corporum miscela. 305. *seq.*
- Calorem* servant diutius magna corpora. 275.
- Caloris* gradus in dissolutionibus, respondere videtur earum celeritati. 306.
- Candelæ lumen* Prismate refractum. 127.
- Capillamenta nervorum*, solida, pellucida, uniformia. 276. 284.
- Capillares tubi*. 317.
- Capillorum* & corporum parvorum umbræ lumine per foraminulum admissio, sunt iusto latiores. 252. Vid. *Umbræ Fimbriæ*.
- Carbo candens* cur celerrime in orbem actus circulum igneum referat. 101. 279.
- Cartesius* (Renatus) arcus coelestis phænomena explicavit. 127.
- Causæ intelligentis* necessitas. 327.
- Chalybis* candentis & metallorum fusorum colores. 198. mutato oculi positu mutantur. 164.
- Chaos* refert Salis particula. 313.
- Charta alba* eidem lumini exposita, sub obliquitate diversa, diversi coloris apparet. 83. 84. omni radiorum genere collustrata, alba videtur. 96. *seq.* radium album oblique excipiens, colorata videtur. 100. 104.
- Chartæ* albor cujusnam ordinis. 197.
- Chartæ bicoloris* per Prisma visæ species. 13. *seq.* 32. radiis per lentem transmissis depicta imago. 15. *seq.*
- Chymicorum effectuum* multorum causa attractio. 315.
- Cinerei* colores compositi. 96. *seq.* 109.
- Cineres* aquam attrahunt, sed minus fortiter quam vitrum. 317. 318.
- Cinnabaris*. 309.
- Circuli chartacei* per colores Prismaticos illuminati experimentum. 34. 35.
- Circuli colorati*. Vid. *Annuli colorati*.
- Circulus igneus* apparet cum carbo candens in orbem celerrime versatur. 101. 279.
- Cohærentia* marmorum politorum 316. 322.
- Cohærentiæ causa*, principium actuosum. 326.
- Colorata corpora* partes habent & poros

poros mediocris magnitudinis.
191.

Colorata videt objecta oculus colore imbutus. 10.

Coloratae fimbriae. Vid. *Fimbriae*.

Colorati annuli. Vid. *annuli colorati*.

Colorati arcus. Vid. *Arcus colorati*.

Coloratis luminibus permixtis, album radium efficere. 134. *seq.* pulveribus permixtis, colorem leucophæum efficere. 107.

Color alius reflectitur, alius transmittitur a quibusdam corporibus. 134. binarum lamellarum ad se mutuo appositarum. 176. compositus, heterogeneus. 4. compositus languidior homogeneo. 95. fuscus aut leucophæus Soli expositus albus videtur. 110. in objectis, quid sit. 90. in radiis, *ibid.* in sensorio, *ibid.* liquoris pellucidi variat cum ejus crassitudine. 131. luminis heterogenei, qualis. 95. luminis homogenei, immutabilis. 87. *seq.* manus, in fundo maris. 131. primarius, homogeneus, simplex. 4. Prismaticus, non est perfecte homogeneus. 36. 130. quilibet potest fieri exterior in confini- bus lucis & umbræ. 82. radiis

proprie loquendo tribui non debet. 89.

Colores atmosphæræ, unde. 194. bullarum aquearum regulariter dispositi. 158. *seq.* bullarum aquearum regulariter mutantur nulla habitatione confinii umbrarum. 85. compositi; dantur nulli homogeneo similes. 95. corporum naturalium non homogenei. 17. corporum naturalium Prismaticis inferiores. 36. corporum naturalium, unde 128. *seq.* 136. *seq.* 186. *seq.* 192. diversi ejusdem chartæ, eidem lumini, sub obliquitate diversa expositæ. 83. 84. ex liquorum permixtione oriundi. 193. ex oculi pressu cur videantur. 116. 278. imaginis pone Prisma. 22. imaginis, Prismaticæ, quodnam spatium occupent. 90. *seq.* in chalybe candente & metallis fuis. 164. 198. in corporibus albis & pellucidis videntur per Prisma. 167. & quare 179. 183. 219. *seq.* inter, & reflexibilitatem ac refrangibilitatem mutuus est responsus. 185. lamellæ densioris, medio rariori circumdatæ, floridiores. 157. *seq.* lamellarum pellucidarum unde 286.

286. *seq.* 219. *seq.* laminarum crassarum, pellucidarum & popularum. 225. *seq.* luminis homogenei respondent, gradibus refrangibilitatis. 87. multorum corporum, cujusnam sint ordinis. 195. *seq.* non oriuntur ex lucis & umbræ confiniis. 81. *seq.* non oriuntur ex novis modificationibus lucis. 81. *seq.* 136. *seq.* omnes confusi in albitudinem abeunt. 104. 105. omnes sub septem speciebus præcipuis comprehenduntur. 87. omnes, sunt vel simplices, vel compositi. 114. *seq.* phantastici, quales. 116. Prismatici bini confusi, per Prisma separati cernuntur. 32. Prismatici in circulos chartaceos incidentes, & per Prisma visi qualia phænomena exhibeant. 34. 35. qui sint aliis magis refrangibiles. 33. quorundam corporum, ex variato situ objecti variantur. 192. quos exhibent vitra Microscopiorum, Telescopiorum, & humores Oculi, unde. 119. sunt totidem quot refrangibilitatis gradus. 87.

Colorificæ radiorum qualitates.

89. congenitæ sunt & immutabiles. 115. 136. *seq.* 185.

Colori Prismatico expositum cor-

pus nec fui, nec illius coloris videtur, 130.

Coloris diversi lumina diversos habent refrangibilitatis gradus. 13.

seq. 22. 30. 33. 39. mutatio, ex mutato oculi situ, minor, in densioribus corporibus. 164.

Colorum diversitas in radiis, unde pendeat, 300. diversorum sensus, unde. 277. harmonia & discordia, unde. *ibid.* heterogeneorum & homogeneorum discrimen. 95. mixtura, qualem colorem producat. 111. *seq.* mutationes variæ, unde, 192. 193. phænomena mathematice tractari queunt. 94. Prismaticorum explicatio. 116. *seq.* prismaticorum, quis fulgentissimus. 69. series in annulis coloratis. 141. 144. 159. 227. & quare. 171. theoria est Mathematica. 185. varietas ex compositione luminum, oritur. 89.

Cometæ. Vid. *Planetæ.*

Commisceri, quæ possint corpora, quæ nequeant. 310. 322.

Compositum lumen, 4.

Compositus color 4. qualem speciem habeat. 111. *seq.*

Concretorum terrestrium refractio, eadem quæ aeris, habito densitatis respectu. 212.

Conditiones requisitæ, ut succedant experimenta de luce & coloribus. 49.

Confinia lucis & umbræ non sunt colorum causæ. 81. *seq.*

Confusio visus refracti oritur ex diversa radiorum refrangibilitate. 50.

Confusus visus, unde. 10.

Conspicilla Myopibus & senibus utilia. 10. 11. tubulata, cur imperfecta. 57.

Conversiones corporum, aliarum in alia, 302. 303. in quo consistant. 325.

Coronæ. Vid. *Halones*.

Corpora cujus vis coloris, in lumine homogeneo, ejusdem cum illo coloris videntur. 88. & lumen in se mutuo converti queunt. 302. in lumine prismatico, cujusnam coloris videantur. 130. in lumine sui coloris homogeneo clarissima apparent. 129. intercipiunt & refringunt radios quos nec reflectunt, nec transmittunt. 133. 205. madida fusciora apparent. 193. magna calorem diutius servant. 275. omnia componuntur ex particulis duris. 315. omnia, vel dura sunt vel durescere possunt. 110. *ibid.* quando lucem emittant. 272. 302. quare sint colorata 128. *seq.*

rariora sunt, quam vulgo putatur. 206. *seq.* reflectunt copiosius radios sui coloris. 128. tenuissima, cur pellucida. 220. versicolora. 133. 192. *seq.*

Corporum actio in Lumen. Vid. *Actio*.

Corporum aliorum in alia transformationes. 302. & in quo consistant. 325.

Corporum naturalium colores, unde 128. *seq.* 136. 186. *seq.* 192. 214. colores non prorsus homogenei. 17. 36. constitutio. 207. 320.

Corporum partes. Vid. *Partes*.

Corporum vis refractiva, Vid. *Vis refringens*.

Corpus coloratum, in lumine homogeneo. 88. 129. in lumine prismatico. 130.

Coruscationes metallicæ 307.

Craffitudo lamellarum diversorum mediorum quæ eisdem colores exhibent. 153.

Craffitudo bullæ aqueæ, in locis ubi datum colorem exhibet, reflectendo vel transmittendo. 176. lamellæ aeræ datos colores exhibentis. 145. *seq.* 156. 171. lamellæ aqueæ datos colores exhibentis. 162. 173. lamellæ cujusvis, causa est cur radios vel transmittat, vel reflectat.

204. lamellarum, quæ datos colores reflectunt vel transmittunt, determinatur. 169. *seq.* 173. liquoris pellucidi, ejus colorem mutat. 131. particularum corporum causa est colorum eorundem. 192.
Crystallisatio Salium ex attractione. 314.
Crystallus de rupe geminam habet refractionem. 287.
Crystallus Islandica describitur. 285. ejus mira refringendi radios proprietas. 286. una post alteram quomodo radios refringat. 287. 290. *Hugenii* explicatio insufficiens. 292. quomodo explicanda ejus gemina refractione. 301.
Cubiculi tenebricosi experimentum. 9.
Cultri acies radios luminis inflectit. 258. *seq.*
Cupri partes partibus metallorum alborum majores. 198.
Cupro, albor quomodo conciliatur. 198.

D.

Defectus visus Myopum & senilis. 10. 11.
Deliquium Salis tartari, unde. 304.

Densa corpora, fermentescendo in aerem rarefiunt. 302.
Densissima corpora maxime calefiunt. 214.
Densitas aeris, vi comprimenti proportionalis. 295. corporum major densitate medii poros eorum permeante. 194. corporum plurium. 211. corporum vi eorum refringenti proportionalis. 209. mediorum quid faciat ad intervalla vicinum facilioris reflexionis & transmissionis. 222. radiorum in foco superficiei sphaericæ. 68. resistentiâ fluidorum fere proportionalis. 294.
Densum Fluidum ad phænomena naturæ explicanda inutile est. 297.
Deum cognoscere, philosophiæ moralis fons est. 330. existere, evincitur ex phænomenis naturæ. 298. 327.
Deus ad arbitrium corpora fingere & movere valet. 328. nec corpus habet, nec organa. *ibid.* non est anima mundi. *ibid.* omni præsens. 298. 328.
Diameter apparens fixarum per telescopium. 71.
Diffissio radiorum non est causa inæqualis refractionis. 23. *seq.*
Dilatatio radiorum. Vid. *Diffissio*.
 V v 3 *Di-*

Dimensiones annulorum coloratorum. 145. 149. 157. 153. 228. arcus cælestis. 126. umbræ & fimbriarum capillo. 255.

Discordia colorum. 277.

Disruptio partium, quomodo fiat. 325.

Dissimulare lumen, 4.

Dissolutionis causa & modus. 305. celeritas caloris gradui respondere videtur. 306.

Dissolutio Salium in aqua. 311. 314. scobis ferreæ ab aqua forti vel spiritu Vitrioli cum calore conjuncta. 305. successiva variorum metallorum ab aqua forti. 308.

Distantia focalis ejusdem lentis, pro variis coloribus radiorum incidentium. 15. 36. 58. 60.

Distillatæ herbæ ante fermentandum, olea; post fermentationem, spiritus dant. 213. 214.

Distincta est visio refracta corporum in lumine homogeneo positorum. 51.

Distinctus visus, unde 10.

Lominis (Ant. de) primus arcum cœlestem explicavit. 121.

Dura corpora ex fluidis. 315. corpora post impactum non resiliunt. 323. sunt omnia corpora, vel durescere possunt. 315.

Durities ex attritione oritur. 315.

seq. materiæ simplicis universæ proprietas. 315. 323.

Durum corpus, quale sit. 320.

E.

Ebullitio aquæ in aere & vacuo. 275.

Elastica corpora, quæ sint. 320. resiliunt post impactum, pro elasticitatis gradu. 323.

Elasticitas aeris, unde 283. 321. medii ætherei, maxima est. 282.

Electrica corpora, 272.

Electricitas ad exigua intervalla forsan sine frictione extenditur. 304.

Electricus vapor e globo vitreo affricto emissus. 272. ejus raritas. 283.

Elliptica Halos, ejusque causa. 248. 249.

Errores radiorum reflexorum majores erroribus refractorum. 76.

Errores vitrorum objectivorum ex diversa radiorum refrangibilitate præsertim oriuntur. 58. 59. 60. 67. 69. 72.

Errores vitrorum objectivorum ex figura eorum spherica minores quam ex diversa radiorum

re-

refrangibilitate. 67. 71. 72. quomodo corrigi possent. 72. 73.

Exhalationes æstuosæ. 307. sulphurosæ. *ibid.*

Experimenta de coloribus, ut succedant, quænam requiruntur. 49.

Experimentum cubiculi tenebri-
cosi. 9. quomodo describen-
dum. 17.

Explosio pulveris fulminantis. 274.
306. tormentarii. 274.

F.

Fasciæ coloratæ, in speculo vi-
treo concavo-convexo visæ.
230. *seq.*

Fermentatione corpora fixa & den-
sa in aerem rarescunt. 302.
321. olea in spiritus conver-
tuntur. 213. 214.

Fermentationis causa est princi-
pium actuosum & ejus effectus
nonnulli. 324.

Ferrea scobs aqua forti aut spi-
ritu vitrioli cum calore dissol-
vitur. 305. dephata cum sul-
phure incalescit. 306.

Fibræ nervorum solidæ sunt. 276.
284.

Filum bicolor per prisma visum,
bifectum apparet 32. 33.

Fimbriæ coloratæ in umbra vi-

tri prope extremitates oblique
secti. 354. ortæ ex inflexione
radiatorum, transeuntium prope
acies cultri aut cultrorum. 261.
tres, umbras corporum circum-
dantes, & harum colores. 254.
videntur circa corpus per pris-
ma visum. 118. umbrarum ex
quo intervallo videri incipiant.
257. umbrarum forma hyper-
bolica. 265. umbrarum in lu-
mine homogeneo. 267. um-
brarum oriuntur ex multiplici
radiatorum inflexione. 270.

Fimbriarum coloratarum circa
umbram capilli dimensiones.
255. 256. colores quamobrem
hoc ordine se excipiant. 268.
& umbræ ratio eadem in om-
nibus distantis a capillo. 258.

Firmum corpus ex binorum li-
quidorum permixtione. 309.

Fixa corpora, ad certum gradum
calefacta lucent. 272. 302. in
aerem fermentatione rarescunt.
321. 322.

Fixæ. Vid. *Stellæ Fixæ.*

Fixis corporibus valde adhærent
spiritus acidi. 309.

Flamma. 273. ejus colores. 274.

Flavus & aureus color sunt pris-
maticorum fulgentissimi 69.

Flexibilitas diversa radiorum di-
versi coloris. 267. 268. 270.

Flores

Flores contusi colorem mutant. 193.

Fluida durescere possunt. 315.

Fluiditas calore augetur. 296.

Fluidorum resistentia. Vid. *Resistentia*.

Fluidum corpus, quale sit. 320. densum ad explicanda Naturæ phænomena inutile est. 297.

Focalis distantia, diversa pro radiorum incidentium diverso colore. 15. *seq.* 35. *seq.* 58. 60.

Focis datis, superficies reflectentes aut refringentes invenire. 8.

Focum reflexorum & refractorum radiorum invenire. 7. 8. 9.

Focus. 7. lentis, qualis magnitudinis. 59. 67. 69. quam densiores habeat radios versus centrum quam versus circumferentiam. 68. radiorum incidentium, reflexorum, refractorum. 7.

Fontium fervidorum ratio. 307.

Foramen rotundum, lucidum, per prisma oblongum & discolor videtur. 22.

Formæ corporum mutabiles. 303.

Fulmina. 307.

Fulminantis pulveris explosio. 274. 306.

Fumum emittit in vacuo mixtura stanni & plumbi. 275.

Fumus in flammam quomodo convertatur. 273. 274.

Fuscus color albi species aut gradus. 109.

G.

Gemmarum pelluciditas, unde. 197.

Glandes in animalium corporibus succos diversos e sanguine attrahunt. 318.

Globi duo, circa centrum commune gravitatis rotati, dum illud in directum movetur, motus quantitatem perpetuo variant. 322.

Globus vitreus affrictus, electricus. 272.

Gravitas est principium actuosum, & ejus effectus. 320. 324.

Gravitate explicantur, reguntur, & conservantur cœlestium corporum motus. 297. 322. 324.

Gravitatis causa. 281. *seq.*

Grimaldi (Fr. Mar.) observatio de umbris corporum fimbriatis. 251. opinio de causa inæqualis radiorum refractionis. 23.

Guericke (Otto de) machinæ pneumaticæ inventor. 202.

Gustus sensus unde. 312.

Gutta olei ascendit inter binas lamine

minas vitreas angulum exiguum continentes. 318.

Guttarum rotunditas, unde. 320.

H.

Halleii (Edm.) experimentum de colore manus in fundo maris. 132.

Halones minores circa Solem aut Lunam. 247. 248.

Halonum causa. 128.

Halos elliptica circa Lunam. 248. ejus explicatio. 249.

Harmonia colorum. 277.

Hawksbeii (Franc.) experimentum de gutta olei inter binas laminas vitreas ascendente. 319.

Herbæ distillatæ, ante fermentandum, olea; post fermentationem, spiritus dant. 213. 214.

Heterogeneas radios a se invicem separare. 44. *seq.*

Heterogeneum lumen. 4.

Heterogeneus color. 4.

Homogeneum lumen. 4.

Homogeneus color. 4.

Hookii (Rob.) experimentum de binis liquoribus pellucidis, conjunctim opacis. 133. experimentum de duabus lamellis lapidis specularis ad se mutuo appositis, 169.

Hugenius (Christ.) crystallum Is-

landicam descripsit. 285. & explicare tentavit, sed insufficenter. 292. halonum & Parheliolorum causam dedit. 128. invenit artem qua Telescopiis sine tubis uti possumus. 73.

Humidum corpus, quale sit. 320.

Hyperbolicæ fimbriæ. 265.

Hypotheses ex philosophia experimentalis rejiciendæ. 329. quæ luminis phænomena explicant per novas radiorum modificationes, aut quæ lumen in pressu consistere fingunt, sunt errantes. 291. *seq.*

Hypothesis ad explicandas radiorum vices alternas facilioris reflexionis & facilioris transmissionis. 218. 279. 282. 300.

I.

Ignis & putredine corpora nigrescunt. 200.

Ignem facilius concipiunt corpora sulphurea. 271.

Ignis calorem auget aer. 276.

Ignis fatuus. 273.

Ignis, in quo consistat. *ibid.*

Ignita meteora. 307.

Imagines prismaticæ, binæ confuse per Prisma visæ, separatæ apparent. 33. 34. binæ sese contingentes per tertium Prisma transversim positum sejunguntur. 29.

Imaginis Prismaticæ colores, quale spatium occupent. 90. *seq.* explicatio. 26. latitudo proportionalis permixtioni radiorum. 45. longitudo, qualis, & ex quibus, pendeat. 20. longitudo receptis. Optices regulis nequit explicari. 21. longitudo, situ prismatis mutatur, 19.

Imago chartæ bicoloris pone lentem. 15. *seq.* objecti depicta per radios reflexos aut refractos. 9. 12. objecti in fundo oculi ad cerebrum propagata visus est causa. 10. objecti per lentem visi est ad objectum ut distantia imaginis à lente est ad distantiam objecti. 12.

Imago Prismaticæ oblonga, colorata, radiis per Prisma trajectis depicta. 19. 22. 26. quomodo penumbra orbari queat. 27. quomodo tenuissima fieri possit. 46. rotunda videtur & alba, si per prisma inspicitur, ex legitima distantia. 102.

Imago puncti lucidi per Telescopium visi, qualis magnitudinis videatur. 70. radiis per bina prismata transversim posita trajectis depicta, oblonga & obliqua 23. *seq.* 53.

Imbutus colore oculus, objecta

videt colorata. 10.

Impactus leges, 323. luminis in partes solidas corporum non est reflexionis causa. 202.

Impressio successiva sed celerrima colorum omnium, albitudinis sensum excitat. 101. 103. 106.

Incidens radius. Vid. Radius.

Incidentia. Vid. *Angulus. Sinus.*

Inductionis usus in physica. 329.

Inertia. Vid. *Vis inertiae.*

Inflammabiles vapores. 307.

Inflammabilia corpora. 273. 274.

Inflexio luminis prope corpora transeuntis 251. *seq.* 258. *seq.* angularum more. 270. augetur admoto alio corpore. 260. 262. 263. major in minori distantia. 260. 263. 265. multiplex fimbrias umbræ producit. 270. rubri, eadem ex majori inter ac violacei ex minori. 267. 268. reflexio & refraction, ex eadem vi oriuntur. 271. reflexio & refraction, ex medii ære subtilioris actione. 280. 281.

Intervalla vicium alternarum facilioris reflexionis & facilioris transmissionis. Vid. *Vices alternæ.*

Intervallum ex quo corpora in lumen agunt. 261. 262. 263.

Irides concentricæ per reflexionem

nem speculi vitrei concavo-convexi.. Vid. *Annuli*.

Iris. Vid. *Arcus cælestis*.

Islandica crystallus. Vid. *Crystallus*.

L.

Lamella aerea inter bina prismata maculam, & arcus coloratos exhibet. 141. *seq.* inter bina vitra, planum & convexum annulos coloratos exhibet. 143. *seq.* reflexis alio, alio transmissis radiis colore donata cernitur. 152. tenuissima pellucet. 151.

Lamella aquea, annulos exhibet similes sed minores quam aerea ejusdem crassitudinis. 152. 153. donatur alio colore, si transmissis, alio si reflexis radiis cernitur. 164.

Lamellæ aeræ datos colores reflectentis aut transmittentis crassitudo. 145. 156. 173. *seq.*

Lamellæ aqueæ datos colores exhibentis crassitudo. 162. 173. *seq.*

Lamellæ crassitudo in causa est, cur radios vel reflectat vel transmittat. 204.

Lamellæ densiores medio rariori terminatæ quales colores exhi-

beant. 157. *seq.* diversorum mediorum eundem colorem exhibentes crassitudines habent, ut sinus qui metiuntur in refractiones ex istis mediis in aerem.

153. tenues per Prisma visæ, sub certo aspectu coloratæ sub alio decolores videntur, & quare 182. tenuissimæ vim reflectentem amittunt. 220.

Lamella lamellæ imposita qualem colorem exhibeat. 176. tenuior, copiosius radios reflectit, nisi transmittat. 165. 166. tenuis, colorem eundem, sed debiliorem exhibet aucta medii ambientis densitate. 164. 165. tenuis, colores floridiores exhibet, si densior sit medio circumdante, quam si rarior. 165. tenuis densior, minus variat colores, mutato oculi positu, quam rarior. 162.

Lamellarum coloratarum crassitudo, 173. 175. tenuium colores unde. 186. *seq.*

Lamina vitreæ angulum exiguum formantes guttam olei attrahunt. 318.

Laminarum crassarum, pellucidarum & politarum colores 225. *seq.*

Lapidis specularis lamellæ binæ sibi mutuo appositæ, quem co-

- lorem exhibeant. 176. lamella madida, eodem colore, sed debiliori videtur. 164. 165.
- Lapidum* pelluciditas unde. 197.
- Lateræ* diversa radiorum luminis, diversis qualitatibus prædita. 288. *seq.*
- Latitudo* imaginis prismaticæ. Vid. *Imaginis prismaticæ* latitudo.
- Leges Motus*, ex inertia vi. 326.
- Lens vitrea*, qualis. 6. qualem depingat imaginem chartæ bicoloris. 15. *seq.* quomodo lumen refringat. 6.
- Lente vitrea* objectum videtur in alio loco & alia magnitudine. 12.
- Lentis* ejusdem distantia focalis varia est, pro diversis radiorum incidentium coloribus. 15. *seq.* 35. *seq.* focum invenire. 8. focus, qualem magnitudinem habeat. 59. 67. 69. focus, radios habet densiores versus medium quam versus circumferentiam. 68.
- Leucophæus* color, albi species. 109. ex pulverum coloratorum permixtione. *ibid.*
- Lignum Nephreticum*. Vid. *Nephreticum lignum*.
- Limites* attractionis sunt perangusti. 304.
- Linteæ*, arbor, cujusnam ordinis. 197.
- Liquores pellucidi*!, bini, conjunctim opaci. 132.
- Liquoris* pellucidi color cum crassitudine illius variat. 131. rubri in vase conico colores. *ibid.*
- Liquorum* permixtione colores nascuntur. 193.
- Locus apparens objecti* per reflexionem aut refractionem visi. 10. per Prisma aut lentem visi. 12.
- Longitudo* imaginis prismaticæ. Vid. *Imaginis prismaticæ* longitudo.
- Lucida* corpora, qualia sint. 272. 302.
- Lucis* particulae. Vid. *Particulae lucis*.
- Lumen* candelæ prismate refractum. 127. compositum, dissimulare, heterogeneum. 4. cujusvis coloris fortissime reflectitur a corporibus albis. 107. & corpora in se mutuo converti possunt. 302.
- Lumen homogeneum*, simile simplex. 4. fortius reflectitur à corporibus sui coloris. 128. 129. reflexione & refractione colorem mutare requirit. 87. 88. refringitur regulariter. 50. suum habet colorem immutabilem. 87. *seq.*
- Lumen* partibus constat. 2. per guttas

guttas pluviae bis refractum ,
ubi fortissimum. 127. refrac-
tum album manet , si con-
trariis refractionibus corrigi-
tur. 92.
Lumen solis est subflavum. 119.
ex radiis diverse reflexibilibus
constat. 39. *seq.* 43. ex radiis
diverse refrangibilibus constat.
18. *seq.* spacio temporis pro-
pagatur. 3. 215.
Lumina quæ colore differunt ,
differunt refrangibilitatis gra-
du. 13. *seq.* 22. 30. 33.
39.
Lumine homogeneo collustrata ob-
jecta per prismata videntur dis-
tincte. 51.
Luminibus coloratis permixtis ,
componere radium luminis al-
bi. 134. *seq.*
Luminis actio in corpora. Vid.
actio.
Luminis compositi radios hetero-
geneos separare. 44. 46. emis-
sio vim repellentem probat.
321. & umbræ confinia non
sunt causa colorum. 81. *seq.*
heterogenei color , qualis. 95.
impactus in partes solidas cor-
porum non est reflexionis cau-
sa. 202. in lente & in prismata
refractio. 6. inter binos cul-
tros transeuntis inflexiones.

260. *seq.* natura indagata. 215.
propagatio non fit per pressum.
291. *seq.* propagatio succeffi-
va. 3. 215.
Luminis radius. Vid. *Radius.*
Luminis solaris albor ex prima-
riis omnibus coloribus compo-
nitur. 96. *seq.*
Luminis velocitas. 215. 282.
Lunæ Atmosphæra. 71.
Luna Fixas tegit. *ibid.*

M.

Macula alba in medio annulo-
rum per reflexionem speculi
vitrei concavo-convexi produ-
ctorum. 226. 242. *seq.* lumi-
ne reflexo nigra , transmissio
alba inter bina Prismata aut vi-
tra convexa. 140. 141. inter
bina Prismata aut vitra , ma-
ior videtur , cum oblique ins-
picitur. 151. in summitate bul-
læ aquæ saponaceæ. 158.
Maculæ mobiles in bulla aquæ
saponaceæ. 159.
Madida corpora fulciora viden-
tur. 193.
Magneticorum effluviorum rari-
tas. 284.
Magnitudo objecti per lentem u-
nam aut plures visi. 12. partium
corporum ex eorum coloribus
X x 3 conjici

- jici potest. 195. puncti lucidi per Telescopium visi. 70.
- Manus* color in fundo maris. 132.
- Marchasitæ* ex quibus consist. 311.
- Marinarum* aquarum vortices. 307.
- Maris* in fundo experimentum institutum 132.
- Marmorum* politorum coherencia difficilis sed valida, 322. in vacuo. 316.
- Materia* Animalium & plantarum ex aqua. 213.
- Medii* aere subtilioris bullula. 153. existentia. 280. seq. elasticitas & effectus. *ibid.*
- Mediorum* densitas quid faciat ad vices alternas facilioris reflexionis & facilioris transmissus. 222.
- Medium æthereum* gravitatis causa 281. seq. recedendo à corporibus densius evadit. 281.
- Medium* densius refrangit radios versus perpendiculum. 5.
- Mephites* subterranea. 307.
- Mercurius* dulcis 312. sublimatus 309. 312. Vid. *argentum vivum*.
- Metalla* alba attritu nigrescunt. 199. alia aliis dissoluta facilio- ra. 308. fortiter adhærent menstruis suis. 305. liquefacta nec fumum nec flammam emittunt 273. soluta sunt pel- lucida. 189. 191. 197. 198.
- Metallicæ* coruscationes. 307.
- Metallici speculi* perpoliendi ra- tio 74. politura difficilior quam vitrei. 76. reflexione plus luminis amittitur quam vitrei refractione. 74.
- Metallorum* albor cujusnam ordi- nis. 197. alborum partes mi- nores flavorum partibus 198. fusorum colores. 164. 198. solutorum sapes 312.
- Meteora* ignita 307.
- Methodus. Analytica. Syntheti- ca.* Vid. *Analytica. Synthetica methodus.*
- Microscopiis*, an cerni queant partes corporum ex quibus co- lor eorum pendet. 200. 201.
- Microscopiorum* theoria. 12. vi- tra, quare colorent objecta. 119.
- Mixtura* colorum, qualem colo- rem exhibeat. 111. seq. plumbi & stanni fumum amittit in vacuo. 275.
- Molle corpus*, quale sit. 320.
- Mollia corpora* post impactum non resiliunt. 323.
- Montes* ardentes. 307.
- Moralis Philosophia* Vid. *Philoso- phia.*
- Motus* animalis, quomodo effi- ciatur 284. coelestrium corpo- rum

- rum attractione gravitatis regitur. 297. 322. 324. corporum minorum regitur vi attrahente & repellente. 322. perpetuo imminuitur. 323. planetarum cæco fato non tribuendus. 327. undarum quaquaversum se inflectit. 292.
- Motus* acceleratio per spatium attractionis. 55. 209. generalia principia ex phœnomenis derivare est vere philosophari. 326. leges ex vi inertiae. *ibid.* productio & conservatio principiiis actuosis indiget. 322. quantitas non semper eadem 322. *seq.*
- Motus* terræ. 307.
- Mundi* origo ex creatione. 327.
- Mundus* non est corpus Dei 328.
- Muscæ*, sicco pede, aquæ inambulant. 322.
- Mutationes* corporum. 302. in quo consistant 325.
- Myopum* visus. 11.
- N**
- Natura* Leges variare potuit Deus. 328. opera secretiora, quid obest quin videamus. 201.
- Naturalis Philosophia*. Vid. *Philosophia*.
- Natura* luminis indagata. 215. *seq.*
- Natura rerum corporearum* qualis. 325. 327. quare durabilis 325. tandem desiderabit manum emendatricem. 327.
- Natura* sibi consentanea & consimilis. 304. simplex. 322.
- Nephretici ligni* infusio radios flavos transmittit, cæruleos reflectit. 133. 137. 193.
- Nervi optici* concurrunt in plerisque animalibus. 278.
- Nervorum* fibræ sunt solidæ 276. 284. obstructio paralysem inducit. 284. opacitas unde. 285.
- Nervus opticus* quomodo a radiis luminis afficiatur. 276.
- Nigra corpora* alia colore suo facile inficiunt. 200. facile calefiunt & comburuntur. *ibid.* 271.
- Nigra* efficiuntur corpora attritu, igne, & putredine. 200.
- Nigrorum* corporum partes omnium minimæ. 199.
- Nigrum corpus* albo circumdatum quomodo per Prisma videatur. 118.
- Nitrum* Vid. *Sal nitri*.
- Nutritum* animalium & plantarum in eorum similitudinem convertitur. 313.

O.

Objecta lumine homogeneo collustrata, per Prisma distincte videntur. 51.

Objecti per reflexionem aut refractionem visi, imago. 9. locus & situs apparens. 11. magnitudo apparens. 12.

Objectum, cur binis oculis videatur unum, 277. rotundum, lucidum, per prisma videtur oblongum, discolor. 22.

Obliquitas chartæ eidem lumini expositæ diversa diversos colores exhibet. 83. 84. radiorum incidentium, quid faciat ad annulorum coloratorum magnitudinem. 149. 155. 161. 177. 242. radiorum. incidentium, quid faciat ad intervalla vicium alternarum facilioris reflexionis & facilioris transmissus. 221.

Oculi descriptio. 10. humores objecta colorata exhibere possunt. 119. positu mutato, mutantur quorundam corporum colores. 133. 164. 192. positu mutato, minus variantur colores lamellæ densioris, quam rarioris. 162. pressu colores videntur. 116. 278.

Oculis binis, cur objectum videatur

tur simplex 277.

Oculus colore imbutus objecta videt colorata. 10.

Officia nostra, unde derivanda. 330.

Olea fermentatione in spiritus convertuntur. 214. multa, affuso spiritu nitri composito, in flammam erumpunt. 305. 306.

Oleum vitrioli. Vid. *Vitrioli Oleum*.

Opaca corpora, lumen transmittunt, si satis tenuia. 133. 134. partes habent & poros non nimis parvos. 191. poris sca- tent 190. quomodo pellucida evadant. *ibid.*

Opacitas corporum unde 189. 190. nervorum unde. 285.

Opacum corpus ex binis pellucidis. 132.

Optica mathematicè tractari potest. 94.

Opticæ compendium 4-12.

Opticus Nervus Vid. *Nervus Opticus*.

Origo rerum corporearum. 327.

P.

Paralysim inducit Nervorum obstructio. 234.

Parbeliorum rationem dedit *Hu- genius*. 128.

Par-

Partes animalium & plantarum ex quibus accrescant & in quæ definant. 303. ex volatilibus & fixis, fluidis & solidis constant. 311. 312. quomodo nutrimentum in suam similitudinem convertant. 313.

Partes corporum, ex quibus colores eorum pendunt, cuiusnam sint magnitudinis ex colore eorum conjici potest. 195. densiores sunt medio poros eorum permeante. 194. microscopiis, an possint videri. 200. 201. non debent esse nimis exiguæ, ut corpora sint opaca & colorata. 191.

Partes corporum minimæ sunt pellucidæ 189. 191. nigrorum, omnium minimæ. 199. sulphureæ sunt præcipua causa vis refractivæ eorundem. 214.

Partes luminis successivæ & contemporaneæ. 2.

Particulæ aëris & ætheris à se invicem recedere conantur. 283. corporum exiguæ viribus donantur, quibus agunt in se invicem. 303. *seq.* corporum omnium sunt duræ. 315. 325. lucis, quæ in corporibus sunt, vim eorum actuosam producant. 302.

Particulæ primigeniæ corporum

325. 326. duræ. 315. 325. nequeunt dividi. 316. 328.

Particularum ex quibus corpora componuntur crassitudo, causa est coloris eorundem. 192.

Particula Salis chao similis est. 313.

Partium pelluciditas obest quin cernamus Naturæ secretiora opera. 201. tenuitas pelluciditatem facit. 191.

Pellucet corpora opaca, si satis tenuia. 134.

Pellucida corpora, quomodo opaca evadant. 190. tenuia, colores varios exhibent. 139.

Pellucida cur sint corpora tenuissima. 220.

Pellucidæ sunt corporum partes minimæ. 189. 191.

Pellucidi liquores conjunctim opaci. 132.

Pelluciditas variorum corporum, unde. 191.

Pellucidum corpus efficere, ut aliud colorem reflectat, aliud transmittat. 134. eodem colore cur videatur, lumine reflexo & transmissio. 134.

Penumbra orbare imaginem prismaticam. 27.

Permisceri quæ possint corpora, quæ non 310. 322.

Permixtio radiorum, proportionalis

- nalis est latitudini imaginis prismaticæ. 45.
Permixti radii colorem suum servant. 99. 104.
Permixtis liquoribus, miri colores oriuntur, 193. pulveribus coloratis subalbidus color efficitur. 107. *seq.* radiis diversis, radium album efficere. 134. *seq.*
Perpendiculum versus fit refractione ex medio rariori in densius. 5.
Phantastici colores. 116.
Philosophandi vera methodus. 297. 326.
Philosophia moralis ethnicorum cur imperfecta. 330. nititur Dei cognitione. 330.
Philosophiæ naturalis officium & finis. 297. usus in philosophia morali. 330.
Philosophorum antiquissimorum principia. 297. recentiorum commenta *ibid.*
Phosphori varii. 272.
Pigmenta quædam attritu colorem mutant. 193.
Planetarum & Cometarum motibus non obstat perexigua ætheris resistentia. 283. 296. motus conservantur, explicantur & reguntur per gravitatem. 297. 322. 324. motus in fluido denso cito sisterentur. 296.
Planetarum motus cæco fato tribui non possunt. 327.
Plani reflectentis vel refringentis focum invenire. 7.
Plantarum colores cujusnam ordinis. 196.
Plantarum & animalium materia ex aqua. 213.
Plantarum partes. Vid. *Partes*.
Plumarum diversi colores pro diverso oculi situ. 192. 193.
Plumbi & stanni mixtura fumum emittit in vacuo. 273.
Polienda vitra & specula metallica quomodo sint 74. 75. 77.
Politorum corporum irregularis reflexio. 225. superficies cur radios tam accurate reflectant. 204.
Pondus aeris ebullitioni aquæ obstaculo est 275.
Pori corporum opacorum & coloratorum non debent esse nimis angusti. 191. vel vacui sunt, vel medio diversæ densitatis replentur. 190.
Præcipitatio stibii de butyro ejus per aquam simplicem. 310.
Pressu, lumen non propagatur. 292. oculi colores videntur. 116. 278.
Primarius color. 4.
Principia actiosa, (gravitas, fermentationis & cohærentiæ causa)

- sa) 324. 326. ad motum producendum & conservandum necessaria 322. 324. 326. existunt & manifesta sunt. 326. latentem causam habent. *ibid.* quomodo considerata *ibid.* sine his, omnia torperent. 325.
- Principia* Philosophorum antiquissimorum. 297.
- Principium passivum*, vis inertiae 322.
- Prisma* ex laminis vitreis confectum 50. 82. *seq.*
- Prisma* vitreum. 6. annulos arcus & colores detegit ubi nullos oculus videt & quare 167. 179. 182. 219. 227. in experimentis sumendis, quale esse debeat. 27. quomodo, radium refringat. 6.
- Prismata* ad se arctius compressa, maculam & arcus coloratos exhibent. 140. *seq.* bina.
- Prisma* formam Parallelopipedi compacta, quomodo lumen reflectant & refringant. 39. *seq.* 85. bina transversim posita, qualem imaginem depingant. 23. *seq.* 53.
- Prismate* charta bicolor, bisecta apparet. 13. *seq.* 32. filum bicolor bisectum apparet. 32. 33. refractum lumen candelæ 127. videtur objectum in alio loco. 12. videtur oblongum & discolor objectum rotundum lucidum. 22. videntur separatæ binæ imagines prismaticæ confusæ. 33. 34. visum corpus, fimbriatum apparet. 118.
- Prismaticus color*. Vid. *Color*.
- Prismatis* materia non causat diversam radiorum refrangibilitatem. 20. phænomena explicantur. 116. *seq.* situ mutato, mutatur longitudo imaginis prismaticæ. 19. situs in experimentis convenientissimus. 18.
- Procellæ*. 307.
- Propagatio* luminis successiva. 3. 215. 282. non fit per presum. 291. *seq.*
- Pulsuum* in mediis elasticis velocitates. 282.
- Pulveres* ficci ægre coherant. 322.
- Pulveribus* coloratis permixtis, album efficitur subobscurum. 107.
- Pulveris* fulminantis & tormentarii explosio. 274. 306.
- Puncti lucidi* per telescopium visi magnitudo. 70.
- Putredine* corpora nigrescunt. 200.
- Putredo*, unde. 313.

Q.

Quæstiones præcipuæ in philoso-
phia naturali expediendæ 297.

298.

Qualitates occultæ cur rejiciendæ.

326.

R

Radii alii aliis facilius reflexibiles.

34. 43. alii aliis magis refran-
gibiles, ratione constanti. 25.

26. 27. 28. 30. 31. 32 *seq.* alii re-
flectuntur, alii transmittuntur. a

quibusdam corporibus. 133. 193

diversi generis quales habeant vi-
ces alternas facilioris reflexionis

& facilioris transmissus. 221. di-

versorum colorum permixti non
agunt in se invicem. 99. 104. in

compositione copiosiores preva-
lent & album tingunt suo colore.

98. 100. 104. in medium quod-

vis incidentes, in eo vibratio-
nes excitant. 279. luminis sunt

corpuscula dura. 315. luminis

sunt corpuscula e corporibus lu-

centibus emissa. 298. *seq.* magis

refrangibiles sunt magis reflexi-

biles. 37. 43. omnium colo-

rum in foco lentis coacti al-

borem constituunt. 97. proprie-

loquendo non sunt colorati. 89.

qui colore differunt, differunt

refrangibilitate. 23 *seq.* 30. 33. 39.

qui refrangibilitate differunt,

differunt flexibilitate. 270. re-

flexi vel refracti, quando depin-

gant imaginem objecti. 9. restin-

guuntur, qui nec reflectuntur.

nec transmittuntur. 233. 205.

restinguuntur, qui solidas cor-

porum in partes impingunt. 205.

rubri, flavi, virides, &c. qua-

les dicantur. 89. Solis diverse

refrangibiles. 18. *seq.*

Radiatorum alii reflectuntur, alii

transmittuntur sub eodem inci-

dentia angulo. 203. 204. co-

lorificæ qualitates sunt immu-

tabiles & congenitæ. 115.

136. 185. densitas in foco len-

tis. 68. diversa coloratorum di-

versi refrangibilitatis gradus. 90.

seq. diversi coloris diversa reflexi-

bilitas & refrangibilitas est con-

genita & immutabilis. 183.

184. diversitas in quo sita sit.

300. in Nervum Opticum actio.

qualis. 276. luminis diversa sunt

latera, diversis qualitatibus

prædita. 288. *seq.* 292. mira

proprietas crystallo Islandica

detecta. 288. permixtio in i-

magine prismatica. 45. proprie-

tates explicantur. 299. *seq.* pro-

prieta-

prietates plures forsan detegendæ restant. 288. reflexibilitas. 3. refrangibilitas. 2. reflexorum eadem sunt vices alternæ facilioris reflexionis & transmissus, ac incidentium & refractorum. 223. 224. reflexorum & refractorum focum invenire. 7. 8. refractio regularis non fortuita. 28.

Radiatorum vices alternæ. Vid. *Vices*.

Radios heterogeneos à se invicem separare. 44. *seq.* sui coloris corpora fortius reflectunt. 128.

Radius luminis. 2. albus factitius. 134. *seq.* compositus, qualem colorem habeat. 111. *seq.* incidens, fit refractus si refractus fiat incidens. 4. in lente refractus. 6. in prisma refractus. 6. per bina prismata transversim posita refractus, imaginem depingit oblongam obliquam. 23. *seq.* per tria aut plura prismata trajectus ostenditur constare radiis diversè refrangibilibus. 25. reflexus constat radiis diversè refrangibilibus. 38. refractus, si fiat incidens; tum incidens fit refractus. 4. semel magis refractus, semper magis refringitur. 25. 30.

Raritas aëris & aliorum corporum.

283. 284. aëris, in variis a

terra distantis. 295. 296. aëris in summitate atmosphæræ. 283. ætheris. *ibid.* corporum major est quam putatur vulgo. 206. corporum quomodo explicanda. 207. effluviis magneti-
corum. 284. electrici vaporis. 283.

Reflexibilitas. 3. diversa diversorum radiorum. 37. 43. immutabilis & congenita. 184. major, minor. 3. respondet radiorum coloribus. 185.

Reflexio accurata superficie-
rum politarum. 204. fortior ex vitro in vacuum quam in aquam aut aerem. 202. fortissima, ubi vis refringens maxima. 187. 220. in prisma arcum cæruleum exhibet. 119. 120. irregularis corporum politorum. 225. luminis oritur ex inæquali densitate mediæ ætherei. 281. luminis vim repellentem indicat. 321. nulla in confinibus mediorum æqualiter refringentium. 187. 188. nulla in contactu duorum vitrorum. 203. refractio & inflexio ex una eademque vi proficiuntur. 208. 271. sub diversis obliquitatibus, diversa. 203. totalis, sub quo angulo incidentiæ incipiat. 187. 207.

Reflexione metalli plures restinguuntur radii, quam refractione vitri. 74.

Reflexiones laminarum pellucidarum & politarum. 225. *seq.*

Reflexionis Angulus, Sinus, Vid. *Angulus Sinus.*

Reflexionis causa, attractio. 299. *seq.* causa non est impactus luminis in partes solidas corporum. 202. errores majores quam refractionis. 76. forum invenire. 7. 8.

Refractio aeris, & variorum corporum, qualis. 211. 212. contraria refractione correctâ, colores non producit. 92. e rariori medio in densius, fit versus perpendiculum. 5. ex aere in vitrum & in aquam, qualis. 5. 57. ex medio in aliud datur, datis refractionibus ex utroque in aliud. 93. 94. in lente, 6. in prismatico. 6. luminis ex diversa medii ætherii densitate oritur. 280. *seq.* radiorum maxime & minime refrangibilium, qualis. 58. regularis luminis homogenei. 50.

Refractionem inter & reflexionem analogia. 187. 220.

Refractione vitri pauciores restinguuntur radii quam reflexione metalli. 74.

Refractionis angulus, sinus. Vid. *Angelus. Sinus.*

Refractionis causa attractio. 299. errores minores quam reflexionis. 76. focum invenire. 7. 8.

Refractiva vis. Vid. *Vis refringens.*

Refrangibilitas. 2. major minorve. *ibid.*

Refrangibilitas radiorum diversæ coloris diversa. 18. *seq.* 23. *seq.* 30. 33. 39. 183. causa est confusionis visus refracti. 50. non oritur ex causis irregularibus. 183. qualis ea sit. 58. 90. 93. quam causam habeat 300. respondet coloribus. 185. respondet diversæ flexibilitati radiorum 270. Telescopiorum perfectioni magis nocet, quam spherica vitrorum figura. 67. 71. 72.

Refringens vis. Vid. *Vis refringens.*

Repellens vis Vid. *Vis repellens.*

Resistentia aeris in vacuo Boyleano fere nulla. 295. ætheris per exigua. 283. aquæ calidæ non multo minor quam frigidæ. 296. fluidorum, densitati eorum fere proportionalis. 294. fluidorum multo major foret, si pori eorum matetia subtili replerentur. 295. fluidorum

dorum, unde. 294. qualis foret, si plena forent omnia corporibus. 296.

Roemerus (Olaus) successivam luminis propagationem primus observavit. 215.

Rotunditas guttarum fluidorum, unde 320.

Rubigo, unde. 307. 308. 312.

S.

Sal Ammoniacus ex quibus componatur 309. Stibium sublimat. 309. 310.

Sal communis aquam in aere volitantem non attrahit. 304.

Sales constant ex terra ficca & acido aquoso. 312. ex aqua & terra componuntur. 213. quare in aqua solubiles. 313. quomodo destruantur. *ibid.*

Salis alkali. Vid. *Alkali.*

Salis compositio. 313.

Salis nitri spiritus compositus. Vid. *Spiritus Nitri.*

Salis partes fortius aquam attrahunt, quam semetipsas. 314. particula chao similis. 313. peluciditas, unde. 197.

Salium crystallisatio vim attrahentem indicat. 314. dissolutio in aqua. 313. 314. natura quare durabilis. 313. partes habent latera diversis viribus prædita. 314.

Sal nitri affusus spiritui vitrioli, ebullitionem ciet, 305. aquam in aere volitantem non attrahit. 304.

Sal tartari aquæ particulas attrahit, donec saturetur. 304.

Sapor acidorum, & metallorum, solutorum unde. 312.

Saporum causa, qualis. *ibid.*

Scintillatio fixarum. 79.

Scobs ferrea. Vid. *Ferrea Scobs.*

Secretio succorum variorum per glandes. 318.

Senibus conspicienda cur utilia.

10. 11.

Senilis visus defectus. *ibid.*

Sensationes quomodo efficiantur. 284.

Sensorium animalium. 298. 328.

Sensus auditus. 284. gustus. 312. visus. 284. diversorum colorum. 277.

Sensuum organa cur data sint. 328.

Separare a se invicem radios heterogeneos. 44.

Series colorum in annulis coloratis. 141. 144. 159. 172.

Similare lumen. 4.

Simplex color. 4. lumen. *ibid.*

Sinus incidentiæ, reflexionis, refractionis. 4. incidentiæ & refractionis sunt in ratione data. 5. 52. *seq.* 299. incidentiæ & refractionis quam rationem inter

- ter se habeant in diversis mediis. 93.
- Sinuum incidentiæ & refractionis ratio* ex aere in aquam & ex aere in vitrum. 5. in diversi coloris radiis. 92. 93.
- Sinuum* refractionis excessus supra sinum incidentiæ sunt in ratione data, cum lumen e diversis mediis in unum rarius transit. 93.
- Situs* apparens objecti reflectione aut refractione visi. 11. 12. prismatis convenientissimus in experimentis. 18.
- Sol* arcus coloratos exhibet per plumam aut teniam nigram visus. 255.
- Solis* atmosphæra impedit quominus abeat in vapores. 275. calor, unde. *ibid.* lumen constat ex radiis diverse reflexibilibus & refrangibilibus. 39. *seq.* 18. *seq.* lumen est subflavum. 119.
- Soni* velocitas. 282.
- Sonus* in aëre, in corpore sonoro in sensorio, quid sit. 89.
- Spætia cælestia* omnis sensibilis resistentiæ expertia. 293. 294. 296.
- Speculi Metallici perpoliendi ratio*, 4. 73. difficilior quam vitrei. 76.
- Speculi Metallici* reflexione annuli nulli producuntur. 231.
- Speculi vitrei concavo-convexi* phænomena. 226.
- Speculum vitreum* melius metallico ad telescopium per reflectionem. 76.
- Sphærica superficiæ* reflectentis vel refringentis focum invenire. 7. 8.
- Sphærica* vitrorum figura minus nocet telescopiorum perfectioni quam diversa radiorum refrangibilitas. 67. 71. 72.
- Spiritus acidi.* Vid. *Acidi.*
- Spiritus* ex oleis fermentatis. 214. inflammabiles. 273.
- Spiritus Nitri compositus.* 305. affusus oleis quibusdam aut Spiritui vini erumpit in flammæ. 305. 306.
- Spiritus vini* cum oleo vitrioli distillatus. 310. 311. cum spiritu urinæ in corpus firmum coalescit. 309. distillando fit magis aquosus. 213. ex aqua & oleo fermentatione conjunctis constat. *ibid.* per affusum Spiritum Nitri compositum inflammatur. 305. 306.
- Spiritus Vitrioli* affusus Sali vel Nitro, ebullit & coalescit. 305. attrahitur ab aqua, fortius à corpore fixo. 308. fortius attrahitur

hitur ab aqua, fortius a corpore fixo. 308. fortius attrahitur ab alkali fixo salis vel vitri, quam spiritus salis vel nitri. 305. scobem ferream cum calore dissolvit. *ibid.*

Spiritus urinae cum spiritu vini in corpus firmum coalescit. 309.

Spongia aquam attrahit suctu. 313.

Spumæ albor cuiusnam ordinis. 197.

Spuma aquæ saponaceæ eminus multicolor, cominus alba videtur. 107.

Stanni & plumbi mixtura in vacuo fumos emittit. 275.

Stellæ fixæ instar punctorum videntur. 71. per lunam teguntur. *ibid.*

Stellarum fixarum apprens per telescopium diameter. 71. constitutio. 275. icintillatio, unde. 79.

Stibii butyrum. 309. 310. sublimatio. 309.

Stibium præcipitatur de butyro suo per aquam simplicem. 310.

Subalbidus color, ex pulverum coloratorum permixtione. 107.

Sublimatio mercurii, 309. 322. Sulphuris. 311.

Sulphura fortissime agunt in radios lucis. 214.

Sulphur contusum, cum scobe ferrea depsum incalescit, 306.

Sulphuris compositio, 311. Oleum, *ibid.* Sublimatio, *ibid.*

Sulphurosa corpora aliis maiorem habent vim refringentem. 209. 213. Ignem facilius concipiunt. 271.

Sulphurosa corporum partes, vi refractivæ eorum causi præcipua. 214. exhalationes. 307.

Sulphurosi vapores, quibus abundant viscera terræ sunt multorum phænomenorum causæ. 307.

Superficies corporum politorum, quomodo radios tam accurate reflectant. 204.

Superficies sphericæ reflectentes aut refringentes, ubinam focum habeant. 7. 8.

Superficies reflectentes aut refringentes invenire, ex focus datis. 8.

Syntheticæ methodi usus in physica. 329.

T.

Tabula crassitudinis aeris datos colores exhibentis sub dato incidentiæ angulo. 150. crassitudinis aquæ datos colores exhibentis, sub dato angulo incidentiæ. 163. crassitudinis lamellarum coloratarum. 175. densitatis & virium refringentium plurium corporum. 211.

Telescopia per refractionem non aliter perfici possunt, quam si longiora fiant. 73. ultra certos limites perfici nequeunt. 79.

Telescopii per reflectionem descriptio. 77. inventio. 73.

Telescopio, quanta videatur magnitudo puncti lucidi. 71.

Telescopiorum aperturæ & vires amplificandi. 72. imperfectionis causa 57. seq. theoria 12. vitra quare colorent objecta. 119. vitra quomodo polienda. 76.

Terræ motus. 307. variæ formæ. 302. viscera sulphurosis vaporibus abundant. 307.

Terram inter & aquam, acidum est loco medii. 313.
Terrestria concreta. vid. *Concreta*.
Tenuēs lamellæ. vid. *Lamellæ*.
Theoria microcosporum & telescopiorum. 12.
Tonitrua. 307.
Tormentarii pulveris explosio. 274.
Transmutationes corporum aliorum in alia. 302. *seq.* quomodo fiant. 325.
Tremor aeris. 79. 80.
Tubuli vitrei aquam sustinent supra libellam. 317.
Tubus cineribus plenus aquam attrahit. *ibid.*

V.

Vacuum, calori deferendo idoneum. 280. quod dicitur spatium, medio repletur. *ibid.* ingredientēs radii, ex vitro exeuntes, reflectuntur. 202.
Vapores aere leviores. 322. inflammabiles. 307. sulphurosi in terræ visceribus. *ibid.*
Vaporibus acidis aer abundat. 307.
Vaporis electrici raritas. 283.
Vaporum productio. 321.
Varietas colorum oritur ex compositione luminis. 89.
Velocitas Lucis & Soni. 282. motus vel corporis emergentis ex attractionis spatio. 55. 209.
Velocitates pulsum in mediis elasticis. 282.
Ventorum turbines. 307.
Vibrationes excitant in medio, radii

in illud incidentes. 279. excitatæ in nervo optico per radios lucis. 276. 278. 279. diversæ in nervo optico diversos colorum sensus excitant. 277.
Vices alternæ facilioris reflexionis & facilioris transmissionis radiorum. 219. 204. 216. a quibus pendeant. 217. ad æqualia intervalla recurrunt. *ibid.* explicantur hypothesi aliqua. 218. 279. 282. 300. earum effectus. 219. insunt radiis cum primum e corpore lucido emittuntur. 219. natura sua sunt durabiles. *ibid.* qualia sint earum intervalla sub diversis radiorum obliquitatibus. 221. qualia sint earum intervalla pro radiorum diversis speciebus. *ibid.* qualia sint earum intervalla, pro mediorum diversitate. 222. qualia sint earum intervalla in aere. *ibid.* qualia sint in radiis reflexis. 223. 224. non possunt explicari per hypothesēs quæ lumen in pressu consistere fingunt. 293. recurrunt saltem ad 34386 vices. 237. *seq.*
Violarum color, cujusnam ordinis. 196.
Virium, quibus exiguæ corporum particulæ agunt in se mutuo veritas probatur. 303.
Vis actiosa. vid. *Actiosa vis*.
Viscera terræ abundant acido spiritu sulphuris vel vitrioli. 311. abundant ex poribus sulphureosis. 307.
Vis elastica. vid. *Elasticitas*.
Vis electrica. vid. *Electricitas*.
Vis inertiae est principium passivum. 322.

322. legum motus principium.
 326. magnam resistantiæ partem efficit. 294. 296. particulis primi-
 genis competit. 316.
Vis reflectens & refringens est una ea-
 demque vis. 208.
Vis refringens corporum densitati eo-
 rum proportionalis, exceptis sul-
 phureis. 209. ex sulphureis eo-
 rum partibus præcipue oritur 214.
 plurium corporum. 211. *seq.* quo-
 modo estimanda. 209. 210. ubi
 maxima, ibi reflectio fortissima.
 187. 280.
Vis repellens & attrahens regunt exi-
 guorum corporum motus mino-
 res. 322. probatur variis argu-
 mentis. 320. *seq.*
Visus causa & modus. 10. confusio
ibid. distinctio. *ibid.* myopum de-
 fectus. 11. refracti confusio, un-
 de. 50. senilis defectus 10.
Visus quomodo efficiatur. 284.
Vitra bina, planum & convexum
 sibi mutuo imposita maculam &
 annulos coloratos exhibent. 143.
seq. microscopiorum & telescopia-
 rum, quare colores exhibeant. 119.
 quædam alios radios reflectunt,
 alios transmittunt. 133. telescopia-
 rum alterum alteri impositum æ-
 gre sese contingunt. 322. telescopia-
 rum quomodo polienda. 76.
Vitrioli oleum aquam attrahit, donec
 saturetur. 304. 305. 308. compo-
 nitur ex partibus volatilibus & fi-
 xis. 310. cum aqua incalescit. 305.
 cum spiritu vini distillatum duos
 spiritus præbet. 310. 311. distil-
 lando, ægre dimittit aquam. 305.
Vitrioli partes fortius aquam attra-
 hunt, quam semetipsas mutuo.
 314.
Vitrioli spiritus. vid. *Spiritus vitrioli.*
Vitriolum. 311. aquam in aere voli-
 tantem non attrahit. 304. ex aqua
 & terra componitur. 213.
Vitri pelluciditas, unde 191. prope
 extremitatem oblique secti umbra
 est fimbriata. 354. refractio minus
 luminis intercipit quam metalli
 reflectio. 74.
Vitrorum attrahens vis. 317. *seq.* ob-
 jectivorum errores. 58. *seq.*
Vitrum aquam attrahit, fortius quam
 cineres. 317. 318. poliendo quid
 fiat. 204.
Umbræ corporum exiguum, lumine
 per foramen exiguum admissio,
 sunt justo latiores. 252. sunt fim-
 briatæ. 251. 254.
Umbræ & lucis confinia non sunt
 causa colorum. 81. *seq.*
Umbrarum & *fimbriarum capilli* di-
 mensiones. 255. 256. ratio eadem
 in diversis a capillo distantis. 258.
Umbrarum fimbriæ. 251. 254. ex quo
 intervallo videri incipiant. 257.
 in homogeneo lumine. 267.
Undarum motus quaquaversum se
 inflectit. 292.
Volatiles particulæ, quales. 321.
Vortices aquarum in coelum elati. 307.
Vorticosus motus tandem amittitur.
 323.

Z.

Zinezum fumum & flammam emittit.
 273.

Z z 2

ERRA

E R R A T A.

- Pag. 8. lin. 8. sinum , lege , sinuum.
 Pag. 47. lin. 4. rectilnea , lege , rectilinea.
 Pag. 152. lin. 22. tertiosc hemate , lege , tertio schemate.
 Pag. 224. lin. 6. coloires } lege { colores
 7. radi } radii
 Pag. 246. lin. 5. & 6. causu , lege , causa.
 Pag. 251. lin. 3. reflexiones , lege , inflexiones.
 Pag. 305. lin. 28. elkali , lege , alkali.

F I N I S.

N. B. Quantunque la Tav. del libro serro sia segnata Tabula I., il che può far sospettare di prima giunta che ce ne mandii alcun'altra, essa di detto libro è unica.

